

პერ ლაბერკვიწტი

ქორწილი

**თარგმნა
მანანა შიქელაძე**



**გამომცემლობა ინტელექტი
თბილისი**

ნობელის პრემიის ლაურეატები

საგამომცემლო პროექტის ავტორი

კახეზ კულავა

ISSN 1512-4568

ISBN 978-9941-402-04-3

© თარგმანი, მანანა მიქელაძე, 2008

© გამომცემლობა „ინტელიჯენტი“. 2008

„მზე ყოველ ადამიანში“

წიგნის ხელში აღებისთანავე სადღესასწაულო და ბედნიერი სიტყვა ქორწილი შემოგანათებთ – თითქოს შორეთში მიკარგული ღიმილით, გვირგვინით, თაიგულით – იქვე, კუთხეში მიჩუმებული შემოქმედის ფიქრებში წასული, ნისლდაფენილი სახე – მის უკან კი ჯალათი წითელი მოსასხამით – ეს ყველაფერი კიდევ ერთხელ შეგვახსენებს, რომ სიბარული და სევდა, ზეიმი და მოწყენა, სიკეთე და ბოროტება, სიკვდილი და სიცოცხლე განუყოფელი ცნებებია.

და რადგან პერ ლაგერკვისტის თხზულებათა კრებულის, მანანა მიქელაძისეული მშვენიერი თარგმანების, სათაურად მაინც ქორწილი შეირჩა, ჩვენც ამით დავიწყით –

„ქორწილი“ – თითქოს ზედმეტად ხმაურიანიც კი მომჩვენა ეს სათაური ნოველისათვის, რომელშიც საოცარი სიმშვიდე, სიმყუდროვე და კეთილგანწყობა წაბუდებულია მთავარი გმირის წყალობით.

აქ თითქოს ორი სამყაროა ერთმანეთთან დაპირისპირებული. ორი ერთმანეთისაგან გაუცხოებული, სრულიად განსხვავებული სამყარო: ამ „გაუგებარი“ ქორწინებით გაოცებული, სასტად დარჩენილი ნათესავები და უკვე ხანდაზმული, უცნაურ მოლოდინად ქცეული წვეილი.

ამ სამყაროთა ზღვარზე ყველაფერი თვალშისაცემად კონტრასტულია: ყავის მძაში გართული სტუმრები და ბუხარს მიყრდნობილი, „კიკოსავით მარტო დარჩენილი სასიძო“; იმავე სტუმრების დამცინავი ქირქილი და იუნასის „გულწრფელი, ნათელი ღიმილი – მრავალთა სამყაროში ყველაფერი ზედმეტად მიწიერი და ყოფითია, ყოველგვარი პოეზიისაგან დაცლილი და უფერული, ორის სამყაროში კი, აქამდე „მარტობის სიმძიმით დათრგუნული“ ორის სამყაროში – ზეციური, ამაღლებული, ვინ იცის, რამდენჯერ ნაოცნებარი და ნასათუთარი –

ყველაზე მეტი საოცრება კი იქ ხდება, „ზემოთ, სხვენის ოთახში“, სადაც საპატარძლო ირთება. სადღაც გამქრალა „ბებრუხანა ფრიდა“, სარკიდან სულ სხვა, ბედნიერი, ნეტარების მოლოდინით შეპყრობილი ქალი იმზირება. და მასთან ერთად მკითხველსაც უცნაური განწყობა ეუფლება. მის სულისავე ერთდროულად აფორიაქებს და ამშვიდებს ფრიდას განცდები, წარსულსა და მომავალზე მხოლოდ საკუთარ თავთან განდობილი, სხვათათვის გაუმხველელი ფიქრები: „წარმოგიდგენიათ! ეს დღევ დადგა! დღეს იუნასთან ერთად საკუთარველის წინ დადგება და შეერთდებიან – მათი სულები სამარადჟამოდ უნდა

შეუღლდნენ. მარტოსულები აღარ იქნებიან, აღარც თავად, აღარც იუნასი. არა, მაინც რა უცნაურია, მარტოსულები აღარ იქნებიან“—

ადამიანის ცხოვრების ყველაზე გამორჩეული დღის ამგვარი განცდა კიდევ უფრო მომხიბვლელს ხდის ფრიდას. იქ მყოფი ყველა ქალბატონის სილა-მაზეს ჩრდილავს საკუთარი ხელით დამზადებულ, „ნატიფად დაწნულ“ ტუჩის გვირგვინსა და ტულის მსუბუქ, ჰაეროვან ფატაში გამოწყობილი საპატარ-ძლო, რადგან იგი „ამ წუთებში ჭეშმარიტად მშვენიერია“. იუნასიც როგორ დააბნია და შეაცბუნა სასურველი არსების ამგვარმა სახეცვლილებამ. კეთილი, მორიდებული, სხვებისგან ვერშემჩნეული, მაღლიერებით საესე იუნასი, ამ დღემ სრულიად სხვა ადამიანად რომ აქცია და ისიც „აფეთქებული მხერით შესცქ-ერის— თვალისმომჭრელი სითეთრითა და სილამაზით გაბრწყინებულ ხილვას“ — ქალს, სახელად ფრიდას—

ის, რაც ორს სამყაროში ხდება, სტუმრებისთვის „უბრალოდ მხიარული დღესასწაულია, სადაც შეიძლება იცეკვო და იცინო“, იუნასისა და ფრიდასათვის კი ყველაზე „მნიშვნელოვანი და სერიოზული დღე“, როცა „ორი ადამიანი ერთ მთლიანობად უნდა გადაიქცეს“. მათთან ერთად მკითხველიც ხელშეასხებად გრძნობს ორი გულის ერთმანეთისკენ სწრაფვას. გრძნობს, თუ როგორ „ელტ-ვის ერთმანეთს ორი მოხეტიალე სული, დარდობს, ეწამება, ფრინველებივით ერთმანეთს იხმობს“ და ემზადება „სიყვარულის ნათელ სავანეში შესასვლე-ლად“—

ისინი დიდხანს, დიდხანს ექებდნენ ერთმანეთს, ახლა კი უკვე ვერაფერი დაშორებთ— და ბედნიერი წყვილი „თვალზეგაბრწყინებული შეაბიჯებს საქორ-წინო დარბაზში“. ისინი ვერ ამჩნევენ „თვალზეგად გადაქცეულ ქალებსა“ და მამაკაცებს, უხერხულობის დასაფარავად რომ ასველებენ. ხედავენ მხოლოდ მოძღვარს და „მის წინაშე სიხარულით ალტაცებულნი დაეშვებიან მუხლებზე“.

ეს გასაოცარი მოკრძალება და თვინიერება ისეთ საყვარელ, „დიდ ბავშვებად“ ხდის მათ— ისე გაბრწყინებულა მზითა და სისპეტაკით ირგვლივ ყველაფერი— „ისე ატაცებულან ამ წუთის სიღიადით“— მაგრამ ეს მხოლოდ ამ ორისათვის— მხოლოდ ეს ორნი— „ოდუმალ მხერას ერთმანეთისკენ აპარებენ“—

სტუმრები კი— რა თქმა უნდა, ისინი ალტაცებულნი არ არიან. მილოცვებ-საც ფამილარობის ელფერი დაკრავს. რა ქნან, წესია ასეთი, თორემ სულაც არ აღარდებთ არც „თეთრ კაბაში გამოპრანჭული სულელი დედაკაცი“ და არც მისი გულის რჩეული. სულ მალე კი ყველა ერთად აყაყანდება. სუფრასთან კიდევ უფრო გახალისდებიან და გამოცოცხლდებიან, „კიდევ ჭამენ და კიდევ დალევენ“. განა სწორედ ამისთვის არ მოვიდნენ აქ? და არა იმისთვის, ტორტის ზედაპირზე „მოგვირისტებული ინიციალები „ი“ და „ფ“ არ გამოჩინოდათ მხედველობიდან.

„სამაგიუროდ, იონასი და ფრიდა შეამჩნევენ მაშინვე და მაგიდის ქვეშ ხელჩაკიდებულნი, ერთმანეთს ნაზ და ბედნიერ მზერას შეაუღებენ“. ისინი თითქოს სულ სხვა სამყაროდან არიან მოსული, თითქოს სრულიად შემთხვევით მოხვდნენ აქ. რამდენადაც ამბილებული და განწმენდილია მათი განწყობილება, იმდენად უსასხური და პროზაულია შორიდან მაცქერალთა განცდები.

არა, აქ უკვე წყვილს ნამდვილად აღარაფერი ესაქმება და ისინიც ტოვებენ მოყაყანე, მოქირქილე სტუმრებს, განერიდებიან მათ, რათა სრულიად სხვა, ჯერ უცნობი და იღუმალი სამყაროს ტყვეობაში მოექცნენ. ისინი ხომ ასე ესწრაფოდნენ ამ „ღიად და მშვენიერ წამთან მისვლას“. შემოდგომის საღამოც ისე წყნარია— ვარსკვლავთა ციალიც ისე თვალისმომჭრელი— თითქოს ყველაფერი საგანგებოდ მათთვისაა შექმნილი და განკუთვნილი—

და ნეტარებით აღვსილი ორი არსება სიყვარულის ყოვლისმომცველ ზღვაში იძირება სრულქმნილი ბედნიერების აღმოსაჩენად და შესაცნობად— მერე კი, ამ აღმოჩენით „გაოგნებულნი და ცოტა თავზარდაცემულნი— წვანან ლოყუბაწითლებულნი, საკოცნელად ტუჩებგამზადებულნი, ერთმანეთს ჩახუტებულნი და როგორც დიადი ქებათა ქება ზეცისა, როგორც წმიდათაწმიდა ოსანა არსთა ერთიანობისა, ისე დაპყურებთ ვარსკვლავთა ქორო, რომელიც ბინდის ჩამუქვბასთან ერთად უფრო და უფრო მრავლდება“.

და მირიად ვარსკვლავთა ჟრამულში ზარივით ხმიანდება ფსალმუნის სიტყვები: „ვითარცა სურინ ირეშა წყაროსა მიძართ წყალთასა, ეგრეთვე სურინ სულსა ჩეშსა შენდამი—“

ქორწილი? არა, ეს რაღაც უფრო სხვა იყო— და თუ იკითხავთ: მაინც რა? მე გიპასუხებთ: ერთ არსებად ქცევის საიდუმლო მისტერია.

ეს მშვენიერი ნოველა ლაგერკვისტის მრავალფეროვანი შემოქმედების მცირე ანასხლეტია მხოლოდ.

შვედი პროზაიკოსი, პოეტი და დრამატურგი პერ ფაბიან ლაგერკვისტი 1891 წლის 23 მაისს დაიბადა სამხრეთ შვეციის პატარა ქალაქ ვექსიოში. ის გახლდათ იოჰანა და ანდერის იოჰან ლაგერკვისტების შვიდი შვილიდან უმცროსთაგანი. პერი ბავშვობიდანვე ბევრს კითხულობდა. სკოლის დამთავრების შემდეგ, 1910 წლიდან, მომავალი მწერალი ორი წლის მანძილზე უსპალის უნივერსიტეტში ხელოვნებასა და ლიტერატურას ეუფლებოდა.

ლაგერკვისტის ლიტერატურული დებიუტი 1912 წელს შედგა, როცა მან გამოაქვეყნა რამდენიმე ლექსი და მოთხრობა „ადამიანები“. უკვე პირველი მოთხრობის სათაური მიგვანიშნებს, რომ ადამიანი მთელი თავისი არსით, დადებითი და უარყოფითი მხარეებით, მწერლის შემოქმედების მთავარი საყრდენი და ცენტრალური ფიგურაა.

განსაკუთრებული აღიარება ლაგერკვისტს მოუტანა 1916 წელს გამოქვეყნებულმა პოეტურმა კრებულმა „სევდა“, რომელიც შვედური ექსპრესიონიზმის პირველ ნიმუშად ითვლება. შემდგომშიც არაერთი პოეტური კრებული შესთავაზა მკითხველს – „ქაოსი“, „გულის სიმღერები“, „ცეცხლთან“, „პოეზია და ბრძოლა“. ეს უკანასკნელი სახელწოდება სახიერად წარმოგვიდგენს პასუხისმგებლობასა და მოვალეობას იმ შემოქმედისა, რომელსაც პოეზია და, ზოგადად, ლიტერატურა ცხოვრებასთან მუდმივ ჭიდილად, ბრძოლად მიაჩნდა.

ეს ტენდენცია იკვეთება პერ ლაგერკვისტის პიესებშიც – „ბოლო ადამიანი“, „ცათა საიდუმლო“, „მეფე“, „უსულო ადამიანი“ და სხვ., რომლებიც გამოირჩევა საოცარი დამაჯერებლობით, პერსონაჟთა ხასიათების ოსტატური ძერწვით.

„ლიტერატურა ყველაზე დიდი მონაპოვარია, რაც კაცობრიობას საკუთარ რაობაში გასარკვევად შეუქმნია“ – აღნიშნავს ორჰან ფაშუქი. ამ სიტყვების ჭეშმარიტებას ადასტურებს პერ ლაგერკვისტის მთელი შემოქმედება, განსაკუთრებით კი – პროზა. 1925 და 1927 წლებში მან დაწერა ორი წიგნი, რომლებიც, კრიტიკოსთა აზრით, მწერლის ყველაზე პიროვნულ ნაწარმოებებადაა მიჩნეული. ესენია – „სინამდვილის სტუმარი“ და „მოპოვებული ცხოვრება“. პირველში მოთხრობილია ავტორის ბავშვობასა და იმაზე, თუ რა ადრეული ასაკიდან სდევდა თან სიკვდილის განცდა; ხოლო მეორე წარმოადგენს ფილოსოფიური ფიქრების კრებულს, შეხედულებებს საკუთარ შემოქმედებასა და სამყაროზე. ამერიკელი კრიტიკოსის, ალრიკ გუსტაფონის აზრით, ეს ნაწარმოებები ამტკიცებს ლაგერკვისტის რწმენას „ადამიანის დაურღვეველ სულსა და ბოროტებაზე კეთილის საბოლოო გამარჯვებაზე“.

სწორედ ადამიანი, როგორც უკვე აღვნიშნეთ, თავისი დაურღვეველი სულით, განცდებით, ტანჯვით, მწუხარებით, ძიებით, ბედნიერების ხანმოკლე გამონათებით წარმოადგენს მწერლის ფიქრისა და განსჯის მთავარ თემას, რადგან „ადამიანივით არც ერთი ცოცხალი არსება არ იტანჯება და ამასთანავე, სწორედ ჩვენ, როგორც არავენ, ისე ვართ სიუხვისა და ბედნიერებისათვის შექმნილები“.

ამის მკაფიო ნიმუშია მოთხრობა „განთავისუფლებული ადამიანი“. ესაა ჩანაწერები ტუსადისა, რომელიც, სხვების მსგავსად, „ზურგით ცხოვრების სილატაკესლა მიათრევს“, მაგრამ იმ ბევრისგან განსხვავებით ციხის კედლების მიღმა ისეთი მღელვარე ემოციებით ცხოვრობს, გარეთ დარჩენილებს რომ „სიზმრადაც არ მოლანდებიათ“ –

ეს ნაწარმოები არის ძიება პირველქმნილი სამყაროსი — „ყოველივე ასე რად გარდაისახა? ისეთად რად არ დარჩა, როგორც პირველ დღეს იყო?“; დაკარგული სიხარულის, ვიღაცამ თუ რაღაცამ რომ უმოწყალოდ მოსპო; გაუწინარებული ადამიანის — „ვისკენაც განთიადი მზის პირველ სხივს მიმართავედა, ვინც მინდვრებში იხეტიალებდა და სინათლის უსაყვარლესი ქმნილება გახდებოდა“; ფერთა იდუმალების — „ცისფერს თავისი აზრი აქვს, წითელს — თავისი“ —

აქ მთელი სამყარო პატარა, ერთი შეხედვით, უბრალო, მრგვალ კენჭშია მოთავსებული, რომელიც სინამდვილეში „ამოუწურავ მრავალფეროვნებას იტევს“: თანავარსკვლავედთა იდუმალებას, ზღვის უსასრულო სტიქიას, ქვიშის შრიალს, საყვარელი ქალის „თმის მზიურ შარავანდელს“, აყვავებული ხეების სურნელს, დავიწყებულ ბილიქს, გარეთ დარჩენილ თავისუფლებას —

პატიმრის ჩანაწერები საკუთარ სულში ჩაბრუნებული მზერაა, დაყურსული ფიქრია სინათლის უძველეს სამყაროზე; ადამიანის დანიშნულებაზე — „ზეცაც შენია და მიწაც, მაგრამ ის ტვირთიც შენია, რომელსაც სხვა ვერავინ ასწევს“. ესაა ფიქრი იმაზე, რაც კაცობრიობის მარადიული განსჯის საგანს წარმოადგენს — „ბოროტი და კეთილი! ცოდვა და სიკეთე! უფსკრულიდან სინათლისა და სიწმინდის მწვერვალისაკენ აღმასვლა!“ წვდომა იმისა, რომ „შობის საათი დიადი სიხარულის საათი იყო“ და კიდევ ერთხელ მიგება იმ ჭეშმარიტებისა, რომ ამქვეყნად „შხოლოდ შექმნის მარადიული, ბრწყინვალე დღის რწმენა და სიხარული არსებობს“.

შეუძლებელია აღვლევდნ, ემოციის გარეშე წაიკითხო ერთი კაცის დიდი ცხოვრების პატარა ფრაგმენტები, მკაფიო დადასტურება იმისა, რომ არავითარ ძალადობას არ შეუძლია დათრგუნოს მოაზროვნე არსებაში შეუცნობელი სიმაღლეებისაკენ სწრაფვა და რომ ხშირად მაღალი კედლის იქით მყოფნი აქეთ დარჩენილებზე მეტად თავისუფალნი არიან. ყოველივე ეს კიდევ ერთხელ შეგვახსენებს სოკრატეს ნათქვამის უტყუარობას: „მზე ყოველ ადამიანშია, ოღონდ მიეციოთ საშუალება, რომ გამოანათოს“. ასე ეძებდა პერ ლაგერკვისტი მზის ნამცერვეს ადამის ყოველ შთამომავალში, მათ შორის ბარაბაში —

რომანი „ბარაბა“ 1950 წელს გამოქვეყნდა და მაშინვე მიიპყრო კრიტიკოსთა და მწერალთა ყურადღება. ანდრე ჟიდიმ მას „შესანიშნავი წიგნი“ უწოდა, ხოლო ჩარლზ როლომ — „ჭეშმარიტი შედევრი“. კრიტიკოსთა აზრით, ამ რომანის შექმნამდე სახარებისუელი ამბავი არ ყოფილა მოთხრობილი ამგვარი სულიერი ძლევაბოისილებითა და სიზუსტით. „ბარაბა“ მწერლის ყველაზე პოპულარული წიგნია. 1952 წელს ამ რომანის მიხედვით ფილმიც გადაიღეს

იქამდე კი უკვე საყოველთაოდ ცნობილი შემოქმედის დამსახურება შესაფერისად აღნიშნა.

1951 წელს პერ ლაგერკვისტს მიენიჭა ნობელის პრემია ლიტერატურის დარგში „მატერული ძალისა და მწერლის აბსოლუტურად დამოუკიდებელი მსჯელობებისათვის. ის ცდილობდა, თავის შემოქმედებაში მოექმნა პასუხი მარადიულ კითხვებზე, კაცობრიობის წინაშე რომ დგას“. შევდეთის აკადემიის წევრმა ანდრეს ესტერლინგმა აღნიშნა, რომ „ლაგერკვისტი განეკუთვნება იმ მწერალთა რიცხვს, რომლებიც თამამად და დაუფარავად ეხებოდნენ კაცობრიობის ყველაზე საჭირობო საკითხებს და ჩვენი არსებობის ძირეულ პრობლემებს“. ასე შეაფასა მოაზროვნე სამყარომ მწერლის მრავალწლიანი, ნაყოფიერი გარჯა და რუდუნება.

ლაგერკვისტი საოცრად მორცხვი და გულჩათხრობილი ადამიანი იყო. ნობელის პრემიის გადაცემის ცერემონიაზე მას საპასუხო სიტყვა არ წარმოუთქვამს. ამის ნაცვლად, ჯილდოსთვის სამადლობელი რამდენიმე სიტყვის შემდეგ, წაიკითხა ნაწყვეტი 30 წლის წინ დაწერილი და გამოუქვეყნებელი წიგნიდან „კაცობრიობის მითი“.

ჩვენ კი ისევ მწერლის უპირველეს რომანს მივუბრუნდით.

ბარაბა – ეს სახელი თვალწინ გვიხატავს თითქმის 20 საუკუნის წინ მომხდარ ამბავს: „დღესასწაულზე ჩვეულებად ჰქონდა განმგებელს, ხალხს უთავისუფლებდა ხოლმე პატიმარს, რომელსაც მოისურვებდნენ. ხოლო მაშინ ჰყავდათ ცნობილი პატიმარი, ბარაბად წოდებული. როცა მათ თავი მოიყარეს, უთხრა მათ პილატემ: „ვინ გსურთ, რომ გაგითავისუფლოთ, ბარაბა თუ იესო, ქრისტედ წოდებული?“ ვინაიდან იცოდა, რომ შურით გასცეს იგი. ხოლო მღვდელმთავრებმა და უხუცესებმა დაარწმუნეს, რომ ბარაბა გამოეთხოვათ, ხოლო იესო დაეღუპათ. ასე უპასუხა და უთხრა მათ განმგებელმა: „ამ ორიდან რომელი გსურთ, რომ გაგითავისუფლოთ?“ მათ უთხრეს: „ბარაბა“.

არავინ იცის, რას ფიქრობდა, რას განიცდიდა იმ წუთებში ბარაბა. ან საერთოდ, როგორ ცხოვრობდა შემდგომ. საოცარია! ხშირად ვიხსენებთ იუდას, ჯვარცმულ ავაზაკებს, მათს სიტყვებს, ქცევას, ბარაბა კი რატომღაც აღარ გვახსოვს. პირველი ასწლეულიდან მოარღვევს სივრცეს ეს უცნაური, ტრაგიკული ხვედრის მქონე ადამიანი და მხოლოდ XX საუკუნეში შეძლო თავისი ფიქრების, განცდების საშუაოზე გამოტანა და – მოსვენებაც.

„ყველამ იცის, მაშინ ისინი ჯვარზე როგორ ეკიდნენ –“ რომანის პირველივე ფრაზა მკითხველის თვალწინ აცოცხლებს ყველაფერს, რაც მოხდა პრეტორიიდან

გოლგოთამდე და თავად იქ- თითქოს ისპობა ზღვარი დროსა და სივრცეში- სულში შემოდის ტყვილი, ცრემლი-

ბარაბას პორტრეტიც ისე ზუსტადაა მიგნებული, ისე მეტყველად დახატული: „ოცდაათორდე წლის თუ იქნებოდა. ჩასკენილი იყო, თუმცა სახე ჩაყითლებოდა. წითური წვერი და შავი თმა ჰქონდა, წარბებიც - შავი. თვალები კი თითქოს იმისთვის ჩაცვენოდა, რომ გამოხედვა უკეთ დაემალა. ერთი უქედან ღრმა ნაჭრილობევი იწყებოდა, ნიკაბთან ეშვებოდა და წვერში იკარგებოდა“. ამის შემდეგ, მართლაც ძნელია, სხვანაირად წარმოიდგინო იგი - უთვისტომო კაცი, რომლის გამოც „ჯვარზე რომ ჩამოეკიდათ, ცრემლი არ დაიღვრებოდა“- ვისაც თავისი ცხოვრების ყველაზე უჩვეულო დღიდან სხვისი წილი თავისუფლებით უნდა ევლო და ეტარებინა მძიმე ჯვარი, მისთვის შეუძნეველად რომ დააწვა მხარებზე-“

— ბარაბა სამარეს მიუახლოვდა და ცოტა ხნით გაჩერდა. თუმცა არ ულოცია. ის ბოროტმოქმედი იყო, ბოროტმოქმედთა ლოცვა კი საერთოდ ზეცას ვერ აღწევს. ესეც არ იყოს, ბარაბას ცოდვები არ ჰქონდა მონანიებული. თანაც, ამ კაცს სულ არ იცნობდა, ისე, სხვათა შორის, გაჩერდა ცოტა ხნით.

შემდეგ იერუსალიმისკენ მიმავალ გზას გაუყვება“.

ასე იწყება ამბავი ბარაბასი, მძვინვარე ყაჩაღისა, ვისთვისაც იმ წუთებში ისე შეუცნობელი იყო მაცხოვრის სინათლე და შარავანდელი- და ვისაც ამის შემდეგ მთელი ცხოვრება, თუნდაც მისთვის გაუცნობიერებლად, სწორედ ღმერთის ძიებასა და შეცნობაში უნდა გაეტარებინა, რათა მიმხედარიყო, რაოდენ უსარგებლო და უცხოა ირგვლივ ყოველივე იმ მთაყვართან შედარებით- რათა სიცოცხლის ბოლო წუთებში ნეტარებით ეთქვა: „შენ გაბარებ ჩემს სულს“.

ამას ამბობს „ბარაბა-შენდობილი“ - კაცი, „ვისაც ღმერთი არ ჰყავს“, მაგრამ ვისაც „უნდა, რომ სწამდეს“. ვინც ისევე მართო კვდება, როგორც იშვა ამქვეყნად და, თავდაც ჯვარცმული, უკანასკნელ ამოსუნთქვამდე არა სიკვდილს, არამედ სწორედ ოდესღაც მის ნაცვლად ჯვარცმულ მაცხოვარს მიმართავს: „შენ გაბარებ ჩემს სულს!“

„ბარაბა“ არის წიგნი რწმენაზე, რომელიც კიდევ ერთხელ გვიდასტურებს, რომ „მთელ სამყაროში მართლაც არსებობს ერთადერთი ძლიერი ღმერთი, ზეცისა და მიწის მეუფე, რომელიც თავის კანონს ყველგან- აწყებს“.

რწმენის აუცილებლობაზე, მის ძიებაზეა საუბარი „ოუპან-მაცხოვარშიც“, რადგან ჭეშმარიტად ბედნიერია მხოლოდ ის, ვის გულშიც ღვთის სიყვარულის მარადიული, გაუქრობელი ცეცხლი ანთია.

რომანი „ჯალათი“ ლაგერკვისტმა 1933 წელს დაწერა, ხოლო 1934 წელს იმავე სახელწოდების პიესად გადაამუშავა. მწერალმა მკაცრი სასჯელი გამოუტანა

ტირანისა და კიდევ ერთხელ ყველას გასაგონად თქვა: უარი ძალადობას! მათ, ვინც ცდილობენ ადამიანები შემის ნაფოტებად აქციონ! დაავიწყონ ფიქრი, ოცნება, სურვილები. ჩაკლან მათში საკუთარი აზრი!

ნაწარმოებში მოქმედება უბრალო სამიკიტნოს ფარგლებს არ სცილდება, მაგრამ მაინც მთელ ქვეყნიერებას მოიცავს. ქვეყნიერებას, რომელიც თითქოს ერთ ვრცელ საქონდაქრედ ქცეულა, ხოლო იქ მყოფთ აერთიანებთ სიტყვა — ჯალათი.

არაფერი შეცვლილა წარსულიდან დღემდე. ისევ მეფობს ბოროტება და სისასტიკე. ადამიანთა გულებიდან ქრება სიყვარული, თანაღმობა, სიბრალული. იბადება აზრი ომის აუცილებლობაზე, „კაცობრიობის ცოტათი კიდევ განწმენდაზე“.

ჯალათის მონოლოგი, რომანის ფინალში, ბოროტების მრავალსაუკუნოვანი ისტორიაა პირველი „ძმის დაკვლიდან“ და იესოს ჯვარცმოდან მოყოლებული. ის ისევ აქ არის, ჩვენ შორის, რადგან საკმაოდ მყარი ტახტი უდგას დედამიწაზე ისევ და ისევ გულქვა ადამიანთა წყალობით, რომლებმაც დაიფიქვეს ნამდვილი უფალი და ბოროტება აქციეს ღმერთად.

და მაინც — რადგან ზოგჯერ ჯალათშიც იღვიძებს მინავლული სიკეთე და სიყვარული; რადგან ზოგჯერ მასაც შეუძლია სსოენის წიაღიდან გამოიხმოს მაცხოვრის ბავშვობაში ჩარჩენილი „შროშნებით მოფენილი ველები“, უცქიროს საკუთარი სახლის თანჯრების მიღმა „სალამოს სიჩუმეში ჩათვლებილ მინდვრებსა თუ ყვავილებს და ღრმა ღვთაებრივი სიმშვიდით შემოსილ ხეებს“, ხოლო საშინელი ღამის შემდეგ გასწიოს „ბურუსიანი განთიადის შესასვედრად“, რჩება იმედი, რომ ერთ მშენიერ დღეს განთიადი ამ ბურუსსაც ჩამოიშორებს და მთელი თავისი ბრწყინვალეობით ამოგიზგიზდება!

ამ რომანით, სხვა ნაწარმოებების მსგავსად, პერ ლაგერკვისტმა კიდევ ერთხელ ცხადყო, რომ პიროვნული თავისუფლება და ჰუმანიზმი მისთვის მთავარი ღირებულებებია.

ნობელის პრემიის მინიჭების შემდეგ მწერალი განაგრძობდა ნაყოფიერ მუშაობას; დაამთავრა ლექსების კიდევ ერთი კრებული „სალამოს მიწა“; დაწერა ხუთი რომანი: „სიბილა“, „აქასფერის სიკვდილი“, „მიმლოცველი ზღვაში“, „წმინდა მიწა“ და „მარიამნა“.

პერ ლაგერკვისტი 1974 წლის 11 ივლისს გარდაიცვალა 83 წლის ასაკში.

ორპან ფამუქი მწერლობას „ნემსით ჭის თხრას“ (თურქული ხალხური გამოთქმა) ადარებს, რაც კიდევ ერთხელ მიგვანიშნებს, რომ მწერლობა შეუძლებელის შეძლება, მოუღწევლის მიღწევაა. პერ ლაგერკვისტმა ეს

მისია წარმატებით შეასრულა. მან თავისი საჩინო შემოქმედებით და უჩინარი არსებობით დაადასტურა, რომ „ადამიანი – მარადოული ნებაა გამარჯვების!“

P. S. „ციხის მიწაზე ალუბლის ხე იზრდებოდა. მოჭრეს და მანც ყვავის შემის გროვად გადაქცეულა და მანც ყვავის ჩამოჭრილი ტოტები ისევ ცოცხალია, თეთრი ყვავილებით მორთულა.

სიცოცხლემ ვერ გაიგო, რომ ალუბალი მოჭრეს და, როგორც ყოველთვის, ჩვეულებისამებრ, ყვავილებით მორთო“.

ასე რომ, ცხოვრება, ყველაფრის მიუხედავად, მანც ზეიმა! ცხოვრება გრძელდება თეთრი ვარდების თაიგულით, სიხარულით, ღიმილით, აყვავებული გაზაფხულით–

ქორწილში გელით!

კეთილი იყოს თქვენი მობრძანება პერ ლაგერკვისტის სამყაროში!

ეთერ გარიაშვილი

ქორნილი

იუნასისა და ფრიდას ჯვრისწერა ოთხი საათისთვისაა დანიშნული. სადგურის დასახლების განაპირას მდგარ პატარა, სადღესასწაულოდ მორთულ სახლში სტუმრები უკვე იკრიბებიან. ხუტორიდან ოთხთვალეები მოგრიალდა, ფრიდას იქ ორიოდე ნათესავი შემორჩა, იუნასს კი ნათესავები საერთოდ არა ჰყავს. დასახლებიდანაც ბლომად მოგროვდნენ, სულ თხუთმეტიოდე კაცი იქნება.

მშვენიერი ამინდია და მამაკაცები ეზოში რჩებიან, ბაღში სეირნობენ, ერთმანეთს ესაუბრებიან, ელაპარაკებიან; შემდეგ სახლს შემოუვლიან და აღმოსავლეთ ფრონტონზე, პატარა კარს ზემოთ მიმაგრებულ გაცვეთილ აბრას „ფრიდა იუჰანსონი, ხელსაქმე“, ისე ათვალეიერებენ, თითქოს რაღაცას ამონებენ. „ჰოო... ესე იგი ფრიდას ვათხოვებთ, არა?“ — თქმით ამასლა ამბობენ, თუმცა, ალბათ, გულში სხვა რამესაც ფიქრობენ.

მართალი რომ ითქვას, ეს ქორწინება ცოტა გაუგებარიც კია, მაგრამ სუფრას, ალბათ, წესისა და რიგის მიხედვით გაშლიან და რახან დაპატიუეს, უარს ხომ არ იტყვიან. ჰოდა, სახლში შესვლის დროს ელოდებიან.

სასიძო პარმალზე დგას. ტანდაბალსა და უსახურს, ჟღალი უღვაშები ჩამოჰკონნიანება, სახეზე კი ბედნიერი ღიმილი დასთამაშებს, წუთითაც არ სცილდება. ნათელ, სიკეთითა და მაღლიერებით აღსავსე თვალეებს ისე ხშირად ახამხამებს, თითქოს ვიღაცას ემალება. თავიც გვერდით ისე გადაუხრია, თითქოს ვიღაცას ყურადღებით უსმენს. ჰო, ვერაფერს იტყვი, ერთი შეხედვით, სასიამოვნო კაცია. აქაურები იუნასს შლაგბაუმს ეძახიან, თუმცა სინამდვილეში სამუელსონი ჰქვია. ეს იმ დროიდან შეერქვა, როცა რკინიგზის გადასასვლელთან საათობით იდგა და მგზავრებს ელოდა, რათა ბარგი გადაეზიდა. ეს კი დიდხანს გაგრძელდა, სანამ უფრო სარფიანი საქმე არ იშოვნა. ახლა კარგა ხანია სასტუმროში მუშაობს მზიდავად და შლაგბაუმთან დგომა თანამდებობითაც კი ეკუთვნის. რას იზამ, ასეთი ხელობა აქვს. თუმცა ახლა აგერ ფრიდა მოჰყავს ცოლად და ვინლა იცის როგორი გახდება; დუქანში ჩადგება თუ, საერთოდ,

უსაქმურად გადაიქცევა. ფრიდასას რას გაიგებ, რა გეგმები ან რამდენი ფული აქვს. არც ერთმა სულიერმა არ იცის, იქნებ ბლომადაც მოაქურა. დუქანში კი მშვენივრად გამოიყენებს, სწორედ შესაფერი-სი საქმეა, სიმკვირცხლით დიდად არ გამოირჩევა.

ნათესავებს ფრიდას ასე მოულოდნელი გათხოვება გულზე დიდად არ ეხატებათ. არცაა გასაკვირი. ის კი არ ადარდებთ, ან რა როგორ იცხოვრებსო, თავში ქვაც უხლია, იმას ეჭვობენ ამ ასაკში გათხოვება საერთოდ თუ იყო საჭიროო და თუმცა ხმამაღლა არ ამბობენ, სულის სიღრმეში, ნამდვილად არ იყო საჭიროო, ფიქრობენ. ცოტა ფულიც ექნება მოქუჩებულის, თუმცა ეს არც არავინ იცის და არც არავის აინტერესებს. რახან ატყდა, სხვას მაინც გაჰყოლოდა, რაღა ეს იუნასი აიჩემა. თუმცა მაინცდამაინც დიდი არც არჩევანი ჰქონია. ასე თუ ისე, ფრიდა მაინც ნათესავია და ვერც ოჯახიშვილობას დაუნუნებ. უცნაური კია, ნეტავ რამ მოაწონა. კი, ბატონო, რა თქმა უნდა, მისი საქმეა. რახან თავად უნდა, ყველაფერი კარგად ყოფილა. ჰო, კეთილი და გულგახსნილი კაცია; თვინიერიცაა, ამას ყველა ხედავს. ჰო, რა თქმა უნდა, რა თქმა უნდა...

იუნასი პარმალზე დგას, სტუმრებს ეგებება, რით მოვემსახუროო, თვალებს აქეთ-იქით აცეცებს. თუ ვინმეს ხელში გზად წამოღებულ იქურთუკი ან რაიმე სხვა დაუნახა, სულერთია, რაც უნდა იყოს, მაშინვე გამოართმევს და სახლში შეიტანს. ჰო, მომსახურება კი ეხერხება, ასეთ დღეს კი თავისი ვარგისიანობის გამოჩენა ყველას უნდა. მაგრამ აი, სტუმრები მოიკრიბებიან და საქმე გაუარესდება. მას აღარავინ ელაპარაკება, კიკოსავით მარტო რჩება, თუმცა მაინც იღიმება, სპეციალურად ამ დღისთვის ფრიდას შეკვეთილ შავ კოსტიუმში გამონყობილი დგას და იღიმება. საქმე აღარაფერი აქვს, გარეგნულად კი, როგორც ყოველთვის, მაინც კმაყოფილი იერი დაჰკრავს. ცოტაც და, საქმე ისევ გაუჩნდება, ყავას შემოიტანენ და ღიმილით ყველას სკამებს შესთავაზებს, თუმცა თქმით ისევ არაფერს ამბობს, უსარგებლო საუბარს მაინცდამაინც ვერ ეგუება. ერთი პირობა, ნუ მოგერიდებთ, მიირთვითო, დააპირა ეთქვა, მაგრამ გადაიფიქრა, ბოლოს და ბოლოს ეს ყველაფერი ხომ ფრიდასია, არ ღირსო, გადანყვიტა. სტუმრები კი ისედაც კარგად მიირთმევენ, მეორე ჭიქა ყავასაც მიაყოლებენ, ახმაურდებიან და გაშინაურდებიან კიდევ. იუნასი ნამდვილად ბედნიერია. ბუხარს მიყრდნობილი, ყავას სხვებთან ერთად წრუპავს და ყველას გულწრფელი კეთილმო-

სურნეობით უსმენს. შემდეგ ახალი ყავადანისათვის სამზარეულო-ში გაიქცევა, ფანჯარასთან, მაგიდას შემომსხდარ ქალბატონებს შაქარს მიართმევს, ვისაც მისწვდება, ყველას მოემსახურება. რა თქმა უნდა, ნეფე გემსახურებოდეს მაინცდამაინც მიღებული არაა, მაგრამ სასიძომ ეტყობა ამის შესახებ არაფერი იცის. ჰოდა, სტუმრები თავისთვის ქირქილებენ, ნეფე კი გულწრფელი, ნათელი ღიმილით პასუხობს. „სულელია თუ... ისე სულელივით კი იღიმება. არა, არა, გონიერი, ნათელი ღიმილი აქვს, მაგრამ რა არის სულ ღიმილად რომ იღვრება. ალბათ, გახარებულია. ისე გასაღიმებლად კი აქვს საქმე, გაგიხარია!“

ზემოთ, სხვენის ოთახში, საპატარძლო ირთვება. აგნესა კარლ-სონი, როგორც ამბობენ, უახლოესი მეგობარი, მეთხელებულ თმას მაშებით ისე უხვევს, რომ ეზოც კი დამწვრის სუნით ივსება. ფრიდა თმას ცხოვრებაში პირველად იხვევს, მაგრამ ასეთ დღეს უამისობა როგორ იქნება. კომოდიდან გადმოდგმულ სარკეში გულმოდგინედ იცქირება. ბებრუხანა ფრიდას თითქოს სხვა ვინმე შემოჰყურებს სარკიდან. მაგრამ ასეთ საზეიმო წუთებში, ალბათ, არც შეიძლება ადამიანი საკუთარ თავს ჰგავდეს.

წარმოგიდგენიათ, ეს დღეც დადგა! დღეს იუნასთან ერთად საკურთხევლის წინ დადგება და შეერთდებიან. უფლის წინაშე სამუდამოდ, სამარადისოდ შეუღლდებიან! წუთუ ეს დღე ნამდვილად დადგა, ეს ხომ ახლავე, სულ ახლავე მოხდება! — ნეტავ, ყვავილები თუ დადგეს სკამებთან, როგორც ვითხოვე, ჰა, აგნესა? როგორ ფიქრობ, დადგამდნენ? — წუ ლელავ, მოახერხებენ რამეს. — ტორტი? ნეტავ, მორთული ტორტი თუ მოიტანეს? — მოიტანეს, სად წაიღებდნენ. თავად არ ვნახე? კლასმა ისეთი ვეებერთელა კოლოფი მოიტანა, ტორტის გარდა სხვა რისა იქნებოდა. — ჰო, მაგრამ... იქნებ მაინც ჩასულიყავი და გენახა? — რაო? მაგის დრო სადა მაქვს, ჯერ თმა უნდა დაგიხვიო. — ჰო, ჰო, ესეც მნიშვნელოვანია. ასეთ დღეს ყველაფერი მნიშვნელოვანია, ყველაფერს მიხედვა უნდა.

ოჰ, ნეტავ, ყველაფერმა კარგად ჩაიაროს, ისეთი ზეიმი შედგეს, როგორსაც ელოდა, ამდებანს ოცნებობდა. ისეთი ზეიმი, ამ სერიოზულ და მნიშვნელოვან მომენტს რომ შეეფერება.

არის კი ამ ქვეყნად რამე უფრო მნიშვნელოვანი? ორი ადამიანი ერთ მთლიანობად უნდა გადაიქცეს, ღვთის წინაშე ერთმანეთს უნდა შეხვდნენ და უფლის ტახტთან კავშირი შეკრან. ბევრს არც კი

ესმის რა ზეიშია, უბრალოდ მხიარული დღესასწაული ჰგონიათ, სადაც შეიძლება იცეკვო და იცინო. რა თქმა უნდა, ესეც კარგია, თავადაც ხომ სული უცინის. მასზე გახარებულ, ბედნიერ პატარძალს ნამდვილად ვერ ნახავთ.

და მაინც... და მაინც... ამ უსაზღვრო სიხარულის მიუხედავად... რა მნიშვნელოვანი და სერიოზული დღეა! იუნასთან ერთად უმნიშვნელოვანეს ზღურბლს უნდა მიუახლოვდეს. მათი ცხოვრება უნდა შეერთდეს, ერთ მთლიანობად გადაიქცეს. მათი სულები სამარადეა-მოდ უნდა შეუღლდნენ. მარტოსულები აღარ იქნებიან, აღარც თავად, აღარც იუნასი. არა, მაინც რა უცნაურია, მარტოსულები აღარ იქნებიან. მარტოობა მასზე უკეთ ვის შეუცვნია. ჯერ კიდევ ბავშვი იყო, მშობლების სიკვდილის შემდეგ მარტო რომ დარჩა. მთელი ცხოვრება მარტოსული იყო. ყოველ ცისმარე დღეს მარტოობის სიმძიმე თრგუნავდა.

მაშ, რაღა გასაოცარი, რომ ასეთ მშვენიერ დღეს ყოველივე სილამაზითა და ღირსებით გაჯერებული უნდა რომ იხილოს.

— აბა, სარკეში ჩაიხედე, მოგნონს? — ეკითხება აგნესა. ფრიდანინ გადაიხრება, სარკეში თავის ანარეკლს შეხედავს, ხელს შუბლთან მიიტანს და უჩვეულო კულულებს შეავლებს.

პატარა, თხელი სახე სისხლნაკლებობით გატანჯულ გოგონას ამსგავსებს. თითქოს ნაკვთებიც ნაშლია, ლოყებიც ჩასცვენია. წლებმა თავისი დალი უკვე დაასვა, ნოჭებიც გაუჩინა, მაგრამ რალაცნაირად ისეთი წვრილი და ნაზი ნოჭებია, თითქოს განსაკუთრებული სიფრთხილით გაეხაზოთ. კისრის ნაჭრილობევიც კი ასეთივე წვრილი და ნაზი მოჩანს. მხოლოდ თვალები, დიდი, უსაზღვროდ მოკრძალებული და ნდობით აღვსილი თვალები აქვს უცნაურად ფართოდ გახელილი. პირი ისე ვიწრო უჩანს, თითქოს ძლიერი ხასიათი ჰქონდეს. სინამდვილეში კი ტუჩები აქვს მხოლოდ ისეთივე თხელი და უფერული, როგორც სხვა ყველაფერი. აი, ღიმილი კი ძალიან ცვლის. საკმარისია გაიღიმოს, მთელი სახე უნათდება. მას ხომ იმ მხარეში ყველაზე საუკეთესო ჩასმული კბილები აქვს. ყველა ასე ფიქრობს, თუმცა ამას დიდ მნიშვნელობას არავინ ანიჭებს. არადა, რა ლამაზი კბილებია!

ჰო, მზეთუნახავს ვერ დაარქმევ, არც არასოდეს ყოფილა და ახლა მით უმეტეს, მაგრამ მთელი მისი იერსახე ისე წარმოუდგენ-

ლად სუფთაა, თითქოს თეთრეულის მკერავი ან მეუთოე იყოს. თეთრეულს მართლაც მრავალი წელი კერავდა, სანამ დუქანს გახსნიდა. დუქანშიც ხომ ნატიან და სხვა სუფთა ნივთებთან აქვს საქმე, ხელიც იმიტომ მოჰკიდა. ხელებიც ქათქათა თეთრი აქვს, შავი სამუშაო არასოდეს უკეთებია, თუმცა შრომით ნამდვილად ბევრი იშრომა და ეს ყველამ იცის.

— გვირგვინიც ხომ არ დაგვედგა? — ეკითხება აგნესა. — შევხედოთ ერთი, ვარცხნილობას როგორ მოუხდება, ხომ ამბობდი, დავიდგამო.

— ჰო, აგნესა, ძვირფასო, მოდი მოვსინჯოთ.

და აგნესა კეფაზე სარჭებით უმაგრებს პატარა გვირგვინს, რომელიც ფრიდამ ტვიის ტოტებიდან ასე ნატიფად დანნა. ეს ტვია მემკვიდრეობით დედისგან მიიღო. თავადაც ასეთი გვირგვინი ეხურა პატარძლობისას. სამჯერ კინალამ დაილუპა ტვია, მაგრამ ფრიდამ ნერგები გადაურგა და გადარჩა. გვირგვინის შუაში ქალმა თეთრი ტიულის პატარა ნაჭერი ჩაამაგრა და მშვენიერი ფატა გამოუვიდა. ფრიდა ფეხზე წამოდგება და სარკეში თავს შეათვალიერებს. პერანგი და კაბა ჯერ არ ჩაუცვამს, არ დაიჭმუჭნოსო, მხოლოდ ნატიფი მაქმანით განყობილი ქათქათა თეთრი საცვალი აცვია, ზურგზე კი, კოჭებამდე, მსუბუქი, ჰაეროვანი ფატა ჩამოშეებია. ამ წუთებში ჭეშმარიტად მშვენიერია. ჩაფიქრებული და ბედნიერი, მეოცნებე მზერით შესცქერის თავის ორეულს და საპატარძლოდ მორთულს თავის თავს პირველად ხედავს.

— ოჰ, რა კარგი სანახავი ხარ მაგ საცვლებში! — წამოიძახებს აგნესა და სიცილი ნასკდება. ჰო, მართლა! ფრიდაც გამოფხიზლდება და სახეზე მოკრძალებული ღიმილი გადაეფინება. შემდეგ ფატას ხელით გაისწორებს და ფრთხილად დაჯდება.

აგნესა ეჭვობს, გვირგვინი ძალიან ქვემოთ ადგას თავზეო. ჰოო? არ შემომჩნევია. მართლა ცუდად მადგას? — კიდევ ხომ არ დამეხვია თმა, ცოტა ზემოთ რომ ავნიო? ისე ძნელი კი იქნება. შენი თმისგან მაღალი ვარცხნილობის გაკეთება. — ჰო, ძალიან თხელი თმა მაქვს. — ასეა, რას იზამ, კარგი. მაინც შევეცდები. — და აგნესა, ეს გულკეთილი აგნესა ისევ თავიდან იწყებს, გვერდებიდან თმას ზემოთ ექაჩება, თუმცა ძლივს აწვდენს და შეკვრას ცდილობს. სულერთია სად შეკრავს, ფატა ხომ მაინც დაფარავს. რა კარგი ქალია! რა გულით ცდილობს!

ფრიდა კი ღრმა ფიქრებშია წასული; ან რა გასაკვირია. იხსენებს ის და იუნასი ერთმანეთს როგორ შეხვდნენ, მათი იღბალი როგორ გადაიჯაჭვა, ერთად როგორ შეუყვნენ გზას, რომელმაც ამ დიად და მშვენიერ წამთან მიიყვანა. ერთმანეთი დიდი ხანია მოსწონდათ. ჰო, დიდი ხანი, ბევრი, ბევრი წელი მოსწონდათ. ეს იღუმალის სწრაფვა, გულების ეს ჩუმი და გაუცნობიერებელი სწრაფვა, ნამდვილ სიყვარულად მოგვიანებით რომ გადაიქცა, ერთმანეთს მაინც აახლოებდა. ქალი იხსენებს ქალაქიდან მატარებლით დაბრუნებულს ერთხელ ჩანთა როგორ გამოართვა. შემდეგ ქუჩას ერთად გაუყვნენ. — ქალაქში, ალბათ, საყიდლებზე იყავით, არა? — იკითხა კაცმა. — ჰო, ქალაქში ვიყავი, უპასუხა და როგორღაც ისე გამოვიდა, რომ თვალებში ჩახედა. რა ცოცხლად ახსოვს, თითქოს გუშინ მომხდარიყოს, თუმცა უკვე ოთხი წელი გავიდა. ნამდვილი სიყვარული ხომ სწორედ იქ, იმ წუთებში ჩაისახა.

ოჰ, რა ახირებულია იღბალი! მაინც რა გვამოძრავებს? მაინც რამ მიგვაჯაჭვა მე და იუნასი ამ წმიდათანმიდა გრძნობით ასე ძლიერად, რომ ამიერიდან აღარასოდეს დავშორდებით?

და მაინც, სანამ ეს გრძნობა გამოჟონავდა კიდეც, ბევრმა წყალმა ჩაიარა. რას იზამ! განა ყოველთვის ასე არ ხდება? ოჰ, სიყვარულის ეს ჭირვეულობა, შეყვარებულთა ტიპილი დამალობანა! ორი გული ერთსა და იმავე გრძნობას განუმსჭვალავს და არც ერთს არ სურს პირველი გამოტყდეს. ორი სული ერთმანეთს ელტვის, დარდობს და ენამება, ფრინველებივით ერთმანეთს იხმობს!

და ყოველივეს თანმდევი მუდმივი, მშფოთვარე ეჭვები! ვუყვარვარ? იქნებ არც ვუყვარვარ? თავად თუ მიყვარს? მთელი არსებით და ღრმად თუ მიყვარს, როგორც ჭეშმარიტად უნდა მიყვარდეს? თავად უფალმა კი დაუნესა ჩვენს მოხეტიალე სულებს შეხვედრა და სიყვარულის ნათელ სავანეში შესვლა? არის კი უფლის წყალობა? ჰო, ჰო, არის, სწამს, რომ არის!

ჰო, სწამს, სწამს და იცის. ქალი ზის, ბედნიერებით თავბრუდახვეული, ჩუმი ალტაცებით აღსავსე ზის და წინ იყურება.

განა შეიძლება ორი ადამიანის შეხვედრა უფრო ლამაზი და ამალღებული იყოს, ვიდრე მისი და იუნასის შეხვედრა გახდა. ამის გახსენებისას თვალები აუნყლიანდა და მზერაც სადღაც შორეთისაკენ გაექცა.

ხომ არ ცდება? არა, არ ცდება. მათ გრძნობას სწორედ ჭეშმარი-
იტი სიყვარული ჰქვია. ქალმა აირჩია, რადგან მოსწონდა და შეიყ-
ვარა, რადგან სიყვარულს ეძებდა. იუნასი? თითქოს დაეთანხმაო,
რადგან მის სიბრალულში უკიდევანო სიკეთე დაინახა. სიყვარულს
როგორ გაბედავდა! მაგრამ ნება დართეს თუ არა, თავადაც უსაზ-
ღვროდ შეიყვარა, მანამდე ხომ არავინ ჰყვარებია. აბა, თავად ასეთი
აზრი თავში როგორ მოუვიდოდა, ან ვინ ეკითხებოდა. მაგრამ ნება
დართეს თუ არა — ჰო, ნამდვილად ასეა — ყველაზე აღფრთოვანებ-
ული შეყვარებული გახდა. ისე ეთაყვანებოდა, თითქოს უსაზღვრო
სიკეთითა და მშვენიერებით აღსავსე უზენაესი არსება ყოფილიყო.
ქალი მისთვის თავად განგებად გადაიქცა.

მისი ფული იუნასს არ აინტერესებს, ასეთ რალაცებში ცუდად
ერკვევა და ცოტაც სჭირდება. ჰო, ალბათ კარგია, რახან ყველა ამ-
ბობსო. თავადაც მონინებით ვექცევი და ამით ყველაფერი უფრო
არაჩვეულებრივი ხდებაო. ოღონდ რკინიგზის გადასასვლელთან
თუ ველარ მივიდა, მაინც მოინყენს. ძალიან მიეჩვია და ასეთ დროს
განშორება ყოველთვის გენანება. მისთვის ხომ ეს თითქმის ხელობა
იყო. თუ ჩათვლი, რომ აღარ შემეფერება, დაგემორჩილებიო, არა
უშავს, ყველაფერი მოგვარდება. პირდაპირ ხომ არაფერი უკითხ-
ავს, ერიდება. თანაც დრო ითმენდა. მთავარია, იუნასს უყვარს,
უსაზღვროდ უყვარს და მისთვის ყველაფერს დათმობს. როგორიც
არის, ისეთი უყვარს, უსაზღვრო სიკეთისთვის უყვარს და კიდევ
იმისთვის, რომ კაცი მან, ერთადერთმა შეამჩნია.

აი, ასეა საქმე. მათი სულელები სიყვარულს, მხოლოდ სიყვარულს
მოუცავს.

ჰო, იუნასი... ქალი ზის და ნეტავ, როგორი ადამიანიაო, ფიქრობს.
შემდეგ იმას იხსენებს ტყეში, შარშან გაზაფხულზე, მკერდში როგორ
ჩაიკრა და ამქვეყნად უმშვენიერესი ყვავილი შენა ხარო, უთხრა.
ოჰ, რა კარგად უთხრა. სხვა ასეთ სიტყვებს ვერც კი მოიფიქრებს.
რა ნათელი გონება აქვს, რა ჭკვიანია. ქალზე უკეთ ეს აბა ვინ იცის.

აგნესამ ვარცხნა დაამთავრა. — მორჩა, ფრიდა, მეტი აღა-
რაფერი ეშველება, — ეუბნება ქალს. — მშვენიერი კი გამოვიდა,
ძვირფასო. — დიდი მადლობა! — თმას ყურადღებით შეათვალიერ-
ებენ და გადანყვეტენ, რომ ასე ნამდვილად უკეთესია, ნამდვილად
სადღესასწაულოდ გამოიყურება.

— მგონი, აჩქარების დროა, მოდი კაბა ჩავიცვათ. — ჰო, ალბათ, დროა. ოჰ, აგნესა, ვერც კი წარმოიდგენ თავს რა უცნაურად ვგრძნობ. — რა იყო? — აბა, წარმოიდგინე, საპატარძლოდ ვირთვები... თავი სიზმარში მგონია. ვერც კი დამიჯერებია, რომ...

— მე თუ დამიჯერებ, ჯობს, შავი კაბა ჩაიცვა, უფრო გიხდება! — აბა, რას ამბობ, აგნესა, ძვირფასო, როგორ შეიძლება?! — შეიცხადებს უკიდურესად გაოგნებული ფრიდა და ამ დაუფიქრებელი სიტყვების გამო მზად არის განანწყენდეს კიდევ. — პატარძალს თეთრი კაბა უნდა ეცვას, ეს ხომ სიხარულის ზეიმია. — ჰო, ვიცი... მე ასე მგონია და დანარჩენი თავად გადაწყვიტე.

როგორც ფრიდას უნდა, ისე გადაწყვეტენ. სხვაგვარად როგორ იქნება. ამ კაბას რამდენი ღამე კერავდა, დღევანდელი დღისთვის ამზადებდა და თან ოცნებობდა, ოჰ, როგორ ოცნებობდა. აგნესა დაეხმარება, კაბას ჩააცმევს. მშვენიერი, კარგად გაუთოებული კაბაა, ნეტავ, არ დაიჭმუჭნოს, ან მაქმანები არ დაუზიანდეს. ესაა, პერანგი მოუჩანს უკან. რას იზამ, უნდა დაამაგრონ.

აგნესა ყურს მიუგდება. — მგონი მოძღვარი მოვიდა. — უკვე? შეუძლებელია, — ჩუმად იტყვის ფრიდა და გაფითრდება. — გესმის, როგორ მინყნარდნენ? — მაშინ დავუჩქაროთ, — ძლივს ჩაილაპარაკებს ფრიდა.

ოდნავ შეღებულ კარზე იუნასი ფრთხილად დააკაკუნებს. — მოძღვარი მოვიდა, — აღფრთოვანებით დაიჩურჩულებს. — იუნას, შენა ხარ, ძვირფასო. არა, არა, ჯერ არ შემომხედო, ჯერ არ შეიძლება. აი, ახლავე, ერთ ადგილსაც დავამაგრებთ და მოვრჩებით. მოძღვარი მოვიდაო, ამბობ? ესე იგი ჩვენი დროც მოსულა... რას ჩამოქაჩულა ეს პერანგი, რა უცნაურია. აგნესა, ძვირფასო, ცოტა დაუჩქარე, რა!

— გაჩერდი ერთ ადგილას, ვერ მივუდექი! — ჰო, ჰო, ახლავე... იუნას, მოძღვარმა რაო?

— არც არაფერიო! — თავად თუ მიესალმე? — არა, მაშინვე შენთან გამოვიქეცი.

— გამოიქეცი? — ჰო, თქვენთან მოვედი. — ჰო, ჰო, სათქმელად მოხვედი არა? კარგი გიქნია. აი, გვირგვინილა დამრჩა და მზად ვიქნები. იუნას, ძვირფასო, ქვემოთ ყველაფერი რიგზეა? — მე მგონი, ფრიდა, ყველაფერი ძალიან ლამაზია. — ყვავილების ქოთნები დადგეს თავის ადგილას? — მგონი, უნდა იდგეს. — მაქმანიანი ხელსახოცები თუ აწყვია სკამებზე, ჰულდას ხომ არ დავინყებია? —

არ დავინყებია, არა, აწყვია. — ტორტი? ტორტი იუნას, ნამდვილად მოიტანეს? — ზუსტად ვერ გეტყვი, ის კი დავინახე კლასმა უშველებელი კოლოფი რომ შემოიტანა, ტორტი იქნებოდა, ალბათ. — ჰო, ტორტი იქნება. ოჰ, ნეტავ ყველაფერმა კარგად ჩაიაროს, ამ უდიდეს და საზეიმო დღეს, ყველაფერმა კარგად ჩაიაროს! ყავა? ყავა თუ დალიეს იუნას? — კი, როგორ არა, დალიეს. — თუ მოიპატიჟე, მიირთვი-თქო, თუ უთხარი? — არ დასჭირვებით, ფრიდუ.

— მორჩა, ახლა ნამდვილად მზად ხარ! — ეტყვის აგნესა და კრიტიკულ მზერას კიდევ ერთხელ შეავლებს, — ჰო, ნამდვილად მზად ხარ!

— გმადლობთ, აგნესა, ჩემო ძვირფასო, იუნას შემოდი. ჰო, მოდი, მოდი, კარებთან, დგომა აღარ გჭირდება.

იუნასიც შემოვა და გაშეშდება. ეს მშვენიერი ხილვა, შუა ოთახში თვალისმომჭრელი სითეთრითა და სილამაზით გაბრწყინებული ხილვა გააოგნებს. ეს ხომ ფრიდაა, ჩემი საყვარელი ფრიდაო, გაიფიქრებს და ბედნიერებით თავბრუც კი დაეხვევა. აფეთქებული მზერით შესცქერის ქალს, თვალს ვერ ამორებს და თავი სიზმარში ჰგონია.

— აბა, რას მეტყვი? მოგწონვარ, იუნას? — ჰო, — ხრინწიანი ხმით უპასუხებს კაცი, თვალეები აუნყლიანდება და ენა წაერთმევა. თითქოს მადლიერებას ველარ იტევდეს, ხელზე ხელს მოუჭერს, ისევ და ისევ მოუჭერს. — მაშ, ყველაფერი რიგზე ყოფილა, — ჩუმად, სულ ჩუმად იტყვის ფრიდა და ასლუკუნდება. — წამო, ქვემოთ ჩავიდეთ, — თვალეებს შეიმშრალებს და მღელვარება ვერავინ შემატყოსო, ცხვირსახოცსაც აიფარებს.

— თაიგული, საქორწინო თაიგული გრჩება! — შესძახებს აგნესა, ლარნაკიდან თაიგულს ამოიღებს და ძირებს პირსახოცით შეუმშრალებს. ხასხასა, მწვანე ფოთლებიანი ნითელი მიხაკებია.

— ოჰ, გმადლობთ, აგნესა, სულ დამავინყდა!.. ასეთ დროს ყველაფერი გავინყდება ხოლმე.

მერე ქვემოთ ჩადიან. ერთმანეთს მჭიდროდ მიკრულები გვერდიგვერდ მიაბიჯებენ. სანამ კიბეს ჩაათავებენ, პატარძლის გვირგვინი ცოტათი გვერდით გადაიხრება, დანარჩენი ყველაფერი რიგზეა. თვალეგაბრწყინებული შეაბიჯებენ საქორწინო დარბაზში, იმ მომცრო ოთახში, სადაც ფარდებიდან მზე იჭვრიტება და სტუმართა რიგს ჩაუვლიან. ქალები თვალეზად გადაქცეულან, მამაკაცები უხ-

ერხულად ახველებენ. ნყვილი კი მხოლოდ მოძღვარს ხედავს, სიმკაცრითა და ღირსებით აღსავსე მოძღვარს. მის წინაშე ბავშვებივით დანდობილები და თვინიერი მოლოდინით აღსავსენი შეჩერდებიან. მოძღვარი მათ პენსნეს ზემოდან დაჟინებით შეათვალიერებს, შემდეგ წიგნს გადაშლის და კითხვას დაიწყებს.

— სახელითა მამისათა და ძისათა და სულისა წმიდისათა...

ნყვილი მის ტურებს თვალს არ აცილებს. უფრო ყურადღებიანი მსმენელი ძნელი მოსაძებნია, ისე ატაცებულან ამ წუთის სიდიადით, ისე ეშინიათ სიტყვა არ გამოგვრჩესო. იუნასი ილიმება, თითქოს ჩვეულებრივ, მაგრამ არნახულ ნეტარებას მოუცავს. თავიც გვერდით გადაუხრია, რომ კარგად გაიგონოს, ხელები გულზე დაუკრეფია და გულწრფელი სასოებით ისმენს. ფრიდასაც მაგრად ჩაუბლუჯავს თაიგული და რწმენითა თუ მადლიერებით სავსე თვალებით იყურება.

დადგება დრო და სიხარულით აღტაცებულები დაეშვებიან მუხლებზე. თეთრი კაბითა და თითქოს მზის სხივებით მოქარგული ფატით შემოსილ ფრიდას და ახალთახალ, ჯერ ჩაუცმელ კოსტიუმში გამოწყობილ იუნასს მზე ზემოდან დასცქერის. ფანჯრის პირდაპირ მოურთხამთ მუხლი და ამის გამო თვალებიც თითქოს ზებუნებრივად უბრწყინავთ, ირგვლივ კი ყვავილთა ქოთნები შემოხვევია. ჭეშმარიტად სინათლითა და მშვენიერებით აღსავსე წამია.

სტუმრები, რა თქმა უნდა, ასე აღტაცებულნი არ არიან, მათ ხომ საამისო მიზეზი არა აქვთ. მაგრამ მოძღვარი უფლის სიტყვას ქადაგებს და მათაც საზეიმო განწყობა ეუფლებათ. ქალებს თვალები აუცრემლდებათ, როგორც ქორნილშია მიღებული და ახლა ყველა ყურადღებით ისმენს, დადგენილ შეკითხვებს ნყვილი ათრთოლებული ხმით როგორ პასუხობს. ჰო, მაინც საინტერესო სანახავია, როცა ორივეს ასე კარგად იცნობ. ასე თუ ისე იუნასსაც ხომ იცნობენ.

მოძღვარი მათ საპატივცემულოდ განსაკუთრებულს არაფერს იტყვის, რა საჭიროა. მამაო ჩვენოს კი ნაუკითხავს და ეს ლოცვა, როგორც არასდროს, ისე ლამაზად აუღერდება. თითქოს ახალი, უჩვეულო, საგანგებოდ მათთვის დანერილი სიტყვები იყოს. შემდეგ წიგნს დახურავს და ამალეღვებელი რიტუალიც დასრულდება. ფრიდა და იუნასი სამარადყამოდ შეუღლებულები არიან.

სტუმრებს ღვინოს მიაართმევენ, ნეფე-პატარძალი უნდა დალოცონ. ჯერ მოძღვარი უსურვებს ბედნიერებას, შემდეგ უფროსობის,

მდგომარეობისა და ნათესაობის გათვალისწინებით, დანარჩენებიც ახმაურდებიან. ჭიქებში მზე ციალებს, მისი ნკრიალი და ბრწყინვალება ოთახს სადღესასწაულო იერით ავსებს. ცენტრში სტუმრებით გარშემორტყმული, ბედნიერებით ათროლოებული პატარძალი დგას, გვერდს კი უმშვენებს იუნასი, ვისაც კეთილი სახის ყველა ნაოჭი ასევე ბედნიერებით განათებია. ნეფის სადღეგრძელოსაც სვამენ და მასაც ჭიქა თითის წვერებით ისე ფრთხილად უჭირავს, თითქოს იშვიათი ყვავილი იყოს. იმდენი მეგობრული თვალი შესცქერის, სითბოსა და გულითადობის იმხელა ნიაღვარი მოაწყდა, ოცნებითაც რომ ვერ წარმოიდგენდა და ისიც დაუსრულებლად ყველას თავს უკრავს. შემდეგ ნელ-ნელა ყველა ჩანყნარდება, ზოგი სუფრას, ზოგი დივანს მიაშურებს და იუნასიც მარტო, შუა ოთახში სრულიად მარტო დარჩება.

ფრიდას კი ქალები შემოეხვევიან, ხელზე ხელს მოუთათუნებენ, ჩვეულებრივი მილოცვის გარდა, კიდევ რამდენიმე ალერსიან სიტყვას ეტყვიან. — აჰა, ფრიდუ, ხომ აგისრულდა ოცნება. ბედნიერი ხარ? — ჰო, ფრუ ლუნდგრენ, საზღვარი აღარა აქვს ჩემს ბედნიერებას! — ჰო, რა თქმა უნდა, ფრიდუ, რა თქმა უნდა!

ნათესავეებიც მიუახლოვდებიან, მათაც უნდა უთხრან ორიოდ სიტყვა. — აი, შენც გათხოვდი, ფრიდუ. — ჰო, ემა, ძვირფასო, ეტყობა არავის ასცდება. — ჰო, ვინ იფიქრებდა. აბა, წინასწარ ვინ იცის იღბალი რას უმზადებს. — რას ბრძანებთ, — ჩაერევა ფრეკენ სვენსონი, თამბაქოს დუქნის მეპატრონე, — უნდა გათხოვილიყო, აბა, რა! რამდენჯერ მითქვამს, რა უცნაურია, ფრიდა იუჰანსონი რომ არ თხოვდება, მას ხომ ნამდვილად შეუძლია-მეთქი. — აბა, აბა, მეც ამას არ ვამბობდი?! ჩემი ბერიკაცი კი, ნათესავეებზე სიტყვა რომ ჩამოვარდებოდა, სულ მიმტკიცებდა ფრიდა აღარ გათხოვდებო. გულში კი ვფიქრობდი, მოიცა, აქ წინასწარ ვერაფერს გათვლი-მეთქი. აბა, მომილოცავს, ფრიდუ, შენი გათხოვება საინტერესოც კია. — გმადლობთ, გმადლობთ, მატყილდა, ჩემო ძვირფასო.

ასე საუბრობენ და ფრიდაც იღიმება, რა ბედნიერია იუნასი რომ ჰყავს. თვალებგაბრწყინებულები იდუმალ მზერას ერთმანეთისაკენ აპარებენ ჯერ კიდევ იმ წმიდათანმიდა სიტყვების გავლენის ქვეშ მოქცეულნი, მათ სულელებს რომ ეხმიანება. ახლა ცალ-ცალკე დგანან, მერე რა მოხდა, ასე დიდხანს ხომ არ გაგრძელდება, ყველაფერი ხომ კარგად მიდის — ქალი ხედავს, რომ კაციც ასე ფიქრობს. მაინც რა

კარგები არიან, რამხელა გზა გამოიარეს, რათა ამ ულამაზეს დღეს მათთვის გვერდი დაემშვენიებინათ და რა უცნაურია, რომ ამდენმა ხალხმა თავი სწორედ მათ გამო მოიყარა. ყველა ერთად ყაყანებს, აღარაფერი ისმის, აღარც კი იცი ვის მოუსმინო. შემდეგ სათითაოდ მოვიდნენ, სადღეგრძელო შეუსვეს. ღმერთო, ყველაფერი რა საზეიმო იყო.

სამზარეულოდან საჭმლის სუნი იფრქვევა. ქალები მკითხაობენ, ნეტავ, რით გაგვიმასპინძლებიანო. მწვადებით ალბათ, ასეა მიღებული. ოჰ, ფრიდა ისეთი ქალია, სხვებზე ნაკლებს როგორ იკადრებს, ეტყობა, კარგადაც მოაქუჩა. აბა, გაიგე ამ დუქნიდან რა შემოსავლები აქვს. ჰუღდა, ეტყობა, სუფრას მოემსახურება. ოჰო-ჰო, წინსაფარიც კი მაქმანიანი აუკრავს, უყურე შენ!

მოდვარი ნამოდგება და ჩემი ნასვლის დროაო, განაცხადებს. ასეთ ქორწილში დიდხანს დარჩენას აბა რა აზრი აქვს. შინ იმდენი საქმე ელოდება, აი, სამსახურებრივ საქმეს რომ ეძახიან. არ იცის მოძღვარმა ფრიდა რა ქალია, მისგან რას უნდა ელოდო, ან კი საიდან ეცოდინება.

ფრიდა კი, დარჩებაო, იმედოვნებდა. აი, ნახეთ, თუ არ დარჩესო, ფიქრობდა. მოძღვარი სუფრას სადღესასწაულო იერს შექმატებდა. რას იზამ! რახან ამდენი საქმე აქვს... მას ხომ უმნიშვნელოვანესი მისია, ადამიანთა სულები აბარია. გარედან არ ჩანს, თორემ რამდენი საქმე ექნება. ქალი მაინც მაღლობელია. რა საზეიმო დღე იყო, რამდენი მშვენიერი სიტყვა ნაუკითხა. იუნასთან ერთად მოძღვარს კარებამდე მიაცილებს. იუნასი პალტოს მოუმარჯვებს, კარს გაუღებს და თავს მანამდე უკრავს, სანამ მოძღვარი ხეებს არ მიეფარება.

ამასობაში სუფრაც გაიშლება და ყველა მაგიდას შემოუსხდება. ნეფე-პატარძალს გრძელი მაგიდის შუაში დასვავენ, დანარჩენები ირგვლივ შემოუსხდებიან და საზეიმო სადილისთვის მოემზადებიან. მამაკაცები საკანალიზაციო მილებზე მსჯელობენ, დასახლებიდან მეტისმეტად ახლოს ჩაედინება ზღვაშიო. რახან ნამოიწყეს ეს თემა, უნდა ამოწურონ კიდეც, ხუტორის მოსახლეობა ვერც კი წარმოიდგენს ამ საკითხს რა ხმაურით განიხილავდნენ. მაგრამ საუზმეული და ჭიქები უკვე სუფრაზეა და სადილის დროც დამდგარა. მასპინძლობას ნამდვილად ვერ დაინუნებენ, მაგიდა ნაირნაირი კერძით გადავსებულია. არაყიც მშვენიერია, ამის გადაყლურნვას აბა რა

სჯობია. ნელ-ნელა ყველა გახალისდება და გამოცოცხლდება. თუ ქორნილია, ქორნილი იყოს. რახან ამ ბებრუხანა ფრიდამ გათხოვება აიხირა, კი, ბატონო, ყოველივეს წესისა და რიგის მიხედვით ჩაატარებენ. კიდეც ჭამენ და კიდეც დალევენ. მაღლობა ღმერთს, შესანიშნავი მასპინძლები არიან.

— ეჰეი, იუნას, ცოტა გადახუხე, არ განყენს. — რა, არა სვამს? — მთელი ხმით გაჰკივის ფრიდას გარე ბიძაშვილი, ესტრაგორდელი ემილი. — მიდი, მიდი. ცოტა მარიფათს შეგმატებს. ჰა, აუნი კუდი, გადახუხე-მეთქი, იქნებ, ცოტა ენა მაინც გაგისხნას. — და იუნასიც ღიმილით ემორჩილება, თუმცა სხვა დროს, ალბათ, თავს შეიკაევებდა. აბა რას გაანყობ, თუკი მასთან ერთად ჭიქის აწევა უნდათ. — ისე როგორია, ჰა? პირდაპირ ქორნილში ამოყო თავი? — რალა პირდაპირ, უარესებიც გვინახავს. ხანდახან ისე ჩქარობენ, ველარც კი გაიგებ, რა ცეცხლი წაეკიდათ. აქ კი, შეხედე, ყველაფერი რა მშვიდად ხდება! — მართალი ხარ ძმაო, იულიუს, ცეცხლი ნამდვილად არ ნაჰკიდებიათ. შენ გაგიმარჯოს, ძმაო, ხუმრობა კი გიყვარს... — არა, ბატონო, ჯანდაბას მაგათი თავი! ხარები უნდათ გამიცვალონ? კეთილი ინებონ, საუკეთესო საქონელი მორეკონ და ზედაც ნაამატონ რამე. ასეც ვუთხარი. ღმერთო ჩემო, რა უბადრუკი ბაზრობა იყო! — ნუთუ არაყიც ვერ დალიეთ? — ვერა-მეთქი, გეუბნები, დაკეტილი იყო. — ჰო, მაშინ ბევრს ვერ ივაჭრებდით, რა თქმა უნდა. — ეჰეი, თქვენ, მაქეთ, ჰო, ემილ, კაცო, ცოტა აქეთაც გამოუშვით, არ მიითვისეს ყველაფერი!

მწვადი შემოიტანეს. ჰო, ამას ერთი ჭიქა ნამდვილად არ აწყენს. იუნასიც ძალაუნებურად ყველას უჭახუნებს და ტუჩებს ისველებს, თუმცა თავის შეკალება ერჩია. — თუ კაცი ხარ, დალევაც უნდა შეგეძლოს! — ყველა სვამს და სხვა რა გზა აქვს. თავშეკალებას კი ცდილობს, მაგრამ უარის თქმა არ გამოსდის. მათ ხომ სიკეთე ამოძრავებთ, მის გახალისებას ცდილობენ. — მიდი, აუნი კუდი, ხომ გითხარი, მარიფათს შეგმატებს-მეთქი. დღეს რომ საქმე გაქვს გასაკეთებელი, ვინ იცის, ჯერ არც კი გაგისინჯავს. თუ გინდა ფრიდა კმაყოფილი დაგრჩეს, კარგად შებუხბუხება გჭირდება. — ჰო, იუნას, ძმაო, ახლა კი გეშველა, წელის მონყვეტა აღარ დაგჭირდება! — სასტუმროს მიატოვებ, არა? აჰ, არ იცი? ჯერ არ უთქვამს? — ამ სიბერეში მაქმანებით ვაჭრობა არ დაგანყებინოს. მშვენიერი კია, მაგრამ აბა რა კაცის საქმეა. ან არადა, ყვავილებს მოუვლი, რაც

ფრიდამ ყვავილები მოაშენა! — ჰა, რა გადანყვიტე, დუქანში დასვამ თუ სხვაგან მოაყუჩებ?

ფრიდა ხმას არ იღებს. ყველა ერთად ისე ყაყანებს, არაფერი ისმის. ქალი ჩუმად ზის და თვინიერი თვალებით სივრცეს გაჰყურებს. გვირგვინი ოდნავ გვერდით გადახრილა და მაინც მშვიდი ღირსებითაა სავსე ამ თავისი თეთრი კაბით, რომელიც, კაცმა რომ თქვას, მართლაც უხდება. მაგიდის ქვემოთ იუნასს ჩუმად მოუჭერს ხელზე ხელს და სახეს ბედნიერი ღიმილი გაუნათებს. ნამიერად, იღუმალის სიხარულით შეავლებენ თვალს ერთმანეთს და ქალიც ისევ სერიოზულ, ოდნავ სევდიან იერს დაიბრუნებს.

ბინდი ეშვება და შულდას ლამპა შემოაქვს. სუფრაზე ტკბილეული გამოჩნდება. მშვენიერი ტკბილეულია, მაგრამ ფრიდას ჭამის თავი სადა აქვს, გემოსლა გაუსინჯავს, ხომ ნამდვილად კარგიაო, დარწმუნდეს. კარგი იქნება, აბა რა, გადაჰყენენ ამის გამოცხოხობას. შემდეგ ტორტის ჯერიც დადგება. ნამდვილად შესანიშნავი ტორტია. შუაში ვარდისფერი მურაბით მოგვირისტებული ინიციალები ი და ფ მოჩანს, თუმცა ისე დაღვარჭნილი ასოებია, ვერავინ ამჩნევს. სამაგიეროდ, იუნასი და ფრიდა შეამჩნევენ მაშინვე და მაგიდის ქვეშ ხელჩაკიდებულნი ერთმანეთს ნაზ და ბედნიერ მზერას შეავლებენ. ჰო, მოძღვარი რომ დარჩენილიყო, ახლა, ალბათ, მათ სადღეგრძელოს შესვამდა. აუცილებლად შესვამდა. რა ლამაზი ლაპარაკი იცის. თუმცა ყველაფერი ისედაც კარგადაა და ტორტიც ბოლომდე მიირთვეს.

ქეიფი დასრულდა, ახლა ყავას ჩამოარიგებენ. მამაკაცები სუფრიდან აიშლებიან, ოთახში მიმოიფანტებიან, ყაყანებენ, ხმაურობენ, ცოტას ბორძიკობენ კიდევ. მათ სიგარებს მიაართმევენ და ჭიქებში ყავას ჩამოუსხამენ.

— რა, ფრიდა, კონიაკი არა გაქვს? — ეკითხება ემილი. არა, არა აქვს, ეს ველარ მოიფიქრა. არ ეგონა, ასეთ დღეს ამდენს თუ დალევდნენ. — შეგირცხვა ცხვირი, ეს რა ზეიმია! — კბილებში გამოცრის ემილი. — ქორწილი უკონიაკოდ, აბა, რა ქორწილია! ოთხთვალაში უნდა მედოს ერთი ბოთლი, ამხანაგობიდან რომ წამოვედი, გზაში დავითორიე. ჯანდაბას, გიფეშქაშებ! — ოთახიდან ხმაურით გადის და მალე კონიაკის ბოთლით ბრუნდება. — ახლა გვიქეიფია!

ისევ სმა გააჩაღეს და თანაც ისე გაჰკვივიან, თითქოს თავიანთ მამულებში იდგნენ და ერთმანეთისთვის ხმის მიწვდენას ცდილობდ-

ნენ. თან ილანძღებიან, ერთმანეთს შესაჭმელად უყურებენ. არადა, მხოლოდ მეგობრული გრძნობები ამოძრავებთ და ერთად ქაქანებენ. რაც დრო გადის, სიმთვრალე უფრო და უფრო ეკიდებათ, ერთმანეთს ასკდებიან, სკამებზე ისეთი ძალით ეხეთქებიან, ჭრიალი გაუდის ავეჯს. დასახლების ხალხი უფრო თავშეკავებულად იქცევა, ამ გაგრიებს კი არ ჰგვანან. აი, ხუტორელები კი ყველანაირ ზღვარს გადასცილდნენ. ოთახი ბოლით, სასმლის ოხშივარით იჟლინთება და მას თავისი მხურვალე სურნელით ავსებს.

არც ქალებს მოუნყენიათ, კუთხეში ერთად შეკრებილან და ყბედობენ, აქ არმყოფებს ჭორავენ ან სხვადასხვა ამბავს იხსენებენ. კარგა ხანია ერთად არ შეკრებილან, წლის ამ დროს ხომ სტუმრობა იშვიათია. შემდეგ სიტყვა სიტყვას გადაებმება და სულსაც გახსნიან, თავებს გადააქნევენ, ტუჩებს მოკუმავენ და რას აღარ იტყვიან. ფრიდა ცოტა ხანს ჩამოჯდება, შემდეგ სამზარეულოში შეიხედავს, ყვავილებს თავის ადგილას დააბრუნებს, ლამპას გაასწორებს, ბოლოს კი გულხელდაკრეფილი შუა ოთახში დადგება და მზერაგაყინული საერთო ხმაურს მიაყურადებს.

— ეს სულელი დედაკაცი, თეთრი კაბით რომ გამოპრანჭულა! — შემოესმება უკნიდან. ამის გამგონე ოთახს გადაჭრის, იუნასს მიუჯდება და ცრემლი წასკდება.

ხმამალლა კი არ ქვითინებს, ჩუმად, უხმაუროდ ტირის, უბრალოდ ცრემლი ცვივა. იუნასის გარდა, ვერც კი ამჩნევს ვინმე. შეშინებული კაცი ხელს მოუთათუნებს, შემდეგ ნაზად მოუჭერს და რა მოხდა, რა გატირებსო, შეეკითხება. მაშინ ქალიც ამოხედავს და ჩვეულ ღიმილს, თვინიერსა და კეთილ ღიმილს შეაგებებს.

— არაფერია, იუნას, — ეტყვის, — სიხარულის ცრემლია.

და კაციც დამშვიდდება, რადგან ხედავს, რომ მართლაც ასეა.

— იუნას, ძვირფასო, — ამბობს ფრიდა, — დროა ჩვენს ოთახში ავიდეთ.

ასეც მოიქცევიან. მხიარულად, მეგობრულად დაემშვიდობებიან ყველას, როგორც ბედნიერ ნყვილს შეეფერება და თავის ოთახში ადიან.

რა მშვენივრად მორთული ოთახია! სანოლიც გაუშლიათ; ყოველივე სწორედ ისეა განწყობილი, როგორც ფრიდას უნდოდა. სანოლს მაქმანიანი ზენარი აფარია, ყველაზე ფართო ზენარი, რაც კი ფრიდას დუქანში მოიძებნა. მაგიდას მოქარგული, თეთრი სუფრა და ცოცხალი ყვავილების თაიგული ამშვენებს; კომოდსაც ასევე. ფანჯარა ფართოდაა ღია და გვიანი, თბილი შემოდგომის წყნარი საღამო ოთახში ვარსკვლავების ციალით იჭრება.

რა სიმშვიდეა! რა მშვიდობას დაუსადგურებია! ნეტარებით აღვსილნი ერთმანეთს გადაეჭდობიან და ასე დიდხანს, დიდხანს დგანან! ბედნიერებას ისე შეუბოჭავს წყვილი, რომ დროის შეგრძნებას კარგავენ. ქვემოთ სტუმრები ისევ ხმაურობენ, მათ კი, რა საოცარია, ერთი სიტყვაც არ ესმით. ჰო, მართლაც საოცარია, რომ შეიძლება არაფერი, სულ არაფერი გესმოდეს.

მერე ტანთ გაიხდიან, დაწვებიან, ერთმანეთს ეალერსებიან და ეჩურჩულებიან. შემდეგ ერთმანეთს დაეუფლებიან და რალაც ისეთ ღვთაებრივს, არნახულსა და არგანცდილს შეიგრძნობენ, რომლის სადარიც ამქვეყნად არაფერია.

ვერასოდეს წარმოიდგენდა, რომ სიყვარული შეიძლება ასე ყოვლისმომცველი ყოფილიყო. რამდენი უფიქრია და მაინც ვერ წარმოიდგენდა. თითქოს მთელი ცხოვრება ამ წამისთვის ემზადებოდა, აი, ამ წამისთვის, რომ ის და იუნასი შეერთდებოდნენ. კაცი მკლავს შემოხვევს, ძლიერ მკლავს — რამდენი სიმძიმე აქვს ნათრევი — ქალიც დანებდება და არნახული ნეტარებით დაიბანგება. ღმერთო, რა ღვთაებრივია! უცებ უკბინა კიდეც თავისი ჩასმული კბილებით და კაცმაც თავი სულ დაკარგა. ქალი წამიერად შეცბა, მაგრამ რას გაანყობ, ასეთია სიყვარული, თავის ჭკუაზე გატარებს. გონებას არ ემორჩილება, ყოველივეს თვითონ ამშვენიერებს.

შემდეგ მოთენთილები და ბედნიერები ერთმანეთის გვერდით წვანან. ხელი ერთმანეთისთვის ჩაუკიდიათ და უფრო მეტი სინაზით აღვსილან, ვიდრე ხვევნა-ალერსის დროს იყვნენ. ისეთი ყოვლისმომცველი, სრულქმნილი ბედნიერება აღმოაჩინეს, რომ გაოგნებულები და ცოტა თავზარდაცემულებიც არიან.

იუნასი ჩასთვლემს, ხანგრძლივმა დღემ, ეტყობა, გადალალა.

ქალს გვერდით უნევს ასე მშვენიერი და ახლობელი და ისიც თმაზე მიეფერება, კულულებს გაუსწორებს. თავადაც მოთენთილია, მაგრამ თვალღია ნევს და აყურადებს.

რა სიჩუმეა! რა საოცარი სიჩუმეა! ნეტავ, სტუმრები თუ დაიშალნენ, აღარაფერი ისმის. მხოლოდ უკიდევანო, შეუცნობელ ღამეს მოუცავს ყველაფერი და კიდევ საყვარელ ადამიანს სძინავს გვერდით, მშვიდად სძინავს.

ქალი ახლოს მიუჩოჩდება, ხელს მაგრამ ჩაჰკიდებს, თავადაც ჩაიძინებს; და აი, ასე ნვანან ლოყებანიტლებულნი, საკოცნელად ტუჩებგამზადებულნი, ერთმანეთს ჩახუტებულნი და როგორც დიადი ქებათა ქება ზეცისა, როგორც ნმიდათანმიდა ოსანა არსთა ერთიანობისა, ისე დაჰყურებთ ვარსკვლავთა ქორო, რომელიც ბინდის ჩამუქებასთან ერთად უფრო და უფრო მრავლდება.

იუჰან-მაცხოვარი

იუჰანი მქვია, ყველა კი მაცხოვარს მეძახის, რადგან ადამიანები უნდა ვიხსნა დედამინაზე. ეს ჩემი მოწოდებაა, ამიტომაც მეძახიან ასე. სხვებს არ ვგავარ და ამ ქალაქში არც მე მგავს ვინმე. უფალმა ჩემ სულში ისეთი ცეცხლი დაანთო, არასდროს რომ არ ჩაქრება. თავადაც ვგრძნობ, როგორ ანთია, დღე და ღამე ანთია. ვიცი, ადამიანები უნდა ვიხსნა, მათ მსხვერპლად უნდა შევეწირო. ჩემი მრწამსი, რწმენა, რომელსაც ვქადაგებ, მათ სულებს დაიხსნის.

ჰო, ვიცი, რა ძლიერად უნდა მწამდეს, მათ ნაცვლადაც უნდა მწამდეს, ვისი ხარბი სურვილები და წყურვილი ვერა და ვერ დამცხრალა, მხოლოდ ტანჯვისა და გაჭირვებისას მომიხმობენ და მეც, თითქოს კეთილმა და აღერსიანმა ხელმა უხილავი ძალა მომცა, რომ ისინი ყველა საზრუნავისა თუ ტკივილისაგან ვიხსნა.

ჰო, მე ვიხსნი ადამიანებს დედამინაზე. თოთხმეტი წლისა მივხვდი, რომ ეს ჩემი მოწოდება იყო. მას შემდეგ სხვებს აღარ ვგავარ.

ჩაცმულიც კი სხვაგვარადა ვარ. ჩემს ქურთუკზე ვერცხლის ღილები ორ რიგადაა ჩამწკრივებული. სარტყლის ირგვლივ მწვანე, სახელოებზე კი წითელი ლენტები მაკერია. ყელზე თასმით მკიდია სიგარების კოლოფის სახურავი, რომელზედაც ლამაზი ქალია გამოსახული. თუმცა აღარ მახსოვს, რისთვის დავიკიდე. აი, ასე მაცვია. შუბლზე კი ვარსკვლავი მაქვს მიმაგრებული — თავად გამოვჭერი თუნუქისაგან. ვარსკვლავი მზეზე კიაფობს ხოლმე და ისე ბრწყინავს, ყველას ყურადღებას იქცევს.

ქუჩას რომ მიუყვები, ხალხის მზერა კვალდაკვალ მომყვება. უკვირთ: „შეხედე, მაცხოვარია“, — ამბობენ ხოლმე. მცნობენ. იციან, რომ მათი ხსნისათვის მოვედი.

მაგრამ ჩემი არაფერი ესმით. ისე არ სწამთ, როგორც უნდა სწამდეთ. ჩემსავით არ სწამთ. ჩემი ცეცხლი მათში არ ანთია. ამიტომაც უნდა აეუხსნა და რწმენა ვასწავლო, ჯერჯერობით მათ შორის უნდა დავრჩე.

ჩემი აზრით, ეს უცნაურია — მაცხოვარს ხედავდე, მის ხმას ისმენდე, გვერდით იყოს და მაინც არაფერი გესმოდეს. მაგრამ ოდესმე აეხილებათ თვალი და ჭეშმარიტ სახეს დაინახავენ.

ბაზრობის დღე იყო. როგორც ყოველთვის, მოედანზე ვიდექი და ვქადაგებდი. ირგვლივ გლეხები შემოკრებილიყვნენ თავიანთი ფორნებიანად. ჩემს რწმენაზე ველაპარაკებოდი, ღვთის იმ სიტყვებს ვეუბნებოდი, ქვეყნიერებისთვის რომ უნდა მემცნო. თქვენს დასახსნელად მოვედი, სიმშვიდის მოპოვებაში დაგეხმარებით-მეთქი, ვანყნარებდი. ყურადღებით მისმენდნენ და ჩემმა სიტყვებმა, მგონი, სიმშვიდეც კი მოჰგვარათ. ის კი არ ვიცი, რად იცინოდნენ. მე ხომ არასოდეს ვიციანი. ჩემთვის ხომ ეს ყოველივე ძალზე მნიშვნელოვანია. და როცა შევცქეროდი ამ ხალხს და ვფიქრობდი, ყოველი მათგანის სული დალუპვას უნდა გადარჩეს-მეთქი, ვგრძნობდი, რა დიადი და მნიშვნელოვანი იყო ჩემი მისია. რა ბედნიერებაა, როცა ლაპარაკობ და ხედავ, რომ გისმენენ. წამით მომეჩვენა ჩემს წინ ზღვა ხალხი დგას-მეთქი, თითქოს ისინიც კი მოსულიყვნენ, უალრესად მოუცლელებიც (როცა ბაზრობა პატარაა, ხალხიც ხომ ცოტა იკრიბება). მომეჩვენა, რომ მთელ კაცობრიობას ვხედავდი, სიმშვიდეს მონყურებულ კაცობრიობას და მეც მისთვის ხსნა მომქონდა. ეს ნეტარების წამი იყო და არასოდეს დამავინწყდება.

მგონი, იმ დღეს განსაკუთრებული შთაგონება მენვია და ხალხმაც გამიგო.

ქადაგება რომ დავასრულე, ერთი კაცი წინ წამოდგა და ყველას სახელით კომბოსტოს თავი მომართვა. მეც წამოვიღე, შინ ძალიან გემრიელი და მანიერი წვენი მოვხარშე. კარგა ხანია ცხელი საჭმელი არ მიგემია. ღმერთო, დალოცე ის კეთილი კაცი.

* * *

როგორ მეცოდებიან ადამიანები! ყველა უბედურია, ყველა სასონარკვეთილია და იტანჯება. მეპურე იუჰანსონი მას მერე გაუბედურდა, რაც მის გვერდით მეორე საფუნთუშე გაიხსნა და მუშტრები დაკარგა. ახლაც კარგ პურს აცხობს, ნაჭერსაც ხშირად მაძლევს ხოლმე და ვიცი, რომ ყოველთვის კარგი პური აქვს. პოლიციელი ეკსტრემი, ხშირად რომ ველაპარაკები ხოლმე, იმიტომაა უბედური, რომ ცუდი დიასახლისი ცოლი შეხვდა და სულ აღარ უვლის. თვით ქალაქის მოსამართლეს კი უბედურია, რადგან ერთადერთი ვაჟიშვილი დაკარგა.

ბედნიერი მხოლოდ მე ვარ. ჩემში ხომ რწმენის ცეცხლი ანთია და არასოდეს ქრება, სულ ასე იქნება ანთებული, სანამ თავად არ დავინვეები. არც შფოთი მანუხებს და არც საზრუნავი, სხვა ადამიანებს არ ვგავარ, არც შეიძლება ვგავდე.

განა შეიძლება მე დამთრგუნოს სასონარკვეთამ? მე ხომ მათ ნაცვლადაც უნდა მნამდეს.

ახლა კმაყოფაზეც ამიყვანეს, რათა თავი მთლიანად ჩემს საქმეს მივუძღვნა და სხვა საზრუნავი არ მქონდეს. აქ თავს კარგად ვგრძნობ. დღეში ორჯერ გვაჭმევენ, მეზობლებიც მშვიდები და სიკეთით სავსენი არიან. ასე კარგად ჩემი, მგონი, ჯერ არავის ესმოდა. მაცხოვარს მეძახიან და პატივსაც მცემენ.

სალამობით, როცა ვქადაგებ, მონინებით მისმენენ და ყოველი სიტყვა მათ სულში ღრმად იჭრება. როგორ უბრწყინავთ ხოლმე თვალები! მეც და ჩემს სიტყვებსაც უკანასკნელი იმედივით ებლაუჭებიან. ჰო, ნამდვილად ესმით, რომ მათი ხსნისათვის მოვედი.

ვახშმის შემდეგ მათ ირგვლივ შემოვიკრებ ხოლმე და ვესაუბრები იმ რწმენაზე, რომელსაც ყველაფრის გადალახვა შეუძლია, რომელიც ამ ქვეყანას ღვთის ბოძებულ ნეტარების სავანედ გადააქცევს. ზედამხედველი ნებას გვრთავს, ამის უფლება გაქვთო, გვეუბნება. ჩემი საქციელით თავადაც კმაყოფილია. შემდეგ მოსასვენებლად მივდივართ ხოლმე. ოთახში ოთხნი ვცხოვრობთ. ჩემი სანოლის თავზე ვარსკვლავი კიდია, მთელი ღამე ანთია და ძილის დროს სახეს მინათებს. არა, მე სხვებს არ ვგავარ.

* * *

ო, სულო ჩემო, რა საშინელმა სასონარკვეთილებამ მოგიცვა! ყველანი სასონარკვეთილებითა და დარდით ავივსეთ! ვარსკვლავი გაქრა, მაცხოვრის ვარსკვლავი, ერთადერთი მანათობელი ჩვენი! დილით გავიღვიძე და ლურსმანი, რომელზედაც ის მქონდა ხოლმე ჩამოკიდებული, ცარიელი აღმოჩნდა. არც არავინ იცის, სად გაქრა. წყვდიადმა მოიცვა ყოველივე! სინათლის სხივს ვეძებ, მაგრამ ვერ მიპოვინია. ყველა განადგურებულია, მთელი ქალაქი სევდით აივსო. ჩვენი სახლის ფანჯრებიდან ვხედავთ, რა ნაცრისფერი და პირქუში გახდა ზეცა, შუქის ნასახიც კი არსად მოჩანს, თითქოს სახლებსა და და ქუჩებს ნაცარი გადაყროდეს. როგორ მოვიქცე? როგორ გამო-

ვიხსნათ თავი ამ უიმედობისგან ასე რომ მოგვიცვა?

ყველა მე შემომცქერის; იმედით შემომცქერიან. მაგრამ მე რა-
ღას წარმოვადგენ, თუკი თავს ვარსკვლავი არ დამკაშკაშებს და
გზას ზეციური სხივი არ მინათებს? ახლა მეც აღარაფერი ვარ, სხ-
ვებივით ლატაკი გავხდი.

მაშ, ვილა დაგვიხსნის?

მოულოდნელად ყველაფერი მოგვარდა. ყველაფერი მშვენივრად
დამთავრდა. მოხუც ენოქს დაუმალავს, მისი ლეიბის ქვეშ ვიპოვეთ.
ახლა ყველა ისევ მშვიდია და ბედნიერი. ჩემი რწმენა კი ამ გამოც-
დის შემდეგ კიდევ უფრო განმტკიცდა.

ეს მხოლოდ ხუმრობა იყო. არც ვბრაზობ.

* * *

რა მარტოსული ვარ ხანდახან, რა სიცარიელეა ირგვლივ! მეჩვენე-
ნება, რომ ადამიანებს ვერა და ვერ გაუგიათ რისთვის მომავლინეს.
ცოცხალი: მაქვს კი გავლენა მათ სულელებზე? შევძლებ კი ვიხსნა
ისინი?

რა საამოდ იღიმებიან, როცა ვქადაგებ, დამინახავენ თუ არა,
სახე გაუნათლებათ ხოლმე. მაგრამ, ნამდვილად კი სწამთ ჩემი?

რა უცნაურია: თუმცა იციან ვინა ვარ, მაინც ვერ გრძნობენ,
ვერც იმ ალს სულში რომ მინთია, ვერც იმ ზეშთაგონებას, სულს
რომ მიდაგავს. არადა, თავად რა კარგად ვგრძნობ ამას.

ხანდახან, ქადაგების დროს, უცებ მეჩვენება, რომ სულ მარტო
დავრჩი, თუმცა ირგვლივ ხალხი მახვევია, უამრავი ხალხი მახვე-
ვია და მისმენს. მე იმ ცეცხლის ალს ვგავარ უფრო და უფრო რომ
მალღდება ზეცისკენ და უფრო და უფრო ნმინდა და კაშკაშა ხდება,
მაგრამ ვერავის ათბობს.

ო, ეჭვო, როგორ ცდილობ ჩემს გატყუებას! შენი და მხოლოდ შენი
ბრალია, რომ ასე უბედურები და დამცირებული ვართ.

* * *

დღეს ჩიტებსა და ყვავილებს ვესტუმრე. როგორ გაუხარდათ
ჩემი მისვლა! ტოროლები მღეროდნენ, იები და ბაბუანვერები ბალ-

ახებიდან იჭყიტებოდნენ. სრულ სიჩუმეში ვქადაგებდი, ყოველივე მისმენდა. ტოროლები ჩემს თავთან შეჯგუფულიყვნენ და ისე მისმენდნენ. ო, რა სულიერი სიმშვიდე იგრძნობდა ბუნების წიაღში! აქ ყველას რა კარგად ესმოდა ჩემი.

ადამიანები რომ ყვავილები და ხეები იყვნენ, ალბათ, ისინიც უკეთ გამოიგებდნენ, ალბათ, თავადაც უფრო ბედნიერები იქნებოდნენ!

მაგრამ ისინი მიწას არიან მიჯაჭვულები, თუმცა ამ მიწას არ ეკუთვნიან. ფესვიანად ამოგლეჯილ მცენარეებს ჰგვანან, მზეზე იწვიან, მიწა კი ელოდება, თავად როდის გადაიქცევიან მიწად. ვერარა იხსნის, ვერარა მოუტანს მათ ბედნიერებას, გარდა ღვთის სიტყვისა, რომელსაც მე ვქადაგებ. და მაშინ, სრული ჰარმონია დამყარდება, მიწაც შრომანების სურნელით გაიჟღინთება და ადამიანებიც სულიერ სიმშვიდეს მოიპოვებენ.

სალამოს, შინ რომ ვბრუნდებოდი, ლუდხანასთან ხალხს მოეყარა თავი. მიხმეს და ქადაგება მთხოვეს. მე კი ვუპასუხე, ჩემს ღმერთს ველაპარაკე, ახლა შინ უნდა წავიდე, რათა მის ნათქვამს დავუფიქრდე-მეთქი. იქნებ არც მოვიქეცი სწორად, მაგრამ მათ შორის თავი უცხოოდ ვიგრძენი და შინისაკენ დამძიმებული გულით გავეშურე.

* * *

ო, გულო, რა მძიმეა ჩემი ცხოვრება! რა მძიმეა ტვირთი, მე რომ ვეზიდები!

დღეს ღრმად ჩაფიქრებული ქუჩას მივუყვებოდი და უცებ სკოლიდან გამოსულ ბავშვებს შუა მოვექეცი. შემომხევივნენ. „შეხედეთ, მაცხოვარი მოდისო“, — ყვიროდნენ. იმდენი იყვნენ, ძალაუნებურად გავჩერდი. მაშინ ერთ-ერთმა პატარამ ხელები გაშალა და დაიყვირა: „ჯვარცმული! ჯვარცმული!“ მე მგონი, ვიღაცამ ასწავლა, რადგან დანარჩენებმაც გაშალეს ხელები და ჩემს ირგვლივ ბავშვების ხმები ანკრიალდა: „ჯვარცმული!“ ჯვარცმული!“

თითქოს დანა დაერტყათ ჩემთვის, ვიგრძენი, როგორ გამიჩერდა გული, შუბლი კი ცივი ოფლით დამენამა. როგორც იქნა თავი დავაღწიე მათ ყიჟინასა და ხმაურს. დურგალ ლუნდგრენის ეზოში შევვარდი, ჩამოვჯექი და ავტირდი.

ბავშვები მიყვარს. ჩემსავით ისინი არავის უყვარს. ქვეყნად მათი სუფთა თვალებივით სხვა ვერაფერი გამახარებს. როგორ მინდა ჩემთან მოდიოდნენ, კალთაში ჩავისვამდი და თავზე ხელს გადავუსვამდი, ისინი კი ლოყით მომეთბილებოდნენ ლოყაზე...

ხშირად მინახავს — მეპურე იუჰანსონის პატარა ბიჭი სწორედ ასე იქცევა, როცა სალამოობით მამასთან ერთად ზღურბლზე ზის ხოლმე. ბიჭუნა მამას სახეზე ხელს უთათუნებს და კისერზე ეხვევა. დიდხანს, დიდხანს სხედან ასე და ამქვეყნად არაფერი ანუხებთ. ო, როგორ მინდა ბავშვის ხელი მეც ასე მეფერებოდეს...

მაგრამ, ვინც დედამინაზე ადამიანთა ხსნისთვის მოავლინეს, დაეხეტება მარტოსული და უცხო ამ ადამიანთა შორის. არც კერა გააჩნია, არც მინიერი სიხარული თუ დარდი. მოკვეთილია, რადგან სულში ისეთი ცეცხლი უნთია, მათ განადგურებით რომ ემუქრება. მაშ, ვინ არის ის, სხვებს რომ არა ჰგავს?

ჯვარცმული! ჯვარცმული!

რწმენა, რწმენალა შემრჩა! ყველას ნაცვლად მე უნდა ვირწმუნო! ყოველ სალამოს ისე ვარ დაღლილი, თითქოს ათასი სხვისი ცხოვრებით მეცხოვროს. მისავათებული ვიძინებ. თავს მხოლოდ ვარსკვლავი დამნათის, დაღლილობისაგან სიქაგაცლილს დამნათის, რათა გაღვიძებისას უფრო ძლიერად ვირწმუნო!

ეს მოწოდება მაინცდამაინც ჩემი ხვედრი რად გახდა? ხშირად ფანჯარასთან ვზივარ, ქალაქს ზემოდან დავცქერი და მივირს, რალა მე უნდა გადავარჩინო ისინი-მეთქი. მე ხომ ასეთი არარაობა ვარ, ამქვეყნად რამდენსა აქვს ჩემზე მეტი ძალაცა და ძალაუფლებაც. ეს მოწოდება გაუსაძლისი ტვირთია, მე კი მეტისმეტად სუსტი ვარ და მუხლებზე ვეცემი ამ სასონარმკვეთ ნამებში...

მაგრამ, მაგრამ... განა შეიძლება მეუფე ნაიქცეს? განა შეიძლება შიშმა დათრგუნოს?

ო, მე ხომ ყველაზე სუსტი ვარ, მათ ნაცვლად რად უნდა მნამდეს?!

დღეს მოედანზე მივაბიჯებდი, მოსამრათლე შემხვდა და თავი დამიქნია.

— გამარჯობა, იუჰან, — მითხრა.

გაჩერდა კიდევ.

მაცხოვარი არ მიწოდა!

მხოლოდ გამარჯობა იუჰანო, მითხრა... მხოლოდ იუჰანო, მეტი არაფერი.

ბავშვობის შემდეგ არავის მოუმართავს ასე. ახლა გამახსენდა, რომ იუჰანს დედა მეძახდა. კალთაში გატრუნულს თავზე ხელს გადამისვამდა ხოლმე... ახლალა გამახსენდა, ცოტა რომ დავფიქრდი, გამახსენდა...

გამარჯობა, იუჰან...

როგორ გამითბა სული მოსამართლემ ასე რომ მომმართა! გამითბა და გამინათდა კიდევ. თითქოს ყველაფერი ჩანყნარდა, აღარც განგაში მანუხებდა, აღარც სევდა.

მხოლოდ იუჰანი, მეტი არაფერი.

ო, ნეტავ, შემეძლოს სხვებს დავემგვანო! ნეტავ, შემეძლოს მონოდების მძიმე ტვირთი მოვიხსნა, რიგითი ადამიანი გავხდე!.. მიწიერი საზრუნავი მქონდეს, დღიდან დღემდე სხვებივით უშფოთველად ვიცხოვრო, საღამოობით კი, შინ ყოველდღიური, კარგად გაკეთებული საქმით დაღლილი დავბრუნდე. საქმით ვიყო დაღლილი და არა რწმენით, მხოლოდ და მხოლოდ რწმენით...

ვინ იცის, იქნებ ღურგალ ლუნდგრენთან მემუშავა. თუ ეს მძიმე აღმოჩნდებოდა, უბრალოდ — ეზო დამეგავა.

და სხვებს დავემსგავსებოდი. აღარც ცეცხლი დამწვავდა და აღარც სასონარკვეთილება შემიპყრობდა.

მხოლოდ იუჰანი, მეტი არაფერი... ყველას ეცოდინებოდა ვინა ვარ, ყოველდღე საკუთარი საქმით დაკავებულს დამინახავდნენ და იტყოდნენ: ეს იუჰანია, ღურგლის ეზოს რომ გვის!

ო, რალა მე ამირჩიეს მათ დასახსნელად, მე ხომ ყველაზე სუსტი ვარ, მე ხომ მხოლოდ სიჩუმე და სიმშვიდე მსურს და ისეთი მადლიერი ვარ ამქვეყნად ცხოვრების უფლება რომ დამრთეს, ვითარცა შემოსწრებული უცხო, მდიდრული სუფრის ნინ ოდნავ ამონვერილი ყლორტივით მორცხვად რომ ჩაჩოქილა.

ო, უფალო, მამაო ჩემო, თუ შესაძლოა, ამარიდე ეს სასმისი!

არა. არა. არ შეიძლება ჩემი დაეჭვება, არ შეიძლება მათი მიტოვება!

მაშ, რა მინენავს სულს? რა მიბიძგებს მივატოვო, უფსკრულის წყვილიადმი გადავუშვა ისინი?

რა საშინელებაა! ნუთუ რწმენა დავკარგე? არა! არა! ისევ მწამს, მწამს! როგორც არასდროს, ისევ მწამს! ვიხსნი, ვიხსნი! მე, მხოლოდ მე უნდა ვიხსნა!

ნინ მივინევ, წყვილიადს მივაპობ, შეუჩერებლად მივილტვი. ქურბებში, გზაზე, შემდეგ შორს ტყეში მივაბიჯებ და უკან ვბრუნდები... ქარი უბერავს, ღრუბლები შეყრილან... სადა ვარ... თავი მიხურს... როგორ დავილაღე...

არა, ისევ მწამს, მწამს! ვიხსნი, ვიხსნი... მათ ნაცვლად მე შემწირავენ მსხვერპლად. მალე... მალე...

ასე რად ვიტანჯები? განა შეიძლება მაცხოვარი ასე ტანჯული და სასონარკვეთილი იყოს?

არა, არა...

მგონი ისევ ტყეში ვარ. ხეების შრიალი მესმის... აქ რას დავეხეტები? იქ რად არა ვარ, იქ, ადამიანებთან, სულ რომ ელიან და ელიან... მაგრამ, მათ ხომ არაფერი ესმით ჩემი.

ან კი როგორ უნდა ესმოდეთ, მე ხომ მთლად ტანჯვად და სასონარკვეთილებად გადავიქეცი! როგორ ირწმუნონ ჩემი, როცა თავადაც წყვილიადმი დავეხეტები, როცა თავადაც სიმშვიდეს ვეძებ?

არა, არ შემიძლია მათი გადარჩენა. არ შემიძლია!

ჰო, მათი მაცხოვარი ტანჯვასა და სასონარკვეთილებას მოუცავს. იმ ფრინველსა ჰგავს მათ ზემოთ, მალაა, ზეცაში რომ გაჰკივის. ყვირილი ესმით, ოღონდ ვერა და ვერ გაუგიათ რას ყვირის, რადგან ჩიტი მეტისმეტად მალაა აჭრილი, და ვერც გაიგებენ, სანამ სისხლისგან დაცლილი მინას არ დაენარცხება. მხოლოდ ამის შემდეგ შეისმენენ, მხოლოდ ამის შემდეგ ირწმუნებენ.

ჯვარცმული! ჯვარცმული!

ჰო, მსხვერპლად შემწირავენ.

ჩემი სისხლის ხარჯზე, მხოლოდ ჩემი ბედკრული სისხლის ხარჯზე ცხონდებიან!

მალე, მალე მოხდება...

ო, ყვავილებო, ველებო, ხეებო, მთელი ქვეყნიერების ადამიანებო, ლამის სიჩუმეში მშვიდად იძინეთ! ო, დედამიწავ, ჩემო თბილო, სიმშვიდით შეიმოსე! მე გიხსნი! მე შენს ზემოთა ვარ და ლამლამობით სულ არ მძინავს. შენი სევდა ჩემი სევდაა. შენ არ ენამები, არ ენამები! მე ხომ სიცოცხლეს შენთვის გავნირავე!

რა სიჩუმეა ტყეში... ჩამოცვნილ ფოთლებზე რბილად მივაბიჯებ, ფეხის ხმა არ მესმის. უამრავი ყვავილი და ფოთოლი ლპება შემოდგომისას ხეებქვეშ, ირგვლივ ლპობის სუნი დგას.

ქალაქში ზარები რეკავენ... ერთი... ორი...

როგორ დავილაღე, როგორ დავილაღე... შინ მინდა წასვლა. წავალ, მივწვები, აღარ შემიძლია. მე ხომ მელოდებიან, აქამდე სად დაიკარგაო, უკვირთ.

აი, მგონი გზაზე გავედი. რა ნებოვანი თიხნარია... გუშინ, ეტყობა, წვიმდა. ქარიც რა ძლიერ უბერავს.

არა, ზარები რეკავენ და რეკავენ. ჰაერი ირხევა... რალაც საშინელება თუ მოხდა... უამრავი ზარი რეკავს. ისე კვნესის, თითქოს განკითხვის დღე დადგა. რა მოხდა? უნდა გავიქცე.

ხანძარია! ხანძარია! ცეცხლის აღს ზეცა სისხლისფრად შეუღებავს. ქალაქი იწვის! ქვეყნიერება იწვის! ყველაფერი ილუპება!

ო, ღმერთო, მე უნდა ვიხსნა, უნდა ვიხსნა! მე მელოდებიან — არ მოდის, რატომ არ მოდისო, ფიქრობენ!

მოვრბივარ! მოვრბივარ! ახლავე გიხსნით. თიხა, ეს ნებოვანი თიხა მიშლის, ჰო, მიჭირს, მაგრამ ხომ მაინც ვახერხებ, მაინც მოვრბივარ!

მინა იწვის, ზეცა იწვის, ყოველივე ცეცხლის ზღვაში გახვეულა! უნდა ვიხსნა, მე უნდა ვიხსნა!

გულო, ასე ნუ ფეთქავ. გულო, ძვირფასო, ასე ნუ ფეთქავ! ასე ხომ სირბილს ველარ შევძლებ, მე კი უნდა ვიხსნა! ხომ იცი, რომ უნდა ვიხსნა!

ყოველივე ცეცხლის ზღვას ჩაუნთქავს, გრიგალი გრგვინავს. აღმოდებული ზეცა დედამიწას წალეკვით ემუქრება.

ადამიანები მხვდებიან — ყველა იქით გარბის.

— ილუპება ქვეყანა! — ვუყვირი.

— რა ქვეყანა... — მპასუხობენ. — მხოლოდ თავშესაფარია.

ჰო, მხოლოდ თავშესაფარია. ეს უბედურები, ურწმუნობით დაღდასმულნი და დადალულნი ცეცხლის აღში გახვეულან.

ილუპებიან! მხოლოდ მე ძალმიძს გადავარჩინო.

გულო, ასე ნუ ფეთქავ, მტკივა! მალე მივირბენ, ცოტალა დამ-
რჩა!

ცეცხლის ენები ხტიან, ქუჩა კვამლს აუვსია, ვარვარებს...

და აი, მიზანს მივუახლოვდი, ზედამხედველიც აქაა, უამრავი
ხალხი შეკრებილა.

— მე ვიხსენი! — ვყვირი.

— აღარავინაა დასახსნელი, — მპასუხობენ და ჩემს შეჩერებას
ცდილობენ. მათ არაფერი ესმით.

კვამლი მახრობს, ცეცხლი თვალს მწვავს, მაბრმავებს...

არა, არ წავიქცევი. ვიხსნი... ყველას... ყველას...

სად არიან?

ხელის ცეცებით მივინევ წინ, თითქოს სიზმარში ვიყო. გაუვალი
კვამლია, ცეცხლის ენები ხტიან. ო, რა ძნელია ფეხზე დგომა!

სად არიან?

ბებერი ენუქი ხომ თავად ველარ დადის... ანტონი კოჭლია, მოხ-
უც ქრისტიანას კი ბავშვივით აღარაფერი ესმის... სამულსონიც...
მანფრედიც... ვერსად ვპოულობ — აღარ არიან.

იატაკზე მივხობხავ — ცეცხლი კვალში ჩამიდგა... ირგვლივ ყვე-
ლაფერი გრიალებს, ბლავის...

სად არიან?

აღარც მაგიდებია, აღარც სანოლები — მხოლოდ სიცარიელეა
და სიცივე, თითქოს აქ არავინ ცხოვრობს და არც არასოდეს უცხ-
ოვრია. სად არიან? არ ჩანან, აქ მხოლოდ მე ვარ, მხოლოდ მეღა
ვარ.

ირგვლივ კი ყოველივე იწვის, იბუგება! უკვე კოჭებიც ჩამოიქცა,
ხანძარი გრგვინავს, ცეცხლის ზღვაში აქეთ-იქით ვანყდები. სადა
ხართ? სადა ხართ, ო, უბედურო ადამიანებო, ვერ მიპოვნისხართ,
აღარა ხართ — მხოლოდ ცეცხლილა, ცეცხლის ენები, მხოლოდ მე,
მხოლოდ მეღა დავრჩი...

ო, გულო, ნუთუ შენ იწვი? იქნებ მხოლოდ შენ იწვი? ვგრძნობ,
როგორ მწვის სხეული, მკერდი, მალე შენ გარდა აღარაფერი დამ-
რჩება!

ო, გულო, შთანთქე ყოველი! გადამაქციე მხოლოდ იმ გულად,
ასე რომ იწვის, მხოლოდ იმ ცეცხლად, ასე რომ მდაგავს!

სხვა არაფერი, სხვა არაფერი, შენ და მხოლოდ...

არა, აღარ შემიძლია, მეტი აღარ შემიძლია, ეს დასასრულია —
ჰო, ვეცემი, ვეცემი, ეს დასასრულია.

ო, უფალო, მომიტევე — ვერ ვპოვე ადამიანები, რათა დამეხსნა!
ვერ ვპოვე... მიუტევე გულს, ასე რომ იწვის... მსხვერპლად შეწირვის
სურვილით ანთებული იწვის... სიკვდილის... სიკვდილის სურვილით
ანთებული..-

ვიცი, მომიტევებ! მიუტევებ გულს, შენთვის რომ დაიდაგა... შენ
რომ შეგენირა. ეს ხომ გიყვარს... ჰო, გიყვარს და ნებასაც დართავ
დაინვას... დაინვას... ნებას დართავ მოიპოვოს სიმშვიდე... სიმშ-
ვიდე...

ჯვარცმული! ჯვარცმული!

მომთხოვნის სტუმარი

აქ სულ ცოტა ხნით უნდა დავრჩე და სასონარკვეთილება მიპყრობს, რომ ასეთი ანათემური არეულობა მხედება.

მარადიული წყვილიდან მოვდივარ ამ სასტუმროში, გამვლელი ტურისტებისთვის რომ არის განკუთვნილი და ვჩქარობ, ბევრი რამ მინდა მოვასწრო; სიმშვიდე და მყუდროება მჭირდება, რათა ბოლომდე შევიცნო ამ ადგილის მომხიბვლელობა, რათა დავრწმუნდე, რომ მართლაც ისე მშვენიერია, როგორც ხშირად მსმენია. აქ კი ყველაფერი თავდაყირა დაუყენებიათ. ჰოლში ავეჯის ზვინები დგას. მღებავები ჭერსა და კედლებს ღებავენ. დურგლები იატაკს ცვლიან, ახალ პანელებს ამაგრებენ, ხრახნიან, აკაკუნებენ, აბრაზუნებენ. პირქუში სუბიექტები ვეებერთელა ვარცლებში ცემენტს ურევენ. შავტუხა და ბნელი პიროვნებები კიბის საფეხურებს ამტვრევენ. უცნაური და საეჭვო ტიპები სახელურებს აპრიალებენ, ჩარჩოებს აშალაშინებენ, განათების არმატურას ადგილს უცვლიან. საღებავს, ბურბუშელას, გაჯს, ლურსმნებსა და ხარაჩოებს იატაკი დაუფარავს. ყოველივე ოლიფის, საგოზავის, ცემენტისა და ახლად დახერხილი ფიცრის სუნითაა გაჟღენთილი. ისეთი ყაყანი და ხმაური დგას, თავი ჯოჯოხეთში გეგონება.

ყველაფერი უნდა დაინგრეს! თავიდან უნდა აშენდეს! უნდა დაინგრეს და აშენდეს, დაინგრეს და აშენდეს, აშენდეს და ისევ დაინგრეს!

ეს უხეში ხალხი დამკვივის, მუჯღუგუნებით მიმასპინძლდება, მაგინებს. მე დაბრკოლება გავხდი, როგორც კი სასტუმროს ზღურბლს გადავაბიჯე. ლამის ნავიქცე, მათ ჭუჭყიან ნაფურთხებზე ფეხი მისხლტება და თანაც თავზე დაცინვისა და შეურაცხყოფის კორიანტელიც მატყდება.

ბოლოს და ბოლოს მომსახურე პერსონალს ვაწყდები. იგი თავაზიანია. ამ აურზაურმა სტუმრის წინაშე მოვალეობა ჯერ ვერ დაავინწყა. მზად არის გემსახუროს, მაგრამ არაფერი შეუძლია, სრულიად არაფერი შეუძლია. სტუმრობისთვის ძალიან შეუფერებელი დროა, ყველაფერი თავდაყირა დგას. თავადაც დაბნეული არიან.

ნომერში მიმიყვანეს; შპალერი სანახევროდ ჩამოფხრენილა, დანგრეული ბუხარი იატაკის თითქმის ნახევარს ფარავს, რკინის

სანოლზე კი ლეიბი არ დევს. მაშინვე გარბიან, უამრავი საქმე აქვთ, რალაც ხომ მაინც უნდა მოანესრიგონ.

რა საშინელებაა ასე ცოტა დრო რომ დამრჩა. ნესრიგს ველარ მოვესწრები, ამ აურზაურში, ამ ახმაურებულ ჯოჯოხეთში უნდა ვიცხოვრო. მე კი ვოცნებობდი, სიჩუმესა და სიმშვიდეში ვიფიქრებ, გონებას მოვიკრებ, გავმთლიანდები, აზრს ჩამოვაყალიბებ და სანამ უკან დავბრუნდები, იქნებ რალაცისთვის კიდევ ვივარგო-მეთქი. ამ აურზაურში კი რას ვიფიქრებ, ამ საყოველთაო რღვევით რას შევაკონინებ, ვერც გონებას მოვიკრებ და ვერც გამთლიანებას შევძლებ.

არადა, ძალაუნებურად მეც მითრევს. დილიდან საღამომდე საღებავის ქილებს, ბურბუშელასა და ცემენტს ვაბიჯებ, დახვავებულ, აყირავებულ ავეჯს შორის დავძვრები, ახალი, სურნელოვანი ფიცრების გროვაზე დაებობღავ. ყოველ ცისმარე დღეს ამ უხემ მუშათა შორის ვატარებ, სულ რომ ახველებენ და ილანძლებიან. ღამლამობით კი სანოლში ვწევარ და რკინის ხარბები ზურგში ღრმად მესობა. ძილგამფრთხალი, დასნეულებული, ტანჯული და დაბნეული ვწევარ. ჰო, წლიდან წლამდე, წლიდან წლამდე ვწევარ ასე, რადგან აქ დრო საშინელი სისწრაფით მიქრის! უკან მოხედვას ვერც კი მოასწრებ, თითქმის ნახევარი გაგიქრება.

სასონარკვეთილი ვარ; ნინ და უკან შლეგიანივით დავეხეტები. ამდენი უძილობითა და ტანჯვით, საკუთარ იღბალზე ამდენი უსარგებლო ფიქრით სახეც ფერმკრთალი და უაზრო მაქვს. თავადაც ვგრძნობ, რომ დაბნეულსა და გამოთაყვანებულს ვგავარ; დამავინყდება თუ არა ეს, ირგვლივ მყოფი მდაბიოები მაშინვე შემახსენებენ. და მაინც, ეს ნაკლებად მანუხებს; ჩემი სასონარკვეთილებით, ჩემი მწარე იმედგაცრუებით უფრო ვარ მოცული. აღარაფრის მრცხვენია; ამ უხემ ადამიანთა შორის შიშითა და ტკივილით გათანგული, ცრემლით თვალავსებული დავეხეტები; წლიდან წლამდე, წლიდან წლამდე ეს აურზაური, ეს ხმაური, ეს საშინელი არეულობა სულ უფრო და უფრო მძიმედ მთრგუნავს. ფიქრსა და გაურკვევლობაში სულ უფრო და უფრო ღრმად ვეფლობი; მინდა ჩავწვდე, ყოველივე ამაში რა აზრი დევს.

ბოლოს და ბოლოს მეტის მოთმენა აღარ შემიძლია. გაურკვევლობა საშინელი ტკივილით მავსებს. ერთი აზრი შემიჩნდა და მანამებს, ნამითაც აღარ მასვენებს, რადგან ეს ჩემი ერთადერთი

აზრია. უნდა გავერკვე, უნდა ვიკითხო მაინც, იქნებ რამე გავიგო. ეს თუ გავიგე, არსებითად ყველაფერი მშვენივრად მოგვარდება და ალბათ, დავფიქრდები კიდევ ისეთი რა ჩავიდინო, სხვა ადამიანებს რომ დავემსგავსო-მეთქი.

გვერდით ვილაც მსახური ჩამიქროლებს. ვეხმიანები:

— უკაცრავად... ხომ ვერ მეტყვოდი...

— რას? — ყვირის თავაზიანად. უკვე შორიდან ყვირის.

და ვხვდები, რომ უბრალოდ სასაცილო ვარ. ღმერთო ჩემო, ასე რომ კაცი ჩქარობს ეს როგორ უნდა ჰკითხო. ასე ხომ მხოლოდ მეგობარს შეიძლება მიმართო და ისიც მას შემდეგ, რაც არაერთ საათს გაატარებთ ერთად და ამქვეყნად ყველაფერზე ისაუბრებთ. შეჩქვიფებული ვრჩები. შარვლიდან მტვერს ვიფერთხავ და ჩემს ელეგანტურ შიბლეტებს ყურადღებით ვათვალიერებ.

— არა, არაფერი, — ვეუბნები, საათს ვიღებ და ისრები ნახვარი დღით უკან ნერვიულად გადამყავს. მსახური მაშინვე თვალს ეფარება.

ნელინადი ისევ ნელინადს მისდევს. გავჭალარავდი, საფეთქლებთან თეთრი შემეპარა, გადავიღალე, გადავიღალე. ირგვლივ კი ისევ აკაკუნებენ და გრიალებენ, ანგრევენ და აშენებენ. ისევ ხმაური და ყაყანია; ისევ ფიცრების გროვას, აგურებსა და თიხით მოთხერილ ხარაჩოებს აწყდები, უხეში ბიჭების გინება გესმის და ნაფურთხებზე ფეხი გისხლტება.

ჯვარს ვეზიდები. ვცდილობ, თავად ავნო, მაგრამ სულ უფრო და უფრო მეტად მიჭირს, ველარ ვუძლებ. მისმა სიმძიმემ წელში გამწყვიტა, არაქათი გამომაცალა.

ვილაცას უნდა დავეყრდნო, ვინმეს შველა უნდა ვთხოვო. უნდა ვიკითხო, უნდა გავერკვე, უნდა ვცადო მაინც გავიგო. ეს სრული გაურკვეველობა, ეს უნაყოფო ფიქრები, აზრის, აზრის შეცნობის ეს სრული ამაოება დამლუპავს.

და აი, ერთხელაც, კვლავ მსახურს ვეხმიანები. გამბედაობა უნდა მოვიკრიბო, გაქცევის საშუალება აღარ უნდა მივცე, უნდა გამოვიკითხო.

— უკაცრავად... ხომ ვერ...

— რით გემსახუროთ? — ძალიან თავაზიანად მეკითხება.

ისევ შევჩქვიფდი. ამ კორექტულმა სიტყვებმა მამცნო, მეტისმეტად ამალღებული ტონით აპირებ საუბარს, უხამსობამდე მისუ-

ლი, აღელვებული სულიერი მდგომარეობა დაგეუფლაო. აღტაცებული ვრჩები მისი ბანალური, იოლად და ლაღად წარმოთქმული სიტყვებით და ვცდილობ, მის ტონს ავყვე, თავადაც გადმოვიღო. თვალთმაქცური არხეინობით ვიქნევ ხელჯოხს და რაც შეიძლება უზრუნველად ვაცხადებ:

— იცით რა, აი, ვიდექი და ვფიქრობდი...

ვთქვი თუ არა, მაშინვე ვიგრძენი, რომ ჩემი შიშები ისევ გამოძვრნენ გარეთ და აღელვებისაგან ხმა ისე ამიკანკალდა, როგორც ადამიანს, დიდი უბედურებისას შველას რომ ითხოვს.

— მითხარით... მითხარით... რისთვის ვარსებობთ?

ის არ დამცინის, ჩემი საქციელი სასაცილოდ სულაც არ ეჩვენება, ყოველ შემთხვევაში, გარეგნულად არაფერს იმჩნევს. კარგა ხნით შეჩერდება, სერიოზულად დაფიქრდება და იტყვის:

— თუ შეიძლება დირექციას მიმართეთ. აი, ამ კიბეს აუყვევით და მარცხნივ გაუხვიეთ, თუ შეიძლება!

შემდეგ სწრაფად მიიტანს ხელს ქუდთან და გაქრება.

დაობლებული ვრჩები. მარტოსული და დათრგუნული ვარ. რა თქმა უნდა, სწორია! დირექციისთვის უნდა მიმემართა, ეს ხომ დღესავით ნათელია. ამ საცოდავ, რიგით მსახურს ეს როგორ ეცოდინება. რა სიბრყველა ამ შეკითხვით იმ ადამიანს მიმართო უნიფორმის ქუდი რომ ახურავს, იმ დათრგუნულ და ქანცმილეულ საცოდაობას, ფიქრის დროც რომ აღარ დარჩენია.

ნეტავ, დირექციაში შესვლა გამაბეძინა! ნეტავ, გამაბეძინა! მაგრამ, მიუხაზლოვდები თუ არა, დამფრთხალი შევცქერი მომცრო კარს, სპილენძის ფირფიტა და გაუმჭვირვალე შუშა რომ ამშვენებს და გვერდს ნერვიულად ვუქცევ. მე ხომ ვალი არ გამისტუმრებია. ფულის ჩამოსვლას ველოდები, ის კი არ ჩანს. არავითარი ქონება არ მაბადია, მე კი საიდანღაც სულ ფულს ველოდები, თავადაც არ ვიცი, საიდან. ის კი არა და არ ჩანს და ჩემი ვალიც სულ უფრო და უფრო იზრდება.

შესვლას ვერ ვბედავ. არა, ვერაფრით ვერ გავებდავ შესვლას. ღმერთო ჩემო, მე ხომ აქ ყოფნის უფლებაც არა მაქვს, აქ, ამ ჯოჯოხეთში ყოფნის უფლებაც კი არა მაქვს!

ჩუმაღ შევიპარები ჩემს ოთახში, ძლივს გადავაბობლდები ბუხრის ნამსხვრევებს და ვეცემი სანოლზე, რომლის ხარიხები ზურგში მე-

სობა. და ვფიქრობ, ისევ ვფიქრობ, სანამ არ ჩამეძინება, სანამ ქანც-განყვეტილს ძილი არ მომერევა.

და ასე ვწევარ სნეული, მარტოსული. წლიდან წლამდე ვწევარ. უკვე ადგომაც აღარ შემიძლია. დრო კი გადარეული სისწრაფით მიქრის! ირგვლივ ისევ ხმაური და ქოთქოთია, ისევ რალაცას ანგრევენ, რალაცას აშენებენ. მე კი სულ ვფიქრობ, რისთვის, ნეტავ, რისთვის-მეთქი, ვფიქრობ. მე ხომ აქ მყარი გადაწყვეტილებით მოვედი, მინდოდა გამეგო, რა აზრი დევს ამ ყოველივეში ან თავად რა საჭირო ვარ. ისევ ვფიქრობ და ვფიქრობ. ირგვლივაც ისევ აკაკუნებენ, აბრახუნებენ, ანგრევენ და აშენებენ. მე აზრს ვეძებ! აზრს ვეძებ! ღმერთო ჩემო, ოდესმე თუ გავიგე რა აზრი დევს ამ ყოველივეში ან თავად რა საჭირო ვარ, ალბათ, ძალებსაც მოვიკრებ.

აზრს ვეძებ!

წლიდან წლამდე, წლიდან წლამდე გრძელდება ასე. ვბერდები! უკვე ბერიკაცს ჭაღარა, აბურძგნული თმა მაქვს, ხელები დამინაოჭდა, ყბაც მიკანკალებს. ირგვლივ კი ისევ აჭედებენ და ამაგრებენ, კივიან და წივიან. დასწყევლოს ღმერთმა! ნუთუ არ ესმით, რომ ადამიანს, ნათლად და ღრმად რომ იაზროვნოს და ნამდვილად მოიფიქროს რამე, ცოტა სიჩუმე და სიმშვიდე სჭირდება. ნუთუ არ ესმით, რომ, თუ გსურს სურათი მთლიანობაში დაინახო, ასეთი ანათემური უნესრიგობა არ უნდა გაამეფო! დალახვროს ეშმაკმა მათი თავი და ტანი!

ვბერდები! ვბერდები! მოვკვდები, გესმით, მე ხომ მოვკვდები!

და უცებ უკიდევანო და გამძვინვარებული სასონარკვეთილება მეუფლება, სანოლში ციებცხელებიანივით ვტრიალებ, რკინის ხარხები სხეულში ღრმად მესობა და სისხლი იატაკს ეწვეთება. ვკვნესი და ვტირი, ტკივილისაგან ხმამაღლა ვქვითინებ.

აზრი! აზრი!

არა, თავად ვერ მოვძებნი! ვერ მოვძებნი-მეთქი.

ხომ არ დავრეკო? ხალხს ხომ არ მოვუხმო? იქნებ რომელიმე მსახურს ვთხოვო კანტორაში ჩადი და იკითხე-მეთქი? ესე იგი, ვთხოვო, წერილობით მაცნობეთ პასუხი-თქო?

არა! არა! ვიცი, ამის ნაცვლად ანგარიშს გამომიგზავნიან. მე კი გადახდა არ შემიძლია. მე წერილს ველოდები, წერილს, რომელშიც ბევრი, ბევრი ფული იდება; წერილს ველოდები, ის კი არა და არ

ჩამოდის. მე კი მაინც ველოდები, განსაზღვრულ ადგილას ველოდები; ვიცი, რომ ჩამოვა, ნუთი ნუთზე ჩამომისწრებს, ის კი არა და არ ჩანს! არ ჩანს, არა! ამ ცხოვრებაში, ალბათ, ველარც მომისწრებს! მე ხომ აქ ყოფნის უფლება არა მაქვს, ამ სანოლში ნოლის უფლებაც კი არა მაქვს, ზურგში რომ მესობა.

ყველა შრომობს, დაულელლად შრომობენ. მე კი... მე წერილს ველოდები. ყველა აკაკუნებს, აჭედებს, ანებებს, ლესავს, აპრიალებს. მე კი... მე ვფიქრობ, აზრს ვეძებ, ყოველივე ამის აზრს ვეძებ.

ხომ არ დავერეკო? იქნებ წერილობით მაცნობონ პასუხი? არა, არა! ასე უცებ შეუძლებელია რაიმე გაიგო! ქალაქში აბსოლუტურად არაფრის დანერა არ შეიძლება.

ღმერთო დიდებულო!

უკვე სიკვდილის მოახლოვებასაც ვგრძნობ! ჰო! ჰო! მალე მოვევლები!

ო, ღმერთო, ღმერთო!

და უცებ ნამოვდგები, ოთახს რექტდასხმულივით გავივლი, ხელს ჩემს ტანსაცმელს დაეტაცებ, ამ აშშორებულ ძონძებს, კუთხეში რომ ყრია. სიცივით აკანკალებული ჩავიცვამ, გარეთ გამოვდივარ და კიბეზე ბანცალით ვეშვები.

საყელო არა მაქვს. კისერზე ძალაუნებურად ხელს ვიფარებ. დამცინიან, მასხრად მიგდებენ, ჩემს კვალს აფურთხებენ. მე კი ყოველივეს ძლივსლა აღვიქვამ.

ბოლოს და ბოლოს, დირექციის კარის წინ ვჩერდები. ბუნდოვნად ვხედავ სპილენძის ფირფიტასა და ზედა გაუმჭვირვალე შუშას, რომელშიც დიდი ჩრდილი მოძრაობს. კანკალი ამიტანს.

რამდენჯერმე ღრმად ამოვისუნთქავ. ვცდილობ, ცოტათი მაინც გავმხნევედე. ჩემს ჭუჭყიან სამოსში უფრო მეტად ვიფუთნები; შემდეგ, ბოლოს და ბოლოს, კარს ვაღებ და შევდივარ.

კაკლის ხის გაპრიალებულ დახლს მიღმა ვინმე ბატონი დგას, მშვენივრად შეკერილი სერთუკი და ზოლიანი შარვალი აცვია, საჩვენებელ თითზე ლურჯი ბეჭედი უბრწყინავს, მისი პენსნეს ზედა ხაზი კი ლარავით სწორია. ეს ბატონი, ჭეშმარიტად უზენაეს სატანას რომ წააგავს, თვალს სწრაფად შემავლებს.

ხელი ყელზე მაქვს აფარებული, თითებით აჩეჩილ თმას ვისწორებ, დამშვიდებას ვცდილობ, ძალიან ვცდილობ, ძალიან, ძალიან მშვიდი მინდა ვიყო.

დახლს ვუახლოვდები, ორივე ხელით ვეყრდნობი და ოდნავ წინ ვიხრები.

— უკაცრავად, — ვეუბნები, — უკაცრავად, თუ შეიძლება, ხომ ვერ მეტყოდით... რისთვის ვიცხოვრე?

ენა მებმის, კბილები მიკანკანებს, მთელი სხეული მიცახცახცებს.

ის თავადაც დახლს უახლოვდება, ორივე ხელით ეყრდნობა; სწორედ ჩემსავით ეყრდნობა და მაინც მეჩვენება, რომ ამას სხვაგვარად აკეთებს. ჩემკენ იხრება. ლურჯ ჰალსტუხზე ქინძისთავი დაუმაგრებია, პირიდან კი სასიამოვნო სურნელი ამოსდის. კითხვას მიბრუნებს:

— თქვენ, ბატონო ჩემო? პირადად თქვენ?

თავის დაქნევით ვეთანხმები.

მაშინ დიდ წიგნს გადაშლის და შიგ ჩაიხედავს. მიპოვნის! საჩვენებელ თითს ზემოდან ქვემოთ ჩამოუსვამს, ფურცლებს გადაშლის. სუფთა ფურცლებია. მარჯვენა მხარეს მხოლოდ სამი წითელი მწკრივი მოჩანს.

სული მიმძიმდება, თავზარი მეცემა.

შემდეგ მკვეთრად დახურავს წიგნს და გამჭოლი მზერით მიყურებს.

— ეშმაკმა უწყის! მხოლოდ ეშმაკმა უწყის!

მეტს არაფერს ამბობს. არაფერში მადანაშაულებს. უკვე აღარც მიყურებს და თავის საქმესაც მშვიდად უბრუნდება.

ეს შემთხვევა აშკარად აღარ აინტერესებს.

განადგურებული მთლად ვიკუნტები, რალაცას ვბურტყუნებ, მას კი არც ესმის. თმაზე, ბავშვივით ნამიან თმაზე, ხელს გადავისვამ და კარისკენ ბარბაცით გავწევი.

კიბეზე ვეშვები, უშველებელ ჰოლს გავივლი, ფიცრების გორებს, ხარიხებსა და წვერიან მუშებს შორის მივძვრები, მაგრამ ზურგს უკან აღარც მლანძლავენ, აღარც მაგინებენ, აღარც პანლურს მკრავენ და აღარც მიყვირიან! აღარავის ვაინტერესებ!

გარდავიცვალე!

უშველებელ, ყურთამდე გაღებულ კარს უჩინარივით გავივლი.

და უგზო-უკვლოდ მივემართები იმ უკიდევანო წყვდიადისაკენ, საიდანაც მოვედი.

ბიჭუნების სამხედრო ლაშქრობა

იმ შორეულ წარსულში სამხედრო საქმეს ბავშვებიც სწავლობდნენ. ბიჭუნებს ჯარში იწვევდნენ, შემდეგ კი აგზავნიდნენ საგანგებო ნაწილებში, რომელიც ქვეყნის მთელ ტერიტორიაზე იყო მოფენილი და სადაც, საველე პირობებში, ძალიან სერიოზულ სამხედრო მომზადებას იღებდნენ. ყოველ წელს, სამხედრო მოქმედებათა ზუსტი ასლის შესაქმნელად, მანევრებსაც აწყობდნენ. მოზრდილებს ამ სამხედრო სწავლებასთან პირდაპირი კავშირი არ ჰქონიათ. სამხედრო ხელოვნების საფუძვლებს ბავშვები თავად ეუფლებოდნენ და სამხედრო ნაწილებსაც თავადვე მართავდნენ. უფროსები იმითლა დაეხმარნენ, რომ ბავშვთა არმიის ხელმძღვანელების მომზადებლად სპეციალური სკოლები შექმნეს, სადაც საუკეთესო ბიჭუნებს არჩევდნენ, ანუ იმათ, ვინც შემდგომში რიგითი ამხანაგების სამხედრო აღზრდას უხელმძღვანელებდა. ეს სკოლები განსაკუთრებით პოპულარული იყო. მთელ ქვეყანაში ერთ ბიჭუნასაც ვერ იპოვნიდით იქ მოხვედრა ოცნებად არ გადაქცეოდა. მაგრამ მისაღები გამოცდები ძალიან მკაცრი გახლდათ. განსაკუთრებულ ფიზიკურ და გონებრივ მონაცემებსა და ძლიერი ხასიათის ნიშნებს მოითხოვდა. სკოლაში ექესი-შვიდი წლის ბიჭუნებს იღებდნენ. შემდეგ პატარა კურსანტებს განვრთნიდნენ ხოლმე და განა, მხოლოდ სამხედრო თვალსაზრისით, არა! მთავარ ყურადღებას მომავალი მეთაურის ხასიათის ჩამოყალიბებასა და სრულქმნას უფრო უთმობდნენ და სწორედ ამის გამო იყო, რომ სკოლის კურსდამთავრებული მთელი ცხოვრება უდიდესი პატივისცემით სარგებლობდა. ამგვარად, ეს სამხედრო სკოლები ბავშვთა არმიას შესანიშნავ საფუძვლს უყრიდა და მისი წარმატების საწინდრადაც გვევლინებოდა. ეს იყო და ეს. დანარჩენი ბიჭუნების საქმე გახლდათ. არც ერთ მოზრდილს უფლება აღარ ჰქონდა სარდლობისთვის რაიმე ეკარნახა, საორგანიზაციო წერილობებში ჩარეულიყო ან საპასუხისმგებლო პოსტებზე დანიშნულთა კანდიდატურები განეხილა. ბიჭუნები ყველაფერს თავად მართავდნენ. ყველაზე მნიშვნელოვან გადაწყვე-

ტილებებსაც კი მხოლოდ ბავშვთა გენერალური შტაბი ამტკიცებდა. არმიამი თოთხმეტ წელს გადაცილებულ არც ერთ მეომარს არ აჩერებდნენ. როგორც კი ამ ასაკს მიაღწევდა იგი, ავტომატურად გადადიოდა ქვეყნის რეგულარულ ჯარში და რადგან ამ დროისათვის გარკვეული სამხედრო გამოცდილება უკვე ჰქონდა, პირველი ვადის სამსახურს შეუდგებოდა. ერი ამაცობდა ვეებერთელა ბავშვთა არმიით და უყვარდა კიდევ. იგი სამ საჯარისო კორპუსს (თითოეულში ოთხი ფეხოსანი დივიზიით), მსუბუქ არტილერიას, სამედიცინო და საინტენდანტო სამსახურებს აერთიანებდა.

ყველა ფიზიკურად ჯანმრთელ ბიჭუნას ბავშვთა არმიამი იწვევდნენ და ბევრი გოგონაც კი, რა თქმა უნდა, ნებაყოფლობით, იქ მდებარე მსახურობდა.

და აი, ერთხელ, რომლიდაცა პატარა ქვეყანამ, გაუგებარი კია რატომ, მაგრამ ძლიერი მეზობლის წინააღმდეგ ხმა აიმაღლა. არადა, ერთი გასაცოდავებული ქვეყანა ტლიკინებდა და ყველაზე შეურაცხმყოფელი სწორედ ეს აღმოჩნდა. საყოველთაო აღშფოთებამ და აგრესიამ მოსახლეობაში ისე იმძლავრა, რომ აუცილებელი გახდა ჭირვეული ქვეყანა მოერჯულებინათ და, რა თქმა უნდა, მის ტერიტორიასაც დაუფლებოდნენ. ბავშვთა არმიის უმაღლესმა მთავარსარდლობამ შექმნილი სიტუაცია კარგად გამოიყენა და მაშინვე მოითხოვა, ეს ოპერაცია ჩვენ, ნორჩ ჯარისკაცებს დაგვავეალებათ და ნახეთ, მონინააღმდეგეს ჭკუას როგორ ვასწავლითო. ეს ამბავი მაშინვე მთელ დიად სახელმწიფოს მოეფინა და ისეთი არნახული აღფრთოვანება გამოიწვია, რომ უმაღლესმა ფენებმა, მცირე ყოყმანისა და მსჯელობის შემდეგ გადანიყვიტეს, კი, ბატონო, მივანდოთ ბიჭუნებს ეს სამხედრო ოპერაცია, ასეთ დავალებას ხომ ბავშვთა არმიაც იოლად მოერევა, მოსახლეობის აზრს კი ანგარიში ნამდვილად უნდა გავუწიოთო.

ამგვარად, საგარეო საქმეთა სამინისტრომ გათამამებულ ქვეყანას აშკარად მიუღებელი ულტიმატუმი წაუყენა. პარალელურად კი ბავშვთა არმიის მობილიზაცია გამოაცხადა, რაც ოცდაოთხ საათში შესრულდა კიდევ. როგორც მოსალოდნელი იყო, ქვეყანამ ულტიმატუმი უარყო, რასაც მაშინვე ომის გამოცხადება მოჰყვა.

ჯარის ნაწილები ფრონტზე დიდი ზარ-ზეიმით გააცილეს. პატარა, მამაცი მეომრები ყვავილებში ჩაფლეს, მათი შაშხანები კი მწვანე რტოებით მორთეს. სამხედრო მოქმედებები ჩვეულებისამებრ

გაზაფხულზე დაიწყო, მაგრამ ამჯერად საზოგადოებამ ეს ფაქტი რალაც სიმბოლურად აღიქვა. დედაქალაქში, ბავშვთა არმიის მთავარსარდალმა, მრავალათასიანი ბრბოს თანდასწრებით, მეომრებს მგზნებარე სიტყვებით მიმართა და განაცხადა, ჩვენი მეომრების დიდი სიმამაცისა და სამშობლოს კეთილდღეობისათვის მათი უანგარო თავგანწირვისა მჯერაო. პათოსით აღსავსე ამ სიტყვებს მქუხარე ოვაციებით შეხვდნენ, ხოლო ბიჭუნა, ვინც თორმეტიოდე წლის ასაკში ასეთ ბრწყინვალე კარიერას მიაღწია, ეროვნულ გმირად გამოაცხადეს. ყველგან ჭეშმარიტად უსაზღვრო აღტაცება გამეფდა. გამცილებლებს თვალები ცრემლით ავესოთ, დედებს კი სიამაყითა და ბედნიერებით გაუბრწყინდათ, მათ ცხოვრებაში ხომ ეს ყველაზე მნიშვნელოვანი დღე იყო. საჯარისო ნაწილებმა სააღლუმო მარშით ჩაიარეს და დროშები ააფრიალეს. ყოველ პოლკს წინ მუსიკოსთა კოლონა მიუძღოდა. ოჰ, რა დაუფინყარი სანახაობა იყო! ბრბოში აქა-იქ მგრძნობიარე სცენებიც კი გათამაშდა, რაც სამშობლოსადმი ნმიდათანმიდა სიყვარულის დასტური გახლდათ: ასე მაგალითად, ერთმა დედამ ოთხი წლის ბიჭუნა ხელში აიტაცა, რათა ყოველივე უკეთ დაენახა. ბიჭუნა აბლავლდა და მეც იქ მინდა, მეც იქ მინდაო, დაიჩემა. დედამ მისი დამშვიდება სცადა და ჯერ პატარა ხარო, დაუყვავა. ბიჭუნამ კი, ახლა ნახე რა პატარაც ვარო, შეიცხადა და დედას სახეში მუშტი ისე გამეჭებით ჩასცხო, რომ ცხვირიდან სისხლი აღინა. საღამოს გაზეთები ამგვარი ეპიზოდებით გადაჭრელდა და ამკარად წარმოაჩინა განწყობა საზოგადოებისა, რომელიც გამარჯვების რწმენით ანთებულ მეომრებს მიაცილებდა. არმიის დიდი აღლუმში რადიომ გადასცა, მთავარსარდლის სიტყვა კი ფირზე ჩაწერა და ყოველ საღამოს 19.15 საათზე იმეორებდა.

ამასობაში სამხედრო ოპერაციებიც დაიწყო და ფრონტიდან კარგი ამბები ნიაღვარივით მოანყდა. ბიჭუნები მაშინვე შეტევაზე გადავიდნენ და ფრონტის ზოგიერთ უბანზე მტერს დიდი ზარალი მიაყენეს. შვიდასი კაცი დახოცეს და დაჭრეს, ათას ორასზე მეტი ტყვედ ჩაიგდეს, მაშინ, როცა მათი პირადი დანაკარგი სულ რამდენიმე ასეულს ითვლიდა. პირველი გამარჯვება დიდი ხმაურით, მგზნებარედ აღინიშნა, ეკლესიებში სამადლობელი ლოცვები აღევლინა, გაზეთები გადაივსო ჯარისკაცთა საგმირო საქმეებით და იმ ნიჭიერ სარდალთა პორტრეტებით, ვინც ბრძოლაში თავი გამოიჩინა და საყოველთაო აღიარება მოიპოვა. სიხარულით გონდაკარგულმა

დედებმა და დეიდებმა ჯარს შოკოლადებისა და სხვა ტკბილეულის ისეთი რაოდენობა გაუგზავნეს, რომ უმაღლეს მთავარსარდლობამ ასეთი ამანათები დროებით, მაგრამ მკაცრად აკრძალა. ბრძანებაში აღნიშნა, ამ ტკბილეულობამ ბრძოლისუნარიანობა მთელ პოლკს ისე დააკარგინა, შეიძლება თავი მონინაალმდეგის ალყაში ამოაყოფინოსო.

ამგვარად, ბავშვთა არმიამ ინიციატივა შეინარჩუნა და მონინაალმდეგე ქვეყნის სიღრმეში გადაინაცვლა. თუმცა ფრონტის ერთ უბანზე მცირედით უკან დახევა დასჭირდა, მაგრამ ასე მხოლოდ ფლანგებთან კავშირის დასამყარებლად, ანუ საკუთარი პოზიციების გასამაგრებლად მოიქცა. ამ ოპერაციის შემდეგ წინსვლა შეჩერდა და ფრონტზე კარგა ხანს აღარაფერი შეცვლილა.

ივლისის დასაწყისში გენერალური შეტევა დაიგეგმა და ბავშვთა არმიის ისეთი ვეებერთელა რეზერვები ამოქმედდა, მონინაალმდეგეს ერთიათად რომ სჭარბობდა. კამპანია რამდენიმე კვირას გაგრძელდა და მნიშვნელოვანი დანაკარგების მიუხედავად, თითქმის სრული წარმატებით დასრულდა. ფრონტის თითქმის მთელი ხაზი მტრისგან გათავისუფლდა. გამარჯვების გასამყარებლად ახლა მტერს ფეხდაფეხ უნდა მიჰყოლოდნენ და საბოლოოდ გაენადგურებინათ. ეს კი ბავშვთა არმიამ ვერა და ვერ შეძლო, რადგან მონინაალმდეგეს უფრო გრძელი ფეხები აღმოაჩნდა. მტერმა ეს უპირატესობა მშვენივრად შეაფასა და შესანიშნავად გამოიყენა. მიუხედავად ამისა, ბიჭუნათა ნაწილმა მონინაალმდეგე მგზნებარე მარშით შეავინროვა და ბოლოს და ბოლოს მთელი მისი მარჯვენა ფლანგი გაანადგურა. დასასრულ, ბავშვთა არმიამ მტრული ქვეყნის თითქმის შუაგულს მიაღწია და დედაქალაქიდან რამდენიმე დღის სავალ მანძილზე შეჩერდა.

გაზეთები ახმაურდნენ, გრანდიოზული ოპერაცია დასრულდაო. რადიო ყოველდღე, დანიშნულ დროს, ეთერში ზარბაზნების ქუხილს და ფრონტის მდგომარეობის შესახებ ინფორმაციას გადასცემდა. სამხედრო კორესპონდენტები საბრძოლო ეპიზოდებს აღტაცებულნი, მაღალფარდოვანი ფრაზებით აღწერდნენ და ბიჭუნათა ლეგენდარულ გამირობას, მათ ქედუხრელ სიმამაცეს თუ თავგანწირვას, მთელი არმიის მაღალ საბრძოლო სულისკვეთებას ხოტბა ასხამდნენ. კორესპონდენტები დიდად არ აზვიადებდნენ, ჭეშმარიტი სიმამაცით აღსავსე ბავშვები მართლაც გამირობივით იქცეოდნენ.

ნეტავ, შეტყვის დროს დაგენახათ! რა თავგანწირვით იბრძოდნენ, სიკვდილის სულ არ ეშინოდათ, უფროსებს ნამდვილად არაფრით ჩამოუვარდებოდნენ. ვის დაავინყდება ეპიზოდი, როცა ბიჭუნები მტერს ტყვიების წვიმის ქვეშ ეკვეთნენ, მათი თანატოლი სანიტრები კი დაჭრილი ჯარისკაცების გასაყვანად ბრძოლის ველს შეესივნენ. ან სხვაგვარი სურათი წარმოიდგინეთ: ფრონტის წინა ხაზზე დაჭრილებისა და დახოცილების გროვაა. ერთს ფეხი მოგლეჯია, მეორეს მუცელი მოჰფატვრია და ნანლავები გარეთ გადმოსცვენია, მაგრამ ბავშვების ერთი კენესაც კი არ ისმის. რას იზამ, ხელჩართული ბრძოლა ძალიან სასტიკი აღმოჩნდა, ბევრი ბავშვი დაიღუპა, მაგრამ, როგორც კი სროლა დაიწყო, უპირატესობა მათ მხარეს გადავიდა. საიდუმლო მონაცემების მიხედვით, მტერმა ოთხასი მეომარი დაკარგა, ბავშვებმა კი მხოლოდ შვიდასი და დიდი დანაკარგის მიუხედავად, ბრძოლა სრული გამარჯვებით დაასრულეს.

ამ ბრძოლას განსაკუთრებით დიდი მითქმა-მოთქმა მოჰყვა, რადგან სხვებზე დიდი მნიშვნელობა ჰქონდა. ახლა ეჭვს აღარ ინვევდა, რომ ბავშვები ტექნიკითაც, დისციპლინითაც და სიმამაცითაც მონინაალმდეგეს უდავოდ აღემატებოდნენ.

კომპეტენტური წრეები მაინც აღიარებდნენ: მტერმა უკან სწრაფად და მოხერხებულად დაიხია, თავდაცვაში ძლიერია და მის შესაძლებლობებს ნუ დავაკნინებათო. ყურადღება მიაქციეთ, ბრძოლის საბოლოო ეტაპზე მტრის ჯარმა მოულოდნელი და ძლიერი წინააღმდეგობა გასწია და ბავშვების წინსვლა შეაჩერაო. ეს რეალისტური ხედვა უსაფუძვლო ნამდვილად არ იყო. მონინაალმდეგეს, არსებითად მეომარ ქვეყნად ვერც კი ჩათვლიდი და აგრესორთან ბრძოლა უდავოდ უჭირდა, მაგრამ ბრძოლის პერიოდში თანდათან გამოინართო და ბოლოს და ბოლოს ბავშვთა არმიას მნიშვნელოვანი საზრუნავი გაუჩინა. ამას გარდა, სხვა უპირატესობაც ჰქონდა. თუნდაც ის, რომ ტანმორჩილი მონინაალმდეგეები ჰყავდა. ამის წყალობით, მცირეოდენი ვარჯიშის შემდეგ, რამდენიმე მებრძოლს ხიშტზე ერთად აგებდა ან რომელიმე გულადს ერთი წიხლისკვრით იშორებდა. სამაგიეროდ, ბავშვები ბევრად სჭარბობდნენ, თავს ნივილ-კივილით ესხმოდნენ, ხელიდან მოხერხებულად უსხლტებოდნენ და ასე ებრძოდნენ. ამ გაველურებული მხეცების თავდასხმამ, მართლა ქაჯებივით რომ იბრძოდნენ, საბრძოლო სულისკვეთებას მოკლებული მონინაალმდეგე ძალიან დააბნია. ქაჯები სწორედ მტერმა

დაარქვა. შემდეგ ეს სახელი სამშობლოშიც აიტაცეს, ოღონდ იქ საპატიო და მოსაფერებელ სახელად აქლერდა. თავდაპირველად, მონინალმდეგე თავს ძლივს იცავდა, მოგვიანებით, ბავშვთა შეტევების მოგერიება მაინც შეძლო და დროდადრო კონტრუქტივაზეც კი გადავიდა. ამის შემდეგ სამხედრო მოქმედებები საერთოდ შეჩერდა და ყველამ სული მოითქვა.

ამგვარად, ბიჭუნებმა ქვეყნის დიდი ნაწილის ოკუპირება შეძლეს, თუმცა ძვირად კი დაუჯდათ. ადგილობრივი მოსახლეობა ალტაცებული სულაც არ იყო და არც ბიჭუნების სიყვარულით იწვოდა. ბოროტი ენები იმასაც ამტკიცებდნენ, ბავშვებს სახლებიდან ყრიან და თუ სადმე პატარა ჯგუფებად დაიგულეს, თავსაც ესხმიანო. მონინალმდეგეთა ველურობაზეც ბევრს საუბრობდნენ, ბავშვებს ანამებენ და თვალებს თხრიანო. ეს ჭორები ხშირად სამართლიანიც იყო. ადგილობრივმა მოსახლეობამ თავშეკავება სულ დაკარგა და აშკარად განრისხებული ჩანდა. სამხედრო თვალსაზრისით ეს უვარგისი ერი, განრისხებას ბუნებრივ გამოსავალს ვერ უძებნიდა და რევანშს საშინელი ბოროტმოქმედებით იღებდა. ამ ბალღინჯობივით თუ რწყილებივით შემანუხებელი, უცხოშინელი ბიჭუნების შემოსევამ ხალხს თავგზა აუბნია და მათ ყოველ მოხერხებულ დროს ანადგურებდა. საშინელი ალვირახსნილობის შესაჩერებლად ბავშვები მთელ სოფლებს წვავდნენ და უამრავ ხალხს ხვრეტდნენ, მაგრამ მდგომარეობა არა და არ გაუმჯობესდა. მშობარა მოსახლეობის საზიზღარი ბოროტმოქმედება ბავშვთა არმიას უშველვებელ ზარალს აყენებდა.

ეს ამბავი ბიჭუნათა სამშობლოში, რა თქმა უნდა, საშინელ აღმფოთებას იწვევდა. მათი თანამემამულენი ვერაფრით შეგუებოდნენ აზრს, რომ მონინალმდეგე პატარა ჯარისკაცებსაც კი არ ინდობდა, აზრს, რომ ასე ალვირახსნილად ის ხალხი იქცეოდა, ვისაც სამხედრო საქმის არაფერი ესმოდა, ის მშვიდობიანი ბარბაროსები, ვისაც ღირსებასა და ომის წარმოების საყოველთაო ნორმებზე წარმოდგენაც კი არ ჰქონდა. მაგრამ ყველაზე მეტად საზოგადოება იმ მოვლენამ აღაშფოთა, რომელიც ოკუპირებულ ტერიტორიაზე, ზაფხულის ცნობილი ბრძოლიდან ცოტა ხნის შემდეგ მოხდა. ერთი ლეიტენანტი მდინარის პირას დასეირნობდა. ნაპირზე კი ზორბა, ჩასუქებული გლეხის ქალი მუხლებზე ჩაჩოქილიყო და თეთრეულს ჯოხით რეცხავდა. ლეიტენანტი შეეკითხა, უახლოეს სოფელთან

როგორ მივიდეთ. ქალს ეს შეკითხვა აშკარად არ მოეწონა და მოკლედ მოუჭრა, სოფელში რა გესაქმება, საკუთარ დედიკოსთან ნაბრძანდით. მაშინ ლეიტენანტიმა ხმალი იშიშვლა და შეურაცხყოფელს შეუტია. ამ უკანასკნელმა კი, მეომარს ნელზე ხელი მოხერხებულად სტაცა, მუხლზე გადაინვინა და უკანალი ჯოხით აუჭრელა. თანაც ეგზეკუცია იმდენ ხანს გააგრძელა, რომ მოთეთქვილი ლეიტენანტი რამდენიმე დღის მანძილზე ვერც დაჯდა და ველარც ფეხზე დადგა.

ლეიტენანტი ისე გაოგნდა, რომ წინააღმდეგობის განევა არც კი უცდია, თუმცა კბილებამდე შეიარაღებული იყო. ამ ინციდენტს არავინ შესწრებია, მაგრამ ბრძანება მოითხოვდა, ადგილობრივი მოსახლეობის ყველა ბოროტმოქმედების ამბავი კომენდატურას მოახსენოთ და ლეიტენანტიმაც მოახსენა. თქმა არ უნდა, უხალისოდ მოახსენა, მაგრამ ბრძანება ბრძანებაა და სხვა რა გზა ჰქონდა. ამგვარად გახმაურებულმა ლეიტენანტის შემთხვევამ საჯარისო ნაწილებშიც და მათ სამშობლოშიც არნახული ვნებათაღელვა გამოიწვია. ეს სკანდალური შემთხვევა სამშობლოს ისეთი სირცხვილი და შეურაცხყოფა იყო, რომელსაც ვერაფრით ჩამორეცხავდი. თანაც ეს გამიზნულად ჩაიდინა ერმა, რომელსაც სამხედრო საქმეზე წარმოდგენაც კი არ ჰქონდა. პრესით, მიტინგებით, პირადი საუბრებით, პატარა ჯარისკაცთა აშკარა ზიზღსა და სიძულვილს გამოხატავდნენ. არმიის შემარცხვენელ ლეიტენანტს, როგორც უღირსს, მწკრივის წინ სამხრეები ჩამოჰგლიჯეს, საომარ მოქმედებებში მონაწილეობის მიღება აუკრძალეს და სასწრაფოდ შინ, მშობლებთან გააგზავნეს. მისი ოჯახი, სხვათა შორის, ქვეყანაში ერთ-ერთი ყველაზე წარჩინებული ოჯახი იყო, ამ შემთხვევის შემდეგ, კი, იძულებული გახდა, ღრმა პროვინციაში გადასახლებულიყო.

ზორბა გლეხის ქალი თავისი ქვეყნის გმირი და უსამანო აღტაცების საგანი გახდა. მთელი ომის მანძილზე მისი ლეგენდარული ხატი ეროვნული სულის ისეთ სიმბოლოდ გადაიქცა, რომელიც ხალხს დაუმორჩილებლობისაკენ მოუწოდებდა. მრავალფეროვან პოეზიაში, განმათავისუფლებელი ბრძოლის დროს რომ შეიქმნა, ამ გმირობას აურაცხელი ლექსი მიეძღვნა, თანაც ფართო საზოგადოების ინტერესების გათვალისწინებით, ხან ხალხის წიაღიდან წარმოშობილ, ძლიერი ხასიათის ქალად წარმოაჩენდნენ, ხანაც ამაღლებული პათეტიკით აღჭურვილ გმირად. ქალის ხატება უფრო და

უფრო ლეგენდარულ შტრიხებს იძენდა, მთელი ამბავი კი ნელ-ნელა ზღაპარს დაემსგავსა. მისი შემდგომი ხვედრის შესახებაც მრავალი ვერსია შეიქმნა. ერთის მიხედვით, გმირი ქალი მტერმა დახვრიტა, მეორეთი კი, თავისი დღეები ხალხის სიყვარულითა და პატივისცემით გარემოცულმა გალია.

ამ მოვლენამ მოწინააღმდეგეთა სისასტიკე კიდევ უფრო გააძლიერა. ზაფხულის მიწურულს, სწორედ საშემოდგომო წვიმების დაწყების წინ, ინფორმაციის მოპოვება მოწინააღმდეგის გეგმების შესახებ ვერც ერთმა მხარემ ველარ შეძლო და გადამწყვეტი ბრძოლა ერთდროულად დაიწყო, რაც დამლუპველი შედეგით დაგვირგვინდა. ფრონტის ხაზზე საჯარისო ნაწილები ერთმანეთს ისე დაუნდობლად დაერივნენ, რომ ცოცხალი აღარავინ გადარჩა. კანტიკუნტად შემორჩენილმა მშვიდობიანმა მოსახლეობამ მიწისქვეშა თავშესაფრიდან გამოსვლაც კი გაბედა, რადგან მინა მხოლოდ გვამებით იყო მოფენილი და ომი დასრულებულად ჩათვალა. სულ ტყუილად. ამასობაში დამხმარე ძალებმაც მოაღწიეს და ომიც ახალი ძალით განახლდა. თუმცა დიდი არეულ-დარეულობა გამოიკვეთა. თავდაპირველად, შეტევით გახურებულმა ორივე მხარემ ერთმანეთის პოზიციებს გვერდი აუქცია და ბრძოლის გასაგრძელებლად უკან დაბრუნება დასჭირდათ. შემდეგ ზოგიერთმა ნაწილმა ფრონტის ხაზი გაარღვია, მეტისმეტად წინ გაიჭრა და დანარჩენები უკან ჩამოიჭოვა. შედეგად, რამდენიმე ნაწილი საკუთარი ჯარის ზურგს უკან მოექცა და მთელი ბრძოლის მანძილზე, ორივე მოწინააღმდეგე, პერიოდულად, საკუთარ ჯარებს ზურგიდან ურახუნებდა. ამგვარად, ბრძოლა დულდა და გადმოდულდა და ტყვიები ყოველი მხრიდან წვიმასავით მოდიოდა. როცა ბოლოს და ბოლოს ბრძოლა მინელდა, გამარჯვებული არავინ აღმოჩნდა. ორივე მხარეს ერთნაირი დანაკარგი, 12924 დაჭრილი და მოკლული აღმოჩნდა. ხოლო პოზიციები, ამ დაუსრულებელი შეტევა-უკანდახევის შემდეგ, მაინც უცვლელი დარჩა. ის იყო შეთანხმდნენ, გამარჯვებულად ორივე მხარემ თავისი თავი ჩათვალოსო, რომ წვიმებიც დაიწყო.

ჯარებმა სანგრები გათხარეს და მავთულხლართები გააბეს. ბიჭუნები სანგარში უფრო ადრე ჩაძვრნენ, მათთვის ხომ ეს ჩვეული საქმე იყო. ისე მყუდროდ მოენყვნენ, თითქოს საკუთარ სახლში ნებივრობდნენ. ჩაბინძურებულები და ტილიანები ამ ბნელ თავშესაფარში თავს ისე კარგად გრძნობდნენ, თითქოს დაბადებიდან

ასეთ პირობებში ეცხოვრათ. მტერს, პირიქით, მინისქვეშ ცხოვრება უჭირდა და ნორმალური არსებობა ენატრებოდა. ამ დროს კი, აირ-ნინალებითა და თიხაში ამოგანგლული მუნდირებით მორთული ბავშვები ისე გამოიყურებოდნენ, თითქოს სპეციალურად ასეთი პირობებისთვის შეექმნათ. ისინი ჭიებივით დაძვრებოდნენ, ხან ზემოთ ამოვიდოდნენ, ხან მიწაში ჩასრიალდებოდნენ და ვინრო გასასვლელებსა და თავშესაფრებში მოხერხებულად დაცოცავდნენ. შეტყვის დროს კი, ბრუსტყერების ზედაპირზე ელვის სისწრაფით ამოხტებოდნენ ხოლმე და თავდასხმებს გახელებით იგერიებდნენ. ყოველი თვე მათ უიმედოდ მტანჯველ ცხოვრებას უფრო და უფრო მეტ განსაცდელს უმზადებდა. მოზრდილი ჯარისკაცები ვერაფრით შეპყუებოდნენ ამკარად უაზრო დანაკარგებს და ბევრი მათგანი აპათიამ მოიცვა. ბავშვები კი ყველაფერს სხვაგვარად აღიქვამდნენ, ომს უფრო იოლადაც ეგუებოდნენ და უფრო მოსწონდათ კიდევ; მოზრდილებს ხომ ომი მალე სწყინდებათ ხოლმე. ბიჭუნებს კი, როგორც ჩანს, ეს საქმიანობა მეტადაც იტაცებთ და საველე ცხოვრებაც მეტად მოსწონთ. პირველყოფილი პირობებისადმი ინსტინქტური სწრაფვაც ძლიერი აქვთ და კოლექტივიზმისა თუ ამხანაგობის განვითარებული გრძნობაც ეხმარებათ.

რა თქმა უნდა, თავს კარგად არც ბავშვები გრძნობდნენ. განსაკუთრებით ზამთარში გაუჭირდათ, როცა ცივი წვიმა და სველი თოვლი დაუსრულებლად მოდიოდა. ყველაფერი უკანასკნელ ძაფამდე დასველდა, სანგრები წყლით ამოივსო. ასეთი ამინდი გუნებას ვისაც გინდა იმას გაუფუჭებდა, მაგრამ ბავშვებს არც მაშინ დაუნუნუნიათ, უფრო მეტიც, ეს თავში აზრადაც არ მოსვლიათ. ვერანაირი ტანჯვა ვერ აიძულებდათ ელიარებიანათ, მძიმე მდგომარეობაში ჩაეცვივდიოთ. სამშობლო კი თავისი შვილებით ამაყობდა. ყველა კინოთეატრში ატრიალებდნენ ქრონიკას, სადაც აჩვენებდნენ ფრონტისპირა ხაზზე გამართულ სამხედრო პარადებს, პატარა მთავარსარდალსა და მის გენერლებს, ჯარისკაცებს მკერდზე მამაცობისათვის მედლებს რომ ჰკიდებდნენ.

ამ ქაჯებზე სამშობლო ძალიან დარდობდა, ყველას ესმოდა, როგორ უჭირდათ. ყველა ოჯახი მათ შესახებ ლაპარაკობდა, განსაკუთრებით, საშობაო დღესასწაულებისას, როცა პატარა მეომართა თვალები სანგრებში ანთებული ნაძვის ხეების მოციმციმე შუქით გაბრწყინდა. თავად ბიჭუნები კი სახლზე სულაც არ ფიქრობდნენ.

ისინი ნამდვილი ჯარისკაცები იყვნენ — მოვალეობის გრძნობით აღსავსე და ახალი ცხოვრებით გატაცებული ჯარისკაცები. შობა დღის პირველ ნახევარში, ფრონტის რამდენიმე უბანზე, შეტევა ცი განახორციელეს და მტერი დიდად დააზარალეს. ეს შეტევები მაშინლა შეჩერდა, როცა საშობაო ამანათების გახსნის დრო დადგა. დიახ, ბიჭუნები ქვემარტი საბრძოლო სულისკვეთებით გამოირჩეოდნენ, მოზრდილებს ნამდვილად არ აწყენდათ მიებაძათ. სენტი-მენტალიზმის სულ მცირედი გამოვლინებაც კი მათთვის უცხო იყო. ისინი ომმა გამოანართო და ნამდვილ მამაკაცებად აქცია.

თუმცა ერთხელ ასეთი შემთხვევაც მოხდა: რომელიღაცა საცოდავი ბიჭუნა, ანთებული ნაძვის ხის დანახვისას, ხმამალა ატირდა და მაშინვე ამხანაგების დაცინვა დაიმსახურა: „დედიკოსთან ხომ არ მოგინდა, შე მტირალა!“ საბრალოს მთელი საღამო და უფრო მეტიც, მთელი დღესასწაულის მანძილზე დასცინოდნენ. შემდეგ ბიჭუნა საჯარისო ნაწილებს ასიოდე მეტრით დაშორდა და რადგან მაშინვე იგუმანეს, ალბათ დეზერტირობას აპირებსო, დაიჭირეს და სამხედრო ტრიბუნალს გადასცეს. საცოდავმა თავისი საქციელი ვერაფრით გაამართლა, ამიტომ ეჭვი ყველას გაუქრა და მაშინვე დახვრიტეს.

თანამემამულეებს რომ სცოდნოდათ ეს ქაჯები რა მაღალი საბრძოლო სულისკვეთებით გამოირჩეოდნენ, ასე არც აღელდებოდნენ. მაგრამ მაინც ყველა ღელავდა, ყველას ერთი და იგივე აზრი ანუხებდა, გაუძლებდნენ კი ბავშვები ამ დამქანცველ ომს, ასე რომ გაიჭიმა. ახლა საზოგადოება ძალიან ნანობდა, ეს ოპერაცია ბიჭუნებს რომ მიანდო. ახალი წლის შემდეგ რეგულარულმა ჯარმა საიდუმლო დახმარებაც კი შესთავაზა, მაგრამ ბავშვების ამაყი უარი მიიღო.

აი, მონინალმდეგეთა ჯარი კი ასეთი ქედუდრეკი განწყობით ნამდვილად არ გამოირჩეოდა. თქმა არ უნდა, მტერმა გადანყვიტა სისხლის უკანასკნელ წვეთამდე ვიბრძოლებო, მაგრამ საბოლოო გამარჯვების რწმენა აკლდა. მონინალმდეგეთა ჯარისკაცები ვერა და ვერ იშორებდნენ ეჭვს, ამ აგრესორს როგორ მოვერევი, ამ სარძევე კბილებამდე შეიარაღებულ ხალხისგან ქვეყანას როგორ გავათავისუფლებთო და ეს ეჭვი მტერს ხშირად სულს უწენავდა.

როგორც კი ბუნებამ გამოიღვიძა და ყოველივე გაზაფხულის წვენი აივსო, ბიჭუნები მტერთან გადამწყვეტი ბრძოლისათვის გასამმაგებული ენერგიით მოემზადნენ. მძიმე არტილერიამ მოხ-

ერხებული პოზიციები დაიკავა, ჯარის ნაწილები დღე და ღამე მოძრაობდნენ, ყველა რეზერვი წინა ხაზზე გადავიდა. ექვსდღიანი, ინტენსიური არტმომზადების შემდეგ, ბავშვებმა უღვევი ენერგია და ბრწყინვალე სამხედრო მომზადება გამოავლინეს და გამანადგურებელი შეტევა წამოიწყეს. ბრძოლის ველი ჯერ არნახული გმირობის სურათებით შეივსო. არმია ხომ ერთი წლით გაიზარდა, მათ ასაკში კი ამას დიდი მნიშვნელობა ჰქონდა. მონინა აღმდეგემ, თავის მხრივ, ყველა რეზერვი მოიხიდა და მტკიცედ გადაწყვიტა, სისხლის უკანასკნელ წვეთამდე ვიბრძოლებო. წვიმამ გადაიღო. გამოდარებამ ჯარისკაცებს გუნება გამოუკეთა და ახალი იმედებით აავსო. სასტიკი ბრძოლა გაჩაღდა! ფრონტის ხაზიდან ორივე მიმართულებით დაჭრილი ჯარისკაცებით გადატენილი ეშელონები დაიძრა. ტყვიამფრქვევების, ტანკებისა და გაზების გამოყენებას საშინელი შედეგში მოჰყვა. რამდენიმე დღის მანძილზე ვერც ერთმა მხარემ ბრძოლის მიმდინარეობის ნამდვილი სურათი ვერ შეადგინა. ისეთი შთაბეჭდილება შეიქმნა, თითქოს ერთმანეთს ორი ერთგვაროვანი ძალის მქონე არმია შეერკინა, რადგან ილბალი ხან ერთის, ხან კი მეორის მხარეს ინაცვლებდა. მაგრამ თანდათანობით სიტუაცია შეიცვალა. მონინა აღმდეგემ მთავარი დარტყმის მოლოდინში ცენტრი გაამაგრა, ბავშვთა არმიის განლაგებაში კი ცენტრი ყველაზე სუსტი ნერტილი აღმოჩნდა.

მტერმა ეს მდგომარეობა კარგად გამოიყენა, რადგან ყველაზე მნიშვნელოვან ძალებს თავი სწორედ ფრონტის ამ მონაკვეთზე მოუყარა და მალე აგრესორის წინააღმდეგობა გატეხა. ერთიმეორის მიყოლებით განხორციელებულმა შეტევებმა, ბიჭუნებს უკან და უკან დაახვეინა. მონინა აღმდეგემ რიცხობრივი უპირატესობის გარდა, საღამოს ქარის სასიკეთო მიმართულებითაც ისარგებლა, გაზი გაუშვა და ათასობით ბავშვი უვნებელყო. ნარმატებით აღტაცებულმა მტერმა მოპოვებული შეტევა ენერგიულად გააგრძელა, მაგრამ ბიჭუნების უკან დახვევა გენიალურად ჩაფიქრებული და მოხერხებულად გატარებული სამხედრო ეშმაკობა აღმოჩნდა. მტერმა მთელი თავისი ყურადღება ფრონტის უფრო და უფრო დამყოლ ცენტრზე ისე გადაიტანა, ფლანგების დასუსტებით გამონვეული ხიფათი არც კი გახსენებია და ხიფათიც წამოიწია.

ცენტრს დიდი მანძილით დაშორებული ბიჭუნები შეჩერდნენ. ფლანგები სასწრაფოდ გადაადგილეს და მტრის ზურგში შე-

აერთეს. ამის შედეგად მონინალმდეგის მთელი არმია ალყაში, რკინის ნრეში მოქცეული აღმოჩნდა. ახლა ქაჯებს მტრის ფლანგებისთვის უნდა მოელოთ ბოლო და ნრე უფრო მეტად შეევიწროებიან. ბოლოს და ბოლოს თავგანწირვით მებრძოლმა მტერმა ყოველგვარი წინააღმდეგობა შეწყვიტა და ტყვედ ჩაბარდა, რადგან არსებითად, უკვე დატყვევებული იყო. მთელი ისტორიის მანძილზე ეს ყველაზე ტოტალური დამარცხება გახლდათ და მტერი მისგან მხოლოდ სიკვდილს შეეძლო გადაერჩინა. ომის მატთანეს ბიჭუნების გამარჯვების მსგავსი არაფერი ახსოვდა. გენიალურად შესრულებული ალყის მანევრი ამის შემდეგ ყველა სამხედრო სკოლაში ისწავლებოდა. სამოცდაათი წლის შემდეგ კი დიდმა მთავარსარდალმა სლიუდელსონმა ამ ბრძოლის ტაქტიკა მთლიანად ისესხა და 2048 წელს სლივოკვარკერები დაამარცხა.

ამგვარად, მონინალმდეგე ძირს განერთხა და ომის გაგრძელებას აზრი აღარ ჰქონდა. ბავშვთა არმია ტყვეებთან ერთად მტრის დედაქალაქისკენ გაემართა, რათა იქ ზავის პირობები ეკარნახა. უძველესი სასახლის სარკეებიან დარბაზში პატარა მხედართმთავარმა ისტორიული აქტი, ზავის პირობების გადაცემის აქტი ჩაატარა. ეს სცენა, შემდგომ, უამრავ მხატვრულ ტილოზე აისახა, იმ დღეებში კი ყველა ილუსტრირებულ ჟურნალსა და გაზეთში გამოჩნდა. კინოკამერები ბზუოდნენ, რადიო კი ამ დიად ახალ ამბავს მთელ ქვეყანას ამცნობდა. მხედართმთავარს მკაცრი და გაუტყუავი მზერა ჰქონდა. ერთი ფეხი წინ წაედგა და გაშვერილ მარჯვენა ხელში ისტორიული დოკუმენტი ეჭირა. დოკუმენტის პირველი და ყველაზე მთავარი პუნქტის მოთხოვნით მონინალმდეგეს თავის ქვეყანაზე ხელი უსიტყვოდ უნდა აეღო და მისი დაპყრობისთვის განეული ხარჯები აენახლანურებინა; თანაც ორივე მხრის ხარჯების უკანასკნელი პუნქტი იმ საფუძველზე შემუშავდა, რომ, მართალია, ომი მონინალმდეგეს არ წამოუნყია, მაგრამ თავი და თავი მიზეზი, მისივე აღიარებით, თავად გახდაო. დოკუმენტის ხელმოწერის დროს სამარისებური სიჩუმე ჩამოვარდა, რასაც მხოლოდ კალმის ფხაჭუნი არღვევდა, რადიოკომენტატორმა ქვეყანას მაშინვე ჩურჩულით ამცნო, ეს სუფთა ოქროს კალამი უდავოდ სამუზეუმო ექსპონატად გადაიქცევაო.

ეპოპეა ამით დასრულდა და ბავშვთა არმიაც სამშობლოსკენ გაემართა, სადაც არნახული აღფრთოვანებით შეეგებენ. სადაც არ

უნდა ჩაეელოთ, გზის აქეთ-იქით აღგზნებული ბრბო იკრიბებოდა და ტრიუმფალური მარშით მიმავალ გამარჯვებულებს ეგებებოდა. ყველაზე დიდი ზეიმით კი ბავშვთა არმიას დედაქალაქი შეხვდა და იქ, ხალხის თანდასწრებით, ეროვნული შეხვედრის სადღესასწაულო ცერემონიალი შედგა.

ხალხი ცხვირსახოცებს იქნევდა და მოჭარბებული გრძნობებით აღგზნებული, შლეგიანივით ბლაოდა, მუსიკა ქუხდა, თვალები ყველას სიხარულის ცრემლით ევსებოდა. შემდეგ, კიდევ უფრო დიდი აღფრთოვანებით, ტრიუმფალური პროცესიის ბოლოში მომავალ ომის პატარა ინვალიდებს შეეგებნენ: უსინათლოებს, დასახიჩრებულებსა და ხელ-ფეხ მოკვეთილებს. თუმცა ბევრ მათგანს ყავარჯნებისა და პროთეზების შეძენა უკვე მოესწრო და თითქმის სრულფასოვან ბავშვებს დამსგავსებოდნენ.

გამარჯვების ძლიერი ზალპი ქუხდა, ხიშტები მზეზე ელვარებდა, რა დაუვიწყარი სანახაობა იყო! ისტორიის დიად ნიგნში ხომ ახალი, მნიშვნელოვანი ფურცელი ჩაინერა, რასაც შემდგომი თაობები ალტაცებით ნაიკითხავდნენ. ქვეყანას ბევრი ბრწყინვალე გამარჯვება ახსოვდა, მაგრამ არც ერთით არ უამაყია ისე, როგორც თავისი ბავშვების გმირობით ამაყობდა. ერის მეხსიერებაში ერთგულებითა და სამშობლოს უსაზღვრო სიყვარულით ანთებული მისი შვილების გმირობას ველარაფერი ნაშლიდა.

ყოველ გაზაფხულს გამარჯვების დღეს, მოსწავლეები დროშების ფრიალით, საზეიმოდ მიემართებოდნენ სასაფლაოსაკენ, სადაც ნორჩ მეომრებს პატარა, თეთრი ჯვრების ქვეშ სამარადისო ძილით ეძინათ. ბავშვები საფლავებს ყვავილებით ამკობდნენ.

საფლავებთან გულის ამარყებელი სიტყვები იფრქვეოდა. დიად წარსულს, წარუშლელ დიდებას, ბავშვთა გმირულ თავგანწირვას იხსენებდნენ. დროშები მზის სხივებში თრთოდნენ, ბავშვთა წკრიალა ხმები და მგზნებარე მონოდება ისმოდა. გაბრწყინებული თვალებით ისინი მომავალს გასცქეროდნენ და ახალი საგმირო საქმეებისკენ მიისწრაფოდნენ.

ჯალათი

ჯალათი ჩაბნელებულ სამიკიტნოში იჯდა და სვამდა. მიკიტნის გადმოდგმული ერთადერთი ქონის სანთლის მხრჩოლავი ციმციმი მაგიდასთან გაშხლართულ, სისხლისფერ-ნითელ სამოსში გამონყობილ ძლიერ, ზონზროხა სხეულს ეცემოდა. და კიდევე ხელს, რომელიც შუბლზე ამომწეარ დამლას ფარავდა. რამდენიმე უბნელი ხელოსანი და შეზარხოშებული ქარგალი სუფრის ბოლოს შემოსხდომოდნენ და ღრეობდნენ. ჯალათის მხარეს არავინ იჯდა. ქვის იატაკზე უჩუმრად ჩაივლიდა მიმტანი ქალი, ხელის კანკალით შეუვსებდა კათხას. მოშორებით მიმალული შეგირდი ბიჭუნა, სიბნელით რომ ესარგებლა და სამიკიტნოში შეპარულიყო, ჯალათს ანთებული თვალებით უმზერდა.

— სვიანი ლუდია, არა? აბა, რას გვეტყვი, ჯალათო? — გასძახა ერთმა ხელოსანმა. — არ გაგიგია? მიკიტნის დიასახლისი სახრჩობელასთან მოგეპარა, ქურდბაცაცას თითი ცხვირწინ აგნაპნა და ლუდის კასრში ძაფით ჩაიკიდა. ოლონდ საუკეთესო ლუდი ჰქონდეს და ტყავიდან გაძვრება, ოლონდ მუშტრები მოიზიდოს და უკან არაფერზე დაიხევეს. ლუდს, კი, არ გაგიგია, ეშხსა და გემოს ჩამოხრჩობილის თითივით ვერაფერი მატებს.

— მართლაც და საოცარია, — ჩაილაპარაკა პირმოლრეცილმა ბებერმა მენალემ და ჩაფიქრებულმა ნვერიდან ლუდი ჩამოინურა. — რასაც კი უკეთურობასთან აქვს საქმე, ყველაფერში იდუმალი ძალა იმალება.

— ძალა და ეგეთი! მახსოვს, ჩვენს მხარეში აკრძალული ნადირობისათვის ერთი კაცი ჩამოკიდეს. თავად კი ამტკიცებდა უდანაშაულო ვარო, ვინ მოუსმინა. როგორც კი ჯალათმა ფეხქვეშ საყრდენი გამოაცალა და ყულფმა წაუჭირა, ისეთი ქარები გაძვრა მთელი მხარე მონამლა. ყვავეილები გადაჭკნა, სახრჩობელის აღმოსავლეთით მდელი თითქმის მთლიანად გადაიბუგა და გავერანდა. ქარი მაშინ დასავლეთიდან უბერავდა. ერთსაც გეტყვით, იმ ზაფხულს უმოსავლო წელი დაგვიდგა.

ყველა ახარხარდა და მაგიდას მიანყდა.

— მამაჩემი სხვაგვარად ჰყვებოდა ამ ამბავს. მის ჯეელობაში ერთი კაცი თურმე ცოლისდასთან დაძვრებოდა და როცა მისმა ჟამმა დარეკა, სწორედ ასევე დაემართა. არცაა გასაკვირი, ყოველი მინიერი სწრაფად უნდა მოიშორო. იმანაც ირგვლივ ისეთი სიმყრალე დააყენა, ხალხმა უკანაც კი დაიხია. ამ დროს ცაზე ღრუბელი გამოჩნდა, შავი და როგორი შავი, გულზე შემოგეყრებოდა. ღრუბელზე თავად ეშმაკი გადამჯდარიყო, ქარცახით მართავდა, ცოდვილ სულს მიათრევდა და თანაც სიამოვნებით ხითხითებდა, ასეთი სიმყრალე რომ დააყენა.

— ნეტავ, სისულელებს არა როშავდეთ, — კვლავ ჩაერია მოხუცი და ჯალათს აღმაცერად გახედა. — ეს სახუმარო საქმე როდია. რალაც სხვა ძალა იმალება-მეთქი, გუბუნებით. თუნდაც კრისტენი გავიხსენოთ, ანას ბიჭი, პირზე დუჟმორეული მინას ისე დაასკდებოდა ხოლმე, თითქოს გულ-გვამში ეშმაკი ჩასახლებოდა! რამდენჯერ დამიჭერია და პირიც გამიღებინებია მისთვის. ნეტავ, იცოდეთ, როგორ ძაგძაგებდა, ეგეთი ერთიც არ მინახავს, თუმცა ბევრი შემთხვევის მომსწრე კი ვარ. ერთხელაც დედამისმა წაიყვანა და აი, ერკერ-მჭედელი რომ მოკვდა, იმისი სისხლი ძალით დააღვეინა. მაშინვე ყველაფერი გაუქრა. მას მერე ერთხელაც არ ნაქცეულა.

— ჰო-ო...

— მე ხომ მათი მეზობელი ვარ, თუმცა რა, ეგ ამბავი ხომ თქვენც კარგად იცით.

— ვინ გედავება.

— სისხლი აუცილებლად მკვლელისა უნდა იყოს, თანაც ჯერ კიდევ თბილი, თორემ ვერაფერს შველის.

— ეგ ხომ ეგრეა.

— ჰო. საოცარია, აბა, რა არის.

— აი, ის ბავშვებიც, სნეულები ან გაძვალტყავებულები რომ არიან, მაშინვე მოყოჩაღდებიან ხოლმე, როგორც კი ჯალათის მახვილიდან სისხლს მოალოკინებ. ჯერ კიდევ ბალლობიდან მახსოვს, — განაგრძო მოხუცმა. — ჩვენს მხარეში ეს ყველამ იცოდა. ერთი ექიმბაში დედაკაცი გვყავდა, ამ სისხლს ჯალათის სახლიდან ეზიდებოდა. ჰა, ცუდი ხომ არაფერი ნამომცდა, ჯალათო?

ჯალათს ზედაც არ შეუხედავს, არც შერხეულა. მოციმციმე, მსტუნავ შუქში მისი მძიმე, შეუვალი სახე, შუბლზე შემოდებულ ხელებქემ ძლივსლა მოჩანდა.

— ჰო, უკეთურებას განკურნებაც შეუძლია, ნაღდად ასეა, — დაასკვნა მოხუცმა.

— ეტყობა, ხალხი ასე ხარბად ტყუილად არ ეტანება ყოველივე უკეთურს. ღამით შინ მობრუნებულმა სახრჩობელას თუ ჩაუარე, ჰო-ჰო-ჰო, ისეთი ფუსფუსი და ქოთქოთი დაგხვდება, შიშისაგან გული ფეხებში ჩაგივარდება. აი, სად კრეფენ აფთიაქარები, ექიმბაშები თუ სხვა უღვთო ჯადოქრები თავიანთ ბანგსა თუ ნამალს, მერე ლატაკსა და გაჭირვებულს ოფლით მოპოვებულ ფულს ოხრად ახდევინებენ. იმასაც ამბობენ, ზოგიერთ გვამს ძვლებამდე ისე გაცლიან ხოლმე, ვერც კი გაიგებ, ოდესმე ადამიანი თუ იყო. განა თქვენზე ნაკლებად ვიცი, რომ უკეთურებას ძალა აქვს და თუ გაგიჭირდა, ვერც ასცდები. თავადაც გამოვცადე და სხვათა შორის, არც ჩემს დედაკაცს დაჰკლებია. და მაინც ვამბობ: ნყეულიმც იყოს! მართო ღორები და ყვავები კი არა, ჩვენც მძორით ვცხოვრობთ-მეთქი!

— მორჩი ყბედობას, ნეტავ, გულებს რას გვიხეთქავ. მაინც რა გადაყლაპე, აღარ იტყვი?

— არც მითქვამს და არც გეტყვით. მე სხვა რამეს ვამბობ: ნყეულიმც იყოს ეშმაკეული ძალა, რადგან ეს ყველაფერი მისგან მოდის-მეთქი. ეგრეა, თუ დამიჯერებთ!

— ა-ა, სისულელეს როშავ. მთელი საღამო უაზროდ ყბედობთ. ყელში ამოვიდა ამდენი სისულელე.

— ლუდს რატომ არა სვამ?

— ვსვამ, აბა, რას ვშერები, შენ თვითონ შეუბერე, შე, ლოთო, შენა.

— მაინც უცნაურია, რომ უკეთურებას შველაც შეუძლია და თან ამდენი ძალაცა აქვს.

— საქმეც ეგ არის, რომ აქვს.

— ნუ კი ეხუმრები, ისეთი ძალაა, უნდა დაგლუპავს, უნდა აგაშენებს.

ისევ ჩაჩუმდნენ. კათხები უკან დასწიეს. ზოგიერთმა პირი იბრუნა და ალბათ, პირჯვარი გადაინერა.

— ამბობენ, ჯალათს ვერც დანა ერევა, ვერც მახვილიო, — თქვა მოხუცმა და მღუმარე, ზონზროხა სხეულს აღმაცერად გახედა. — არც კი ვიცი, მართალია, თუ არა.

— ეგ ყველაფერი სულ ტყუილია.

— ეგ არა თქვა. ზოგი ისეთი პიტალო შეგხვდება, ვერაფერს დააკლებ. ჩემს ჯეელობაში გამიგონია, ერთ ეგეთს საშინელი ბოროტებისათვის დასჯა დაუპირეს, არადა მახვილით ვერა და ვერ მოერივნენ. შემდეგ ნაჯახით სცადეს და ისიც ხელიდან გაუვარდათ. შიშისაგან გულები დაუსკდათ და მაშინვე გაათავისუფლეს. ყველა მიხვდა, რომ უნმინდური ჩასახლებოდა.

— სისულელეა!

— ღვთის მადლმა, მართალს ვამბობ. მინა გამისკდეს, თუ ვტყუოდე.

— სისულელეებს როშავ-მეთქი, გეუბნები! აბა, ვინ არ იცის, რომ სხვა ნაძირალებივით ჯალათებსაც ნაჯახითა და მახვილით აცლიან თავს. თუნდაც ენს ჯალათი გაიხსენე, განა, თავისივე ცულით არ ნააცალეს თავი!

— ენსი სხვა საქმეა, ის ამ ძალებთან შეკრული არ იყო. მაგ საცოდავს უბედურება დაატყდა თავს და სიცოცხლე მოიმათხოვრა, თავის დედაკაცსა და ბალებს ვერ შეელია. ეს, ძმაო, გამონაკლისი იყო. ამ ხელობას თავადაც ვერ შეენყო. ფიცარნაგზე ავიდოდა და უბედურ ცოდვილებზე მეტად ეგ კანკალებდა. უკეთურობისა ეშინოდა, აი, რა იყო. ასე მგონია, სიკვდილიც იმიტომ მოიმკო, რომ შიშს ვერ მოერიდა, ეს ხელობა მისთვის ძალზე მძიმე აღმოჩნდა. პოდა, აილო და თავისი საუკეთესო ძმაკაცი, სტაფანი მოკლა. მე ეგრე ვიტყოდი, ნაჯახი ენსზე ძლიერი აღმოჩნდა-მეთქი. თითქოს თავისკენ იზიდავდა, თითქოს ყოველთვის იცოდა, ნინაალმდეგობას ვერ გავუნევ, ადრე თუ გვიან მის ქვეშ ამოვყოფ თავსაო და ამოყო კიდევ. არა, მას უკეთურის ძალა არ ჰქონდა. აი, ვისაც აქვს, იმას ვერაფერი მოერევა.

— რალა თქმა უნდა, ჯალათის ძალა სხვას სიზმრადაც არ მოეღანდება. უკეთურებასთან ასე ახლოს ტყუილად ხომ არ ტრიალებს? ისიც ნათელია, რომ რალაცა ძალა მის ნაჯახსა და სხვა იარაღებშიც იმალება. ალბათ, იმიტომაც ვერავინ ეკარება ვერც მის იარაღს და ვერც თუნდაც სხვა რამეს, რასაც ჯალათის ხელი შეჰხვებია.

— ეგ ხომ ეგრეა.

— ბოროტებას, ძმაო, ისეთი ძალა აქვს სიზმრადაც არ მოგელანდება. ერთი თუ მოგიგდო, კარგად მეყოლე, კლანჭებს ჩაგაველებს და თავს ველარ დაიძვრენ.

— ნეტა, შენ რაღა იცი? — შეეპასუხა კაცი, აქამდე ჩუმად რომ იჯდა. — მის არსში ჩანვდომა იოლი ხომ არ გგონია? ცოტა მიახლოება თუ მოახერხე და ბოროტებას თვალი შეავლე, გაოგნებული დარჩები. იმას კი არ ვამბობ, ბოლომდე ჩავნდი-მეთქი, უბრალოდ, ცოტა ხნით მისი გავლენის ქვეშ მოვხვდი, თითქოს სახეში ჩაეხედე და მის საიდუმლოს ოდნავ აუხადე რიდე. ეს კი სამუდამოდ გამახსოვრდება. საოცარი კია, მაგრამ ამის შემდეგ თითქოს აღარც გეშინია მისი.

— ვითომ ეგრეა?

— აღარ გეშინიაო? რაღაც არ მჯერა.

— გეუბნები აღარ გეშინია-მეთქი. აი, მომისმინე და თუ გინდა, გაამბობ, რატომაც აღარ მეშინია. სანამ ისხედით და ქაქანებდით, უცებ ერთი ამბავი გამახსენდა.

როცა ეს მოხდა, სულ პატარა ბიჭი გახლდით, ხუთი-ექვსი წლისა თუ ვიქნებოდით. მამისეულ მამულში ვცხოვრობდით. მამაჩემი კარგი მეურნე იყო და გაჭირვებაც არ გვიგრძნია. ჩემს დედ-მამას ერთადერთი შვილი მე ვყავდი და მგონი, მეტისმეტადაც ვუყვარდი. ჩვეულებრივ ხომ ასე ხდება, როცა ოჯახში მხოლოდ ერთი შვილი ჰყავთ ხოლმე. ბედნიერი ბავშვობა მქონდა. ისეთი კეთილი და აღერსიანი მშობლები მყავდა, სხვას რომ ვერ ნახავ. კარგა ხანია, ორივე გარდაიცვალა, ღმერთო, აცხონე იმათი სულელები. ჩვენი მამული განაპირას, სოფლის ბოლოში იყო და მეც უმეტესად ან მარტო ვთამაშობდი ან დედ-მამას დავდევდი კუდში. დღემდე მახსოვს ეზოში სად რა გვედგა, სახლის სამხრეთით მდებლოცა და ბოსტანიც კარგად მახსოვს. თუმცა ახლა ეს ყველაფერი უკვე დაუკარგე და ალბათ, ველარც ვიხილავ, მოგონებები მაინც ცოცხლად შემომრჩა.

და აი, ერთხელაც, ზაფხულში, გახურებული მკის დროს დედამ მამაჩემსა და მის ნადს სადილი ნაულო. იმ სიშორეზე ჩემი წაყვანა ძალიან ძნელი იყო, ამიტომ შინ მარტო დამტოვეს. მზე აჭერდა, თაკარა სიცხე იდგა. ბუზები ზღურბლის ქვასაც შეესივნენ და საქონლის ბაკთან იმ ადგილსაც, დილაობით რძეს რომ წველიდნენ ხოლმე. უაზროდ დავეხეტებოდი და ეზოს ვათვალიერებდი. ბაღში შეშის ფარდულთან მივედი, შემდეგ ფუტკრებიც მოვინახულე, მაძღრები და სითბოთი მოთენთილნი თავისი სკებიდან ზანტად რომ მოძვრებოდნენ. და როგორღაც ისე მოხდა, მომწყინდა, თუ რა იყო, ახლაც ვერ გეტყვით, ღობეზე გადავძვერი და ტყეში იმ ბილიკს

შეუყუყუევი, ჩვენს სახლთან რომ იწყებოდა, ხოლო სად თავდებოდა, მაშინ არ ვიცოდი. სრულიად უცნობ ადგილებში მოვხვდი. ბილიკი ფერდობს მიუყვებოდა, ტყე ხშირი იყო, უშველებელი ხეები იდგა და მეც ტოტებშუა თუ ხავსმოდებულ ლოდებს შორის ვიჭვრიტებოდი. ქვემოთ, ხეობაში მდინარე მოქუხდა და ჩვენი სოფლისაკენ მიედინებოდა. ჩემთვის მივაბიჯებდი და ვხარობდი, კარგი ამინდიც კი მახალისებდა. მზე ხის ტოტებში, ფოთლებს შორის თვლემდა, კოდალების კაკუნი ისმოდა, თბილი ფისით გაჟღენთილი ჰაერი ჩიტების ჭიკჭიკს აევსო.

ალარ მახსოვს, რამდენ ხანს ვიარე, რომ უცებ შრიალი გავიგონე. ხშირ ბარდებში თითქოს რალაცამ გაიშლივინა და მინას მოსწყდა. მაშინვე ნაბიჯს ავუჩქარე, მაინტერესებდა, ვის გადავანყადი. მოსახვევთან მისულმა თვალი მოვკარი ვილაც გარბოდა და მეც უკან დავედევნე. ბილიკი ვაკეზე დაეშვა, ტყე გამეჩხერდა, უცებ თავი ველობზე ამოვყავი და დავინახე, წინ ორი ბავშვი გარბოდა. ჩემი ტოლები თუ იქნებოდნენ, თუმცა სულ სხვაგვარად იყვნენ ჩაცმულები. ისინი ველობის მეორე ბოლოში გაჩერდნენ, უკან მოიხედეს და ისეე გაიქცნენ. მეც უკან გამოვუდექი, თანაც ვერ გამექცევივით, სულერთია, დაგიჭერთ-მეთქი, ვფიქრობდი. მათ კი ბილიკს გვერდი აუქციეს და თავი ხშირ ბარდებს შეაფარეს. თავდაპირველად მეგონა, დამალობანას მეთამაშებოდნენ, შემდეგ მივხვდი, ასე არ იყო. მე მათი გაცნობა და თამაში მენადა. ამიტომ არ შეეჩერებულვარ და ნელ-ნელა წამოვევნიე კიდეც. ბოლოს და ბოლოს ორივე სხვადასხვა მხარეს გაქანდა. ერთ-ერთი მათგანი ნაქცეული ნაძვის ქვეშ შეძვრა და თითქოს ჩაიმარხა. მივირბინე, ტოტები გადავნიე და დავინახე: მოკუნტული ბიჭი იწვა. გახვითქული, ხარხარით დავახტი ზემოდან და მინას მივაკარი. ბიჭი აფართხალდა, თავი ასწია, ველური, შეშინებული თვალები ააცეცა და ტუჩები ბოროტად მოღრიცა. მნითური, მოკლედ შეჭრილი თმა ჰქონდა, სახე კი წვრილ, ჭუჭყიან ჭორფლს დაეფარა. ტანზე მხოლოდ ძველი, დაფხრენილი ფლასი ემოსა. ასე თითქმის შიშველი იწვა ჩემს ხელებში და პატარა ცხოველივით თრთოდა.

ჩემი აზრით, ცოტა უცნაურად გამოიყურებოდა, მაგრამ ცუდი არაფერი მიფიქრია და არც ხელი გამიშვია. ერთი კი სცადა გამსხლტომოდა, მაგრამ მაშინვე მუხლი დავაჭირე და არა, გენაცვალე, ვერსად წამიხვალ-მეთქი. ავხარხარდი. ისიც ჩანყნარდა, მიყრუე-

ბოდა და ხმას აღარ იღებდა. მივხვდი, რომ მოთვინიერდა და აღარ გამექცეოდა. მაშინ ხელი გაუშვი, წამოვდექით და გზასაც ერთად გაუყევით, თუმცა დამფრთხალ თვალებს მაინც არ მამორებდა. ის მეორე, მისი და აღმოჩნდა. სამალავიდან რომ გამოვიდა, ბიჭმა მას მიაშურა და ჩურჩულით დაელაპარაკა. გოგონა თვალებდაჭყეტილი, შეშინებული უსმენდა, მაგრამ როცა მივუახლოვდი, აღარ გაქცეულან.

ასე დავიწყეთ თამაში და რახან მოთვინიერდნენ, ამ თამაშში ხალისიანადაც კი ჩაებნენ. ხან აქ დაიმალებოდნენ, ხან იქ, ამ ადგილებს, როგორც ჩანს, კარგად იცნობდნენ. ვიპოვნიდი თუ არა, ასევე ჩუმად ახლა სხვა ადგილისაკენ გარბოდნენ. მდელი თითქმის მოშიშვლებული იყო, მხოლოდ ლოდები და ნაქცეული ხეები მოჩანდა. მათ კი ეს მდელი, ეტყობა, ზეპირად იცოდნენ და ხანდახან ძლივსღა ეპოულობდი ხოლმე. არასოდეს მენახა ვინმეს ასე უხმაუროდ ერბინოს, არც კი გამიგია, ბავშვი ასე ჩუმად თამაშობდეს. ცოტა ხნის შემდეგ გახურდნენ, აქეთ-იქით თრითინებივით სხარტად დაქროდნენ, ოღონდ მაშინაც კი მათგან ჩქამი არ ისმოდა. არც ჩემთვის უთქვამთ სიტყვა, მაგრამ უამისოდაც კარგად გავერთეთ, ყოველ შემთხვევაში, მე კმაყოფილი დავრჩი. თუმცა დროდადრო, შუა თამაშში უცებ გახევდებოდნენ და მდუმარედ შემომცქეროდნენ.

ეტყობა, კარგა ხანს ვთამაშობდით, სანამ ტყიდან ძახილი არ გაისმა. ბავშვებმა სასწრაფოდ შეხედეს ერთმანეთს და მაშინვე იქით გაქანდნენ. ერთი მივაძახე, ხვალ ისევ შევხვდეთ-მეთქი, მაგრამ არც კი მობრუნებულან, ბილიკზე მხოლოდ მათი შიშველი ფეხების ტყაპუნის ხმა ისმოდა.

შინ რომ დავბრუნდი, ჯერ კიდევ არავინ იყო მოსული. დედაც მალე გამოჩნდა, მაგრამ არც ის მითქვამს, სად ვიყავი, არც ის, რა ვნახე. ვერც კი გეტყვით, რატომ გავჩუმდი, თითქოს საიდუმლო გავიჩინე.

მეორე დღეს დედამ ისევ წაიღო სადილი. როგორც კი მარტო დავრჩი, მაშინვე გუშინდელ ადგილს მივაშურე და ჩემი მეგობრები მოვინახულე. მათ თავი კვლავ შორს ეჭირათ და თავდაპირველად ვერც კი გავერკვიე, ჩემი დანახვა გაუხარდათ თუ არა. ერთი კია, ისე ზუსტად დამხვდნენ, თითქოს გამიზნულად მელოდებოდნენ. ისევ წამოვინწყეთ თამაში და ამ ჩუმი სირბილისაგან მთლად ოფლში გავიხვითქეთ. აღარც მე ვყვიროდი და ვჭყლოპინებდი, თუმცა ისინი

რომ არა, ალბათ, ასეც მოვიქცეოდი. მეჩვენებოდა, უკვე დიდი ხანი იყო, რაც ერთმანეთს ვიცნობდით. ამჯერად დიდ მდებლობაზე კი მივირბინეთ და უცებ დავინახე წამოშვერილ კლდის ქიმზე მიკრული ქოხი, რალაცნაირი პირქუში იერი რომ ედო. ოღონდ ჩვენ ამ ქოხს ახლოს არ გავეკარებოვართ.

შინ მობრუნებულს დედა უკვე მელოდებოდა. სად იყავიო, შემეკითხა და მეც, უბრალოდ ტყეში ვსეირნობდი-მეთქი, ვუპასუხე.

ის დღე იყო და ის დღე, ყოველ ცისმარე დილას ტყეში გავრბოდი. ჩვენი ოჯახობა ისე იყო თიბვით გართული, ჩემთვის არავის ეცალა, ვერავინ ამჩნევდა, სადღაც რომ ვიპარებოდი. ბავშვები ახლა შუა გზაზე მეგებებოდნენ და თავიც შორს აღარ ეჭირათ.

ძალიან მინდოდა მათი საცხოვრებელი მენახა, ისინი კი საშუალებას არ მაძლევდნენ, თითქოს სულ იქით მექაჩებოდნენ, სადაც საერთოდ ვთამაშობდით ხოლმე. ერთხელაც გავბედე და მათ ქოხს მივუახლოვდი, ბავშვებიც ცოტა მოშორებით გამომყვებენ. აქ ყველაფერი ჩვეულებრივი იყო, ოღონდ ქოხის ირგვლივ არც ხნულები ჩანდა, არც კვლები, მინა ისე მიტოვებულსა და გავერანებულს ჰგავდა, თითქოს ადამიანს აქ არასოდეს ეცხოვროს. ქოხის კარი ღია დამხვდა, ბავშვებს დაველოდე და შიგ ერთად შევედი. ქოხში ბინდი ჩამონოლილიყო და შმორის სუნი იდგა. ნინ ქალი შემოგვეგება, თუმცა არც მოგვსალმებია, არც ხმა ამოუღია. მკაცრი თვალები ჰქონდა ამ ქალს, თითქოს გბურღავსო, მზერაში რალაც არასასიკეთო კრთოდა. თმა ლოყებზე კულულებად ჩამოშლოდა, დიდ, სისხლისაგან დაცლილ პირზე კი ავი ღიმილი დასთამაშებდა. თუმცა მაშინ მისი გარეგნობისათვის დიდი ყურადღება არ მიმიქცევია, ის კი გავიფიქრე, ალბათ, ბავშვების დედაა-მეთქი და ქოხში მიმოვიხედე.

— აქ საიდან გაჩნდა? — შეეკითხა ქალი ბავშვებს.

— სათამაშოდ მოდის ჩვენთან, ტყეში, — შიშით უპასუხეს ბავშვებმა. ქალმა ცნობისმოყვარეობით შემათვალისწინა და თითქოს მზერაც ცოტა შეურბილდა, ანდა ვინ იცის, იქნებ, მე შევაჩვიე თვალი. ისიც კი მომეჩვენა, თავის ქალიშვილს ჰგავს-მეთქი, აი ისეთს, სამალავიდან გამოსული პირველად რომ დავინახე — თვალებდაჭყეტილი.

ბინდს ნელ-ნელა შევეჩვიე და ვერ გეტყვით რატომ, იქაურობა რალაც უცნაური მომეჩვენა. ჩვენი სახლისაგან თითქოს დიდად არც განსხვავდებოდა და მაინც სხვანაირი იყო, არ მომეწონა. ყველა

საცხოვრებელს ხომ თავისი სუნი აქვს, აქ კი ნესტიანი და დახშული, მძიმე და ცივი ჰაერი იდგა, იქნებ იმიტომაც ქოხი კლდის კალთას რომ მიჰკვროდა.

დავდიოდი და ყველაფერს გაცებით ვათვალიერებდი.

მოპორებულ კუთხეში ფართო, სწორი, უშველებელი და ორღესული მახვილი ეკიდა. მასზე გამოესახათ ღვთისმშობელი, ჩვილი ქრისტეთი, თან უამრავი იღუმალი ნიშნები და წარწერებიც ამოეტივიფრათ. ახლოს მივედი, რომ უკეთ დამეთვალიერებინა — მსგავსი ხომ აქამდე არაფერი მენახა — თავი ვერ შევიკავე, ხელი წავატანე და მაშინვე თითქოს ვილაცის ოხვრა და ქვითინი შემომესმა.

შემოვბრუნდი და ბავშვებთან მივედი.

— ვინ ტირის? — ვიკითხე.

— ტირის? არავისაც არ უტირია, — მიპასუხა დეიდა და შემომხედდა, თვალები სულ გადასხვაფერებოდა.

— აბა, აქ მოდი! — დამიძახა, ხელი მტაცა, უკან მიმაბრუნა და მახვილს ისევ შეეხეო, მიბრძანა.

იმ წუთშივე ღრმა ამოოხვრა და ყრუ ქვითინი ისევ გაისმა.

— მახვილია! — შესძახა ქალმა და უკან გამომწია. — მახვილი გლოვობს.

შემდეგ ხელი გამიშვა, შებრუნდა, ღუმელთან მივიდა და ცეცხლზე შემომდგარ ქოთანს მოურია.

— ვისი შვილი ხარ? — შემეკითხა ცოტა ხნის შემდეგ და მომეჩვენა, რომ პირი ავად მოეღრიცა.

ვოლელი კრისტეფორის შვილი ვარ-მეთქი, ვუპასუხე, მამაჩემს ასე ერქვა.

— აი, თურმე ვისი ყოფილხარ.

გალურსული ბავშვები ველური, შეშინებული თვალებით ერთ ნერტილს მიშტერებოდნენ.

ქალმა ცოტა ხანს კიდევ იფუსფუსა ცეცხლთან, შემდეგ საქმე მოითავა, მერხზე ჩამოჯდა, კალთაში ჩამისვა და თავზე ხელი გადამისვა.

— ოჰო, ჰო, — ჩუმად ჩაილაპარაკა და დიდხანს თვალმოუშორებლად მიყურა. — მოდი, შენიანებთან წამოვალ, ასე აჯობებს, — დაამატა ბოლოს.

ქალი მოემზადა, კაბა გამოიცვალა, რალაც ისეთი შემოიხვია თავზე, ადრე სხვა ქალზე არასოდეს რომ არ მენახა და გზას გავუდექით.

— აქ თამაშობდით ხოლმე? — შემეკითხა, როცა ტყეში შევედი. გზაში კიდევ რამდენჯერმე გამომელაპარაკა და შეჩქეიფება რომ შემამჩნია, ხელი ჩამკიდა.

ვერაფერი გამეგო და არც არაფერი მიკითხავს.

სახლს რომ მივუახლოვდით, დედა პარმაღზე გამოვარდა. ასე გაფითრებული არასოდეს მინახავს.

— რას ერჩი ჩემს შვილს? ხელი გაუშვი-მეთქი, გესმის? ახლავე გაუშვი, შე, წყეულო!

ქალმა ხელი მაშინვე გამიშვა, სახე მოელრიცა და დაკოდილ მხეცს დაემსგავსა.

— რა უქენი ჩემს შვილს?

— ქოხში იყო ჩვენთან...

— შენს წყეულ ქოხში შეიტყუე, არა? — დაიყვირა დედამ.

— არ შემიტყუებია, სიმართლე თუ გინდა, თავად მოვიდა. ჰოდა, როცა მახვილს მიუახლოვდა და შემთხვევით ხელი შეახო, მახვილმა ამოიოხრა და აქვითინდა.

დედა გაოგნდა და აღმოდებული თვალები შიშით შემავლო.

— თავადაც უნდა იცოდე, ეს რას ნიშნავს.

— არა... არ ვიცი.

— ჯალათის მახვილით აღესრულება.

დედამ ყრუდ დაიკვილა, ტუჩები აუკანკალდა, მიცვალებულივით გაფითრდა და მომაჩერდა, ოღონდ საპასუხოდ სიტყვა არ დასცდენია.

— ვიფიქრე, ჯობს მივიდე და გავაფრთხილო-მეთქი. შენ კი მადლობის ნაცვლად დამდგარხარ და ბოღმას ანთხევ. აჰა, ბატონო, ჩაიბარე შენი ნაბიჭვარი და ჩვენს ხმას ვერ გაიგონებ, სანამ ჟამი არ დაჰკრავს; თავადვე მოისურვე ასე!

ქალი განრისხებული გატრიალდა და წავიდა.

აკანკალებულმა დედამ ხელი დამტაცა, მკერდში ჩამიკრა და კოცნით დამახრჩო. გაყინული და გაუცხოებული მზერა ჰქონდა. შემდეგ სახლში შემიყვანა, თავად კი ეზოში გავარდა და დავინახე, მინდორში ყვირილით როგორ გარბოდა.

დედა და მამა ერთად დაბრუნდნენ, მოშლილნი და დადუმებულნი იყვნენ. დღესავით მახსოვს, ფანჯრიდან ვხედავდი, სამანის გასწვრივ გზას შინისაკენ როგორ მოუყვებოდნენ.

ჩემთვის სიტყვა არ უთქვამთ. დედა ღუმელთან აფუსფუსდა. მამა ჩვეულებრივ კი არ ჩამოჯდა, წინ და უკან ბოლთის ცემას მოჰყვა. მისი გამხმარი სახე ისე გაიყინა და გახევდა, უსიცოცხლოს დაემსგავსა. როცა დედა ერთი წუთით წყლის მოსატანად გავიდა, მამამ წინ დამიყენა, თვალებში შიშით და თან გამომცდელად ჩამხედა. შემდეგ ისევ შებრუნდა. ჩემი მშობლები ერთმანეთსაც აღარ ელაპარაკებოდნენ. მცირე ხნის შემდეგ მამა ეზოში გავიდა, ერთხანს უსაქმოდ იხეტიალა, შემდეგ გაჩერდა და თვალი სივრცეს გაუშტერა.

მძიმე და პირქუში ჟამი ჩამოწვა. სულ მარტო დავრჩი, აღარავის ვჭირდებოდი. ირგვლივ ყველაფერი სხვაგვარი იყო, მინდვრებმაც კი იცვალეს სახე, თუმცა ისევ მზიანი, ნათელი დღეები იდგა. თამაშიც აღარ გამომდიოდა. დედ-მამაც ისე მივლიდა გვერდს, თითქოს უცხო ვიყავი, თუმცა ღამლამობით, ძილის წინ, დედა ისე მძაფრად მიკრავდა გულში, სულის მოთქმა მიჭირდა.

ვერ გამეგო, ყოველივე ასე რად შეიცვალა, ასე უღიმღამო რად გახდა. ხანდახან გავხალისდებოდი კიდეც; მაგრამ ეს უწინდელ მხიარულებას სულაც არ ჰგავდა. ჩვენი მამული თითქოს ჩაკვდაო, აქ ერთმანეთს თითქმის აღარავინ ელაპარაკებოდა. თუმცა დროდადრო, ჩემს იქ ყოფნას როცა ვერ ამჩნევდნენ, დედ-მამის ჩურჩული მესმოდა. ვერ ვხვდებოდი, რა დავაშავე, მეგონა, ალბათ, საშინელება ჩავიდინე, რახან ჩემი დანახვაც კი აღარ უნდათ-მეთქი. ვცდილობდი, შეძლებისდაგვარად ჩემი თავისთვის თვითონ მომეელო და თვალში არავის ვეჩხირებოდი. ჩემი მშობლებისათვის ასე რომ ჯობდა, ამას ვხვდებოდი.

დედას ლოყები ჩაუცვივდა, თითქმის აღარაფერს ჭამდა. დილაობით ნამტირალევი თვალები დასიებული ჰქონდა. მახსოვს ბაკის უკან ადგილი შევარჩიე და ქვებისაგან ჩემთვის ცალკე სახლის აშენებაც კი დავინყე.

ერთხელაც დედამ დამიძახა და დავინახე, გვერდით მამა ედგა. მიუუახლოვდი თუ არა, ხელი ჩამკიდა და ტყისკენ წამიყვანა, მამა კი ადგილზე დარჩა და ჩვენს კვალს გასცქეროდა. დედას სწორედ იმ ბილიკისკენ მივყავდი, მაშინ რომ დავრბოდი და სწორე გითხრათ, თავდაპირველად მართლა შევშინდი. მაგრამ ირგვლივ ყოველივე ისე უღიმღამო იყო, ჯანდაბას, ამაზე უარესი რალა მოხდება-მეთქი, გავიფიქრე. თვინიერად მივეკარი დედას, ბილიკზე დაყრილ ქვებსა და ფესურებს ფრთხილად ვუქცევდი ფეხს, რათა დედისათვის ზედ-

მეტი საზრუნავი არ გამეჩინა, მას ხომ ისეთი შეშუპებული სახე ჰქონდა, ვერც კი იცნობდი.

მდელიოზე მივედი, ქოხი გამოჩნდა და დედა აკანკალდა. მთელი ძალით მოვუჭირე ხელი, მისი გამხნელება მინდოდა.

ამჯერად ქოხში ბავშვებისა და დედის გარდა ერთი კაცი კიდე დაგვხვდა. ჩაფსკვნილი, ძლიერი აღნაგობის მამაკაცის მსხვილი, თითქოს გადმოტრიალებული ტუჩები გარდიგარდმო ნაოჭებს დაესერა. ნაყვავილარი სახე, უხეში, ველური გამომეტყველება, მძიმე მზერა და რალაც მოყვითალო თუ მონითალო, ჩასისხლიანებული თვალები ჰქონდა. ჩემს ცხოვრებაში არც ერთ მოკვდავს ასე არ დაეუზაფრივარ.

გამარჯობა არავინ გვითხრა. ქალი ლუმელთან დადგა და ქარცახი ისე გაავებით შეუჩიჩხინა, სულ ნაპერნკლები აცვივდა. კაცმა ჯერ აღმაცერად შეგვათვალა, შემდეგ კი მანაც ზურგი შეგვაქცია.

დედა ზღურბლზე გაჩერდა და რალაცას დამცირებით შეემუდარა. იმასლა მიხვდი, რომ ჩემზე ლაპარაკობდა, ოღონდ მათგან რა უნდოდა, ეს ველარ გავიგე. დაუსრულებლად იმეორებდა, რალაც საშუალება ხომ უნდა არსებობდეს, თუ დახმარებას მოინდომებთო.

პასუხი არავინ აღირსა.

დედა ისეთი გაუბედურებული და გასაცოდავებული ჩანდა, მეგონა, უარს ვერაფრით ეტყვიან-მეთქი. ისინი კი არც შემობრუნებულან, თითქოს მათთვის არც ვარსებობდით.

დედა მარტო განაგრძობდა ლაპარაკს. უფრო და უფრო ტანჯული და მავედრებელი, ყრუ და სასონარკვეთილი ხმით ეხვეწებოდა. მისი საცოდაობით დავინვი. ის კი დაუსრულებლად იმეორებდა, ერთადერთი შვილი მყავსო და თვალები ცრემლით ევსებოდა.

იდგა და ახლა უკვე მხოლოდ ტიროდა, მისმა მუდარამ, როგორც ჩანს, ნაყოფი არ გამოიღო.

ისე შევმინდი, სად ნავსულიყავი, აღარ ვიცოდი და ბავშვებთან მივირბინე, კუთხეში რომ ატუზულიყვნენ. შეშფოთებით გადავხედეთ ერთმანეთს, შემდეგ კი ყველა ერთად კედელთან მიდგმულ მერხზე ჩამოვსხედით: ფეხზე დგომა აღარ შეგვეძლო.

უსასრულოდ დიდხანს ვისხედით. უცებ ეს საშინელი სიჩუმე მამაკაცის უხეშმა ხმამ გაჰკვეთა. მე შევხტი. კაცი იდგა და ჩვენკენ იყურებოდა, ოღონდ მარტო მე მეძახოდა.

— გამოძყევი!

აკანკალებული ფრთხილად მივუახლოვდი. იგი გზას გაუდგა, მე კი წინააღმდეგობის განევა ვერ გავებდე და დავედევნე. დედაც კვალში ჩაგვიდგა. ლუმელთან მდგომი ქალი შემობრუნდა და დედაჩემის კვალს „თფუ!“-ო, მიაფურთხა.

მოგვიანებით მე და ეს კაცი მარტონი გავუყევით გაკვალულ გზას, სახლის ახლომახლო არყის ტევრისაკენ რომ მიდიოდა. მის გვერდით ყოფნა არ მსიამოვნებდა და ვცდილობდი, მოშორებით მეელო. და მაინც, სანამ მივდიოდით, თითქოს ერთმანეთი გავიცანით. ტყის სიღრმეში, ხეებს შორის წყარო მონანკარებდა, როგორც ჩანს, წყალს აქედან იღებდნენ ხოლმე, რადგან გვერდით სახაპავი ეგდო. კაცი წყაროს პირას მუხლებზე დაეშვა და პეშვი გამჭვირვალე წყლით აივსო.

— დალიე! — მიბრძანა.

აშკარად ეტყობოდა, რომ ცუდი განზრახვა არ ჰქონდა და მეც ხალისით ავასრულე მისი მოთხოვნა, სულაც არ შემშინებია. ალბათ, იფიქრებთ, ასე ახლოდან უფრო საზარელი დასანახი იქნებოდაო, მაგრამ პირიქით კი აღმოჩნდა. ისე გამძვინვარება მასში თითქოს აღარც იგრძნობოდა, თითქოს ჩვეულებრივ ადამიანს უფრო დაემგვანა. მუხლებზე იდგა, მისი ჩასისხლიანებული თვალების მძიმე მზერას ვგრძნობდი და მახსოვს, ნაღდად ესეც უბედურია-მეთქი, ვფიქრობდი. ამასობაში კი კაცმა წყალი სამჯერ დამალევინა.

— ესეც ასე, ახლა ჩამოგეხსენება, — მითხრა მან. — რახან წყალი ჩემი ხელიდან შესვი, ნულარაფრის შეგემინდება. — თქვა და თავზე ხელი მსუბუქად გადამისვა.

ეს უკვე ნამდვილი სასწაული იყო!

კაცი ნამოდგა და უკან გამოვბრუნდით. მზე ჩახჩახებდა, ჩიტები ჟღურტულებდნენ, არყის ფოთლებისა და ქერქის სურნელი იდგა. ქობთან დედა გველოდებოდა და როცა დაინახა, ხელჩაკიდებულები თანხმობით როგორ მოვდიოდით, თვალები სიხარულით გაუცისკროვნდა. მაშინვე გულში ჩამიკრა და გადამკოცნა.

— უფალმა გაკურთხოთ, — უთხრა ჯვალათს, მაგრამ მან ზურგი შეგვაქცია. ჩვენ კი ბედნიერები შინისაკენ გამოვეშურეთ.

— ოჰო, ჰო, — ჩაილაპარაკა ვიღაცამ, როცა თხრობა დასრულდა.

— ხედავ, რა მომხდარა.

— განსაცვიფრებელი რაზეა ეს უკეთურება, სადავოც კი არ არის.

— თითქოს ცოტა სიკეთეც კია მასში მიმალული.

— ჰო.

— არადა, რა ძალა აქვს! უნდა მოგსპობს და უნდა სიკვდილისგან დაგიხსნის.

— აბა.

— საოცარია, მაშ, რა არის.

— გაიგონებ ასეთ რამეს და ნალდად ჭკუა მოგემატება.

— მე მგონი, დედაშენს არ აწყენდა, ჯალათის ცოლისთვის ბო-
დიში მოეხადა. ასე რომ გამოლანძლა.

— მეც ასე მგონია, აი, მან კი არ ისურვა მონანიება.

— კარგი ერთი.

ცოტა ხნით ჩაჩუმდნენ. ლუდი მონრუპეს და ტუჩები მოინმინდ-
ეს.

— რა თქმა უნდა, ჯალათიც შეიძლება კეთილი იყოს. ვინ არ იცის, რომ ტანჯულებსა და სნეულებს, აი, ზღვართან რომაა კაცი მისული და ყველა მკურნალს ხელი აქვს ჩაქნეული, ხანდახან სწორედ ჯა-
ლათი შველის ხოლმე.

— ჰო, ისიც ნაღია, რომ ტანჯვა არც მისთვისაა უცხო ხილი. ეტყობა, თავადაც ენამება იმიით, რასაც იქმს. ვინ აღარ იცის, რომ ჯალათი სიკვდილმისჯილს აღსრულების წინ ყოველთვის პატიებას სთხოვს ხოლმე.

— სწორია. ავი ნამდვილად არა სურს იმისთვის, ვისაც კლავს. ხანდახან ძმაბიჭურადაც კი ექცევა ხოლმე. თავად მინახავს!

— სწორედ რომ ძმაბიჭურად! აი, მე ერთხელ ისიც კი ვნახე, მსხ-
ვერპლი და ჯალათი ხელგადახვეულები ფიცარნაგისაკენ ერთად როგორ მიაბიჯებდნენ.

— მიდი?!

— მინახავს-მეთქი. ორივე ისეთი მთვრალი იყო, ფეხზე ძლივს იდგნენ. რაც კი მიართევს, ყველაფერი გადაყლურნეს და რაღაც კიდევ დაამატეს. ჰოდა, ფეხიც აერიათ. ორივე კარგად იყო გამო-
ბრუყული, მაგრამ ჯალათი, მგონი, ცოტა წინაც უსწრებდა. „უპ“-ო, შესძახა, ეს მაშინ, თავი როცა ნააცალა.

ყველამ გადაიხარხარა და კათხები მოიყუდეს.

— ესე იგი, შენც კუნძი გელოდება. თუმცა, ვინ იცის, შეიძლება, არც სხვებს აგვცდეს.

— ეგრეა, ძმაო.

— არა, მაინც რამხელა ძალაუფლება ჰქონია. ეს რა სასწაული მოგვიყვები. შეჩვენება რომ არ მოეხსნა, გათავებული იყო შენი საქმე.

— ეჰ, ძმაო, ეგეთი სასწაულები შეუძლია! მგონი, ზოგიერთ წმინდანსაც გაუსწროს!

— არა, ყველაზე დიდი სასწაულების მოხდენა მაინც წმინდა მოციქულებსა და ღვთისმშობელს შეუძლიათ.

— და იესო ქრისტეს, ჩვენი ცოდვები რომ იტვირთა.

— ეგ ხომ თავისთავად, შე, უტვინოვ, მაგრამ ახლა ქრისტე რა შუაშია. ჩვენ ჯალათზე ვლაპარაკობდით!

— ნაღდად აქვს ძალაუფლება. უკეთურებას დიდი ძალა აქვს, ამას ნყალი არ გაუვა.

— ძალა კი აქვს, მაგრამ საიდანა აქვს? ეშმაკისეულია-მეთქი, გეუბნებით! ალბათ, იმიტომაცაა ხალხი ყველაზე მეტად უკეთურს რომ ეტანება. საღვთო წერილსა და წმინდა ზიარებასაც კი ურჩევნია.

— ამას კი უშველა და...

— ჰო, რაც გინდა თქვი და ამას ხომ უშველა!

— იქნებ ასეცაა.

— აი, მღვდელი, შეიძლება, ვერც კი მორეოდა.

— რას მოერეოდა! აქ ბოროტება მბრძანებლობდა, იმან ჩაიგდო ხელში.

— ფუ, სატანას ოინებია!

— ოჰ-ო-ო?

— რა, არ გაიგონეთ? ჯალათს ზურგი შეუქცევია, როცა დედამ „უფალმა გაკურთხოთო“, უთხრა.

— ჯანდაბას!

— ეშმაკმა დალახვროს, დავლიოთ! ნეტავ, რას დავმსხდარვართ და ამდენ უკეთურებას ვიხსენებთ.

— სწორია, სწორი! აბა ლუდი მოგვართვით! ლუდი-მეთქი, გეუბნებით, თანაც საუკეთესო იყოს, იცოდეთ!

— საუკეთესო კასრიდან ჩამოგვისხით! ო-ო-ო... ოღონდ იქიდან არა, სადაც ქურდბაცაცას თითია ჩაკიდული... რა, მართლა ქურდის

თითი ჩამოაკონნიალეთ ლუდში?

მოსამსახურე ქალს ფერმა გადაკრა, თავი გაიქინია და რალაც ჩაიბურტყუნა.

— ნეტავ, რას უარობ, ეს ხომ მთელმა ქალაქმა იცის! ჯანდაბა შენ თავს, თუნდაც იქიდან ჩამოასხი. მაგარი კი იყოს და რას დავუძებ!.. უჰ!.. — ჯალათივით შესძახა ბოლოს.

— ძალიანაც ნუ ოხრავ, თორემ ერთხელაც იქნება თავი აღარ შეგერჩება მხრებზე. მოგინდება დალევა და ჩასასხმელი აღარ გექნება.

— ჰოდა, სანამ დრო მაქვს, უნდა მოვასწრო.

— ეს ლუდი თავად ემშაკის მოხარშულია, გემოზე ეტყობა!

— აქ ხომ სწორედ სატანის ბუნაგში ვართ, სამაგიეროდ, უკეთეს ლუდს ვერც კი ინატრებ.

ისევ დალიეს. სუფრაზე გადანენენ და იდაყვები აქეთ-იქით გაშალეს.

— აი, ვფიქრობ, ნეტავ, ხვალ ალიონზე ვინმეს დასჯიან თუ არამეთქი, — თქვა ბებერმა მენალემ.

— ეგ ვინ იცის...

— შეიძლება, დასაჯონ კიდევც...

— იმიტომ ვფიქრობ, რომ, აი, ჯალათმა მოუღებინა. თანაც წითელი სამოსი აცვია, სრული აღჭურვილობით გამოგვეცხადა.

— ჰო... ეტყობა, ეგრეა...

— თითქოს არავის უთქვამს, ვინმეს დასჯას უპირებენო?

— არა.

— რაც არის, ეგ არის. დაფდაფების ხმას მაინც გავიგონებთ, თუკი დასცხებენ.

— ოჰ, ამდენ ყბედობას ჯობს, დალიო, ბაბუა!

ისევ დალიეს.

ახალგაზრდა ჭაბუკს თან ორი ქალი შემოჰყვა.

— ოჰო, კახპებიც მობრძანებულან!

— სადაც ჯალათი მივა, მთელი მისი ხროვაც თან მიჰყვება.

— აბა, ჯეელო, სანთლები აგვინთე, ამ შენს კახპებს თვალი მაინც შეევალოთ.

— ოჰო, ლამაზმანები ყოფილან. დიდოჯახიდან ხომ არ არიან?

— ვერ ხედავ, რომ ეგრეა.

— ჯალათის გვერდით რატომ არ სხდებით? ჰა, ხომ არ შეგვიშინდით?

— ოჰ, თქვენ ამ ჩვენს ჯალათს, ეტყობა, ნამეტანი ახლოს იცნობთ.

— ეი, უმანკო ქალწულებო, სახრჩობელასთან ხომ არ ჩაგივლიათ? ერთი ვინმეა ჩამოკონწიალებული. ღამით ტანსაცმელი გახადეს და ახლა სულ დედიშობილა კიდეა, მთელი ქონება გარეთა აქვს გამოფენილი. თუ ასეთი რამ დიდი ხანია აღარ გაოცებთ! ჰო, ჰო, ეს დედაკაცები კი დილიდანვე ისე გაქანდნენ, თითქოს წირვაზე მიიჩქაროდნენ. უნდა შეიცხადონ, აბა რა, ჩამოხრჩობილს ხომ ერთი რალაცა განსაკუთრებით მიმზიდველად მოუჩანს. ნეტავ რას ხითხითებთ? ფრთხილად, თორემ ჯალათი გიჩვენებთ სეირს.

— სამარცხვინო ბოძთან ჯერ არ გაუშოლტიხართ?

— ალბათ, არც ეგ დაკლებიათ.

— ცოტაც მოიცადეთ და მისი შოლტების შიშით ქალაქიდან სულ აორთქლდებით. თანაც თავქუდმოგლეჯილები მოკურცხლავთ. ან არადა კოხტა უკანალები დაგიმახინჯდებათ!

ერთი ქალი შემობრუნდა:

— ჰეი, შენ, იოკუმ ხვადაგო, ენას კბილი დააჭირე! ჯობს, შენს დედაკაცთან შინ წაეთრიო, ჩვენზე ნაკლებს კი არ დაეხეტება. გუშინ საღამოს ჩვენს დანესებულებაში მოქანდა, არიქა, მიშველეთ, თორემ შინ ვერ დამაგრილესო!

— აბა, აბა, ბევრს ნუ ტლიკინებთ. თუ გგონიათ, გული გამიხეთქეთ, ძალიან შემცდარხართ. უთქვენოდაც ვიცი, რა კახპაც არის! ერთხელაც იქნება ტყავს გავაძრობ!

— ეგ არის და ეშველება!

— არ ეშველება და წირვასაც გამოვუყვან!

— მაგასაც ეგ უნდა, აილებს და თავად სატანასთან გაგორდება. კაცმა პასუხად რალაც ჩაიბურტყუნა. დანარჩენები ისევ დასცინოდნენ.

— ჰო, დედაკაცების საშველი არ არის, გინდ ამ ქვეყანას იყვნენ, გინდ იმ ქვეყანას, მაინც ვერ მოარჯულებ.

— არა თქვა, ჩვენი არ იყოს, არც მაგათ აკლიათ დანვა, ჩამოხრჩობა და სიკედლით დასჯა.

— სწორია. ჯალათი არც მაგათ სწყალობს.

— ეგეცაა.

— ჰო, შემომჩნევია, ზოგიერთ ჯალათს განსაკუთრებით მოსწონს კიდევ დედაკაცების ნამება.

— გასაგებიცაა, რატომ.

— თავისთავად ცხადია, ეგ უფრო სასიამოვნოა, ვიდრე მამაკაცების თავის კვეთა.

— ალბათ.

— და მაინც, ეს გემოვნების საქმეა, ვის რა მოსწონს. ყოველთვის ეგრე კი არ ხდება. ერთხელ თავადაც შევესწარი, ჯალათმა დედაკაცი ვერ მოკლა და მორჩა.

— არა, მართლა?

— ჰო, ეგრე იყო. ვერა და ვერ მოკლა, იმიტომ, რომ იქვე, ფიცარნაგზე გიჟივით შეუყვარდა.

— მიდი?

— უყურე შენ!

— ჰე! ყველამ დაინახა, რომ სიყვარულით გაითანგა. იდგა და ქალს შესცქეროდა, ნაჯახი კი ვერა და ვერ ასწია!

ქალი მართლაც ძალიან ლამაზი იყო. მახსოვს გრძელი, შავი თმა ჰქონდა. მისი მშვენიერი თვალები კი, მოკრძალებული და შეშინებული, ცხოველის თვალებივით ნამიანი, მაშინვე დაგატყვევებდა. ახლაც თვალწინ მიდგას იმდენად უჩვეულო და მშვენიერი სახე ჰქონდა. ამ ქალს არავინ იცნობდა, შორიდან იყო მოსული, სულ ახალი დასახლებული იყო ჩვენთან. ჯალათმაც პირველად დაინახა და, რა გასაკვირია, რომ ასე შეუყვარდა. ტილოსავით გაფითრდა, ხელები აუკანკალდა და „არ შემიძლია“, ჩაილაპარაკა. ახლოს ვინც იდგა, ყველამ გაიგონა.

— კარგი ერთი! ნარმოგიდგენია?

— ჰო, საოცარი სანახაობა იყო, მართლაც განსაცვიფრებელი. ხალხმა ჯალათის თვალებში სიყვარული შენიშნა და გული აუყურდათ, აჩურჩულდნენ და აჩოჩქოლდნენ, ამკარად ჩანდა, კაცი შეეცოდათ.

— გასაგებია.

— ჰო, ცოტა ხანს ასე იდგა, შემდეგ ნაჯახი გააგდო და ქალს ხელი გაუწოდა. ქალს კი ცრემლი წასკდა და თითქოს სიყვარულმა მის სულშიც იფეთქა. ან კი რა გასაკვირია, როცა კაცი ასე მოიქცა — ისინი ხომ ფიცარნაგზე იდგნენ და ქალიც მასში მხოლოდ ჯალათს ხედავდა.

— ჰო-ო...

— მერე რით დასრულდა?

— ჯალათმა მოსამართლეს მიმართა და ამდენი ხალხის წინაშე განუცხადა, ცოლად მინდა ვითხოვო. ხომ იცით, ასეთ შემთხვევაში შეწყალების უფლება აქვთ, თუ მონდომებენ, ცხადია. ხალხიც ახმაურდა, სიცოცხლე აჩუქეთო. ამ ამბავმა სუყველა შეძრა, ხალხიც და მოსამართლეც, რადგან სიყვარულის სასწაულმოქმედი ძალა ყველას თვალწინ, პირდაპირ თხემის ადგილას გადაიშალა. ბევრი იდგა და ტიროდა. ასეც მოიქცნენ. მღვდელმა მაშინვე დასწერა ჯვარი და ცოლ-ქმარი გახდნენ.

ოღონდ ქალს შუბლზე დამლა ამონვეს, როგორც წესი და რიგია. სახრჩობელა ხომ თავისას მოითხოვს. თუმცა, როგორც გითხარით, სიკვდილს გადაურჩა.

— ხედავ, რა ხდება?

— რას არ გაიგონებს კაცი.

— მერე რალა მოხდა? ნუთუ მართლა ბედნიერები იყვნენ?

— კი, ჯალათის სახლში ბედნიერად ცხოვრობდნენ. მეზობლები ერთხმად ამტკიცებდნენ, ჯალათი ასეთი ჯერ არასოდეს გვინახავსო. მგონი, სიყვარულმა სულ გამოცვალა, ადრე ხომ ასეთი არ იყო. სულ სხვანაირად ცხოვრობდა. ადრე მის სახლში, როგორც წესია, ყოველგვარი უწმინდურობა ბუდობდა, ახლა შეიცვალა. ხშირად მხედებოდნენ ქუჩაში, ქალი უკვე ბავშვს ელოდა და სხვა შეყვარებული წყვილებისაგან არაფრით განსხვავდებოდნენ. ქალიც ძველებურად ლამაზი იყო, თუმცა თავზე ჯალათის ცოლის სამარცხვინო თავსაბური ეხურა, შუბლზე კი დამლა უჩანდა. მაინც მშვენიერი იყო-მეთქი, გითხარით.

როცა მშობიარობის დრომ მოუწია, მათაც სხვებივით, ბებია-ქალის მონვევა მონდომეს, თითქოს სხვა ცოლ-ქმარივით მათაც უხაროდან შვილის გაჩენა, ყოველ შემთხვევაში ხალხი ასე ამბობდა. ყველაფერი სწორედ აქედან დაიწყო. მახსოვს, ჩვენს მოპირდაპირე სახლში მოაკითხეს ერთ ბებიაქალს, აუცილებლად მისი წაყვანა უნდოდან, ეშინოდან, მშობიარობის დროს ცუდი არაფერი მოხდესო. ბებიაქალმა კი უარით გაისტუმრა. სხვებმაც შორს დაიჭირეს თავი. ისინი ხომ ასე თუ ისე მაინც უკეთურები იყვნენ.

— რაც გინდა თქვი და არაა ქრისტიანული, ასეთ დროს ადამიანს, რომ არ დაეხმარები.

— უკეთურება ხომ გადამდებია, აბა, დაფიქრდი, ბებიაქალმა კი ამის შემდეგ ნესიერი ქალი უნდა ამშობიაროს.

— ეგ თავისთავად.

— ჰოდა, ასე გამოვიდა, რომ ქალი სულ მარტო დარჩა და მარტომ იმშობიარა. კაცმაც კი ვერ მოუსწრო, ცოტა ადრე დაეწყო და კარგი საქმე ვერც ეს იყო. ზუსტად არავინ იცის, რა მოხდა, სასამართლოზე კი ქალმა აღიარა, ჩვილი მოვგუდეო.

— რა თქვი?.. მოვგუდეო?

— კი, მაგრამ, რათაო?

— ამბობენ, ასე თქვა, როგორც კი ვიმშობიარე და ცოტა ძალა მოვიკრიბე, ბავშვი ავიყვანე, სახიდან სისხლი ჩამოვწმინდე და შუბლზე თანდაყოლილი ნიშანი შევნიშნე, სახრჩობელას რომ ჰგავდაო. მათ ხომ ქალსაც ამოწვეს შუბლზე დამლა, თანაც ისეთ დროს, მუცელში ჩვილი რომ ჩაესახა და მასაც ამის გამო გული დაუნყულდა და დაეტანჯა. ჰოდა, არ ისურვა, ცოცხლად დაეტოვებინა პირმშო, თავიდანვე ნიშანი რომ ედო, ქალს ხომ იგი სულს ერჩია. სხვაც ბევრი რამე მოუყოლია, ოღონდ ყური მოვკარი, დაბნეულად ლაპარაკობდაო. როგორც ჩანს, მაგ საცოდავს იღბალზე ეწერა უკეთურ საქმეში გაბმა, ეგ არის და ეგ.

— მე კი ძალიან მეცოდება.

— ჰო, რაც არ უნდა თქვა, საცოდავია.

— ჰოდა, განაჩენიც გამოუტანეს, ცოცხლად დაიმარხოსო. პატარა ცოდვა კი არ დაუდვია სულზე. ჯალათი იძულებული გახდა, თავად დაემარხა. მეც ნავედი სანახავად, ძალიან კი გაუჭირდა, მას ხომ უყვარდა ეს ქალი, მართლა უყვარდა, თუმცა ბოლო დროს მისი ბოროტმოქმედების გამო, შეიძლება გულიც კი აუცრუვდა. ნიჩბით მიწას აყრიდა და თვალს არ ამორებდა მის მშვენიერ სხეულს. ნელ-ნელა, რაც კი შეეძლო, შეანელა მუშაობა. ქალსაც მთელი ამ ხნის მანძილზე სიტყვა არ ნამოსცდენია, მგონი, წინასწარაც კი დაემშვიდობნენ ერთმანეთს — იწვა ქალი და სიყვარულით სავსე თვალებით უყურებდა. ბოლოს და ბოლოს, ცხადია, სახეზეც მიაყარა მიწა და ზურგიც შეაქცია. ჰო, ძალიან გაუჭირდა, მაგრამ აბა, რა ექნა, განაჩენი გამოტანილი იყო.

იმასაც ამბობდნენ, ღამით მოვიდა და ამოთხარა, იქნებ ჯერ კიდევ ცოცხალიაო, ოღონდ ქორები მგონია, თავადაც ხომ მიხვდებოდა, რომ ეს შეუძლებელი იყო.

სხვათა შორის, ძალიან მალე ჯალათი ჩვენი მხარიდან გადაიხვენა და აღარავინ იცის, რა დაემართა.

— ხედავ შენ, მაინც საცოდავები არიან.

— თავადაც ხომ უნდა სცოდნოდათ, რომ არაფერი გამოუვიდოდათ, მათი უკეთურება ჩვილზედაც გავრცელდებოდა.

— ეგრეა მაშ! ისე კი მაინც საოცარია, რომ სახრჩობელას ნიშანი დაჰყვა.

— ჰო, ამას, როგორც ჩანს, ვერასოდეს მოიშორებ.

— ეგ არის.

— თავში ქვა იხალე, არ გაგიშვებს და მორჩა. ნალდად ეგრეა.

— ესე იგი მაინც გახდა მისი ჯალათი.

— სხვა რა გზა ჰქონდა.

— როგორც ჩანს, ბედისწერა ჩაერია.

კართან ნამოძახილები და ჩოჩქოლი გაისმა. სამიკიტნოში ხმაურით შემოიჭრა ადამიანი, ზურგსუკან, სიბნელეში ვილაცას დაუყვრია და მტევანნაკვეთილი ხელი მუქარით დაუქნია.

— მიჰქარავ, მყრალო ხეპრევ! თავად არ დათვალე ქულები, ხომ სწორი გამოვიდა, არა?

— ტყვია გქონდა ჩასხმული მაგ შენს კამათლებში, დამპალო!

— ტყვია არა, ეშმაკი! ეს რა მითხრა, ტყვია ჩაასხიო! აბა, ხმა ამოიღე იუკე.

— არაფერიც არ იყო ჩასხმული, — უპასუხა ბიჭმა, რომელიც ხელებნაკვეთილს ფეხდაფეხ შემოჰყვა.

— ეს ეშმაკის ფეხი უკვე კარგად გაქნილია, იმიტომაცაა სულ კუდში რომ დაგდევს. შენ ხომ ბანქოც ვერ დაგიჭერია ხელში, ეშმაკის სახიჩარო! ნალდად დანიშნული იყო ბანქო, თორემ ასე როგორ გამცლიდით!

— მოკეტე, ხეპრევ! — ხელებნაკვეთილი ჩამოჯდა და ირგვლივ აღმაცერად მიმოიხედა. ჯალათის დანახვაზე სახე მოექცა. გამხდარი, ლოყებჩაცვენილი სახე ჰქონდა, თვალები კი ნაკვერცხლებივით უელავდა. ბიჭიც მის გვერდით, მერხზე მოკალათდა.

— ოჰო, ლასე ჩამოხრჩობილიც მობრძანებულა!

— ჰა, ლასე, შენც ხომ არ შეგეშინდა ჯალათთან დაჯდომა?

— ნეტავ, არ ყბედობდე!

იგი ბაჯბაჯით წავიდა და მოშორებით, სუფრის ბოლოში ჩამოჯდა. ბიჭიც უკან დაედევნა.

— სწორედ ჯალათანაა შენი ადგილი, ნყეულო, — დაუყვირა ერთმა გლეხმა. — მოიცადე, ერთხელაც იქნება, კიდევ მოგიგდებას ხელში!

— ჰო, ძმაო ლასე, ახლა სახრჩობელაზე თუ ჩამოგაკონნიალებენ, თორემ მოსაჭრელი აღარაფერი შეგრჩა.

— სისულელეებს ნუ ფქვავ, რეგვენო, ვერ მომერევა ეგ თქვენი სახრჩობელა, გესმით?

— სად შეუძლია...

— ვითომ ვერ მოგერევა?

— ხელებმოკვეთილმა მხრები აიჩეჩა და მაგიდასთან ახლოს მიინია.

— ლუდი! — შესძახა მსახურ ქალს და ქალმაც მაშინვე ჩამოუსხა. ბიჭმა კათხა მოიყუდა, მანაც მოზრდილი ყლუპი შესვა და სული მოიბრუნა. ბიჭმა ადროვა, შემდეგ კი ისევ მოუმარჯვა კათხა. — მაშ, ვყალთაბანდობ, არა? — თქვა და დინჯად შებრუნდა გლეხისაკენ, სადღაც კართან ახლოს რომ იჯდა.

— არა, ბიჭო, არ ვყალთაბანდობ!

— დიდად მჭირდება ყალთაბანდობა შენი უბადრუკი გროშები რომ გამოგტყუო! თავად მოფრინავენ ჩემს ჯიბეში! სიმყრალის გამო ველარ ჩერდებიან შენთან!

— მოკეტე-მეთქი შენი აქოთებული პირი, გეუბნები!

გლეხს ყველა დასცინოდა, უფრო კარგი გინება ველარ მოგიძებნიაო.

— ნეტავ, რაში მჭირდება ან ბანქოს დანიშვნა, ან კამათელში ტყვიის ჩასხმა! ლასე ჩამოხრჩობილი უმაგისოდაც კარგად მოინყობს ცხოვრებას!

— უფრო ეშმაკური ფანდებიც იცის, მაგას რას მოერევი, შე გლეხუჭავ, შენა!

— ეგეც ისე იქცევა, როგორც სხვა თალლითები. ვერ გამიგია, ლასე, რა დღე არ დაგაყარეს, მაინც აღარაფერი გეშველა.

— მოიცა, ერთი, ლასე არ დაიკარგება!

— ეგრე გამოდის...

— მახსოვს, თითები რომ მომაჭრეს, აი, ამხელა ვიყავი, — თქვა ხელმოკვეთილმა და ბიჭზე ანიშნა.

— ლურსმნებით კუნძზე დააჭედეს. ეჰ, თავადაც მივედი სანახავად. კარგი სანახავი იყო, რაღა! მაშინ მითხრეს: „აი, შენი ქურდული

თითები ახლა სად არისო?!" მე კი მხოლოდ ვიციინოდი, ფეხებზედაც არა მკიდია, ლახე მაინც არ დაიკარგება-მეთქი! ეგრეც გამოვიდა!

თვალეები რამდენჯერმე დაახამხამა და სახე მოექცა. შემდეგ ტაკვი იუკეს გაჰკრა და ლუდი მოითხოვა. ბიჭმაც მაშინვე მოიყუდა კათხა. მას გონიერი სახე ჰქონდა, თვალებს კი ისე აცეცებდა აქეთ-იქით, არაფერი გამოეპარებოდა.

— მარტო თითები ხომ არ მოგკვეთეს, ხელებსაც მისდგენ, ეგ კი, ალბათ, ეგრე ადვილად ველარ აიტანე, არა?

— ოჰ, ფეხებზედაც არა მკიდია...

და მან პირი სახელოთი მოინმინდა.

სუფრის მეორე ბოლოში ბებერი მენალე წინ გადმოიხარა.

— არ გაგივათ? მაგას მანდრაგორას ფესვი აქვს, — ჩაისისინა და ალგზნებით დაუსტვინა.

— მე არაფრის მეშინია, — ხმამაღლა, ნიშნისმოგებით განაცხადა ლახემ. — ფეხებზედაც არა მკიდია ყველაფერი. ეგერ ბიჭიცა მყავს. გოგრა უმუშავებს, ეგრე კი ნუ გგონიათ.

— ეტყობა კიდეც!

ბიჭს შექება ესიამოვნება და თვალეები მონკურა.

— რა ვქნა, შენი შვილი ხომ არ არის, ჰა, ლახე?

— რას გაიგებ! ისე კი მგავს, ხომ იცი, ჰე, ჰე, ჩემი ალი-კვალია.

— ოჰო, ესე იგი, თვითონაც არა გცოდნია.

— არა. კახბა ჰანას შვილია, დედამისს დაეთესა, მცემდა და არ მაჭმევდაო და მე მომეკედლა. ჩემთან რამეს მაინც ისწავლის, ცხოვრებაში გამოადგება. ეგეთი დაქოქილი მეორე არ მეგულება. ჰა, იუკე, მამაშენი ვარ თუ არა?

— ჩემთვის სულერთია, — ჩაიხითხითა იუკემ.

— სწორია, არ მიმიფურთხებია? მოსწონს ჩემთან ყოფნა, მორჩა და გათავდა! ხომ ეგრეა, იუკე?

— ჰო, — გაიკრიჭა ბიჭმა.

— არა, მარტო ეგ ლანირაკი რას გიშველიდა, ვერ დამაჯერებ.

— გეგონოს!

— მგონია კიდეც!

— არა, ძმაო, შენ რაღაც სხვა ძალებს უხმობ საშველად, ნაღდად ასეა.

— მაინც რა ძალებს, ჰა?

— აბა, მე რა ვიცი!

— არ ვიციო? მაშ, ენას რაღას ატარტარებ?

ნამიერად ყველა ჩაჩუმდა, კათხებს წასწვდნენ და მისნი-მოსნი-
ეს.

— ესე იგი, ჭორია და არა გაქვს ფესვი?

— ფესვი არა...

— ეგრეც იქნება, აბა, შენ ფესვს როგორ ამოგლეჯდი?!

ანთებულმა თვალებმა ბინდში დაიკვესა, გამხდარი სახე კი უფრო მეტად დაიძაგრა.

— ეგრე გეგონოს, არ დამჭირდეს თორემ ლასე ეგეთებს მოერე-
ვა?

— მართლაც და.

— არა თქვა. ეგეთი ფესვის ამოგლეჯა ზედ სახრჩობელის ქვეშ ეგრე იოლია? თანაც თუ კაცს ხელები არა აქვს.

— ისიც ხომ ყველამ იცის, რომ, თუ ყვირილი გაიგონე, შენი საქმე
ნასულია, ესე იგი, სიკვდილმა მოგაკითხა.

ლასეს აღმაცერად შეავლეს თვალი. ის კი აკანკალდა და თავი
გამომწვევად ასწია.

— მე კი ვიტყოდი, მაგ ფესვის გარდა სხვაც ბევრი რამე აქვს-
მეთქი! მგონი, კარგა ხანია სული ეშმაკს მიჰყიდე, არა, ლასე?

— არა, ბიჭო!

— მეც მაგას არ ვამბობ!

— ოჰო, გაიგონეთ?

— ღამლამობით უკეთური სულები ხომ არ გაკითხავენ?

— არა... ეშმაკს ვინც დაიძმაკაცებს, იმას ვინ შეაწუხებს. იმას ახ-
ალშობილივით უშფოთველად სძინავს.

— ეგ კი ნამეტანი მოგივიდა, ლასე!

— ჰო, ძამიკო, მგონი ცოტა გადაამლაშე! ეგრე რომ იყოს, სახი-
ჩარი ხომ არ ივლიდი ამ ქვეყანაზე!

— ჯალათმა ისე გაგალამაზა, ეშმაკის კი არა, ნალდად თავისი
ნადავლი ეგონე!

ყველა ხუმრობდა და ხარხარებდა. კაცის ანთებულ მზერაში კი
ბოროტება გაკრთა.

— ფეხებზედაც არა მკიდია, გესმით?

— ვითომ ეგრეა?

— განა შენც ჯალათის ჩვეულებრივი ნადავლივით არ მოგექც-
ნენ? ღმერთმანი ასეა!

— მერე რა! ლასე ჩამოხრჩობილს მაინც ვერავინ გატყეს! — იკივლა მან და თვალები მრისხანედ დააკვესა. — ხომ მოინდომეს, არც ეგრე იოლი აღმოჩნდა!

— რას მეუბნები? დანყებით ხომ ნამოიწყეს, ჰა?

— ფეხებს მომჭამენ ძირში, სადა აქვთ ამდენი ძალა! — იყვირა მან და ნამოხტა. — არა აქვთ-მეთქი, არა აქვთ და მორჩა. არ შეუძლიათ ადამიანებს ჩემი გატყევა, გითხარით და გავათავე!

— რასა ბრძანებ? რალა გვეშველება!

— ჩემამდე ვერავინ მოვა. ამქვეყნად ვერავითარი ძალა ვერ ნამათმევს იმას, რაც მოვიპოვე. ჩემს მერე კი, აი, ამ ბიჭს დავუტოვებ, ეგ არის ჩემი მემკვიდრე.

— აჰ, მემკვიდრეობაც გაქვს, ლასე? გაიგონეთ, ხალხო?

— აბა, რა გეგონათ? თქვენ რომ არ დაგესიზმრებათ, იმდენი მაქვს! ეს ჩემგან ფესვსაც მიიღებს და მთელ ჯოჯოხეთსაც!

— ესე იგი, მართლა გაქვს ფესვი?!

— მაქვს დალახვროს ეშმაკმა, მაქვს. შენ რა, გაჩვენო გინდა?

— არა, არა!..

— აი, აქ მკიდია, მკერდზე! გარედან კაცუნასა ჰგავს და ეს თუ მოიგდე, მერე გინდა იქურდე, გინდა რაც გინდა ქენი, ყველაფერი შენს ხელში მოიყრის თავს, თუნდაც სულ არ გქონია ეს ხელები!

ყველამ პირი გაალო და ხელებნაკვეთილს შიშით მიაჩერდა.

— როგორ ჩაიგდე, შე, წყეულო, შენა, ნუთუ თხემის ადგილას იყავი?

— აბა, სად ავიღებდი? სახრჩობელის ქვეშ, სწორედ იქ მოვძებნე, სადაც ქარის ჩამოგდებულ გვამებს მარხავენ ხოლმე!

— რა, იქ ნასვლა გაბედე? და თანაც ღამით?

— საქმეც ეგ არის, რომ გაგბედე! ეგ შენ ლოგინში კოტრიალი და „მამაო ჩვენო“ ბურტყუნი ხომ არ გგონია? შენ თავის დღეში ვერ გაბედავდი!

— ვერა! ვერა!

— რას ოხრავდნენ და კვნესოდნენ, რომ იცოდე — საშინელება იყო...

— ვინ კვნესოდა...

— ახლა ვინ კვნესოდაო... მკვდრები, ცხადია! თავს მესხმოდნენ და მებლაუჭებოდნენ, სანამ ხელებს ვაფათურებდი! ისე მეკვროდ-

ნენ! მუშტებიც კარგად დაუშინე, მაგრამ რა გამოვიდა, დასაოკებლად მოთეთქვილი გიჟებივით კიოდნენ და ბლაოდნენ! ისეთი ხმაური იდგა, თავი ჯოჯოხეთში გეგონებოდა. ერთი ვიფიქრე, გავგიჟდები-მეთქი, ვერაფრით ვერ ვიშორებდი თავიდან. „შორს ჩემგან, წყულებო, შორს ჩემგან, უნმინდურებო, ჯერ არ მოვმკვდარვარ, ჯერ ცოცხალი ვარ და ფესვიც გამომადგება-მეთქი“, ვკიოდი. ბოლოს და ბოლოს, როგორც იქნა, გაიფანტნენ და მაშინვე სახრჩობელას ქვეშ ამოსული ფესვი დავინახე. სახრჩობელაზე კი მაშინ პეტერ-ყასიბი და კიდევ ვილაც-ვილაცები ეკიდნენ. ტაკვით მინა გავთხარე, შემდეგ კი გავნექი და კბილებით ამოვგლიჯე!

— რაო? კბილებითო?

— კბილებით, დიახ! ვისაც ვერაფერი გაუბედავს, სხვისიც არ უნდა, რომ დაიჯეროს!

მის გამძვინვარებულ მზერას ცეცხლის ალი ასდიოდა.

— უცებ ფესვმა ყმული დაინყო და ისეთი, ძარღვებში სისხლი გააკეცინებოდა! მაგრამ სხვებივით ყურებზე კი არ ამიფარებია ხელი! დედაკაცი ვარ თუ რა?! ვითმენდი და ფესვს ვექაჩებოდი და ვექაჩებოდი! ირგვლივ სიკვდილის, გახრწნისა და სისხლის სუნი იდგა, მინისქვეშეთიდან კივილი და ბლავილი ისმოდა! მაგრამ მე ყურებზე არ ამიფარებია ხელი! ვექაჩებოდი და ვექაჩებოდი! იმიტომ, რომ მისი მოპოვება მსურდა!

იგი შლეგიანივით ძაგძაგებდა და ყველამ უკან დაიხია.

— როგორც კი ფესვი ამოვგლიჯე, ირგვლივ ყველაფერი ახმაურდა, აზანზარდა, აყირავდა! უფსკრული განიხენა და გვამები და სისხლი ამოცურდნენ! ბნელეთი გაიპო და ცეცხლის ალმა დედამინას გადაუქროლა! კომმარიც იყო და გლოვის ზარიც! ყოველივეს ალი მოედო! თითქოს დედამინაზე თავად ჯოჯოხეთი გადმოიფრქვა! მე კი ვკიოდი: „ახლა ჩემია, ჩემია მეთქი!“

კაცი იდგა, როგორც დასახიჩრებული, საზარელი მოლანდება და თავს ზემოთ ტაკვებს იქნევდა, თვალებს შლეგიანივით აბრიალებდა, ხმას კი ადამიანისეული აღარაფერი შერჩენოდა.

— მაქვს მემკვიდრეობა, მაქვს-მეთქი, გეუბნებით! დალახვროს ეშმაკმა, მაქვს, მაქვს!

ჯალათი არ განძრეულა. მისი მძიმე მზერა დროის მიღმა, სიბნელეს მიმტერებოდა.

ხალხმა იმატა, დარბაზი გაიჭედა და ახმაურდა. ბინდში ადამიანების სიცილისა და ჭიკების ნკრიალის ხმები ისმოდა. ჭერზე დაკიდული შუშის ბურთი ნელა ტრიალებდა და დახშულ, მოლურჯო-მოიასამნისფრო თუ მომწვანო სხივებს აფრქვევდა. ოთახის შუაგულში მოცეკვავე წყვილები ტრიალებდნენ, მუსიკას ინტიმური ჟღერადობა შეეძინა. თანდათან მოცეკვავეებმა მაგიდის შუა გასასვლელებიც დაიპყრეს და მთელ დარბაზს მოედნენ. თვალებმიბნედილი, ღია ფერის კაბებში გამონყობილი ქალები მამაკაცებს კისერზე ჩამოჰკიდებოდნენ. ჯაზური რიტმები ქუხდა.

ჩაფუნთუშებულმა ლამაზმანმა ჯალათის გვერდით ჩაისრიალა და კავალერის მხრის ზემოდან მას თვალი შეავლო.

— შეხედე, ჯალათიც აქ ყოფილა, — ნამოიძახა ქალმა. — რა საინტერესოა!

ამ ხმაურიან ალიაქოთს ათინათები დასთამაშებდა, მაგიდებს მკრთალი მიწისფერ-მომწვანო შუქი ეცემოდა, ოფლში გახვითქული მიმტანები აურზაურსა და წივილ-კივილში აქეთ-იქით დაქროდნენ და შამპანურის ბოთლებს ხმაურით ხსნიდნენ.

ჩასუქებული ბატონი, გულისპირი რომ ამოსჩაჩოდა, ჯალათს მიუახლოვდა და თავი მონინებით დაუკრა.

— ჩვენთვის დიდი პატივია ჯალათის ხილვა, — თქვა მან, მლიქნელურად მოიფშენიჭა ხელები და გაისწორა პენსნე, რომლის მიღმაც ეკლიანი თვალები უელავდა.

ცეკვა დასრულდა, წყვილები დაიშალნენ და გაღიმებულები სუფრებთან დაბრუნდნენ.

— იცით, ჯალათი აქ ყოფილა!

— რას მეუბნები?!

— ჰო, შეხედე, აი, იქ ზის!

— აუჰ, რა კარგია, არა?

ახალგაზრდა ყმანვილი, რომელსაც ენერგიული მოზარდის სახე ჰქონდა, ჯალათს მიუახლოვდა, ქუსლი ქუსლს შემოჰკრა და მარჯვენა გაჭიმული ხელი ნინ აისროლა.

— ჰაილ! — დაიძახა და ნამიერად გაიყინა. შემდეგ შემობრუნდა, ქუსლი ქუსლს კიდევ ერთხელ შემოჰკრა და უკან, თავისი ადგილისაკენ გაემართა.

ყველა უაზროდ ყბედობდა და ხარხარებდა. დარბაზში ჩამოძონ-ძილი კაცი შემოიპარა და მაგიდებს შემოუარა. იგი თავისთვის რა-ღაცას ბუტბუტებდა და გაძვალტყავებულ ხელებს მონყალებისათვის იქამდე იშვერდა, სანამ გარეთ არ გააგდეს.

ქურჩის კახპები ისხდნენ და სასმელს ნრუპავდნენ.

— ნახე, ნახე, რა შნოიანია, როგორ უხდება ეს ნითელი კოსტიუმი, არა?

— ჰო, კარგი ვინმეა!

— მტაცებელ მხეცს არა ჰგავს? აი, მესმის, ნამდვილი მამაკაცია!

— გარეგნობით სნორედ ნამდვილ კატას ჰგავს!

— არაფერი შეგეშალოს, გააფრინე და ეგ არის. კაცი ვარო, მაგან უნდა თქვას!

— ეს ხელები რაღას შემოუნყვია შუბლზე?

— აბა, მე რა ვიცი.

— მაინც შნოიანია.

— ჰო!

— როგორ ფიქრობ, ჯალათთან რომ ... ჰა?

— ო... ო... — ეჭვიც არ შეგეპაროს, თითებს ჩაიკვნეც.

მუსიკა კვლავ გაისმა და ამჯერად მიბნედილ-მინაზებულად აულერდა. ორკესტრი გამოცვლილიყო. ნყვილები ნელა ირწეოდნენ, ლურჯი შუქის ათინათი მხრებზე ჩამონყობილ ხელებსა და მინაბულ თვალებს ეცემოდა.

— რა, ხვალ დილით ვინმეს უპირებენ დასჯას?

— არ ვიცი, მაგრამ დასასჯელების მეტი რა ჰყავთ. მე თუ მკითხავ, ასემც უქნიათ, სულ ამოუხოცავთ.

— ჰო, სულაც არ იქნებოდა ურიგო. ადამიანები ამქვეყნად საჭიროზე მეტად გამრავლდნენ. ცხადია, მე ნამდვილ, სრულფასოვან ადამიანებზე მოგახსენებ. საუკეთესოები, ყოველ შემთხვევაში, როგორც წესი, ცოცხალი რჩებიან. დარწმუნებული ვარ, ამას, ნამდვილად აქცევენ ყურადღებას.

— აბა, რა!

ხანშიშესულმა ბატონმა, სამხედროსავეით რომ გაჭიმულიყო და ტურებს იკვნეტდა, ჯალათის მაგიდას მყარი და თანაც სხარტი ნაბიჯით ჩაუარა.

— კარგია, რომ ნესრიგი დამყარდება, ბატონო ჯალათო! ხალხმა თავი აიშვა, დალახვროს ეშმაკმა, დროა მოარჯულონ!

— რაშია საქმე, ბატონო. ჩვენ მშრალი ღვინო შეგიკვეთეთ, თქვენ კი ნახევრად მშრალი მოგიტანიათ. ეს რა უმსგავსობაა!

— ოჰ, უკაცრავად...

— დიახ, დიახ, აბა, მეტი რა გაქვთ სათქმელი. პირდაპირ ავ თვალს არ ენახვება თქვენი მომსახურება. თანაც ამდენი ხანი გვალ-ოდინეთ!

— არა, გენაცვალე, გამოცვლა მოგიწევს. ჩვენ მხოლოდ მშრალ ღვინოსა ვსვამთ.

ნაპატიები ბიურგერი ქალი ტულეტიდან ბაჯბაჯით გამოდიოდა. ჯალათის დანახვაზე ხელები აასავსავა.

— შეხედეთ, შეხედეთ! ჯალათიც აქ ყოფილა! აუცილებლად უნდა ვაცნობო ჰერბერტს!

ქალი ჯალათს მიუახლოვდა და მხარზე ხელი ნდობით დაადო.

— ჩემს შვილს ნაღდად გაუხარდება თქვენი ვაცნობა. ჩემი საყვარელი ბიჭუნა ხომ პირდაპირ ქედს იხრის სისხლის ღვრის წინაშე.

ქალმა თავი ასწია და დარბაზს დედის ღიმილით მოავლო თვალი; თავისიანებს ეძებდა.

მუსიკა მოთენთილივით ყლერდა და ქალთა მოქნილ, სალუქ სხეულებს ეალერსებოდა. შავტუხა ბიჭუნა, ორმაგი კარიდან დარბაზში რომ შემოპარულიყო, ახლა მაგიდებს შორის დაძვრებოდა, ძონძებს იწევდა და ქვეშ შიშველი ვარო, ყველას აჩვენებდა. ბოლოს მიმტანებმა დაიჭირეს და ქუჩაში გააპანლურეს.

— პირიქით, ბატონო ჩემო! ძალადობა ადამიანის არა მხოლოდ ფიზიკური, სულიერი ძალების უმადლესი გამოვლინებაცაა! ეს ფაქტი ბოლოს და ბოლოს აშკარად დადასტურდა და სწორედ ჩვენი წყალობით! ხოლო ვინც სხვაგვარად ფიქრობს, სწორედ ძალადობის საშუალებით შევაცვლევინებთ აზრს. აი, მაშინ ნაღდად დაგვიჯერებენ. თქვენ რა, სხვაგვარად ხომ არ ფიქრობთ? არ მეთანხმებით?

— რას ბრძანებთ, ცხადია, გეთანხმებით.

— ჰო, ჩვენც ამის იმედი გვაქვს.

— მაშ, ასე. ჩვენ კატეგორიულად მოვითხოვთ. ყველა, ვინც სხვაგვარად ფიქრობს, უნდა დასაჭურისდეს! ეს ელემენტარული აუცილებლობაა, თუ გვსურს ჩვენი იდეების გამარჯვებას ფესვი გავუმაგროთ! აბა, რომელი ჭკუთმყოფელი მოგვთხოვს ამ გადამ-

დებ სენს საშუალება მივცეთ შემდგომ თაობებსაც მოედოს. არა, ბატონო ჩემო! ჩვენი პასუხისმგებლობა კარგადა გვაქვს შეცნობილი.

— ჰო, რა თქმა უნდა!

— არა, ბატონო ჩემო, ძალიან სასაცილო კია, მაგრამ თქვენ ისევ წარსული და ჩვეული ფასეულობის გავლენის ქვეშ ბრძანდებით მოქცეული. ბოლოს და ბოლოს გაიგეთ, რომ ჩვენი მსოფლმხედველობის გარდა, ყველა დანარჩენი დასამარდა! აღარ არსებობს, გასაგებია? ერთხელ და სამუდამოდ დასამარდა!

— რას მეუბნებით! აი, ახლა გასაგებია! ჰო, ასე იქნება, ცხადია!

— რა იოლია, არა? საკმარისია, ჩვეული აზრთაწყობისაგან თავი გამოიხსნა და ჩვენს სრულიად ახლებურ შეხედულებებს მაშინვე შეისისხლხორცებ, ხომ, მართალია? ცოტა დასაწყისში გაგიჭირდება, თორემ საერთოდ ძალიანაც იოლია.

— ჰო, რა თქმა უნდა.

— არასოდეს გინახავთ ურჩებს რა საფუძვლიანად სცემენ? ჩვენს პრაქტიკაში ამას ხშირად ვიყენებთ. ფრიად შთამაგონებელი სანახაობაა. გარნმუნებთ, ისეთი შეგრძნება გიჩნდება, თითქოს კაცობრიობის აღზრდის და ახალი, უფრო ამაღლებული ცხოვრების შექმნისა თუ სრულქმნის საქმეში უშუალო მონაწილეობას იღებდეთ.

— ოჰ, დიახ, მართლაც სიამოვნებით ვნახავდი.

— იყო შემთხვევები, ოთხმოცი წლის ბერიკაცებიც კი მოგვიქცევია, თუკი დრო არ დაგვენანებოდა, ცხადია.

— ნამდვილი სასწაულია. საერთოდ, ხალხში ჭეშმარიტი რწმენის გავრცელება ხომ წარმოდგენლად ძნელია.

— ჰო, ნამდვილად! თუმცა, გარნმუნებთ, ჩვენ განსაკუთრებულ წარმატებებს მივაღწიეთ!

— ჩვენ შეცნობილი გვაქვს პასუხისმგებლობა მომავალი თაობების წინაშე, გასაგებია? ვიცით, რომ ერთი წუთის დაკარგვაც კი არ შეიძლება. თუ ახლა ჩავუნერგეთ ხალხს სწორი აზრები, მომავალში ყოველთვის სწორად იფიქრებენ! არ უნდა დაგვაფიწყდეს, რა დიად დროში ვცხოვრობთ! ჩვენს დროს მთელი კაცობრიობისა და ცხოვრების მომავალი განვითარებისათვის გადამწყვეტი მნიშვნელობა ენიჭება!

— ჰო, რა თქმა უნდა.

— ისიც შეცნობილი გვაქვს, რომ პასუხისმგებლები მხოლოდ ჩვენა ვართ.

— კლასებიო, არავითარი კლასები აღარ არსებობს! ჩვენი დროის მნიშვნელობა და სიდიადე სწორედ ეს არის! არსებობს ხალხი, ვინც ჩვენსავით ფიქრობს და ხალხის რაღაც რაოდენობა, ვინც ვირის აბანოში ჩააყუდეს, რათა ჩვენსავით ფიქრი ასწავლონ. თუკი ვინმე ცოცხალი გადარჩა, ნამდვილად ისწავლის.

— აბა, შეხედეთ, აქ, მაგალითად, შამპანურს სვამენ, ან უმეტესობა უბრალოდ ლუდს ყლურნავს. ბიურგერებიც, მუშებიცა და მდიდრებიც ერთმანეთში არიან აზელილები და ყველა ზუსტად ერთნაირად, სწორედ ჩვენსავით აზროვნებს! ვინც ვირის აბანოში არაა ჩაყუდებული, ყველა ჩვენსავით ფიქრობს!

— ჰო.

— როგორც იქნა, გადაიძალა ჩვენი თვალის წინ ერთიანი და შედუღებული ერის შესანიშნავი, ჯერ არნახული სურათი! ეჭვიც არ მეპარება, რომ მალე მათ გზააბნეულებიც შეუერთდებიან. ვინც გაჯიქდება, იმათ მალე მოუეგრებთ კისერს! ხალხი ერთ მუშტადაა შეკრული თავისი ციხეების ირგვლივ და ნეტარებით ელოდება, როდის გაიგონებს კიდევ ერთი მოქცეულის კივილს!

— შესანიშნავია! რა ამალღებული სულია!

— ჰო, ასეთი რამ მსოფლიოს ჯერ არ უხილავს! ეს საყოველთაო ლოცვასა ჰგავს. ბევრი სმენაზუა გაჭიმული და ისე ელოდება ახლად მოქცეულთა კვნესას. აი, ასეთი მონინებით ეთაყვანებიან თვალთაგან დაფარულ საიდუმლოს, მათ რასაში რომ აღესრულება. ჭეშმარიტად პათეტიკური სანახაობაა. ასეთი რამ მხოლოდ ჩვენთან შეიძლება მოხდეს. ჩვენ ამქვეყნად არც ერთ სხვა ხალხს არ ვგავართ! სულ არა ვგავართ!

— ჰო, ჩვენ აუცილებლად გეჭირდება საკუთარი ღმერთი, თანაც რაც შეიძლება ჩქარა უნდა მოვიპოვოთ! დაუშვებელია, რომ ჩვენი ხალხი იმ ღმერთს ეთაყვანებოდეს, რომელსაც სხვა, არასრულფასოვანი რასები ეთაყვანებიან. ჩვენი ხალხი ძალიან ღვთისმოსავია, მას საკუთარი ღმერთი სურს ჰყავდეს. რაღაც სხვა, საერთო ღმერთის წარმოდგენა ჩვენი შეხედულებების მთელი სისტემის ამკარა დაცინვაა და სწორედ ისე დაისჯება, როგორც დანაშაულის სხვა ფორმები ისჯება ხოლმე.

ერთი საეჭვო სუბიექტი დარბაზის ბინდბუნდში დაეხეტებოდა და თავხედური ღიმილით მათხოვრობდა. თუ არაფერს მისცემდნენ, მაგიდას ხელს ჰკრავდა და ჭიქებიდან სასმელს ღვრიდა.

მოპორებულ კუთხეში სუფრას კომპანია შემოსხდომოდა.

— რა ჯანდაბაა! ჩვენ ლუდი და სოსისები შეგიკვეთეთ, თქვენ კი მამპანური მოგაქვთ. რა უმსგავსობაა! ამ ნასუქი ღორებივით მიღონერები ხომ არ გგონივართ?

— ნომიტვევთ, მაღალი წრის ხალხია-მეთქი, ვიფიქრე...

— ფუ, ჯანდაბას! მეორედ თვალები გაახილე, თორემ ერთს ისეთს მოგაკერებ, ეგრე ზეზუურად აღარ ჩამოგეძინება!

დარბაზში ფეხარეული ჯარისკაცი შემოვიდა, ჯალათს გვერდით მიუჯდა და სახეში მიაყარა:

— რა ბრიყვს დამსგავსებინარ!.. საველე ფორმა რად არ გაცვია, ჰა? არა, ერთი ამას დამიხედეთ, ჰა!..

— ჩუ... — ჩაიჩურჩულა ვილაცამ გვერდით. — ნუთუ ვერ ხედავ, ეს ხომ ჯალათია.

— ვხედავ, ბატონო, ვხედავ! რომ ვხედავ, იმიტომაცაა სიცილით რომ ვიგუდებოდი. ესაა ჯალათი? ფუ, ვის რაში სჭირდება ასეთი ჯალათი! ტყვიამფრქვევები გეინდა, ტყვიამფრქვევები! და კიდევ ყუმბარები!.. აი, ეს მესმის, გასაგებია? არ ვარგინარ ამ ხელობისათვის, ზედ გეტყობა, რომ არ ვარგინარ!

— სისულელეებს ნუ რომავ. ვარგა კი არა, იქნებ, უკეთესიც იყოს. ნეტავ, ტყუილად რას ქაქანებ, ყმანვილო, თქვენ ხომ მონათესავე სულები ხართ, თავადაც გესმის.

— მეც მაგას ვამბობ, ტყვიამფრქვევები გამოიყენოს-მეთქი!.. კარგი გამოგონებაა, თანაც თანამედროვე, გესმით თუ არა?.. ერთ ნამში, ბახ, და ყველაფერი გათავებულია!.. საველე ფორმა გჭირდება-მეთქი, გესმის, ბებერო?

— ძალიან ნუ გადაამლაშე! ჩემს ღამის ქოთანსაც კი შენზე უკეთ ესმის ომი რა არის! ზედვე გეტყობა, რომ ჯერ არ მოგისუნია!

— არ მესმის და გავიგებ, გასაგებია? ეშმაკს გეფიცები, გავიგებ! აი, მაშინ მიყურე, დალახვროს ეშმაკმა!

— ჰო, აბა რა, შენ თუ აინყვიტე!..

— ჰო, მეცა და სხვებმაც! ნუ გეშინიათ, ჩვენი საქმე კარგად ვიცით! და არც მხდალების რიცხვს განვეკუთვნებით!

— ყოჩაღ, ყმანვილო, სნორი ხარ!

— ყოჩალი ბიჭია, თუმცა მაგისი თავქარიანი თავისათვის ამდენი ლუდის ყლურნვა მეტისმეტი გამოდგა. რა კარგია, რომ ჩვენს მშვენიერ ქვეყანაში ასეთი სასიქადულო ახალგაზრდობა გვეზრდება!

მოხუც კაცს გული აგიჩუყდება ამის შემხედვარე...

— ეჰ, ბებრებო... ნეტავ, თქვენც რამე გესმოდეთ... შენ გაგიმარჯოს, ჯალათო! აი, შენ ნამდვილად მომწონხარ! მე და შენ — ორივე ერთად რომ შევეჭიდოთ, როგორმე მოვანესრიგებთ ამ ქვეყანას!.. რატომ არა სვამ? ვითომ რაო. ყურები ხომ არ ჩამოგიყრია?

ერთ სუფრასთან მიმსხდარი ხალხი ისე ხარხარებდა, რომ სტუმრებსაც და მიმტანებსაც თვალი იქით გაუბრუნდათ. ახალგაზრდა ქალი ლამის წელში გადაწყვეტილიყო.

— ომი გეჭირდება, ეს დღესავით ნათელია! ომი ჯანმრთელობაა, ბატონო! ერი, რომელსაც ომი არ სურს, სწული ერია!

— სწორია! მშვიდობა ჩვილი ბავშვებისა და ავადმყოფებისთვისაა გამოგონილი — აი, მათ ნამდვილად სჭირდებათ! მოზრდილი, ჯანმრთელი ადამიანი კი, აბა, რა თავში იხლის!

— სანგარი ერთადერთი ადგილია, სადაც კაცური კაცი თავს შეიძლება კარგად გრძნობდეს! მშვიდობიან დროსაც კი სანგრებში უნდა ცხოვრობდე, ამ სახლებმა მეტისმეტად გაააზიზა ხალხი!

— ჰო, აბა, ომისეულ ტყვიის შხაპს რა შეედრება! ჯანმრთელი ერი უამისოდ ათნლულზე მეტს ვერ გაძლებს, ვერა! ან არადა, გადაშენდება, თუ, ცხადია, მართლა ნორმალურ ერთან გაქვს საქმე.

— ის, ვინც ომს შეწყვეტს — მოლალატეა!

— ნაღდად!

— ძირს მოლალატეები! ძირს მოლალატეები!

— სიკვდილი მოლალატეებს!

— მაშინაც მოლალატეა თუ ომს გამარჯვებით დაავიჯვინებს. ამ შემთხვევაშიც კი საკუთარ ერს მშვიდობიანი არსებობის სრულ გაურკვევლობას უსჯის უნამუსოდ. რა არის ომი, ეს ყველასთვის ნათელი და გასაგებია, ხოლო თუ ხალხი მშვიდობით ცხოვრობს, მას ყოველი მხრიდან იდუმალი ხიფათი ემუქრება.

— ნაღდად ასეა.

— გვეყო, ბატონო! დროა ბოლო მოვუღოთ ამ დამღუპველ მოთენთილობას! ბავშვები ომისთვის უნდა აღვზარდოთ. სიარული მათ სამხედრო საჭიროებისათვის უნდა ისწავლონ და არა თავიანთი დედიკოებისათვის!

— ამ საქმეს მალე ეშველება. ბავშვებს ჩვენ თვითონ აღვზრდით. არ შეიძლება, ისინი უპასუხიმგებლო მშობლების იმედზე დავტოვოთ.

— რა თქმა უნდა.

— ასე და ამგვარად ჩვენი მომავალი განაღებული იქნება.

— თუ სწორად გავიგონე, ომზე საუბრობდით, ჩემო მეგობრებო, — ჩაერია კაცი, რომელსაც ტყვიებისაგან დაგლეჯილ სახეზე მხოლოდ ქვედა ყბა გადარჩენოდა, ზედა ნაწილს კი წითელი, ხეშეში კანი ფარავდა. — მართალი ვითხრათ, გული გამინათდა! იმედი მაქვს, მოვესწრები იმ ბედნიერ დღეს, როცა ჩემი ერი გარდასული ბრძოლის ველებისაკენ კვლავ ამაყად გასწევის! კიდევ იმედი მაქვს, რომ თანამედროვე მეცნიერება ამ დროისათვის ისეთ სიმალლებებს დაიპყრობს, მეც კი შევძლებ ომში მონაწილეობის მიღებას. ახლა ხან ერთი წიგნი გამოვიდა. შიგ წერია, მეცნიერები ცდილობენ იმას მიაღწიონ, რომ ადამიანი მხოლოდ სულის მეშვეობით ხედავსო. ესე იგი, დამიზნებასაც შეძლებს, არა? თუ ასე იქნა, პირველ რიგებში მე მივუღებ და თვალის გამჭრიახი მექნება, რადგან სული, მეგობრებო, სწორედ მონოდების სიმალლეზე მიდგას!

— ბრავო! ბრავო!

— მშვენიერია!

— შესანიშნავია!

— ასეთი ხალხი მხოლოდ დიად დროს შეიძლება იშვას!

— ტყუილად კი არ ამბობენ, ომი აკეთილშობილებს ადამიანსო, ამკარად ასეა!

— ასეთ ერს ჭეშმარიტად ვერაფერ დაამარცხებს!

— ცხადია, ჩვენი იდეები მთელ მსოფლიოს უნდა მოეფინოს! საშინელება იქნებოდა, სხვებისთვის რომ არ გაგვეზიარებინა! ხოლო, თუ რომელიმე ერი არ ისურვებს მის გაზიარებას, სხვა რა გზა გვრჩება, უნდა გავანადგუროთ!

— რალა თქმა უნდა, მათთვისვე იქნება ასე უკეთესი. ნებისმიერი ერი ჯობს განადგურდეს, ვიდრე ამ იდეების გარეშე დარჩეს.

— რა თქმა უნდა!

— მსოფლიო მადლიერიც კი დაგვრჩება, როცა მიხვდება, რისთვის ვიბრძოდით.

— ჰმ, სწორედ რომ საჭიროა, კაცობრიობამ დროდადრო დააქციოს თავისივე შექმნილი! ან არადა, აღქმის ბავშვური უშუალობა დაიკარგება. ნგრევა უფრო მნიშვნელოვანი მოვლენაა, ვიდრე პრიმიტიული შემეცნება, მასში ხომ უბრალოდ ჩვევის ძალა ვლინდება. რა დიადი და მშვენიერი ჟამი დაგვიდგა! შემეცნების მოსურნე მონ-

დომებული და მშრომელი ჭიანჭველები ყოველთვის მოიძებნებიან, ამაზე თავის შენუხებაც არ ღირს, თავხედი გონება კი, ერთი ხელის დაკვრით რომ გაანადგურებს ადამიანთა სათამაშო სამყაროს, რათა ყოველივე თავიდან დაიწყოს, იშვიათად ჩნდება და ისიც მხოლოდ მაშინ, მისი ღირსნი რომ ვხდებით!

— ჰო, ჩვენი ერი აბსოლუტურად ჯანმრთელი ერია! ამიტომაც გვყოფნის ძალა პირდაპირ განვაცხადოთ: ჩვენ გვხიბლავს ის, რაც სხვებს ჩაგვრად მიაჩნიათ. ამას მხოლოდ დაბეჩავებული ან დეგენერატული რასები გაურბიან. ყველა ძლიერი ერი მის თავზე აღმართულ მათრახს სიხარულით ეგებება და თავსაც მშვენიერად გრძნობს!

— ნამდვილად ასეა, არა? ყველაზე მეტად კი ფრთები იმან შეგვასხა, ჩვენს რიგებში ახალგაზრდობა რომ ვიხილეთ. ახალგაზრდობა — ჩვენი საყრდენია! ეს მამაცი, არასენტემენტალური და თანამედროვე ახალგაზრდობა! ჩვენ, ძალაუფლების მქონეთ, ყველგან გვიჭერენ მხარს და ახალგაზრდა გმირები არიან!

— კი, ჰყოფნით ასეთი სიმამაცე!

— მგონი, რაღაც ჩაილაპარაკეს?... არა? ალბათ, მომესმა.

შემოსასვლელ კართან ჩოჩქოლი ატყდა, ხალხი აჩურჩულდა, ადგილებიდან წამოიშალა. ყველა იქით იყურებოდა და ხელს წინ იშვერდა. დარბაზს ხმაურის ტალღამ გადაუარა.

— გაუმარჯოს მკვლელებს! გაუმარჯოს მკვლელებს!

ორი კარგად ჩაცმული, მომხიბვლელი ახალგაზრდა, გარეგნულად სხვებისაგან არაფრით რომ არ გამოირჩეოდა, ხელების ორ მწკრივს შორის მოაბიჯებდა და აქეთ-იქით ხალხს თავს თავაზიანად უკრავდა. მთელი დარბაზი წამოიშალა, საცეკვაო მუსიკა შეწყდა და ორკესტრმა, რომელიც საუკეთესოდ ითვლებოდა, მაშინვე ჰიმნი დასჭყა. ამ ჰიმნს ყველა ფეხზე მდგარი ისმენდა. სამი მიმტანი მაშინვე ახლად შემოსულებისაკენ გაქანდა. მეტრდოტელიც უკან დაედევნა და სიჩქარეში ლუდის კათხებითა და წითელი ღვინის გრაფინებით სავსე მაგიდა ვიღაც ქალბატონებზე წამოაპირქევა. ქალებმა ჩუმად, თან მხურვალედ დაარწმუნეს, არაფერიაო, და ისიც კვლავ ახალმოსულებისაკენ გაემურა. დარბაზი გაჭედილი იყო, ამიტომ ვიღაც იძულებული გახდა, წამომდგარიყო და შინისაკენ გაეცია, ახალგაზრდები კი განთავისუფლებულ მაგიდას შემოუსხდნენ.

— რა ჯანდაბაა, სადაც არ უნდა მიხვიდე, ყველგან გცნობენ!

— დალახვროს ეშმაკმა, მართალია! — უპასუხა მეორემ, პირიდან ბოლი გამოუშვა და შეკვეთის მოლოდინში ფეხები მაგიდის ქვეშ გაჭიმა. — მგონი, უკვე მომბეზრდა კიდეც.

— ჰო, რომ გვცოდნოდა მკვლელად ყოფნა ასე მძიმე ტვირთი აღმოჩნდებოდა, ის ჯეელი შეიძლება არც მიგვეხვრიტა. სხვათა შორის, არა უშავს რა, კაი ბიჭიც კი იყო.

— ჰო, მაგრამ შუბლზე ეწერა, ჩვენიანი რომ არ გახლდათ.

— ეგ კი ეგრეა, მაგრამ შუბლზე, კაცმა არ იცის, რა ეწერა.

ზანგთა ორკესტრი ისევ ფოქსტროტს ახუჭუჭებდა. დარბაზში გაძვალტყავებული ქალი შემოეხეტა თავშალში გახვეული ჩვილით ხელში და რადგან თვით მომსახურებამაც კი არ მიაქციეს ყურადღება, ცოტა ხნის შემდეგ ისევ უკან გაბრუნდა.

— მოხვალ ამაღამ გვამების გადასათრევად?

— გვამების გადასათრევად?

— ჰო, ზოგიერთი მოლაღატისა და ახალი მსოფლმხედველობის მტრების გვამები საფლავებიდან უნდა ამოვთხაროთ და ჭაობში გადავუძახოთ. მათი ადგილი სწორედ იქ არის.

— ჰმ...

— ჰმ?.. რა, არ გინდა?

— არ ვიცი. აზრი ვერ გავიგე.

— აზრი? ჩვენი მოძრაობის იდეაა, ძამიკო!

— კი მაგრამ... ისინი ხომ ბევრად ადრე დაიხოცნენ, სანამ ეს იდეა გაჩნდებოდა.

— მერე?

— ეს უკვე ჯანდაბამ უწყის, რა არის.

— რა თქვი? არ გინდა? უარზე ხარ?

— რა უარი, უბრალოდ ვამბობ, ეს კი მეტისმეტია-მეთქი.

— მეტისმეტიო? იქნებ სისულელედაც მიგაჩნია?

— არა, სისულელე კი არა...

— მისმინე, მაინც რის თქმას აპირებ? აბა, ბოლომდე გადმოალაგე!

— რა ვთქვი ასეთი? რას შემომიჩნდი?

— ბრძანებას არ ემორჩილები? მსჯელობა დამინყე, არა?

— გამიშვი-მეთქი, გეუბნები!

— ნახე, რა მომინდომა, ეგ არის და გაგიშვებთ!

- გამიშვით-მეთქი, ოხრებო!
- გესმის, რა დაგვიძახა?
- დამპალო, უარზე ხარ, არა? სხვის ბანაკში გადაბარგდი!
- როდის გითხარით უარი!
- არა, გვითხარი!
- ნეტავ, რას ეკამათები ამ მოლალატეს! მორჩი ყბედობას!

სროლის ხმა გაისმა და სხეული იატაკს მძიმედ დაასკდა.

- გაათრიეთ აქედან ეს ნეხვი!
- ჯანდაბას, ეგდოს, ნეტავ ვის რას უშლის!

ჯაზი კვლავ გრიალებდა. ნვრილკისრიანმა გოგონამ თავი შე-
მოაბრუნა.

- რა ხდება აქ? — იკითხა მან.
- მგონი ვილაც მიახვრიტეს.
- ა...ა...

პატარა ჯგუფი მოშორებით მდგარ მაგიდას შემოუსხდა.

— ყველა იმაზე ქაქანებს, ეს ხვალე როგორი იქნებაო. მე კი, იცი, რა მგონია?

— რა?

— ისეთი სულაც არ იქნება, ამ ლანირაკებს რომ ნარმოუდგენიათ!

— აბა, როგორი იქნება?

— ჰმ... — სიგარეტი გაახვია, მეზობლისგან მოუკიდა და თამბაქოს ნამცეცი გადმოაფურთხა. — თუ საჭირო გახდა ჩახმახზე თითის გამოკერა ჩვენც შეგვიძლია. ისიც საკითხავია, ზოგიერთი ხრიკი ჩვენგან ხომ არ ისწავლეს, თუკი საერთოდ საჭიროა ამისი სწავლა.

— არა მგონია, საჭირო იყოს. ჩვენ დროში ასეთი რამე ყველამ ბუნებრივი მონაცემებით იცის.

— ცხადია.

— ურიგო როდი იქნებოდა, კაცობრიობა ცოტათი კიდევ გაგვენ-
მინდა. მე მგონი, ნამდვილად არ აწყენდა.

— ჰო, შეძლებისდაგვარად მონანილეობასაც სიამოვნებით მი-
ვიღებდი.

ერთი ახალგაზრდა ქალი ჯალათს მიუახლოვდა და მის გვერდით ჩუმად ჩამოჯდა. ერთი შეხედვით მდაბიოს ჰგავდა, მაგრამ თავმალაი მოიხადა თუ არა, საოცარი ნათელით გასხვივოსნებული სახე გამოჩ-

ნდა. მან ფრთხილად დაადო ჯალათს ხელი ხელზე და ისიც მისკენ შებრუნდა — ეს ქალი, ვგონებ, ერთადერთი იყო, ვისაც ამ დროის მანძილზე ჯალათმა ყურადღება მიაქცია, თუმცა მასზე საუბარს ჩვენ კიდევ დავუბრუნდებით.

მუსიკის ფლერადობა იცვლებოდა, დარბაზის მეორე ბოლოში საუკეთესო ორკესტრი ნელი ტანგოს კლასიკურ მელოდიას უკრავდა, საზოგადოებას მშვიდი, შთაგონებული განწყობა დაეუფლა, მაგრამ თითქოს ჯიბრზე ვიღაც ბატონს ტუალეტში გასვლა სწორედ მაშინ დასჭირდა. უკან დაბრუნებისას ესტრადის უკან სუფრასთან შემომსხდარი ზანგები დაინახა, თავიანთ ბუტერბროტებს სასწრაფოდ რომ ნთქამდნენ. ბატონს სახე გაულურჯდა და ზანგებისაკენ გაქანდა.

— ღორებო, როგორ ბედავთ! დამსხდარხართ და თეთრკანიანებთან ერთად მიირთმევთ!

ზანგები გაოგნებით შესცქეროდნენ. უფრო ახლოს მჯდომი სკამზედაც კი წამოინია.

— რაო? რა მინდაო?

— რა მინდაო? როგორ ბედავ-მეთქი, რომ დამჯდარხარ აქ და ხეთქავ, ოხერო, მაიმუნო!

შვეკანიანი ზამბარასავით წამოხტა და თვალები დააკვესა, თუმცა ვერაფერი შებედა.

— გესმით, ბატონებო, ხედავთ! — გააფთრებით შეუძახა საზოგადოებას განრისხებულმა ბატონმა და ხალხმაც იხუვლა, ზანგებისა და მის ირგვლივ თავი მოიყარა. — არა, მსგავსი თუ გინახავთ რამე? გაუგონარი ამბავია! ეს მაიმუნები დამსხდარან და ჩვენთან ერთად ჭამენ!

საშინელი აურზაური ატყდა.

— რა თავხედობაა! სად გაგონილა! თქვენ რა, თავი ზოოპარკში ხომ არ გგონიათ? არა, იქნებ ასე გგონიათ?

— ჭამა ჩვენც გვინდა, როგორც ყველა ცოცხალ არსებას! — თქვა ერთმა ზანგმა.

— ოღონდ ადამიანებთან ერთად არა, ძაღლო!

— ჭამაო? თქვენ აქ დასაკრავად მოხვედით თუ საჭმელად!

— ამხელა პატივი გხვდათ წილად, ჩვენთვის უკრავთ, რადგან ჩვენ ვკსურს თქვენი მუსიკით ვისიამოვნოთ! ოღონდ კეთილი ინებეთ და ნესიერად მოიქეცით, ან არადა ლინჩის წესით გაგასა-

მართლებთ, გასაგებია?

— აბა, სცენაზე აძვერით!

— გაინძერით-მეთქი, დაუჩქარეთ!

ზანგებს ბრძანების შესრულება არც უფიქრიათ.

— რა ხდება, ბატონებო, ეს ხომ ნამდვილი პასიური წინააღმდეგობაა! — თქვა წარმოსადგემა მამაკაცმა კეთილშობილის გარეგნობით რომ გამოიჩინა.

— ჰა, კიდეც დიდხანს უნდა გელოდოთ?

— აბა, აბა, დროზე აძვერით ესტრადაზე!

— ჩვენ მშვიდები ვართ! თუ არ ვჭამეთ, ვერაფერს დაუქრავთ!

— მშვიდებით? გესმით, რას ამბობენ?!

— ჰო, ჭამა გვინდა და გვაქვს კიდეც ამის უფლება, — თქვა უშველებელმა ოქლაქმა და თვალები მუქარით დააკვესა.

— უფლებაო, ეს შენა გაქვს უფლება? აი, შე ურცხვო, შენა!

— ჰო, მაქვს, — უპასუხა ზანგმა და მისკენ ნაბიჯი გადადგა.

— რა?! როგორ პასუხობ თეთრკანიანს, შე თახსირო, შენა! — კაცმა ზანგს სილა გააწნა.

ზანგი მოიკუზა, მხეცივით აკანკალდა, შემდეგ წინ ელვისუსწრაფესად გაქანდა და მუშტი ისეთი ძალით ჩასცხო, თეთრკანიანი ბატონი იატაკზე გაიშხლართა.

არნახული აურზაური ატყდა. ხალხმა იხუვლა, მთელ დარბაზს უკიდევანო ალგზნება მოედო! ზამბარასავით შემართული და გახელებული ზანგები მჭიდრო ჯგუფად შეიკრნენ. თვალები სისხლით ავსებოდნენ, კბილები თეთრად შელავდათ და ადამიანთა ჯუნგლებში შერევილ საოცარ ცხოველებს ჰგავდნენ. უცებ სროლის ხმა გაისმა და ზანგების ჯგუფს ერთ-ერთი ღმუილით მოსწყდა. მთლად სისხლით მოთხვრილი იგი თეთრკანიანებს დაერია და განურჩევლად არბევდა. დანარჩენებიც ბლავილით დაიძრნენ, მაგრამ ისევ რევოლვერები შეაჩერეს. სროლის ხმა განუწყვეტლივ ისმოდა და დასისხლიანებული ზანგები მაგიდებსა და სკამებს ეფარებოდნენ.

— ჰა, დაუქრავთ თუ არა? — იყვირა მომხიბვლელმა, ქერა მამაკაცმა და თავისი ბრაუნინგი სწორედ იქით დაცალა, სადაც შავკანიანები იმალებოდნენ.

— არა! — დაიღმუველეს ზანგებმა.

— მეორე ორკესტრიც ხომ გვყავს! — ხალხის დასაშოშმინებლად დაიყვირა ვილაცამ. — კიდეც ერთი ორკესტრი გვყავს.

— ჭირს ნაუღია ეგ თქვენი სენტიმენტალური ლაყბობა! სწორედ ამათ უნდა დაუკრან! აბა, ნამოხტით, შავკანიანო მაიმუნებო!

ზანგები თავშესაფრიდან გამორეკეს და ამჯერად უარესი ზედახორა გაიმართა; ბრბო გახელდა, სხვადასხვა ნივთები ჰაერში სასიკვდილო ჭურვებივით დაფრინავდა, სკამებზე შემხტარი კახპები კიოდნენ. ზანგები მთელ დარბაზს მოედგნენ, ბრბო კი მათ დაედგნა.

— ჯანდაბა მაგათ თავს, ბოლოს და ბოლოს ჩვენ ხომ ცივილიზებული ერი ვართ!..

— რა?! კიდევ ერთხელ იტყვი ამ სისულელეს და შუბლს გაგიხვრეტ!

— ცივილიზაციაო? დალახვროს ეშმაკმა!

შავკანიანი გოლიათი, ვგონებ, სწორედ ის, მუშტებს რომ იქნევდა, დარბაზში ველური მხეცივით დაქროდა, გზიდან ხალხს ნიხლისკერით იშორებდა და აქეთ-იქით ყველას სასიკვდილო ნოკაუტებით უმასპინძლდებოდა. მაგრამ ზუსტად გასროლილ ტყვიას ვერსად გაექცა, ხელი მკერდზე იტაცა, იატაკზე გაიშხლართა და არაფრისმთქმელი ღიმილით ტუჩები ფართოდ გაეჭიმა. დანარჩენმა ზანგებმა დაქსაქსული ძალები გააერთიანეს, სკამები მოიმარჯვეს და ვისაც კი მისწვდნენ ყველას თავები დაუხეთქეს. ბრმა გახელებით იბრძოდნენ და თვალის გუგებითაც კი სიძულვილს ასხივებდნენ, სანამ დამარცხებულები ძირს არ დაეცემოდნენ.

— იკბინები კიდევ, შე მშობარა ძაღლო! — დაუღრიალა სამხედრო ფორმაში გამოწყობილმა გოლიათმა იატაკზე გაშოტილ ერთ ცოცხალ-მკვდარ ფერადკანიანს, კბილებით ფეხზე რომ ჩაფრენოდა. იარაღი მიუშვირა და ესროლა. ზანგები ისეთი საშინელი, ველური, საომარი ყიჟინით კიოდნენ, მხოლოდ პირველყოფილ ტყეებში რომ გსმენიათ, მაგრამ თეთრკანიანებმა თავი არავის შეაშინებინეს და პოზიცია მედგრად მხოლოდ იარაღის შეშვეობით შეინარჩუნეს. რევოლვერების სროლის ხმა ტყვიამფრქვევების კაკანს ემსგავსებოდა. ცხელი და გახელებული ბრძოლა გაიმართა.

ორ ახალგაზრდა მკვლელს არავითარი მონანილეობა არ მიუღია, ისხდნენ და ერთობოდნენ, თავიანთი საქმე ხომ უკვე გაკეთებული ჰქონდათ.

ბოლოს და ბოლოს ცოცხლად გადარჩენილი ზანგები კუთხეში მოიმწყვდიეს და ალყა შემოარტყეს, მათი წინააღმდეგობა გატყდა.

ძალაუნებურად გამარჯვებულებს დანებდნენ.

— ეგრე რაღა! — სული მოითქვეს თეთრკანიანებმა.

— აბა, ესტრადისაკენ გასწიეთ, სწრაფად!

ზანგები სცენისაკენ გაირეკეს და მათაც ძალაუნებურად საკრავები აიღეს.

სმოკინგში გამონყობილი ჩასკვნილი მამაკაცი სკამს ცხენივით გადაჯდა და რევოლვერი მათ მიუშვირა.

— ვინც არ დაუკრავს დაიხვრიტება! — განაცხადა მან.

და ზანგებმაც დაუკრეს. თვალებჩასისხლიანებულები, ასევე სისხლით მოთხვრილი სახეებითა და ხელებით, საზარელი გახელებით, შლეგიანებივით უკრავდნენ. ეს საშინელი, ჯერ არსმენილი, შლეგი მუსიკა იყო, რომელიც ჰგავდა ჯუნგლებში გაგონილ შუალამის ყმუილს, იმ სასიკვდილო დაფდაფების ხმას, მზის ჩასვლისას ტყეში შეკრებილი ველურები რომ ახმიანებდნენ. წინ ჩამომჯდარი გოლიათი ზანგი კბილს კბილზე აჭერდა და საკრავს გახელებით ურახუნებდა. გახეთქილი თავიდან სისხლი კისერზე ჩამოსდიოდა, შემოხეული პერანგი კი ნითლად ღალანებდა. დასისხლიანებულ მუშტებს იგი დაუსრულებლად ურტყამდა საკრავს, დანარჩენ საკრავთა ხმები ამ ქუხილს ერწყმოდა და ერთ მთლიან ღრიანცელში ითქვიფებოდა.

— შესანიშნავია! შესანიშნავი!

თეთრკანიანები ამ მუსიკის ტაქტზე ცეკვავდნენ, ხტოდნენ და ყირას ჭიმავდნენ. ყველგან ცეკვავდნენ. უშველებელი დარბაზი ავსულის აჩუხჩუხებული სანამლაივივით დულდა. ბრძოლისაგან თუ იმიტომაც, რომ შენობაში ცხელოდა, ხალხს სახეები გახურებოდა, მძიმე ოხშივარი დარბაზში მხუთავ ტალღებად იშლებოდა, მაგიდებს შორის მომაკვდავები ეყარნენ და ხროტიანებდნენ, მოცეკვავე ნყვილები კი მათ ნიხლის კვრით იშორებდნენ. ჭერზე ჩამოკიდებული ბუშტი, უამრავი ფერით ალივლივებული, ამ აქოთებული ნალექის თავზე ტრიალებდა. ქალები ვნებებსა და სილამაზეს აფრქვევდნენ, ანთებულ მზერას გასისხლიანებულ ზანგს არ ამორებდნენ და ფეხებს მამაკაცთა ფეხებშუა აცურებდნენ. ამ მზერითა და წელზე ჩამოკიდებული რევოლვერით აღგზნებული მამაკაცები ქალებს მკერდზე მძაფრად იკრავდნენ.

აღფრთოვანებით წამონითლებული ერთი მამაკაცი, ბრძოლაში საყელო რომ შემოხეოდა, ჯალათთან ახლოს მაგიდაზე შეხტა და

ბრაუნინგი ჰაერში აიქნია.

— გავიმარჯვებ, ბატონებო! ჩვენს წინააღმდეგ აჯანყების ყველა მცდელობა ამოა! წესრიგი და დისციპლინა! სწორედ ამ ნიშნით ვიმარჯვებთ! მსოფლიო ბატონობასაც ამით მოვიპოვებთ! — იგი ხელებს იქნევდა და გაჰკიოდა, ირგვლივ კი მის მოსასმენად ბრბო შემოიკრიბა. — და აი, ამ ღირსშესანიშნავ დღეს, როცა ჩვენი რასის უპირატესობა განვამტკიცებთ, გვაქვს ბედნიერება, ჩვენს შორის იმ საქმის წარმომადგენელი ვიხილოთ, ყველაზე მეტად რომ ვაფასებთ. ჯალათი ჩვენთანაა! და ჩვენც ვამაყობთ ამით! თუ აქამდე ვინმეს არ ესმოდა, დაე, ახლა გაიგოს! მისი აქ ყოფნა ადასტურებს, რომ ჩვენ დიად საუკუნეში ვცხოვრობთ! უკან დაგვრჩა უპატიური სისუსტის საუკუნე და კაცობრიობის თავზე ახალი განთიადი ამობრწყინდა! ჯალათის ძლიერი ფიგურა რწმენასა და სიმამაცეს გვმატებს! წინ უნდა ნავგვიძღვეს — ის ხომ ერთადერთია, ვისი წინამძღოლობითაც წინ უყოყმანოდ გავწევთ!

მოგესალმებით, ბელადო ჩვენო, მივესალმებით შენს წმიდათან-მიდა ემბლემებსა და სიმბოლოებს, ყველაზე ნათელსა და ძვირფასს, რაც ცხოვრებაში მოგვეპოვება და რაც კაცობრიობას ახალ ხანას გაუხსნის! ადამიანის ფერი, სწორედ, სისხლის ფერია! ჩვენ ვიცით, ღირსეული შვილები ვიქნებით შენი! ჩვენ ვიცით, თამამად შეგიძლია გვენდო, როცა ალტაცებით შემოგძახებთ „დიდება შენდა, დიდება!“

კაცი მაგიდიდან ჩამოხტა, განითლებული და აქოშინებული კერპისაკენ გაემართა.

ჯალათმა თვალი შეავლო, თუმცა არც თავი აუნწევია, არც შერხეულა და არც პასუხი გაუცია.

ანითლებული ბატონი ცოტა არ იყოს შეცბა, რა ექნა, აღარ იცოდა.

— დიდება! — ერთხელ კიდევ შესძახა, თუმცა ხმაში ყოყმანი დაეტყო და ხელი წინ გაიშვირა. დანარჩენებმაც მას მიბაძეს.

ჯალათი კვლავ უსიტყვოდ შესცქეროდა.

— კი, მაგრამ... განა, შენ ჯალათი არა ხარ? — ყოყმანით შეეკითხნენ მას.

მან კი, ვისაც კითხვით მიმართეს, დალდასმული შუბლიდან ხელი მოიშორა. დარბაზი მაშინვე აღფრთოვანებულმა ყიჟინამ შესძრა.

— ჰო, ჯალათი ვარ! — თქვა მან და წამოდგა. თავის სისხლისფერ-წითელ სამოსში უშველებელი და საზარელი ჩანდა. ყველას მზ-

ერა მაშინვე მას მიეჯაჭვა და აბლავლებულ დარბაზში ისეთი სიჩუმე ჩამონვა, მისი სუნთქვის ხმაც კი ისმოდა.

— მას შემდეგ, რაც სამყარო შეიქმნა, ჩემს საქმეს ვაკეთებ და დასასრული ჯერ კიდევ არ ჩანს. ათასწლეულები გაკრთებიან, ერები იბადებიან და ერთ ღამეში ქრებიან, მეღა ვრჩები და სისხლით მოთხვრილი მათ კვლავ ვავცქერი. მხოლოდ მე არ ვბერდები. ადამიანთა ერთგული მუდამ მათ კვალს მივდექ და ჯერ არ გაკვალულა ისეთი იდუმალი ბილიკი, სადაც აბოლებული კოცონი არ დამენთოს, ან მინა სისხლით არ მომერწყოს. დასაბამიდან კვალში გიდგავართ და თქვენს შორის ვრჩები, სანამ ჟამი არ დაკრავს. როცა ღვთაებრივი ხილვით შთაგონებულებმა პირველად შეხედეთ ზეცას, თქვენთვის ძმა დავკალი და მსხვერპლად შევნირე. დღესავით მახსოვს ქარით მოხრილი ხეები და ცეცხლის ის ანარეკლი თქვენს სახეებს რომ დასთამაშებდა, როცა ძმას გული ამოვგლიჯე და ცეცხლში ჩავაგდე. მას შემდეგ ბევრი დამნაშავე თუ უდანაშაულო მსხვერპლი შევნირე ღმერთსა თუ ეშმაკს, ზეცასა თუ ჯოჯოხეთს. მთელი ერები აღმიგვია პირისაგან მიწისა, იმპერიები დამიცლია და ნანგრევებად მიქცევია. ყველაფერს ვაკეთებდი, რასაც კი ჩემგან მოითხოვდით. მთელ ეპოქებს ვასამართლებდი და ნამით თუ შევისვენებდი სისხლიან მახვილზე დაყრდნობილი, სანამ ახალგაზრდა, მოუთმენელი ხმებით ახალი თაობები კვლავ არ მომიხმობდნენ. ადამიანთა ზღვას სისხლის ქაფად ვთქვეფდი და მის მოუსვენარ ხმაურს სამარადუამოდ ვახშობდი. წინასწარმეტყველებსა და მაცხოვრებს მკრეხელობისათვის კოცონზე ვწვავდი, ადამიანთა სიცოცხლე ღამესა და ბნელეთში გამოვამწყვდიე. ყველაფერს ვაკეთებდი თქვენთვის.

ახლაც მიხმობენ და კვლავ მივიღივარ. სივრცეს ვახედავ: დედამიწას ციებ-ცხელება მოსდებია. სიცხით ითანგება, ზეციური სიმალიდან ჩიტების სევდიანი ჭიკჭიკი ისმის. დადგა ჟამი ბოროტებამ ანთხიოს თესლი! ჯალათის დრო დადგა!

მზე ღრუბლებში იხრჩობა. მისი ნესტიანი ბურთი შედედებული სისხლის ლაქასავით ბუუტავს. მინდვრებს მიფუყვები, შიშა და საშინელებას ვთესავ და მსხვერპლს ვკრეფ. შუბლზე დანაშაულის დამლა მაქვს ამომწვარი, თავადაც ავსული ვარ, უკუნითი უკუნისამდე მსჯავრდადებული, შეჩვენებული და ეს თქვენი ბრალია.

მე მისჯილი მაქვს გემსახუროთ და ერთგულად ვასრულებ ჩემს საქმეს. ათასწლეულების სისხლი მძიმედ მანვეს მხრებზე.

ჩემი სული სავსეა თქვენი სისხლით! ჩემს თვალებს სისხლის რიდე აპფარებია და ვერაფერს ხედავს, როცა ადამიანთა მოდგმის ყმული ჩემამდე აღწევს! ყველას და ყოველს გახელებით ვარბევ, როგორც თქვენა გსურთ, როგორც თქვენ მიკიჟინებთ! თქვენი სისხლით ვარ დაბრმავებული! უსინათლო ვარ, თქვენში ჩაკეტილი! ეს თქვენა ხართ ჩემი ჯურღმული, საიდანაც თავს ვერასოდეს დავალწევ!

საკუთარ სახლში კი, ჯალათის სახლში, ჩაბნელებულ ფანჯარასთან ვდგები, მის მიღმა საღამოს სიჩუმეში ჩათვლემილ მინდვრებსა თუ ყვავილებს და ღრმა ღვთაებრივი სიმშვიდით შემოსილ ხეებს შეეცქერი და მაშინ ჩემი ბედისწერა მახრჩობს, მანამებს. ძალმიხბილი ნავიქცეოდი კიდეც, გვერდით ეს ქალი რომ არ მედგას.

მან ქალს შეხედა, სწორედ იმ ქალს, მდაბიოს რომ ჰგავდა. მათი მზერა ერთმანეთს შეხვდა.

— და მე ზურგს ვაქცევ ყველაფერს! მტკივნეულია იმის დანახვა თუ რა მშვენიერია ეს დედამინა. ქალი კი ფანჯარას ისევ გასცქერის, სანამ ყოველი ბინდით არ შეიმოსება.

ისიც ტუსალია, ჩვენი საერთო სახლის ტუსალი, მაგრამ შეუძლია, დედამინის მშვენიერება იხილოს და მაინც იცოცხლოს.

ჯალათის სახლი სუფთად აქვს მოვლილი, ისე ესათუთება, თითქოს ადამიანის საცხოვრებელი იყოს. მაგიდას, სადაც ვჭამ, მუდამ სუფრას აფარებს, არც კი ვიცი, ვინ არის იგი, მაგრამ ჩემთვის სიკეთე მოაქვს. როცა ეზოში ჩამოლამდება, შუბლზე ხელს მისვამს და ჯალათის დალი აღარ მოჩანსო, მეუბნება. იგი სხვებს არ ჰგავს, მას ჩემი სიყვარული შეუძლია!

ხალხში გავიკითხე, ვინ არის-მეთქი, მაგრამ არავინ იცნობს.

ვის შეგიძლიათ მითხრათ, რისთვის ვუყვარვარ ან ჩემს სახლს რისთვის უვლის?

ჩემი სახლი ხომ ჯალათის სახლია! სხვაგვარი არც შეიძლება იყოს, ჩემი სასონარკვეთილება უფრო გაუსაძლისი გახდებოდა!

მუდამ ველოდები, სანამ ჩემს მკლავებში მშვიდად ჩაიძინებს, შემდეგ ვდგები, თბილად ჩავფუთნავ და უჩუმრად ვემზადები, რომ არ გავალვიძო. ფრთხილად გამოვდივარ სახლიდან, რომ ჩემი საქმე ღამით აღვასრულო, ავის მოსურნე ზეცას შევცქერი, დედამინას პირქუშად რომ ჩამოსწოლია. კარგია, რომ არ გავლვიძა, კარგია, რომ ჩემი მოუშორებელი ტვირთით კვლავ მარტო ვრჩები.

მაგრამ ვიცი, დამელოდება და უკან მობრუნებულს, საქმემოდლეულს, სიქაგაცლილსა და სისხლში მოთხვრილს შემეგებება.

რად უნდა ვზიდო მარტომ ყოველი! ეს ყველაფერი მე რად უნდა დამანვეს მხრებზე! შიში თუ დანაშაული, თქვენ მიერ ჩადენილი! მთელი ეს სისხლი, თქვენ მიერ დათხეული, მე რად უნდა მომეკითხოს, რად ვერ უნდა შევიცნო სამყარო! ჩემს უბედურ სულს რად უნდა სტანჯავდეს ავსულთა წყევლაცა და უდანაშაულო მსხვერპლთა ჩივილიც!

მსჯავრდადებულნი თავის ბედისწერას მე მაბრალებენ, ვცდილობ, არ გავიგონო, სიკვდილის მოლოდინში რასაც ამბობენ, მაგრამ სიტყვები მაინც ხშიანობს ჩემში. ხმები შორეული ათასწლეულებიდანაც კი ხშიანობენ. ყველას მიერ დავინყებულო, სიცოცხლისგან დაცლილი ხმები ჩემში ძველებურად ცოცხლობენ! გულს მირევს თქვენი სისხლის სუნი, ცოდვის მოუნანიებლობით ვიხრჩობი!

თქვენი ბედისწერა მე უნდა ვზიდო, თქვენი გზით დაულალავად მევე უნდა ვიარო, მაშინაც კი, როცა თავად კარგა ხანია საფლავში ისვენებთ!

ვინ გათხრის ისეთ ღრმა საფლავს მე რომ დამასამაროს! მეც მინდა ვეზიარო თავდავინყებას! შეჩვენების ტვირთს მხრებიდან ვინ ჩამომხსნის და სიკვდილის სიმშვიდეს ვინ მომანიჭებს.

არავინ! ჩემი ტვირთის თრევა არავის ძალუძს!

როცა ღმერთი ჯერ კიდევ არსებობდა, ერთხელ მასთან მივედი ჩემი გასაჭირის მოსახსენებლად და რა პასუხი მივიღე?!

მახსოვს, რისთვისაც წავედი. ერთ ისეთ ადამიანს ვდარაჯობდი, ვინც მაცხოვარი ვარო, ამბობდა. თქვენს ნაცვლად სურდა დატანჯულიყო და მომკვდარიყო, თქვენი ხსნა სურდა. ჩემი გათავისუფლებაც კი უნდოდა.

მისი სიტყვების არაფერი მესმოდა, რადგან ვხედავდი: სუსტი და უძლური იყო, ჩვეულებრივი მამაკაცის ძალაც კი არ ჰქონდა და მეც მხოლოდ დავცინოდი. იგი თავს მესიას ეძახდა, ამქვეყნიურ მშვიდობას ქადაგებდა და განაჩენიც ამისთვის გამოუტანეს.

ჯერ კიდევ ბიჭუნა მიხვდა, რომ ადამიანებისთვის უნდა დატანჯულიყო და მომკვდარიყო. ბევრს მიაშობდა თავის ბავშვობაზე — სიკვდილმისჯილნი ხომ მუდამ ბავშვობას იხსენებენ ხოლმე — იმ მხარეზე, გალილეას რომ ეძახდა, თითქოს მშვენიერი რომ იყო — სხვებიც ასე ამბობენ ხოლმე.

გაზაფხულობით იქ, მთებში, უამრავი შროშანა ყვავისო. მათ შორის ვიდექი, ნათელ მინდვრებს გავცქეროდი და სწორედ მაშინ მივხვდი, რომ უფლის ძე ვიყავიო, მითხრა. მეც მაშინვე მივხვდი, რომ უბედურ შემლილთან მქონდა საქმე. ის კი განაგრძობდა, მინდვრებს გავცქეროდი, თვალი ამეხილა და მივხვდი, ამქვეყნიური მშვიდობა იყო ის მოძღვრება, რაც ხალხისთვის უნდა მექადაგა, მეცნობებინაო. მეც შევეკითხე, რა საჭიროა შენი სიკვდილი, რათა სხვებმა მშვიდობით იცხოვრონ-მეთქი? მანაც მიპასუხა: საჭიროა, უზენაესი შეთანხმება ასეთიაო, მამამ ჩემმა ასე მაცნობაო, მამად კი თავად უფალი ღმერთი მიაჩნდა და თავისი მრწამსის კეთილი ბავშვივით სჯეროდა.

მაგრამ როგორც კი მისმა ჟამმა დარეკა, სხვებივით შეშინდა, ათრთოლდა და ალბათ, ძველებურად დარწმუნებულიც აღარ იყო. მეც აღარაფერი მითქვამს და თავის შიშთან მარტო დარჩა. მზერა კი ხანდახან ძალიან შორს გაურბოდა, თითქოს კვლავ თავისი ბავშვობის მხარე და შროშანებით მოფენილი ველები სურდა ეხილა.

შიში უფრო და უფრო გაუძლიერდა. მუხლებზე დაემხო, აჩურჩულდა და ლოცვა დაიწყო. ნათრევაც კი დამჭირდა მისი. როცა დრო დადგა.

ჯვრის სათრევად ძალა ძლივს ეყო, ღონემიხდილი მიბარბაცებდა. შემეცოდა, ჯვარი გამოვართვი და გზის ნაწილი თავად ვატარე. მხოლოდ მე მივეშველე — სხვებმა არ ისურვეს. თუმცა რა იყო ეს სიმძიმე იმასთან შედარებით, ადამიანთა ნაცვლად რომ მითრევედა.

ჯვარზე რომ დავანვინე, ლურსმნების დაჭედების წინ ჩვეულებრივსამებრ პატიება ვთხოვე. არ ვიცვი, მისი მოკვლა ასე რად მტკიოდა. კეთილი, დამფრთხალი თვალებით შემომხედა — დამნაშავის კი არა, უბედურის თვალები ჰქონდა. „შემინდვია, ძმაო“ — ჩუმი ხმით მითხრა და თუმცა მე არ მჯერა, ერთი ახლოს მდგომი იმასაც კი მიმტკიცებდა, ამ დროს შუბლიდან ჯალათის დაღი გაგიქრაო.

არ ვიცვი, ძმა რად დამიძახა! მაგრამ მომეჩვენა, რომ მართლა ღვიძლ ძმას ვაკრავდი ჯვარზე. არასდროს ასე სულდამძიმებული არ ვყოფილვარ, თუმცა რამდენი დამისჯია. როცა ჩემს ხელობას მისდევ, დროდადრო ძალაუნებურად გინევს მსხვერპლის შეთვალეობა. ის კი არც ერთ ჩემს მსხვერპლს არ ჰგავდა.

არასოდეს დამავინწყდება, რა თვალებით შემომხედა ამ სიტყვებს რომ მეუბნებოდა!

რა კარგად მახსოვს! ჰო, მახსოვს, მე ხომ თქვენ მიერ კარგა ხნის
ნინ დაეინყებულე ყველა ხმა და დაღვრილი სისხლი შემოვიინახე!

მე რად უნდა ვენამებოდე! თქვენს გამო მე რად უნდა ვიტვირთო
ყოველი! მე რად უნდა დავიტანჯო თქვენი ცოდვებით!

მე ხომ მათრახითაც კი ვცემე ციხის ეზოში — თითქოს უამი-
სოდ ვერ მოკლავდნენ. მისი სხეული ჩემი ხელით იყო დაიარებული
და შემუშებული. ეს ყოველივე ისე ამომივიდა ყელში მისი ჯვარი
ძლივსლა ავნიე.

ხალხმა კი, ო, რა გაიხარა, როცა ჯვარს გაკრული ავნიე. ყვი-
როდნენ და ზეიმობდნენ, როცა ბოლოს და ბოლოს ჯვარცმული იხ-
ილეს. ჯერ არასოდეს მინახავს თხემის ალაგას ხალხს ასე ეზეიმოს,
როგორც მაშინ ზეიმობდა, ის რომ გავაკარი ჯვარზე! დასცინოდნენ
და მახსარად იგდებდნენ, ლანძღავდნენ და აგინებდნენ თავი ჩვენს
მესიად, ჩვენს ქრისტედ რად წარმოიდგინეო. სხვასაც ბევრ რამეს
ეუბნებოდნენ... აფურთხებდნენ და მისი ნამება სასაცილოდაც არ
ჰყოფნიდათ. მან თვალები დახუჭა, რათა არ ეხილა ადამიანები იმ
ნუთებში, როცა მათ გადარჩენას ლამობდა. იქნებ ცდილობდა კვ-
ლავ ეფიქრა, რომ მაინც მათი მეუფე და უფლის მირონით ცხებული
იყო. ხალხის მოწნული ეკლის გვირგვინი მის გასისხლიანებულ თავს
გვერდით სასაცილოდ ჩამოეკიდა. ამის დამნახავს მე შემეშინდა და
ზურგი შევაქციე.

სანამ სული ამოხდებოდა მთელ დედამინაზე წყვილიაი ჩამონვა
და მისი ხმამალალი ყვირილი გავიგონე:

— უფალო, უფალო, რაისთვის დამიტვე მე!

და მაშინ სულ ველარ შევხედე. ამის შემდეგ მალე გარდაიცვალა
კიდევ, რაც მისთვის მადლი იყო. ჩვენც მაშინვე ჩამოვხსენით, რად-
გან შაბათი დგებოდა და მისი ჯვარზე დატოვება არ შეიძლებოდა.

როცა ხალხი გაიფანტა, რათა შაბათს მომზადებული შეხვედრო-
და და იქაურობა, როგორც იქნა, მოცარიელდა, იქვე თხემის ალა-
გას, გვამების სიმყარალესა და უწმინდურობაში ჩამოვჯექი და მახს-
ოვს, ვარსკვლავების ქვეშ გვიან ღამემდე ასე ვიჯექი. სწორედ მაშინ
გავიფიქრე, ღმერთთან მივალ და ვესაუბრები-მეთქი.

დავტოვე მინა და მივაშურე ზეცას, სადაც უფრო იოლად და
ლალად ვსუნთქავდი. დიდხანს ვიარე, არც კი ვიცი, რამდენ ხანს.
საშინლად შორს ცხოვრობდა, ის, უფალი ღმერთი.

როგორც იქნა თვალი მოვკარი, ზეციურ სივრცეებს შორის ტახტზე ზვიადად იჯდა. იქით გავეშურე, მივუახლოვდი და ჩემი სისხლიანი ნაჯახი ზედ ტახტის ძირში დავაგდე.

— ყელში ამომივიდა ეს ჩემი ხელობა, — ვუთხარი მას. — მგონი, საკმაოდ გემსახურე, არა?

ის კი უძრავი, გაქვავებულივით იჯდა და სიცარიელეს მიშტერებოდა.

— არ გესმის? მეყოფა-მეთქი ჯალათობა! მეტს ველარ ავიტან! აღარ შემიძლია ამ სისხლითა და საშინელებით ცხოვრება. შენ კი თვალს ხუჭავ! ის მაინც ამიხსენი ყოველივე ამას რა აზრი აქვს? ერთგულად ვემსახურე ჩემს საქმეს, ყველაფერს ვაკეთებდი, რაც ჩემს ძალ-ღონეს აღემატებოდა, მაგრამ აღარა მაქვს მეტი ძალა! მეტს ველარ ავიტან! მეყოფა! გესმის?

მაგრამ ის არც კი მამჩნევდა. მისი უსიცოცხლო და ცარიელი, მომრგვალებული გუბები სივრცეს ისე მიშტერებოდა, თითქოს უდაბნოს გასცქეროდა. მაშინ მეც შიში და აუტანელი სასონარკვეთილება დამეუფლა.

— დღეს შენი სულიერი ძე გავაკარი ჯვარზე! — ველური გახელებით წამოვიძახე, მაგრამ მის პირქუშ, უგრძობელ სახეზე ნაკვთიც არ შერხეულა. თითქოს ქვისაგან იყო გამოკვეთილი.

ვიდექი ასე, ამ გაყინულ სიჩუმეში და მარადისობის ქარის სიცივე ძვალ-რბილში მატანდა. რა უნდა მექნა? ვისთან მელაპარაკა? აღარაფერი არსებობდა. ისლა დამრჩენოდა ჩემი ნაჯახი ამელო და იმავე გზით უკან დავბრუნებულიყავი.

და მე მივხვდი, რომ ის არ იყო მისი ძე. ის ადამიანთა მოდგმას ეკუთვნოდა და რა გასაკვირია, რომ სწორედ ისე მოექცნენ, როგორც საერთოდ ექცევიან ერთმანეთს. თავისი მოდგმის ერთი წარმომადგენელი, როგორც სჩვეოდათ, ჯვარს აცვეს, მეტი არაფერი. განრისხებული და აღშფოთებული ვბრუნდებოდი უკან და ვიყინებოდი.

იგი სხვებივით გაქრა და სიმშვიდე მოიპოვა. ჩემი ბედკრული სული კი განწირულია კვლავ გააგრძელოს ეს გზა ან და მარადის, უკუნითი უკუნისამდე. მე უნდა დავბრუნებულიყავი დედამინაზე და კვლავ ეკლიან გზას შევდგომოდი — სხვა გზა არ მქონდა. მე ვერავინ მიშველის.

არა, ის არ იყო მაცხოვარი, ასეთს სად ექნებოდა ამდენი ძალა! მოზარდის ხელები ჰქონდა, მისი საცოდაობით ვინვოდი, ლურსმებს რომ ვაჭედებდი და სულ ვცდილობდი თხელ ძვლებს შორის გამეჭარებინა. იმაზეც კი ვეჭვობდი, დაიჭერენ კი ეს ხელები, როცა მათზე ჩამოეკიდება-მეთქი. სად ჰქონდა ძალა, ასეთი ხალხი გად-აერჩინა!

გვერდში მახვილი რომ ვატაკე, იმის გასარკვევად შეიძლებოდა თუ არა მისი ჩამოხსნა, უკვე მკვდარი იყო. გაცილებით უფრო მალე მოკვდა, ვიდრე საერთოდ კვდებიან ხოლმე.

აბა, რა მაცხოვარი ის იყო, ის უბედური! თქვენ დახმარებას როგორ შესძლებდა! ან მე ჩემს ტვირთს როგორ მომხსნიდა! აბა, ხალხისთვის ის რა ქრისტე იქნებოდა! მაშინლა მივხვდი სწორედ მე რად უნდა გემსახუროთ, სწორედ მე რად მიხმობდით ხოლმე!

მე ვარ ქრისტე თქვენი! დალდასმული ჯალათი! თქვენთან ზეციით მოვლენილი!

რათა დავთესო მტრობა დედამინაზე და ბოროტი ადამიანში!

საკუთარი ღმერთი ქვად გადააქციეთ. იგი დიდი ხანია მოკვდა! მე კი, ქრისტე თქვენი, ცოცხალი ვარ! მე ვარ მისი დიადი აზრის ნაყოფი. თქვენში ჩასახული მაშინ, როცა ჯერ კიდევ ძლიერი იყო, ჯერ კიდევ ცოცხლობდა და იცოდა, რა სურდა, ყოველივეში რა აზრს დებდა! ახლა უმოძრაოდ ასვენია ტახტზე, რომელსაც ჟამი ძირს კვერთხივით უთხრის და მარადისობის სასიკვდილო ქარი მის გვამს ზეციური უდაბნოსაკენ მიაქროლებს. მე კი, ქრისტე თქვენი, ცოცხალი ვარ, რათა თქვენც იყოთ ცოცხლები! ეს მე მივაბიჯებ ამქვეყნად საბრძოლო გზით. ყოველდღე სისხლით მომაქვს ხსნა და მე არ მაცვამთ ჯვარს!

მენატრება მსხვერპლის სიკვდილით მოკვდე — როგორც ოდეს-ღაც ჩემი ბედკრული, უსუსური ძმა მოკვდა. მენატრება ჯვარზე გაკრულმა სული ამოვუშვა და გულმონყალე წყვდიადში გავითქვიფო! მაგრამ ვიცი, ეს დრო არასოდეს დადგება. სანამ არსებობთ, ჩემი საქმე უნდა აღვასრულო. ჩემი ჯვარი არასოდეს არ აღიმართება! ბოლოს და ბოლოს, ალბათ დასრულდება ჩემი შრომა და დედამინაზე საქმე აღარ დამრჩება. მაგრამ მაშინაც კი ჩემი უზიარებელი სული დაულალავად იქროლებს სამყაროს ღამეში მამის ჩემის სასიკვდილო სავანეს რომ შემოხვევია, კვალში კი შიში და ტანჯვა ჩაუდგება, ყოველივე იმის გამო, თქვენთვის რომ ჩაუდენია!

და მანც მენატრება ის დღე, როცა პირისაგან მინისა ალიგვებით და ჩემი აღმართული ხელი ბოლოს და ბოლოს ძირს დაეშვება, როცა დაისადგურებს სიჩუმე. აღარ გავიგონებ ხრინწიანი ხმა როგორ მიხმობს, მარტო ვიქნები, ირგვლივ მიმოვიხედავ და მეცოდინება, რომ ყოველივე უკვე დასრულდა.

გავემართები მარადიული წყვილიადისაკენ, უბედურ მინაზე კი მოვისვრი ჩემს სისხლიან ნაჯახს — როგორც მოგონებას ადამიანთა მოდგმაზე, ოდესღაც აქ რომ ცხოვრობდა!

ჯალათი ხალხს მკაცრი და აღმოდებული მზერით დასცქეროდა. შემდეგ მაგიდას ხელი გაჰკრა და გასასვლელისაკენ მრისხანედ დაიძრა.

ის იყო კარს ხელი ნათანა, ქალი, გვერდით რომ ეჯდა და მდაბიოს ჰგავდა, ადგილიდან წამოხტა, მკაფიო, ჩუმი ხმით დაელაპარაკა, სახე კი იდუმალი, ტანჯული ბედნიერებით გაუნათდა!

— შენ იცი, მე დაგელოდები! როცა დატანჯული და სისხლით მოთხერილი მოხვალ, არყის ხეებს შორის დაგხვდები! შენ თავს მომაყრდნობ, მე კი მეყვარები! ხელებიდან სისხლს ჩამოგწმენდ და შენს გახურებულ შუბლს ვემთხვევი!

შენ იცი, მე დაგელოდები!

ჯალათი ქალს ჩუმი, ნალვლიანი ღიმილით შესცქეროდა. უცებ ქუჩიდან დაფდაფების ყრუ ხმა გაისმა, ისიც გაჩერდა და ყური მიუგდო.

შემდეგ ხელი ქამარზე ჩამოიღო და ბურუსიანი განთიადის შესახვედრად გასწია.

განთავისუფლებული ადამიანი

ხელში მრგვალი კენჭი მიჭირავს. ნითელია და ცისფერი ძარღვები დასდევს. თუ კარგად დაუკვირდები, სხვა ფერებსაც გამოარჩევ; მწვანეს, იისფერსა და რალაც ბზინვარეს, ოქროს რომ ჩამოჰგავს. თუნელა შემოატრიალებ, ყველა ფერითა და ელფერით აელვარდება. მისი თვალიერება არასოდეს არ მწყინდება. გლუვი, ლამაზი ზედაპირი, რომელიც თითქოს რბილიც კი გეჩვენება, ისევე, როგორც ყველა იდეალურად გლუვი ზედაპირი, მშვენიერი სანახავია. საოცარია, რომ ეს ჩიტის კვერცხისხელა კენჭი ასეთ ამოუნურავ მრავალფეროვნებას იტევს. ეს მთელი სამყაროა. ეს უსასრულობაა, რომელსაც ეზიარები, უსასრულობა, რომელიც ხელის გულზე ეტევა.

კენჭი ციხის ეზოში ვიპოვნე და დამალვა მოვახერხე.

* * *

ციხეში ნახევარსაათიანი სეირნობის დროს გვეკრძალება დახრა და მიწიდან რამის აღება. ბადრაგმა შემამჩნია და რად დაიხარეო, შემეკითხა. ისე, არაფრისთვის-მეთქი, ვუპასუხე და დანყნარდა. აქ ასაღებიც არაფერიაო, ესლა მითხრა. საბედნიეროდ, გაჩხრეკვა არც კი უცდია.

კენჭი ახლა ჩემია! ჩემი ხელშეუხებელი საკუთრებაა! მთელი სამყარო, ვეებერთელა, შეუცნობელი ქვეყანა მეკუთვნის. უსამანო სამეფო, ამოუნურავი სიმდიდრე მეკუთვნის. ახლა ეს ყველაფერი ჩემია! ეს რალაც შეუცნობელი, ცოცხალი და ჭეშმარიტი თავისი უსასრულობით რომ მავსებს, ჩემი იდუმალი სამფლობელოა!

ნარებქვეშ, მოშორებულ კუთხეში დავმალავ. იქ ვერავინ იპოვინს. ან კი ვინ დაინყებს ასეთი წვრილმანის ძებნას?

* * *

ხშირად მეჩვენება, რომ ყოველივეს თავი და თავი სიხარულია. აბა, სიხარულის გარდა რას შეეძლო სამყაროს სივრცის, მთელი ამ მზის სისტემებისა და ირმის ნახტომების შექმნა? მაგრამ ყოველივე

ასე რად გარდაისახა? ისეთი რად არ დარჩა, როგორც შექმნის პირველ დღეს იყო? ზეცა და მიწა ხომ ისევ ისეთია, ცხოვრებაც ისევ მდიდარი და განსაცვიფრებელია, უფრო მეტადაც კი გამდიდრდა.

მაშ, სიხარული რალამ მოგვისპო?

* * *

ცისფერს თავისი აზრი აქვს, წითელს — თავისი. მნამს, რომ ამ კენჭში ყველაფერს თავისი აზრი აქვს. მე კი ვერ ჩავნვდი, მაგრამ ვხედავ, რომ ყოველივეში ღრმა, შინაგანი აზრი და მდიდარი შინაარსია ჩაქსოვილი. ეს ისე დღესავით ნათელია, რომ ვხვდები — შობის საათი, დიადი სიხარულის საათი იყო. ახლა? ახლა სადღა გაქრა? სხვა დანარჩენი ხომ ისევ არსებობს, ოღონდ დაიხარე და მაშინვე აიღებ. განძი ყველგანაა მიმოფანტული.

ციხის ეზოშიც, ყველგან.

* * *

ზეცაც შენია და მიწაც. დედამინა ყვაველებით მოფენილია და ვარსკვლავეთიც კიაფობს, მაგრამ მისი შუქი კოსმოსის სიცარიელისკენ მიმართულა, შენთვის არ კიაფობს. ყვაველთა სურნელიც თითქოს მხოლოდ ქარისთვის უჩუქებიათ.

შენ სადღა ხარ, შენ, ვინც ყვაველთ სურნელს უნდა ისუნთქავდე და ანდრომედეს თანავარსკვლავედის საღამს იღებდე? ვისკენაც განთიადი მზის პირველ სხივს მიმართავდა? ვინც მინდვრებში იხეტიალებდა და სინათლის უსაყვარლესი ქმნილება გახდებოდა?

შენ სადა ხარ, ადამიანო?

* * *

ცხოვრების სიმდიდრე თითქოს მივატოვეთ, თითქოს მიგვაგინყდა. ზურგით ცხოვრების სილატაკესღა მივათრევთ, როგორ შეგვაფსო! ისე ველოლიავებით, ვითარცა მოძულე სიძულვილს, სნეული სენს. დაბეჩავებულები, სილატაკის გამხმარ პურს ვლოღნით და შეჩვენებას ვუთვლით მათ, ვინც ჩვენ გვერდით ილოღნებიან.

სიმდიდრის გაშლილი სუფრა კი ხელუხლებელი დგას, სტუმრები არ პყავს.

* * *

ისევ და ისევ ტკივილით ვფიქრობ ჩემს ბედ-იღბალზე. სხვების ბედ-იღბალზეც ვფიქრობ. აქ რად ჩაკვეტეს? ზედამხედველებიც ხომ ჩაკეტეს. ისინიც ჩვენსავით ცხოვრობენ (რას იზამ, რახან ტუსალები არსებობენ, ზედამხედველებიც ტუსალები ხდებიან). საითაც გაიხედავ, ყველგან ტუსალებს დაინახავ. თავისუფალი არა-ვინაა!

ზედამხედველებს, ალბათ, უფრო უჭირთ. მათი ცხოვრება აბსოლუტურად ცარიელია. აი, სახეში შეხედეთ — ერთნაირად უხეშ, უმეტყველო, გაყინულ სახეებს დაინახავთ. ტუსალთა სახეები კი ცვალებადი და მეტყველია, ზედ ტკივილი, სასონარკვეთა ან ალშფოთება იკვეთება. ეს ცოცხალი სახეებია. ტუსალებს შიში აწვალვით, სულ რაღაცით იტანჯებიან, მათი ცხოვრება ლატაკია, მაგრამ ცარიელი არაა.

მხოლოდ ტუსალს შეუძლია ციხის ეზოში რამე იპოვნოს.

* * *

ჩემი კენჭი ზღვის პირმშოა. აბა, ხელით შეეხე. ასე იდეალურად გლუვიც ამიტომაა. ზღვა დაუსრულებლად ხეხავდა. ზღვის ტალღები, ხან რომ წამოიქოჩრებიან, ხან კი ეშვებიან, ეს უსასრულო სტიქია ხომ არასოდეს მშვიდდება, იქნებ ამ კენჭს ათასწლეულებითაც განბანდა, სანამ ისეთი გლუვი არ გახდა, რომ რბილიც კი გეჩვენება, სანამ ცოცხალს არ დაემსგავსა. ქალივით რბილია, რადგან ზღვის შექმნილია. ფსკერზე იწვა და ათასწლეულების მწყობრ გუგუნს, ზღვის სიღრმეების სუნთქვასა და ქვიშის შრიალს ისმენდა.

ზღვა...

* * *

ალბათ, როგორ მიყვარდა ცხოვრება! ისე ვიხსენებ, როგორც საყვარელ ქალს, სამუდამოდ რომ დაგაშორეს. მისი თმის მზიურ

შარავანდედს ამჩნევ, თუმცა თავად მზე ვერ დაგინახავს; ლანდშაფტის ფონზე მის სილუეტს ამჩნევ, თუმცა თავად ლანდშაფტი ვერა და ვერ გაგიხსენებია. აი, ამ ბილიქს ვერ ვცნობ, თუმცა ოდესღაც მგონი მინახავს; ვერც ხეებსა ვცნობ, აი, ამ ხეებს ვერ ვცნობ, თუმცა მინახავს, ოდესღაც მგონი მინახავს. ბევრი მიეცა დავინყებას, თუმცა ვინ იცის, იქნებ მხოლოდ სახე იცვალა. ქალი კი არასოდეს იცვლება, ისევ ისეთია. დინჯად, ნარნარად მიაბიჯებს, თავი კი ისე გადაუხრია, თითქოს ხის ტოტს ირიდებდეს ან რამეს აყურადებდეს. ჰო, ის არის, ჩემი ყოფილი სიყვარულია. სახეს ვერ ვხედავ, ჩემგან შორსაა. მხოლოდ სილუეტს ვხედავ და იმას, რომ შემობრუნებას აღარ აპირებს.

იქნებ ცხოვრების ხატი ჩემთვის უკვე აღარ არსებობს?

* * *

ზღვა...

ისევ წამოიქოჩრება, ისევ დაეშვება. ტალღები გრგვინავენ და ხმაურობენ, დღეს ისევე როგორც გუშინ, როგორც საუკუნეთა მანძილზე. ასე მგონია, მისი ხმა მესმის. აქ, მისი კენჭი მიჭირავს ხელში და მის მწყობრ სუნთქვას შევიგრძნობ.

ზღვა არ იცვლება და ვერ დავივიწყე. მეტისმეტად უბრალო და ვეებერთელაა, რათა მისი დავინყება შეძლო. ეს ხომ რაღაც მთლიანობაა, უცვლელი მთლიანობა, რაღაც მუდმივი და მარადიული. ყოველი მისი მოძრაობა მარადიულია და განუმეორებელი. აი, ტალღა ნაპირისკენ მოისწრაფვის, აი, თითქოს წინააღმდეგობა შეხვდაო, უკანვე გაფრიალდება; მარად უხილავი მიზნისკენ ისწრაფვის და ზედაპირი ისე მშვიდად ერხევა, თითქოს მკერდს სუნთქვა უთრთოლებდეს. ყველაფერი მარადიულია, მარად ახალგაზრდაა.

ჰო, ჩემი შეყვარებული უდავოდ ღირსია სიყვარულისა.

* * *

კედლები ვერასოდეს მომწყვეტენ ცხოვრებას, ის ჩემში დულს. კედლებს მხოლოდ ცხოვრების ხატის დაფარვა შეუძლიათ, მისი სიღრმე კი მარად ჩვენშია, ოღონდ ახლა აღარაფერს ირეკლავს. კედლები ვერასოდეს მოგწყვეტენ სიყვარულს, მხოლოდ შეყვარებ-

ულის დაშორება შეუძლიათ. განშორებისას კი სიყვარული, როგორც არასდროს, ისე ძლიერდება!

ჩვენი ცხოვრების უმთავრესი არტერიები სადღაც ერთიან სიღრმეში იკრებიება. სადღაც ერთ მთლიანობას ქმნის და დიადი ზღვის ერთიანი სუნთქვით, მარადიულობის სუნთქვით იჟლინთება. სადღაც ყოველივე მთლიანი სიღრმეა, უცვლელი, მიუღწეველი და ფარული სიღრმე, რომელსაც გარეგანი გარსი არა აქვს. ანარეკლი ხომ სინამდვილე ვერასოდეს გახდება და ვერც ცხოვრების ხატი შეცვლის თავად ცხოვრებას.

ვინ იცის, იქნებ ახლა, როცა ველარაფერს ვხედავ, ადრე მიუღწეველს უფრო მივუახლოვდე? თვალდახუჭული ადამიანი ხომ უკეთ ხედავს და იქნებ მეც უკეთ შევიცნო საგანთა არსი? იქნებ, იღუმალმა წყარომ თავისი ნმინდა წყლით ამავსოს და არსთაგამრიგემ ჭეშმარიტი, ჩვენგან დაფარული სამყარო გადამიშალოს?

ამბობენ, უსინათლოებს ხვედრის ზღუდის გადალახვა შეუძლიათო. მაშ, მე რად ვერ უნდა გადავლახო ჩემი?

* * *

სიღრმეში ჩანვდომა, წყვდიადში ჩახედვას ხომ არ ნიშნავს? არ ვიცი. იქნებ პირიქითაცაა? იქნებ წყაროებიც ნათელია და სიღრმეც, იქნებ ყოველივეს თავი და თავი სიხარულია? და, ვინ იცის, იქნებ შექმნის პირველი დღის ფართო და ნათელ სამყაროში შევიხედო?!

* * *

არა, სილატაკეს ვერასოდეს შევეგეუბი! უნდა დავიჯერო, რომ ცხოვრება მშვენიერია და მარად ახალგაზრდა, რომ მის სიღრმეში სინათლეა და ჩემი წყაროები ყველა ზღუდეს გადალახავენ; რომ სიკეთე მდიდარია, ძლიერი და ბოროტება ვერასოდეს გაუტოლდება. უნდა დავიჯერო და მაშინ თვალდახუჭული, იქ, სიღრმეში, ჭეშმარიტი არსთაგამრიგის ფარულ, მარად ახალგაზრდა სამყაროში ჩავიხედავ.

ხვედრის გადალახვა! იმ ზღუდეთა გადალახვა, თვალს რომ გიბნელებენ! როგორ ეჩვენებათ, რომ შეუძლიათ დილეგში ჩაგვეკეტონ და სინათლე წაგვართან! ადამიანს სინათლეს ასე იოლად როგორ ნაართმევ! სამყაროს ჩამოშორებით მხოლოდ ანარეკლს ჩამოაშორებ, ცხოვრების ჩამოშორებით მხოლოდ პირად ცხოვრებას ნაართმევ და არა იმ დიადსა და ყოვლისშემძლეს, რომლის ნაწილადაც გვევლინება და რომელსაც ვერავინ და ვერასდროს მოსწყვეტს. ცხოვრებამ რა იცის, რომ ვილაც კედლებს აშენებს, რომ მისი წყაროები დილეგში ისეა მოქცეული ველარაფერს აირეკლავენ. ცხოვრების წყარო ციხის მინიდანაც მოსჩქევს, თუმცა ტუსალები წყურვილით იტანჯებიან. ცხოვრება თავის წყაროს უსინათლოს უხსნის, თუმცა არც ესმის რა არის უსინათლობა და არც ედარდება. ცხოვრება უშფოთველია, სწრაფმავალი და მიუღწეველი, ვერც შეეხები, ვერც დაუშავებ რამეს. ნათელია და ყოვლისშემძლე; ასეთი იყო და მარად ასეთი იქნება.

მხოლოდ ადამიანები იტანჯებიან. ცხოვრებამ არ იცის რა არის ტანჯვა.

ციხის მინაზე ალუბლის ხე იზრდებოდა. მოჭრეს და მაინც ყვავის. შემის გროვად გადაქცეულა და მაინც ყვავის. ჩამოჭრილი ტოტები ისევ ცოცხალია, თეთრი ყვავილებით მორთულა.

სიცოცხლემ ვერ გაიგო, რომ ალუბალი მოჭრეს და როგორც ყოველთვის, ჩვეულებისამებრ, ყვავილებით მორთო.

არა, ტუსალები წყურვილით არ დაიხრჩობიან! ყველაფერს გადალახავენ; თავად სიკვდილსაც გადალახავენ. ცხოვრებას ეკუთვნიან და მას ვერავინ მოსწყვეტს. თავად ცხოვრებას მაგრად უჭირავს, არც გაუშვებს. ძალადობა ვერაფერს შეცვლის; ჰო, დათრგუნვაც და ძალადობაც უსარგებლოა. რაღაც ისეთი აქვთ, სასონარკვეთილებას რომ არ ემორჩილება; რაღაც ისეთი, სახელი თავადაც რომ ვერ დაურქმევიათ.

ნაპობი ყვავის.

ჰო, ჩვენ ნაპობებად გადაგვაქციეს! მაგრამ ის ვერ გაიმარჯვებს, ვინც ძალადობას მსხვერპლად შეგვნირა, ვინც ადამიანი დაამახინჯა. ბოლოს და ბოლოს უკვდავი სანყისი დამარბეველ ძალებს მიწაზე დასცემს. როცა ადამიანი ძალადობის მსხვერპლი ხდება, მის დამახინჯებულ იერსახეში სანყისი დედააზრი თავს მეტად იჩენს. მისი საიდუმლოც უფრო თვალსაჩინოა, რადგან ის გარეგანი, სიღრმისეულ არსს რომ ფარავს, უკვალოდ იკარგება. უსასრულო ნამებისა და დანაკარგების ფასად, განსაცვიფრებელი უბრალოებისა და სიდიადის ხატი იქმნება. დამარბეველმა ძალებმა თავადაც არ უწყიან, რომ ქმნილების უკვდავი არსის გამოთავისუფლების საქმეს ემსახურებიან.

მაგრამ, საერთოდ რად არსებობს ამქვეყნად ტანჯვა, ნამება? ნუთუ საბოლოო გამარჯვებისთვის ეს აუცილებელია, ნუთუ უამისოდ ვერ მოიპოვებ? ნუთუ გამარჯვების სიმბოლო მხოლოდ ნაპობი შეიძლება გახდეს? ნუთუ ასეთია წესი და ეს ჩვენი ხვედრია? ტანჯვა ერთადერთი გზაა ჩვენი არსის გამოსავლენად? მხოლოდ ტანჯვის გზით შეიძლება მივხვდეთ უზენაესი გაგებით, რანი ვართ? ეს უნდა დავიჯეროთ? მაშინ გამოვა, რომ დამარბეველი ძალები შემქმნელი ძალების არსი ყოფილა? უნაყოფო, არაცხოველმყოფელი, ნეგატიური — და შემქმნელი? და მაინც შემქმნელი? და სწორედ ამის გამო, ამ აღმამფოთებელი წესრიგის ძალით, ყოველივე ნაპობად გადაიქცევა?

არა, ამას ვერავითარი ძალა ვერ დამაჯერებს!

ტანჯვა, რა თქმა უნდა, ვერაფერს შექმნის და ვერც გამარჯვებას მოიპოვებს. ძალმომრეობას აღარც ვახსენებ. აბა, რით შეიძლება ჩვენს გამოვლინებას ხელი შეუწყოს. ნეგატიურს, ამ სიტყვის ჭეშმარიტი გაგებით, შექმნა არ შეუძლია. ცხოველმყოფელი მხოლოდ სიუხვე და სინათლე შეიძლება იყოს. მხოლოდ მას შეუძლია შექმნას. დამკვიდრებას, განხორციელებასა და ჩამოყალიბებასაც მხოლოდ ის კვებავს. ცხოვრების ფესვი ხომ სიხარულია. ასე არ არის?

რა თქმა უნდა. უდავოდ. სხვაგვარად წარმოუდგენელია. არც მინდა, რომ წარმოვიდგინო. ასე უნდა იყოს.

ის კი აღარ მესმის ტანჯვა ასე უსაზღვრო რად არის და მთელ ჩვენს ცხოვრებას ასე პირქუშ, ავისმოსურნე ჩრდილად რად გადაჰფარებია. ეს როგორ გამოდის? ან რატომაა, რომ ეს ჩრდილი განსაკუთრებით ავისმოსურნედ სიცოცხლის სწორედ უმაღლესი ფორმებისადმი განწყობილი და თავად ცხოვრების განვითარებასთან ერთად იზრდება და ძლიერდება? ასე რად ხდება? არის კი ეს რაღაც იდუმალი აუცილებლობა?

ადამიანივით არც ერთი ცოცხალი არსება არ იტანჯება და ამასთანავე, სწორედ ჩვენ, როგორც არავინ, ისე ვართ სიუხვისა და ბედნიერებისათვის შექმნილები. თუ ჩვენთვის არაა, მაშ, ვისთვის არის იგი განკუთვნილი! და მაინც, განწირულები ვართ. პირქუში ჩრდილი თავს გადაგვფენია და რაც უფრო მაღლა, მწვერვალებისკენ მივიწვევთ, უფრო და უფრო მუქდება და ავისმოსურნე ხდება.

რად უნდა იყოს ადამიანის ცხოვრება აუცილებლად სევდიანი დრამა? რად უნდა იყოს ის ტრაგედია, რომელიც დღისით მზით გაჩახჩახებულ, ღამით კი ვარსკვლავებით მოფენილ, შესანიშნავ სამეფო სასახლეში გათამამდება? რად უნდა ჰგავდეს უძველეს საგას, უკვდავს, მშვენიერსა და ამაღელვებელს და ამასთანავე, სასტიკსა და დამამცირებელს?

მაგრამ, ვინ იცის, იქნებ სწორედ ესაა ჩვენი უკვდავება?

* * *

ზეცაც შენია და მინაც. მაგრამ ის ტვირთიც შენია, რომელსაც სხვა ვერავინ ანევს. ხვედრის ტვირთი, რომელიც ყოველთვის მეტიმეტად მძიმეა და რომელიც თავად ბუნების მეუფეს თუ ძალუძს იტვირთოს, ცხოვრებამ მხრებზე დაგვადო და რას იზამ, უნდა ვატაროთ, ნელში მოხრის უფლება არ გვაქვს. ნაიქეცი, მაგრამ არ ჩამოვადო, სასიკვდილოდ დაშავდი, მაგრამ ნუ მოკვდები, დაიტანჯე, მაგრამ დაამარცხე ეს ტანჯვა. ისევ და ისევ აზიდე ტვირთი შენი და ატარე, დროისა და ჟამის უსასრულობაში ატარე.

თავად ცხოვრების ტვირთს ხომ არ ვეზიდებით? ასე ხომ არ გამოდის! იქნებ თავისი იდუმალი ტვირთი ჩვენ აგვკიდა, რადგან ხელთდასმულებად, უახლოესებად, ნდობის ღირსებად ჩაგვთვალა?

იქნებ თავადაც იტანჯება, ჩუმად, უთქმელად? იტანჯება და მხოლოდ ჩვენი თუ შეუძლია ამ ტანჯვა-წამების განსხეულება? ეს ხომ არ არის ჩვენი მისია? რალაც უზენაეს მიზანს ხომ არ ემსახურება? რალაც დიადისკენ, ყოვლისმომცველისკენ, მიულწველისაკენ სწრაფვას ხომ არ ემსახურება?

რა თქმა უნდა, ცხოვრება მდიდარი და ყოვლისშემძლეა, მაგრამ, განა, სიმდიდრე ბედნიერების სინონიმია? ამას მხოლოდ ბრიყვი თუ დაიჯერებს. რა თქმა უნდა, ის ნათელია, თავის წყაროების ფსკერამდე ნათელია, მაგრამ, განა, უფსკრულში არ ჩაედინება? პირქუშ უფსკრულში, სადაც სინათლის სხივი ვერც კი აღწევს? განა, მისი არსიც კი რთული, მრავალმნიშვნელოვანი და წინააღმდეგობრივი არ არის? იქნებ ადამიანი სწორედ ამისთვის უნდა მოვლენილიყო, რათა მისი წინააღმდეგობრიობა, გახლეჩილობა, გაორება შეეცნო? რათა ყოველივეს ერთად თავის მოყრა ეცადა? იქნებ მის გაორებულ არსს, იანუსის ორ — დღისა და ღამისაკენ მიმართულ სახეს — სწორედ ადამიანში უნდა ეჩინა თავი? მისი ერთიანი სული სინათლესა და წყვიდადს შორის უნდა განფენილიყო და მისი შეერთებისთვის ებრძოლა? იქნებ ესაა ადამიანის დანიშნულება? ამისთვის ხომ არ ვიტანჯებით?

ხელში კენჭი მიჭირავს. ათასფრად ბრწყინავს, იერს იცვლის, ცოცხლობს. მასში თითქოს სიცოცხლის მთელ სიმდიდრესა და მრავალფეროვნებას მოუყრია თავი. მაგრამ ეს „ბედნიერების“ თილისმა როდია. საქმე ასე მარტივად არაა. ბედნიერება არ მოაქვს, მაგრამ რალაც უფრო დიდს, უფრო აუცილებელს განიჭებს.

სამეფო გვირგვინს ერთი განსაკუთრებული თვალი აქვს, სხვებისგან გამოირჩევა. ეს მოდგმის იღუმალის თილისმაა, თაობიდან თაობაზე რომ გადადის. ხვედრის თვალია.

* * *

საიდან გაჩნდა? რა სიღრმეებიდან ამოიზარდა, რათა შემდგომ ადამიანისთვის ცხოვრების მიერ მორთმეულ, მრავალმნიშვნელოვან საჩუქარდ გადაქცეულიყო? ისევე კარგად კი იცის წყვიდადის საიდუმლოც, როგორც სინათლისა? ახსოვს კი ის სიღრმე, სადაც მისი ფერები ქრებოდა და სადაც, ვინ იცის, იქნებ ოდესმე ისევე ჩაქრეს კიდევ? დღისა და მინისქვეშეთის, წყვიდადის მეუფების,

მუქისა და ჩრდილის შემაერთებელ რგოლად ხომ არ გვევლინება მეფის სულში?

ლამლამობით, სასახლეში მისი მძიმე ნაბიჯების ხმა ისმის, უძველეს დარბაზებში ჰადესის ჩრდილი დაბორილებს, მწვერვალზე აღმართული, მარტოსული აკროპოლის ირგვლივ ერინიები დაძრწიან და მარად გარინდებულ ბუნებას შეუცნობელი ძრწოლით ავსებენ. მხოლოდ აქ, მწვერვალზე, ადამიანთა საუფლოში — მხოლოდ აქ შეიძლება ხვედრის ტვირთს გაუძლო, აქ ყველაფერს შეიძლება გაუძლო.

* * *

სინათლის უძველესი სამყარო! განა, უმთავრესი ეს არ არის? განა, არსებობა ჭეშმარიტი მხოლოდ აქ არ შეიძლება იყოს? განა, ზეცაცა და მიწაც მისთვის არ შეიქმნა?

დამინც, სადღაც, ქმნილების გულში, მის ყველაზე იდუმალ სიღრმეში, რაღაც ტრაგიკული, სისხლიანი ჭრილობა იმალება. შექმნის მომენტში, ალბათ, სასიკვდილო დარტყმა მოხვდა, რაღაც მოკლეს და ყოველივემ მაშინვე გაორებული აზრი შეიძინა — უარყოფილიც გახდა და უარყოფელიც. სამყაროს სისხლი წვეთავს და იქნებ ადამიანები სწორედ ამისთვის ვიშვით, რომ წვეთ-წვეთად შევგაროვოთ. მხოლოდ ჩვენ, მხოლოდ ადამიანებმა შევძელით სპექტაკლის დრამატული არსი, ტანჯვის ტრაგიზმი შეგვეცნო და თავადაც დაუსრულებლად ვიმეორებთ ერთხელ ჩადენილ დანაშაულს.

უძველესი რწმენა, რომ ცოდვა ადამიანთან ერთად იშვა, ჭეშმარიტისა ჰგავს, თუმცა ახლა ოდნავ აზრი იცვალა. თუმცა, რა მოხდა, ძველი აღთქმის შეფასებები ხომ მარად ჭეშმარიტი აღმოჩნდება ხოლმე, თუმცა აზრს სულ იცვლის და ყოველ საუკუნეს ახალი, თავისებური ფორმით ევლინება. განა, ერინიები ჩვენც ისევე ფეხდაფეხ არ დაგვდევენ, როგორც უხსოვარი დროიდან ჩვენს წინაპრებს დასდევდნენ? ცხოვრების ეს გამოცანა, მის გულში გაჩენილი ეს ბზარი ადამიანში დანაშაულის შეგრძნებითა და ცოდვის შეცნობით გამოვლინდა. ადამიანის სული შემფოთდა, შეშინდა, ენაშა, ზღვარის გადალახვისას თავი დაიდანაშაულა. ყოველივე მტანჯველსა და გადაუნყვეტელს ქედი მოუხარა და ეს ტვირთი საკუთრივით ატარა. და გაუძლო კიდეც. ქედი მოუხარა იმას, რაც ცხოვრების გულში იმ-

ალეზობდა და გათავისუფლებას, გამოსავალს ეძებდა.

ადამიანი უნდა გაჩენილიყო. იგი თავად ცხოვრების წინააღმდეგობრივი, ტრაგიკულად ორსახოვანი და მრავალმნიშვნელოვანი არსის ქმნილება გახლდათ. მხოლოდ მას შეეძლო თავის თავში ყოველივე დაეტიო. კიდევ დატანჯულიყო და დანაშაულის უფსკრულშიც ჩანთქმულიყო. მხოლოდ მან იცოდა, რა არის ცოდვა და ატარებდა ტრაგიკული დანაშაულის შეგრძნებას, რომელიც არსებითად მისი არც იყო, საკუთარივით კი სტანჯავდა; როგორც, ვთქვათ, ოიდიპოსს, რომელმაც არც კი იცოდა მამა თუ მოკლა. მხოლოდ მას შეეძლო ხილული აბსურდიდან თუ სატანჯველიდან, განსხვავებულობიდან თუ ნაირგვაროვნებიდან ღრმა აზრით სავსე ფასეულობა ამოეზიდა.

და, როგორც ჩანს, ცხოვრება რაღაც ძალიან მნიშვნელოვანსა და ნაყოფიერს, სწორედ ადამიანის ამ ძალაში პოულობდა.

* * *

დაფარულმა გამოსავალი იპოვნა. მიძინებულმა გამოიღვიძა და ცნობიერება შეიძინა. მარადიული ბურუსიდან თავი ტანჯვით გამოიხსნა და იგრძნო, ცხოველური გარსი როგორ ჩამოიშორა, იგრძნო, რომ სხვებს არ ჰგავდა, რომ უფრო მდიდარი, მძლავრი, ბედნიერი და ამასთანავე, გამორჩეულიც იყო. მხოლოდ მას შეეძლო უსაზღვრო ტანჯვით ეცხოვრა.

უფსკრულმა პირი დაალო — ქმნილებისთვის ამას დიდი მნიშვნელობა ჰქონდა. ეს უფსკრული მან თავის სულში აღმოაჩინა. ახლა მის სიღრმეებში უნდა ჩაეყვინთა, რათა იქიდან საკუთარი თავი ყველას გასაგონად დაედანაშაულებინა.

ცხოვრება უფრო ამაღლებული შინაარსით შეივსო. ხვედრად, მონოდებად, ტანჯვის გზად გადაიქცა. *Via dolorosa*, ჯვარცმულის გზა, რომელზედაც ადამიანმა ფეხი შედგა. ახლა ცხოვრებას უკვე შეეძლო თავისი ტკივილი, თავისი მტანჯველი წინააღმდეგობრიობა ადამიანის მხრებზე გადაედო. ადამიანსაც შეეძლო მისი ტანჯვით დასწეულებულიყო და მისი დანაშაულიც ჩაედინა, შეეძლო ჯვარზე თავადაც გაკრულიყო და სხვებიც გაეკრა.

ვის შეუძლია შეაფასოს ადამიანთა სამყაროს ჩასახვისა და გან-

ვითარების, ცხოვრების გაღრმავებასა და გაფართოების საქმეში, დანაშაულის, თვითგანადგურებისა და მონანიების მნიშვნელობა? შეაფასოს ნაყოფიერება ისეთი წესრიგისა, სადაც რაღაც სწორია, რაღაც კი არასწორი, სადაც ღრმა, გაუაზრებელ მოქმედებას ზღვარი ედება, სადაც ნებისმიერი აქტი შეუცნობელი კი არა, პასუხისმგებელი არსების საქციელია და ასე თუ ისე, მისი პირადი „მეს“ ჩამოყალიბებას ემსახურება, სადაც სული, თანდაყოლილი სამართლიანობის შეგრძნების წყალობით დამღუპველ, მარადიულ უფსკრულშიც შეიძლება ჩაინთქას და სინმინდისა და თავგანწირვის მარადიულ მწვერვალსაც მიაღწიოს. ცხოვრება კი ამით, მხოლოდ ახალ, განსაცვიფრებელ, ჯერ არარსებულ განზომილებას შეიძენს.

ამ ახალი განზომილების გარეშე ადამიანთა სამყარო, პიროვნების განვითარების, სულიერი ბრძოლის სამყარო და კულტურა ვერ შეიქმნებოდა. ახლა, როგორც იქნა, გამოიკვეთა სიმალლისა და სიღრმის ის საზღვრები, რომლის მიღწევა ცხოვრებას სურდა და რომელიც ადამიანის სულს უნდა დაეჭია. უცებ დაჰბერა ტრაგიკული სიდიადის სიომ, საორკესტრო მრავალფეროვნების სიმდიდრე გამოიკვეთა და სიმფონიაც აღტაცებისა და ტკივილის ხმებით აულერდა; მისმა ლაიტმოტივმა, ხვედრის ძლიერმა მოტივმა ზღუდე გაანგრია, ბრძოლისა და გათავისუფლების მეშვეობით ძალა მოიკრიბა და უფრო მკვეთრად, უფრო მგზნებარედ აგუგუნდა.

ბოროტი და კეთილი! ცოდვა და სიკეთე! უფსკრულიდან სინათლისა და სინმინდის მწვერვალისკენ აღმასვლა! ადამიანთა სამეფო! ადამიანთა ხვედრი! ახალი, უმანკო სამყარო, ნაყოფიერი და უკიდევანო! სიუხვე, სიუხვე! ბრძოლით მოპოვებული იმედების სამყარო!

მაგრამ ყოველი შენაძენი, ყოველი მონაპოვარი აუტანელი ტანჯვის ფასად უჯდება. ტრაგიკული დაძაბულობა არასოდეს სუსტდება და დრამის განვითარებასთან ერთად, უფრო და უფრო ძლიერდება. კონფლიქტი მოუგვარებელია და ასე მოუგვარებელივე დარჩება, რადგან წინააღმდეგობრიობის მასშტაბი თავად ცხოვრების მასშტაბთან ერთად იზრდება, განვითარება ფართოვდება და ეს ყოველივე მხოლოდ ადამიანით ჩატარებული შემოქმედებითი აქტის გაგრძელებად გვევლინება.

ასე ბევრს რად მოითხოვენ! შეუძლებელი რად უნდა შევძლოთ! ასე მაღალ მოთხოვნებს რად გვიყენებენ, თუკი მის შესრულებას

ვერასოდეს შევძლებთ! რად უნდა გახდეს ჩვენი ბედნიერება რალაც ისეთი დიადისა და რთულის ზვარაკი, ბედნიერების გაგებას რომ ვერ შეუთავსდება!

რად ვართ ვალდებულები რჩეულნი ვიყოთ!

შეიძლება იკითხო, შეიძლება დაიჩივლო.

მაგრამ ადამიანს ბრძოლაა რჩება. ისევ და ისევ ბრძოლა, რომელსაც უფრო ღია პოზიციებზე, სანგრის წინა ხაზზე გაჰყავს და დაუსრულებელ სიფხიზლეს უკიყინებს. საზღვრები კი დაუსრულებლად ფართოვდება. ადამიანის სამფლობელო უსამანოა და ჯერ უპატრონო მიწების ხარჯზე ისევ და ისევ იზრდება. ასეთია ჩვენი სამშობლო და მისთვის ვიბრძვით, ვიმარჯვებთ, ვიხოცებით. ხანდახან პოზიციები ირღვევა — სირბილი, ძრწოლა და პანიკა იწყება. დარბეული ნაწილები ზურგში იყრიან თავს და სასწრაფოდ ხელახლა ყალიბდებიან. ყველას საერთო გულგატეხილობა, უიმედობა მოიცავს და თავის ბუნაგებში შეკეტილი, ჭუჭყიანი, ცოცხალმკვდარი ჯარისკაცები წყველა-კრულვას შეუთვლიან ქვეყანას, რომლის დაცვაც დაბადებითვე მიესაჯათ. ყველაზე მამაცებმა, პაუხისმგებლობით აღსავსეებმაც კი შეიძლება ხანდახან მოიწყინონ, ხანდახან იფიქრო, კარგი იქნებოდა ბრძოლის ველიდან გავიქცე, სიმძიმეს თავი დავალწიო და ცოტა ხანს ბალახივით ვიცხოვროო, ყვავილების, ხეების, ფრინველების მარტივი სიხარულით ვიცხოვროო. ამდენ მსხვერპლად თუ ღირს ეს ყოველივე? უაზრო ხომ არ არის ეს ბრძოლა? თავად გამარჯვება? ან რა ქვეყანაა, თუკი საზღვრები არა აქვს? როგორ დავიცვათ? გამარჯვებასაც ფასი არა აქვს, შედეგი არა აქვს, ყველაფერი ისევ გადაულახავი რჩება. დაუსრულებელი ბრძოლები, დაუსრულებელი მსხვერპლი, ხოლო სამშობლო მის მიწაში მიძინებულ გმირებს არც კი იხსენებს, რადგან თავად უსამანოს, უთვალავი და უსახური გმირები ჰყავს. ეს რა ხედრი მოგვისაჯეს!

მაგრამ დაეშვება ღამე და ვილაც აღდგება, ვარსკვლავების შუქში დარბეულ და მიტოვებულ მიწას და დაცემულ მებრძოლებს შეათვალიერებს. მაშინ ისინიც იარაღს აისხამენ და ღამის საფარქვეშ, წინ ფეხაკრებით გაიძურნებიან.

საინტერესოა, ვინ გვიღალატა? ჩვენ ხომ ვიმარჯვებდით, გამარჯვებიდან გამარჯვებისაკენ, როგორც არასდროს, ისე მივიწვევდით. და უცებ, გვიღალატეს. პოზიციები, თითქოს რაღაც იდუმალი ბრძანებით დაეტოვეთ, თუმცა, ერთი შეხედვით, წარმოუდგენლად მომგებიანი პოზიციები გექონია. მეტისმეტად წინ კი იყო გადანეული და მხოლოდ გარკვეულ უბნებზე გამაგრებული, მაგრამ ჯარისკაცებმა ამის შესახებ არაფერი იცოდნენ. და მაინც, ალბათ, შეიძლებოდა მათი შეკავება. ან დაცვა მაინც. როგორც მოხდა, რომ უბრალოდ მიატოვეს?

ვინ იძლევა ბრძანებებს? რა თქმა უნდა, უზენაესი მთავარსარდლობა! შეუძლებელია ყოველივე რიგითი ჯარისკაცებით დანყებულიყო, პირველი ისინი შემკრთალიყვნენ. თუმცა შემდეგ, ყველაფერი რომ შეზანზარდა და შეირყა, ამ სასონარკვეთილებისა და მარცხის ორგიების წამომწყებნი სწორედ ისინი აღმოჩნდნენ.

არა, მაინც მგონია, რომ სწორედ მათ გვიღალატეს, ვინც წინ, ყველაზე სახიფათო საზღვრისაკენ გვიბიძგებდნენ, სიღიადის სამანიისკენ გვერეკებოდნენ, გამარჯვებისთვის მსხვერპლსა და გმირობას მოითხოვდნენ, ორაზროვანი ბრძანებებით თავს გვაბეზრებდნენ, რადგან თავადაც, თავისი არსით, ორაზროვანები გახლდნენ.

მეოცნებეები — მოღალატეები არიან!

ყველა გამარჯვებისაკენ და ერთდროულად კრახისაკენ, დალუპვისაკენ ისწრაფვის. როგორც კი მწვერვალს მიაღწევ, უფსკრულიც დაგვიახლოვდება და სწორედ სიმაღლეზე იგრძნობ, როგორ გიზიდავს და გისრუტავს. დაეჭვების კერა კაცობრიობის მისწრაფებათა უმაღლესი წერტილებია, კულტურის მწვერვალები, სრულქმნილების მწვერვალები. კულტურის დაშლა უმაღლეს ფენებში იწყება. ნებისმიერი კულტურა თვითგანადგურების საწყისს ატარებს, რაღაც ისეთს, შიგნიდან რომ მოუღებს ბოლოს. ადრეულ ეტაპებზე ეს სახიფათო ჯერ კიდევ არ არის. პირიქით, პატარა დოზებით შხამიც ხომ სტიმულია. სამეფო გვირგვინის ძვირფას თვლებს ეს თავისებურ ემხსა და მელანქოლიურ ბრწყინვალეობასაც კი

მატებს. შემდეგ ნელ-ნელა გამოჩნდება, რომ თვლები შეიცვალა, ეს კი იმის ნიშანია, რომ მალე ბრწყინვალეობას საერთოდ დაკარგავს.

რა უცნაურია, რა გაუგებარია! დამარბეველი ძალები, გამარჯვებულ, შემქმნელ ძალებთან ერთად მთლიანობას როგორ ქმნიან...

ახალი გვირგვინი მხოლოდ ძვირფასი და ლამაზია. გვირგვინი საკუთარი განადგურების წინ კი ჭეშმარიტად მშვენიერი შეიძლება გახდეს!

* * *

მახსენდება ღრუბელი ამ დღეებში რომ დავინახე, როცა გისოსებს მიღმა ცას შევცქეროდი. ადამიანის თავს ჰგავდა, კეთილშობილი, მკაცრი და ამაყი მამაკაცის პროფილს. ამალღებულის, უპირატესისა და დახვეწილობის ნამდვილი განსახიერება გახლდათ.

სანამ შევცქეროდი, პროფილის კონტურები ნელ-ნელა შეიცვალა. თავდაპირველად სახის სილამაზე უფრო გამოიკვეთა, მისი თვითმყოფადი ინდივიდუალობა უფრო გამოამკარავდა, შემდეგ რაღაც საგანგებო, უცნაური გაზვიადების ნიშანი გაჩნდა, ბოლოს კი რაღაც მტკივნეული და შეუხედავიც კი ჩამოყალიბდა. სახე თითქოს თვალდათვალ დაიშალა და ამასთანავე, არც თავისი ინდივიდუალობა, თავის „მეს“-თან მსგავსება დაუკარგავს. თანდათანობით კეთროვანის სახეს დაემსგავსა, მკვეთრი კონტურები დაკარგა, დაიშალა და თითქოს ცოცხლად დაღუპა. საბოლოო ჯამში, მეტყველი თვალი ნახვრეტად გადაიქცა, ყბა ჩამოეკიდა და სახის ნაცვლად კბილებდაკრეჭილი თავის ქალალა დარჩა.

მაგრამ თავის ქალაც კი ყოფილ სახეს, ამ დიადსა და მშვენიერ ხატს ჰგავდა. რაღაც საერთო, რაღაც ღრმად დაფარული საიდუმლოება აკავშირებდათ.

* * *

ყველაფერი ყვავილობისკენ ისწრაფვის და ამასთანავე, თვითგანადგურებასა და სიკვდილისაკენ მიემართება. ყოველ ყვავილს თავისი ორეული ჰყავს, რომელიც მარადიული ნყვდიადის სამყაროდან იხმობს; ყოველ ხეს თავისი ორეული ჰყავს, უნაყოფოდ ტოტებგაშლილი ნყვდიადში, სადაც ყოველივე ბუნდოვანია, ყოველივე მხ-

ოლოდ არსია. ხრწნის ძალებს, ნიშანს, მზად იყავითო, სწორედ სიმნიფე და დასრულება აძლევს. კრახისა და სიკვდილისკენ სწრაფვას ყოველივე განვითარების ზენიტზე იწყებს. სწორედ გამარჯვებაა ის ძალა, იარაღი დაყარეთო, რომ ბრძანებს.

ეს რაღა? იქნებ ყოველი მინიერი იმ ქვეყნისკენ მიისწრაფვის, სადაც იშვა? იქნებ წყვდიადის წყლებში სურს ჩანთქმა, სადაც ისეთივე მთლიანობად გადაიქცევა, როგორც ოდესღაც იყო? იქნებ თავის დაკარგვის, მარადიულში, მთლიანობაში გათქვეფის სურვილია, რათა მისი ძლიერი ნებით კვლავ იშვე, კვლავ აღდგე, ის ხომ ერთადერთია, ვისაც ჩვენი არარაობიდან გამოხმობა შეუძლია?! რათა მისი უსაზღვრო აღერსისგან, დავიწყების წყვდიადისგან დინჯად გამოიხსნა თავი და უკვე განახლებული და ახლად შექმნილი ისეთი სიხარულით განიმსჭვალო, რომელსაც სახელიც არა აქვს? ისეთი აღფრთოვანებით განიმსჭვალო, თითქოს შექმნის სასწაული პირველად აღსრულებულიყოს?

იქნებ სიკვდილის სამეფოც სიცოცხლის სამფლობელოა? იქნებ ჩასახვისა და შობის კარი დედის მარადიული საშოა, სადაც სინათლე ვერ აღწევს?

იქნებ შექმნის პირველი დღის ეს ჩემი დარდი მხოლოდ კვლავ აღდგომის სევდიანი მონატრებაა?

* * *

კვლავ აღდგომა. დაიბრუნო პირვანდელი სახე და მაინც სხვაგვარი. მაინც რა ხდება? არ ვიცი. მაგრამ სხეულს სიმხნევე განაახლებს, ტოტებს კი თრთვილი. უკვდავების წყალში ჩაშვებით უცებ რაღაც იცვლება, რაღაც ძველებურად აღარაა. რაღაც გემატება, თუმცა რა, ვერ გაგირკვევია. წინ კიდევ ერთი ნაბიჯი გადაიდგმევა და აი, სულ ახალი დღე დადგება, დღე, რომელიც დედამიწაზე ვერ არ გაბრწყინებულა.

იქნებ საჭიროა, იქნებ აუცილებელიცაა დროდადრო სინათლიდან წყვდიადში დავბრუნდეთ, მის მარადიულ ძახილს დავემორჩილოთ? არარსებობაში ჩავიძიროთ, რათა მარადიულსა და მთლიანში გავითქვიფოთ? რათა აღესრულოს უდიდესი სასწაული, დღის სინათლეზე ვერასოდეს რომ ვერ აღესრულება? იქნებ ეს არის სიღ-

რმის, წყვდიადის დანიშნულება? ღამის მნიშვნელობა დღისათვის იქნებ ეს არის?

თუ დღის მოსავალს სხვაგვარად ვერც მოიმკი? იქნებ ბელელში სწორედ ღამის მონათესავე ნიადაგის მოსავალი უნდა შეგროვდეს, უკანასკნელ მარცვლამდე უნდა შეგროვდეს ის განსხვავებული თავთავი არც დროის ქარებს რომ ცნობენ, არც შრიალებენ და არც ირხვეიან, რამეთუ ერთ მთლიანობას მარადიულობასთან ქმნიან. მიწაზე აღმოცენებული თავთავი იმთავითვე ლუობისა და განადგურებისათვის ემზადება, ამ დროს კი, დავინყებისა და სიკვდილის საუფლოში იგი უკვდავებისათვის, კვლავ აღდგომისათვის მნიშვნება.

იქნება ამიტომ ისწრაფვის ყოველივე კრახისკენ სწორედ განვითარების ზენიტში? ყოველგვარი დაგვირგვინება, ყოველგვარი ტრიუმფი, უკიდურეს ზღვარს მიღწეული სიცოცხლის სიყვარული?

* * *

ნეტავ, შემეძლოს ამის დაჯერება! ნეტავ, მნამდეს, რომ დამარბეველი ძალები, თავად სიკვდილიც, სიცოცხლის ყველაზე მნიშვნელოვან, ყველაზე განსაცვიფრებელ ნაწილს ემსახურება! გაგრძელებასა და განახლებას ემსახურება და არა უსასრულო გამეორებას. რომ სიკვდილი, გარდაცვალება მტრულად განწყობილი სულაც არ არის, რომ არსებობს ერთი მთლიანობა და არა მხოლოდ დაპირისპირებათა ბრძოლა. რომ საფუძველთა საფუძველი მიზანშეწონილობაა, ღრმა სიმშვიდე და მშვიდობა!

რა მშვენიერია რწმენა! რა მტკივნეული და მწარეა სასონარკვეთა!

* * *

არა, სასონარკვეთა რა საჭიროა. არც მიზეზი აქვს. ეს ცდუნება მაშინ დაგიპყრობს, თუ მხოლოდ იმას დაინახავ ცხვირწინ რაც გიღევს, ვთქვათ, ციხის კედლებს, საკნის კედლებს ან დიღევს. თუ არ ძალგისდ შორს განჭვრიტო, მთლიანობის ურთიერთკავშირი დაინახო და გააცნობიერო, რომ შენც მისი ნაწილი ხარ.

შემთხვევითობა ყოველთვის გვატყუებს. ის, რაც თანადროულობაში ხდება, ეგრეთ წოდებული თანამედროვეობა, ცხოვრების

პატარა მონაკვეთზე გაზვიადებულ შთაბეჭდილებას გვიქმნის და ყოველივე დანარჩენს ფარავს. დანარჩენი უბრალოდ გვავინყდება. და რაც უფრო უხეში და თამამია გარეგანი, თავსმოხვეული სინამდვილე, მით უფრო იოლად ვივინყებთ ხოლმე მისით დაფარულ ჭეშმარიტებას.

მაგრამ თავად ცხოვრება არაფერს ივინყებს. ის ყოველთვის ყველგანაა; მთელი თავისი სისავსით, ერთდროულად ყველგან მეფობს.

* * *

სასონარკვეთა! ეს ხომ იმას ნიშნავს ვალიარო, რომ აი, ამ გალიის გარდა, რომელშიც ვზივარ, რომელშიც ტანჯული პატიმრები სხედან, სხვა არაფერი არსებობს! რომ სულ ესაა ცხოვრება, რომ ამქვეყნად მხოლოდ ჩვენი ხანმოკლე პატიმრობისთვის ვიშვით, იღბალმა მეტი არაფერი გამოიმეტა. ეს ხომ იმას ნიშნავს, შეეგუო, რომ მხოლოდ პატიმარი ხარ და მეტი არაფერი!

მაგრამ ცხოვრება არასოდეს ავიშენებს გალავანს, არასოდეს გაგრიყავს. პირიქით, ცოცხალსაც და მკვდარსაც მაგრად მიგიჯაჭვავს. გარდაცვალებასა და კვლავ აღდგომას, განვითარებათა და განახლებას, უკვდავებასა და მარადიულობას, ისევ და ახლად შექმნის დღეს მიგაჯაჭვავს.

იგი განყვეტს დროისა და სივრცის ჯაჭვს. ის თავისუფლებაა, თავისუფლება, თავისუფლება!

* * *

ვდგავარ და ზემოთ მიმაგრებული ცხაურის მიღმა თავისუფლებას გავცქერი. ვხედავ, როგორ მიცურავენ ღრუბლები, თითქოს ერთმანეთში იჭრებიან, ერთმანეთისგან იშვებიან, შორდებიან და ისევ ერთდებიან. სახეცვლილების დინჯსა და უწყვეტ ნაკადს ვხედავ. რალა ერთი მთლიანობა იქმნება, ოღონდ მარად არამდგრადი და ცვალებადი. მამოძრავებელი ძალა თვალისგან დაფარულია, მხოლოდ შედეგს ვხედავ — როგორ აღმოცენდება, იცვლება, გარდაისახება. სამყაროს უსასრულო სივრცეებში რალაც გატაცებული, მარადიული მოძრაობა შეიმჩნევა.

გავა დრო და ყოველივე თვალს მიეფარება, გაიფანტება, გაილევ-
ვა, გაქრება. ზაფხულის ზეცა ცისფერს გადაიკრავს და მნიშვნელო-
ვანი აღარაფერი დარჩება.

აღარაფერი?

არა, მამოდრავებელი ძალები რჩებიან, მაგრამ ისეთს აღარაფერს
ამოდრავებენ, მე რომ დავინახო. მე ხომ მხოლოდ ხილულს ვამჩნევ.
საერთოდ კი, ყველაფერი ძველებურად დარჩება.

ეს ღრუბლები რომ არ შემემჩნია, ვერც კი წარმოვიდგენდი რა-
ღაც ძალების არსებობას. აი, რა იოლად შეიძლება ცდებოდე!

დავდგებოდი, სიცარიელეს ჩაეხედავდი და ვერაფერსაც ვერ
მივხვდებოდი.

* * *

ღრუბლებს ხშირად ვესაუბრები. ჩემი ახლობლები არიან და ბევრ
იდუმალს მაზიარებენ. არა, რა თქმა უნდა, ყველაზე მნიშვნელო-
ვან საიდუმლოს არ მანდობენ, მაგრამ იმას, რაც შემიძლია გავიგო,
რაც შეიძლება როგორღაც მაცნობონ, იმას მეუბნებიან. ცხოვრება
თითქოს გაკრთება, თავისი გზით მიდის: შობა, არსებობა, სიკვდი-
ლი. აი, ღრუბელთა ცხოვრება კი, მათი სიცოცხლე, მფრინავი ალე-
გორიები, წამიერი, ცვალებადი და ნათელი სამყარო, ჩემი სამყაროა,
რადგან თავადაც მისი ნაწილი ვაგხდი.

სარკმელი ისე მალაა, მინას ვერ ვხედავ, თითქოს სამუდამოდ
დამეტოვებინოს.

ღამლამობით კი ვარსკვლავებს ვესაუბრები. სულ ახლოს კიაფო-
ბენ. არამინიერი შუქით კიაფობენ. თითქოს ცოცხლად დამმარხეს,
მაგრამ სამყაროს უსამანო სივრცეებში დამმარხეს.

* * *

ჰო, ჩემი უხილავი ძალები ისევ აქ არიან. სად წავიდოდნენ! ვერც
არსებობას შეწყვეტენ და ვერც აორთქლდებიან. ნაწილი მთელს
როგორ მონყდება! ისინი მარადიულები არიან და მუდამ ერთნაირად
საქმიანები, მაშინაც კი, როცა ჩემთვის უხილავ სამყაროში იღვნიან,
როცა არ „ცოცხლობენ“. რა არის სიცოცხლე? რა არის სიკვდილი?

იქნებ სიკვდილი გარდასახვავა? ჩვენთვის შეუცნობელი გარდასახვა, რადგან ახლა სხვაგვარად ვცხოვრობთ?

და როცა გარდავისახებით ამ ცხოვრების შესახებ აღარაფერი გვეცოდინება? იქნებ სამანი, რომელიც საბოლოო და საბედისწერო გვეჩვენება, კი არ ჰყოფს ორ სამყაროს, მხოლოდ ჩვენი აღქმის ზღვარია? ჩვენ ხომ ყოფითი რეალობის გარდა არაფრის შეცნობა არ შეგვიძლია. ცნობადები და თვალხილულეები რომ ვიყოთ, შევამჩნევდით კი, რომ სამანი საერთოდ არ არსებობს, ეს ორი სამყარო ერთი მთლიანი სამყაროა და ყოველივეს ერთიანი არსი აქვს?

ყველას ერთიანი მშობლიური აღერსი გვიყრის თავს და გვიცავს. დავინწყების წყვლიადში, მარადიული დედის საშოში ვნებივრობთ და როცა შობის ზღვარს მივადგებით და ცხოვრებას ქვემოდან ზემოთ ავხედავთ, ძველ მდგომარეობას ველარ ვიხსენებთ, ვერ ვაცნობიერებთ. მაშინ მხოლოდ ნათელი და გამოკვეთილი გვხიბლავს, მთლიანად დღის სამფლობელოში გადავდივართ და დავინწყების მრუშე სამყარო ჩვენი აღქმისთვის მიუწვდომელი რჩება. მაგრამ ის ხომ აქვია, გვერდით და არც უცხო არაა, თუმც ასე ვფიქრობთ. ჩვენ ხომ სულში მის საიდუმლოებებსა და გამოცანებს ვატარებთ. ჩვენ ხომ მისი ქმნილება ვართ.

მაშ რატომაა, რომ მუდამ გახსენების სურვილი გვანუხებს?

* * *

მარადიული ცხოვრება! რა თქმა უნდა, არსებობს, მხოლოდ მარადიული შეიძლება არსებობდეს. მაშ, ეს ჩვენი ქვეყანა როგორღა იარსებებდა? ვინ გამოკვებავდა? გემებისა და ნავთსაყუდელის გარეშე დარჩენილ კუნძულს დაემსგავსებოდა, დაიშრიტებოდა და დასნეულდებოდა. უდროობის ყოფიერებასთან, ამოუწურავ მთლიანობასთან კავშირი რომ არ ჰქონდეს, თავის სიმდიდრეს საიდან მიიღებდა;

რა თქმა უნდა, მარადიული ცხოვრება არსებობს. თავადაც ვვხებით, მისი ნაწილი ვართ.

* * *

ამაოდ გვეშინია. არსებობს უთვალავი განძეული, ამოუწურავი მარაგი; განძეულით დატვირთული გემებიც არსებობენ და ამ უხილავ, აფრებიან გემებს ჩვენი სულის იდუმალ ნავსაყუდელებში თავისი ტვირთი შემოაქვთ, სულ გზას ადგანან.

მხოლოდ სიკვდილი და სილატაკე არ არსებობს.

* * *

ცარიელი გემები არც ცოცხალთა ქვეყნიდან ბრუნდებიან. რაც ვიყავით, რასაც მივალნიეთ, რაც შევიძინეთ, ყველაფერს შესანახად მიაქანებენ. ეს მარადისობის მოსაველია და უკანასკნელ მარცვლამდე უნდა შეკრიბონ. ნამცეციც კი არ უნდა დაკარგონ.

ან კი როგორ უნდა დაკარგონ, თუკი სიკვდილი სიცოცხლისგან განუყოფელია და მას ემსახურება, თუკი სიკვდილის ცელით მოკვეთილი ყოველი ქმნილება, მაშინვე მკვდრეთით აღდგომის სურვილით ივსება.

* * *

აი, რად არის ასე მნიშვნელოვანი ადამიანის სინდისი! რალაც ფასეულს უნდა წარმოვადგენდეთ, როცა მოსავლის ალების დრო დადგება. აი, რად არის ასე მნიშვნელოვანი ნებისმიერი ადამიანის ცხოვრება, ნებისმიერი შეცდომა. აი, რადა აქვს აზრი ამქვეყნად ჩვენს მობრძანებას.

ვიქნებით კი მარადისობისთვის ფასეულები? გავამდიდრებთ კი მის ბელელს? თუ აფრებაშვებული გემი ცარიელი გაბრუნდება და მარადისობას ვერაფერს შემატებს?

როგორი იქნება მოსაველი?

* * *

ყველაფერზე პასუხს ვაგებთ და ამას ვერავინ გაექცევა. პასუხისმგებლობის გრძნობა მოსვენებას არ გვაძლევს. ხანდახან გავეპარე-

ბით ხოლმე, დავემალებით, ამ მოძველებულ თვითრწმენას მასხრად ავიგდებთ და წარმოვიდგენთ, რომ მისგან თავი გამოვიხსენით. სინამდვილეში კი, ამ გრძნობას ვერაფერს აღმოფხვრის, რადგან მნიშვნელოვან მიზანს ემსახურება და უიმისობა არაფრით ეგების. რადგან ის სიცოცხლის შემქმნელის ნებასთან განუყოფელია, ჩვენ კი მხოლოდ ამ ნების იარაღი ვართ.

ზნეობრივი დაცემა ამა თუ იმ ეპოქისთვის შეიძლება დამლუპველი აღმოჩნდეს. საბოლოო სიტყვა კი მას არ ეკუთვნის, რამეთუ იგი ცხოვრების არსს, შემქმნელის ნებას უპირისპირდება.

* * *

ხშირად ფიქრობენ, რომ ზნეობა ჩვენში რელიგიას ეყრდნობა, მასთან ერთად იბადება, ან კვდება. რა მცდარი აზრია! რელიგია ბევრმოვლენაში, მათ შორის ამაშიცაა ჩახლართული, მაგრამ ადამიანის სულში ფასეულობას კი არ ქმნის, უკვე არსებულს წარმოაჩენს. ღმერთსა და რწმენას მოკლებულ ეპოქებს უზნეოდ, რელიგიურს კი ზნეობრივად ნუ წარმოვიდგენთ. ადამიანები, რომლებზეც რელიგიას არავითარი გავლენა აღარა აქვს, ზნეობრივი თვალსაზრისით ხშირად მორწმუნეებზე მაღლაც კი დგანან.

არა, ზნეობრივს ადამიანში რომელიმე რელიგიური ხილვა ვერ შექმნის და ვერც მასთან ერთად დაიკარგება. იგი მაშინ ქრება, როცა ცხოვრების რწმენას ვკარგავთ, ცხოვრებას ვლაღატობთ, მის გაყალბებას ვცდილობთ, როცა მოთხოვნებს უგულვებელყოფთ და ეშმაკობით გვინდა მივალწიოთ იმას, რაც მიზანი გვგონია.

ცხოვრება კი გაყალბებას ვერ ეგუება.

* * *

ცხოვრება მაინც გვერევა, განვითარების გზას კვლავ და კვლავ აღადგენს და ამით თავის აზრიანობას ამტკიცებს.

დაიჯერო, რომ შესაძლებელია ადამიანის სამარადისო, არადროებითი ზნეობრივი განადგურება, იგივე იქნება, გჯეროდეს, რომ ადამიანის სულიერი შენობის აგებისას მასში ჩანერგილი რაღაც არსებითი შეიძლება დაინგრეს, შენობა კი მაინც გადარჩება; გჯეროდეს, რომ ყოფიერების ძირითადი არსი შეიძლება რადიკა-

ლურად შეიცვალოს. ეს კი აბსურდია!

რხევები, რომლებიც ადამიანთა ცხოვრების ზედაპირზე ხანდახან შეიმჩნევა, მის სიღრმეებში კატასტროფულ ცვლილებებს სულაც არ ნიშნავს.

* * *

ვერც ის ნიადაგი გაქრება, რომელზედაც დროდადრო რელიგია აღმოცენდება. შეიძლება ამ ნიადაგით შექმნილი სიმბოლოთა სამყარო გახუნდეს; რელიგიებმა, ამ სიტყვის პირდაპირი გაგებით, შეიძლება ძალაუფლება დაკარგონ და ერთ მშვენიერ დღეს გაქრნენ კიდევ, ოღონდ ის, რაც მათ ქმნის, არასოდეს გაქრება. ცხოვრებას ვერ გააღატაკებ, ვერც ადამიანს გააღატაკებ.

ვის შეუძლია ერთ-ერთი ყველაზე ღრმა წყარო დაშრიტოს, ადამიანის სულის აღმოცენების ერთ-ერთი ყველაზე ძლიერი პირველი მიზეზი გააუქმოს? უამისოდ ხომ უბრალოდ ვერ ვიარსებებდით.

ხეს როგორ შეუძლია ის ძალები გაანადგუროს მის შემქმნელ ფესვი რომ დაბუდებულა. ხემ არაფერი იცის მისი ბუნების შესახებ, არც რაღაც თესლის არსებობის შესახებ სმენია რამე. და მაინც თესლის ყველა შესაძლებლობა სწორედ ხეში იჩენს თავს, ხე მისი წყალობით არსებობს. და ეჭვადაც კი არ იცის, რომ თავდაც ქმნის ასეთ თესლს და მომავალს აბარებს. გაშხმარი ხეც კი თავის მსგავს თესლს ტოვებს და კვლავ სრულქმნილი, სწორედ ისეთი აღდგება, როგორიც მუდამ იყო.

ჩვენც ასევე დავტოვებთ მარადისობის სრულფასოვან თესლს უკეთესი, უფრო სრულქმნილი მომავლისთვის.

უკვდავება, კვლავ აღდგომა! დამცირებიდან და ტკივილიდან სრულქმნილებასა და უხრწნადობაში აღდგომა. მხოლოდ ახლა, მხოლოდ ამჟამადაა ყველაფერი ცუდად, ყველაფერი ისე, როგორც არ უნდა იყოს. თესლში კი ყველაფერი სწორია. დროის ყველა მოცემულ პერიოდში რაღაც ისე არაა, როგორც უნდა იყოს. თესლში კი სრულქმნილებას დაუბუდებია და თავის დროს მოთმინებით ელოდება. და მისი დრო დადგება, აუცილებლად დადგება! ეს დრო ხეს აამაღლებს, ააყვავებს, დაამშვენებს, თუმცა ხელს უშლიან, თუმცა თავის შესაძლებლობებს ბოლომდე ვერასოდეს ახორციელებს. ხეს ამახინჯებენ, ახრჩობენ, ხან ელვა ეცემა ან სუსტი, გამრუდებული,

დასუსხული კრონა აღმოაჩნდება. და მაინც, უსასრულო დროის მანძილზე, ხე გაიზრდება, უფრო გაძლიერდება. მის ზრდას ვერავინ შეაჩერებს, რადგან წინააღმდეგობის გადალახვა მისი დანიშნულებაა.

არ არსებობს გარდაცვალება! არ არსებობს სიკვდილი! არც დამარცხებით გამოწვეული სისუსტე და ყოყმანი არსებობს! მხოლოდ ძალთა მარადიული აღორძინება, მხოლოდ უსასრულოდ განმეორებადი, უსასრულოდ განახლებადი ქმნილება, მხოლოდ შექმნის მარადიული, ბრწყინვალე დღის რწმენა და სიხარული არსებობს!

სასონარკვეთა? ჩვენ უნდა წარგვეკვეთოს სასო? ჩვენ ხომ სულში უკვდავ ძალებსა და გამარჯვების უკვდავ ნებას ვიტყვით, უდიდეს სასწაულს ვეზიარებით. ჩვენ ხომ სულით სრულქმნილების საიდუმლოებას ვატარებთ, რათა საუკუნეების მიღმა მომავალს გადავცეთ, თუმც ამ საიდუმლოს ამოხსნა არ შეგვიძლია. სრულქმნილება რეალობაში ხორცს ვერასოდეს შეისხამს. იგი მიზანივით მიულწეველია და ასე დახშული და მიულწეველი მარადისობის იდუმალ საუფლოში დარჩება. რიდეს ახდა რომც შეგვეძლოს, მაინც ვერაფერს გავიგებდით. და მაინც, ყოველთვის, როცა სიცოცხლე კვლავ იშვება, ყოველთვის, როცა თესლი გარსს გაარღვევს, რიდე გაქრება, საიდუმლოება თავს შემქმნელი ძალებით გამოაჩენს და გამარჯვების ნებით განხორციელდება.

ადამიანი — მარადიული ნებაა გამარჯვებისა!

ბარაბა

ყველამ იცის, მაშინ ისინი ჯვარზე როგორ ეკიდნენ და მის გარშემო ვინ მოიყარა თავი. დედაი მისი, მარიამი და მარიამ მაგდალინელი, ვერონიკა, სიმონ კვირინელი და იოსებ არმათიელი, რომელმაც შემდეგ მის სხეულს არდაგი შემოახვია. ოლონდ ქვემოთ, ფერდობზე, ცოტა მოშორებით კიდევ იდგა ერთი კაცი, ვინც თვალს არ აშორებდა მომაკვდავ ჯვარცმულს, ვინც მისი სასიკვდილო წამება თავიდან ბოლომდე იხილა. ამ კაცს სახელად ბარაბა ერქვა და ეს წიგნიც მასზე დაინერა.

ოცდაათიოდე წლის თუ იქნებოდა. ჩასკვნილი იყო, თუმცა სახე ჩაყვითლებოდა. წითური წვერი და შავი თმა ჰქონდა, ნარბებიც — შავი, თვალები კი თითქოს იმისთვის ჩაცვენოდა, რომ გამოხედვა უკეთ დაემალა. ერთი უპედან ღრმა ნაჭრილობევი იწყებოდა, ნიკაპისკენ ეშვებოდა და წვერში იკარგებოდა. საერთოდ კი ადამიანის გარეგნობას, ალბათ, დიდი მნიშვნელობა არცა აქვს.

იგი ბრბოს პრეტორიიდანვე ქუჩა-ქუჩა აედევნა, ოლონდ უკან მიჰყვებოდა და როცა გატანჯული რაბი თავის ჯვრიანად ნაიქცა, ნაბიჯიც კი შეანელა და შეეყვნდა, მის გვერდით არ აღმოვჩნდეთ, და ჯვარიც სწორედ იმ სიმონს წამოკიდეს. მამაკაცები ბრბოში ცოტანი იყვნენ, რომაელებს თუ არ ჩავთვლით. მსჯავრდადებულს უფრო ქალები მიაცილებდნენ; და კიდევ ბიჭუნების ხროვა — ეს შარახვეტიები ხომ მაშინვე იქ გაჩნდებოდნენ ხოლმე, როცა ქუჩაში ვინმე ჯვარზე გასაკრავად მიჰყავდათ. ასეთ გასართობს ხელიდან არ გაუშვებდნენ, მაგრამ მალე დაილაღნენ და ჩვეულებრივ თამაშს მიუბრუნდნენ; მანამდე კი ერთი შეავლეს თვალი სახენაჭრილობევე კაცს, ბრბოს კუდში რომ მიჰყვებოდა.

და აი, უკვე თხემის ადგილზე იდგა და შუალა ჯვარზე გაკრულ კაცს თვალს ვერ აშორებდა. აქ ამოსვლა არ უნდოდა, აქ ყველაფერი უწმინდური და დამასნეულებელი იყო. იმასაც ამბობდნენ, ვინც ამ დანყევლილ, შეჩვენებულ ალაგას ერთხელ მაინც ამოვა, სულის ნაწილს აქ ტოვებს, უსათუოდ აქვე დაბრუნდება და დარჩებაო. ირგვლივ თავის ქალები და ძელები ეყარა. დამპალი ჯვრები აღარაფრად ვარგოდა, მაგრამ არ გაჰქონდათ, რომ ხელი არაფრისთვის

ეხლოთ. აქ რატომ მოვიდა? ამ კაცს ხომ არ იცნობდა და დიდად არც მისი ხედვრი ენაღვლებოდა. მამ გოლგოთაზე რაღად მოვიდა? ბარაბა აკი გაათავისუფლეს.

ჯვარცმულს თავი ჩამოუვარდა, მძიმედ სუნთქავდა. ეტყობა, ცოტალა დარჩა. ძლიერი აღნაგობა აქვსო, ვერ იტყოდით, გაძვალტყავებულ სხეულს ლანდი გასდიოდა და ისეთი გამხდარი მკლავები ება, თითქოს ამ ხელებით არასოდეს უმუშავიაო. უცნაური კაცი ჩანდა, თხელი წვერი და ბიჭივით უბალნო მკერდი ჰქონდა. ბარაბას იგი არ მოეწონა.

იქ, სასახლესთან პირველად რომ დაინახა, მაშინვე მიხვდა, სხვებს არ ჰგავდა. ვერ გეტყოდით, რატომ, უბრალოდ მიხვდა. მისი მსგავსი არასოდეს ენახა. ან იქნებ, მოეჩვენა კიდევც, რადგან ჯურღმულიდან ის-ის იყო ამოვიდა და თვალები სინათლეს უცებ ვერ შეაჩვია. და აი, თავდაპირველად ეს კაცი რაღაც შარავანდედით შემოსილი იხილა. შარავანდედი, ცხადია, უმაღლვე გაქრა, ბარაბას ჩვეული გამჭრიახი მზერა დაუბრუნდა, ისევ მშვენივრად ხედავდა გარშემო ყველაფერს და არა მხოლოდ იმას, ვინც სასახლესთან განმარტოებული იდგა. და მაინც, იგი უცნაური იყო, არავის ჰგავდა. ბარაბას ვერ გაეგო, ასეთი კაცი ციხეში როგორ ჩააგდეს, მასავით სიკვდილი როგორ მიუსაჯეს. მისი გონება ამას ვერ წვდებოდა. რა ბარაბას საქმეა, მაგრამ ასეთი კაცისათვის მსჯავრი არ უნდა დაედოთ, ნათელია, რომ ის უდანაშაულოა.

და აი, ის ჯვარზე გასაკრავად წაიყვანეს, ბარაბას კი ჯაჭვები შემოხსნეს და გაათავისუფლეს. ბარაბას რა ბრალია, ასეთ თავად გადაწყვიტეს, მათი ნება იყო, ვის გაათავისუფლებდნენ. ჰოდა, ბარაბა გაუშვეს. ორიდან ერთი უნდა გაეთავისუფლებინათ, თუმცა სიკვდილი ორივეს მიუსაჯეს. ბარაბას თავგზა აებნა. სანამ ჯაჭვებს ხსნიდნენ, იდგა და შესცქეროდა ის, მეორე, ჯარისკაცებმა თალქვემ როგორ გაატარეს, ამ კაცს ზურგზე უკვე ჯვარი ჰქონდა აკიდებული.

კიდევ დიდხანს იდგა და დაცარიელებულ თალს თვალს არ ამორებდა. შემდეგ მცველმა ხელი ჰკრა და დაუყვირა:

— რა პირი დაგილია? გაეთრიე აქედან, ვერა ხედავ, გაათავისუფლეს!

ბარაბა გამოფხიზლდა, იგივე თალი გაიარა, დაინახა, ის, მეორე როგორ მიათრედა ჯვარს და მის კვალს ქუჩა-ქუჩა აედევნა. თავა-

დაც არ იცოდა, რად გამოუდგა, ან საათობით რად იდგა, მის სასიკვდილო ტანჯვა-ნამებას რად უყურებდა, ამ კაცის ხვედრი ხომ დიდად არ ენალვლებოდა.

კი მაგრამ ისინი, აი, ჯვართან ახლოს რომ მიყუყულან — ამათ რაღა ესაქმებათ? ეტყობა, თავად მოვიდნენ, არავის დაუძალებია, მიდით და დასნეულდითო. ახლო მეგობრები და ნათესავები თუ იყვნენ. უცნაურია, დასნეულების თითქოს სულ არ ემინოდათ.

აი, ის ქალი, ეტყობა დედაა. თუმცა სულაც არა ჰგავს. მაგრამ რომელიმე განა ჰგავს? ქალს გლახური, პირქუში, უხეში სახე ჰქონდა, ტუჩებსა და ცხვირს სულ ხელისგულით ინმენდდა, ცხვირიდან წვეთები ჩამოსდიოდა, რადგან ცრემლს იოკებდა. მაგრამ ქალი არ ტიროდა. იგი სხვებივით არ იტანჯებოდა და ჯვარცმულს სხვებივით არ შესცქეროდა. რა თქმა უნდა, დედამისი იყო. ალბათ, სხვებზე მეტადაც ეცოდებოდა, მაგრამ თითქოს მასზე განაწყენებულიც ჩანდა, აქ რაღა ხარ გაკრული, საქმე ჯვარცმამდე რად მიიყვანეო. ალბათ, რაღაც ისეთი მაინც ჩაიდინა, რომ ჯვარზე გააკრეს ასე ნმინდა და უმნიკვლო და ქალიც ამას საყვედურობდა. ვინ ვინ და ქალმა ხომ იცოდა, რომ მას არაფერი დაუშავებია, ამიტომაც იყო დედა, რომ დაეშავებინა კიდევ, მაინც ასე ეცოდინებოდა.

თავად ბარაბას დედა არ ჰყავდა. არც მამა — მის შესახებ გაგონებითაც კი არაფერი გაუგონია. არც ნათესაეები — არც ერთ ნათესავს არ იცნობდა. ამიტომ ამ ჯვარზე ბარაბა რომ ჩამოეკიდათ, ალბათ, ცრემლი არც დაიღვრებოდა. ასე ვინ გამოიტირებდა. მკერდში მუშტებს ისე იბრაგუნებენ, თითქოს უფრო დიდი უბედურება აღარ არსებობს. როგორ ქვითინებენ და ყმუიან — საშინელებაა.

მარჯვენა ჯვარზე გაკრულ კაცს მოხარშულს იცნობდა. უცებ მას რომ დაენახა ბარაბა, ნაღდად გადანყვეტდა ჩემ გამო მოვიდა, უნდა ნახოს დამსახურებულად როგორ მომეზლოო. ბარაბა კი მის სანახავად სულაც არ მისულა, თუმცა არაფერი ჰქონდა სანინააღმდეგო მისი ტანჯვისთვის ეცქირა. თუკი საერთოდ ვინმე იმსახურებდა სიკვდილს, უპირველესად ეს ნაძირალა იმსახურებდა. ოღონდ, იმისთვის არა, რისთვისაც გაასამართლეს, სულ სხვა რამის გამო.

მაგრამ რად უნდოდა ბარაბას მისი დანახვა, მისი და არა იმ მეორესი, შუალა ჯვარზე რომ იყო გაკრული. ბარაბა მეორეს სანახავად მოვიდა, მის ნაცვლად ჯვარზე ხომ სწორედ ის ჩამოკიდეს. სწორედ მან, მეორემ აიძულა ბარაბა აქ მოსულიყო, მეორეს ჰქონდა

ამის უფლება, ასეთი ძალა. ძალა? განა უფრო უძლური ვინმე არსებობდა? უფრო საცოდავი ჯვარზე არავინ გაუკრავთ, დანარჩენები გაცილებით უკეთ გამოიყურებოდნენ და, მგონი, გაცილებით ნაკლებადაც იტანჯებოდნენ. ეტყობა, უფრო ძლიერები იყვნენ. ამას კი ხეირიანად თავიც ვერ დაეჭირა, მთლად გვერდზე ჩამოვარდნოდა.

აგერ თავი ასწია, გამშრალი ტუჩები მოილოკა და ჩავარდნილ, უბალნო მკერდში მძიმე ოხვრა გაეხირა. რაღაც ნაიჩურჩულა, მგონი, მწყურიაო, თქვა. ჯარისკაცები ფერდობის ქვემოთ, ბალახზე ნამოგორებულებიყვნენ, მონყენილები ელოდნენ, ეს სამნი ბოლოს და ბოლოს როდის დაიხოცებოდნენ, კამათელს აგორებდნენ და არაფერი გაუგონიათ. მაშინ ერთ-ერთი ნათესავი მათ მიუახლოვდა. ჯარისკაცი უხალისოდ ნამოიზღაზნა, ღრუბელი დოქში ჩაანო, ხელჯოხს ნამოაცვა და ჯვარცმულს გაუნოდა. ჯვარცმულმა მღვრიე სითხე გასინჯა და აღარ დალია. არამზადამ კი ჩაიხითხითა, შემდეგ ძმაკაცებთან მივიდა და ახლა ყველა ერთხმად ახარხარდა. არამზადები!

მშობლები — თუ ვინც იყვნენ — ჯვარცმულს გულმოკლულები შესცქეროდნენ. ის კი იხრჩობოდა, იხრჩობოდა და აშკარად სულს ღაფავდა. ჩქარა მაინც აღესრულოს, ფიქრობდა ბარაბა, მისი ტანჯვა ჩქარა მაინც დასრულდეს! ყველაფერი ჩქარა მაინც დამთავრდეს! როგორც კი აღსრულდება, შეიძლება გაიქცე და ამაზე აღარასოდეს იფიქრო!

მაგრამ მთაზე სიბნელე ჩამონვა, თითქოს მზე ჩაქრა, ისეთი სიბნელე და ამ წყვდიადში ჯვარცმულმა მთიდან ხმამაღლა დაიყვირა:

— უფალო! უფალო! რაისთვის დამიტყვე მე!

სულისშემძვრელი ყვირილია. რისი თქმა სურდა? ან ასე უცებ რად ჩამობნელდა? ამ შუადღისას რად ჩამობნელდა? გაუგებარია. სამი ჯვარი სიბნელეში ძლივსლა მოჩანდა. საზარელია. ახლა რაღაც საშინელება მოხდება. ჯარისკაცები ნამოიშალნენ, იარაღს ხელი დასტაცეს. ესენი ხომ მაშინვე იარაღს დასტაცებენ ხოლმე ხელს. ხელშუბიანები ჯვარებს შემოეხვივნენ. ასე იდგნენ და ერთმანეთს ეჩურჩულებოდნენ — ბარაბას ესმოდა. ახლა კი დაფრთხნენ! ახლა კი უკვე აღარ ხითხითებენ. ეტყობა, ცრუმორწმუნეები არიან!

ბარაბა თავადაც დაფრთხა, და გაიხარა, როცა კვლავ ინათა და გარემოს ძველებური იერი დაუბრუნდა. ნელა ნათდებოდა, როგორც დილაობით თენდება ხოლმე. ბორცვებს, ზეთისხილის

ხეებს დღის სინათლე მოეფინა და მიჩუმებული ჩიტუნებიც კვლავ აჟღურტულდნენ. ჰო, სწორედ ისე, როგორც დილით.

ჯვართან ნათესავეები გაუნძრევლად იდგნენ. აღარც ოხრავდნენ, აღარც ყმუოდნენ. იდგნენ და ჯვარცმულს შესცქეროდნენ. ჯარისკაცებიც ასევე იდგნენ. ირგვლივ სრული მდუმარება სუფევდა.

ახლა მშვიდად შეიძლებოდა ადგომა და წასვლა. ყოველივე ხომ უკვე დასრულდა. მზე კვლავ ძველებურად ანათებდა და გარემოსაც ძველებური იერი ედო. უბრალოდ, ცოტა ხნით ჩამობნელდა იმიტომ, რომ ის მოკვდა.

ჰო, წასვლის ჟამი დადგა. სწორედ დრო იყო. ბარაბას აქ არაფერი ესაქმებოდა. რახან ის, მეორე მოკვდა, აქ აღარაფერი აკავებდა. კაცი ჯვარს ჩამოხსნეს — წასვლისას ესლა დაინახა. ვილაც ორმა სხეულს სუფთა არდაგი შემოახვია — ესეც დაინახა. ძალიან თეთრი სხეული ჰქონდა და ორივენი ისე ფრთხილად ეპყრობოდნენ, თითქოს ემინოდათ, არაფერი დაეუშავოთ, არა ვატკინოთ რაო. საოცარია, ის ხომ უკვე ჯვარცმული იყო. საერთოდაც, რაღაც უცნაური ხალხი ჩანდა. სამაგიეროდ, დედა შვილის ნეშტს თვალგამშრალი შესცქეროდა. მისი ჩაშავებული, პირქუში სახე უსაშველო ტკივილს ველარ გამოხატავდა. მხოლოდ იმას ამხელდა, რომ მისი გონება ვერ სწვდებოდა, რაც აქ მოხდა, რასაც ვერასდროს და ვერავის შეუძლებოდა. ამას კი ბარაბა კარგად მიხვდა.

როცა მგლოვიარეთა ნყებამ ახლოს ჩაიარა — მამაკაცები ნეშტს მიასვენებდნენ, ქალები უკან მიჰყვებოდნენ — ერთ-ერთი ქალი დედას მიუახლოვდა, რაღაც ჩასჩურჩულა და ბარაბა მიანიშნა. დედა შეჩერდა და ისეთი გასაცოდავებული, ისეთი საყვედურიანი მზერით შეხედა, ბარაბამ იფიქრა, ამ მზერას ვერასოდეს დავივინყებო. შემდეგ ისინი გოლგოთას გზას კვლავ ქვემოთ დაუყვნენ და მარცხნივ გადაუხვიეს.

ბარაბა მიმავლებს შორიახლო ისე აედევნა, რომ არავის დაენახა. სულ ახლოს, კლდეში გამოკვეთილი სამარე მოჩანდა. მიცვალებული იქ დაასვენეს, ილოცეს, შემდეგ სამარე დიდი ლოდით დაგმანეს და წავიდნენ.

მაშინ ბარაბა სამარეს მიუახლოვდა და ცოტა ხნით გაჩერდა. თუმცა არ ულოცია. ის ბოროტმოქმედი იყო, ბოროტმოქმედთა ლოცვა კი საერთოდ ზეცას ვერ აღწევს, ესეც არ იყოს, ბარაბას

ცოდნები არ ჰქონდა მონანიებული, თანაც ამ კაცს სულ არ იცნობდა. ისე, სხვათა შორის, გაჩერდა ცოტა ხნით.

შემდეგ იერუსალიმისკენ მიმავალ გზას გაუყვა.

* * *

ქალაქში ბარაბა დავითის კარიბჭით შევიდა და კურდღლისტურა მამინვე დაინახა. ქალი კედლის გასწვრივ მიიპარებოდა და ვერ გხედავო, თავს იკატუნებდა. მაგრამ ბარაბამ შენიშნა, ქალმა დამინახა და ეტყობა, ამ შეხვედრას არ მოელოდა, ალბათ, უკვე ჯვარზე გაკრული ვეგონეო.

გამოედევნა, ნამოენია და ახლა ისინი გვერდიგვერდ აღმოჩნდნენ. ცხადია, არ უნდა დანეოდა, არც სჭირდებოდა ბარაბას ქალთან გასაუბრება და თვითონვე გაოცდა, როცა დაელაპარაკა. მგონი, ქალიც გაოცებული იყო და რადგან სხვა გზა აღარ ჰქონდა, გაუბედავად შეხედა.

ერთმანეთის სანუხარზე კრინტი არ დაუძრავთ. კაცმა ისლა ჰკითხა, საით გაგინევია ან გალგალიდან რაიმე ამბავი ხომ არ მოგსვლიაო. ქალი მოკლედ და ჩვეულებისამებრ დუდღუნით გაეპასუხა. ბარაბამ სიტყვები ძლივს გაარჩია. შემდეგ გაარკვია, ქალს თურმე არსად მიეჩქარებოდა. ხოლო, როცა ჰკითხა, სად ცხოვრობო, ქალმა არ უპასუხა. მას კაბის კალთები შემოსცვეთოდა და ნაფლეთებად ეკიდა, კალთიდან კი დიდი, ჭუჭყიანი, შიშველი ფეხები მოუჩანდა. საუბარი მალე ამოინურა და გზას ორივე მდუმარედ გაუყვა.

რომელიღაცა სახლის ღია კარიდან, შავ ხვრელს რომ მიაგავდა, ხმამალალი ლაპარაკი ისმოდა. მოულოდნელად იქიდან მალალი, მსუქანი ქალი ყვირილით გამოვარდა. ქალი მთვრალი იყო. ბარაბას დანახვისას მსხვილი მკლავები სიხარულით აიქნია და კაცი შინ შეიპატიჟა. ბარაბამ ფეხი აითრია, თანაც უცნაური თანამგზავრი ახლდა და რცხვენოდა, მაგრამ ქალი არ მოეშვა და ორივენი მუჯღუგუნების კვრით სახლში შერეკა. აქ კი ხმამალალი სალმით მიეგება ბარაბას ორი მამაკაცი და სამი ქალი, რომლებიც მაშინლა იცნო, როცა თვალი სიბნელეს შეაჩვია. შესვლისთანავე სუფრასთან დასვეს და ღვინო დაუსხეს. ერთხმად აყაყანდნენ, რა კარგია, ციხიდან რომ გამოვიშვეს და როგორ გაგიმართლა, შენ ნაცვლად სხვა

რომ დასაჯესო. სიმთვრალით თავანყვეტილებს მისი სიხარულის გაზიარების სურვილი წვავდათ. ხელებს უფათურებდნენ, რომ ეს სიხარული მათაც გადასდებოდათ. ერთმა ქალმა კი ხელი უბეში ჩაუცურა და სქელუას თავანყვეტილ ხარხარში, ბალნიან მკერდზე მოუთათუნა.

ბარაბა ყველასთან ერთად სვამდა, მაგრამ ცოტას ლაპარაკობდა. იჯდა და თავისი მუქი თაფლისფერი თვალებით, რომლებიც ისე ჩასცვენოდა, თითქოს დამალვას ცდილობდაო, ერთ წერტილს მიმტერებოდა. ყველამ აღნიშნა, დღეს რაღაც უცნაური ხარო. თუმცა ხანდახან ასეთი ადრეც ენახათ.

ქალები ღვინოს უსხამდნენ, ის კი კვლავ სვამდა და საერთო საუბარს უსმენდა, თუმცა თავად ხმას თითქმის არ იღებდა.

ბოლოს და ბოლოს რა გჭირს, რა დაგემართაო, ყველა ერთად შეუჩნდა, მაგრამ სქელუამ ხელი კისერზე მოხვია და თქვა: აბა რა გასაკვირია, ასე უცხოოდ რომ გამოიყურება, ისე დიდხანს იტანჯებოდა ჯურღმულში, თითქმის მოკვდა კიდევ, რადგან სიკვდილს ვისაც მიუსჯიან, ის მაშინვე კვდება, შემდეგ გინდაც გაათავისუფლონ და შეინყნარონ მაინც მკვდარია, იმიტომ, რომ მკვდარი იყო. ის მხოლოდ მკვდრეთით აღსდგა, ეს კი იმას სულაც არ ნიშნავს, სხეებივით შვება — ლხინით იცხოვროსო. როცა ამ სიტყვებს ხარხარი მოჰყვა. ქალი გაბრაზდა და მოქეიფეებს დაემუქრა, ბარაბასა და კურდღლისტუჩას გარდა ყველას გარეთ გაგყრიეთო. ამ გოგონას შესახებ არაფერი ვიცი, მაგრამ ერთი შეხედვით მაინც კეთილი და მოკრძალებული ქალი შთაბეჭდილებას ტოვებს, თუმცა, ცოტა არ იყოს, მდაბიოსა ჰგავსო. ამ სიტყვებზე კაცები სიცილისგან კინალამ დაიხოცნენ, შემდეგ დანყნარდნენ და ბარაბას ჩურჩულით უამბეს, როგორც კი შელამდება, ისევ მთებში დავბრუნდებით. ჩვენ მხოლოდ იმისთვის ჩამოვედით, რომ თიკანი მსხვერპლად შეგვენირაო. მსხვერპლი არ მიიღეს, ამიტომ გავეყიდეთ და მის ნაცვლად ორი უმნიკვლო გვრიტი შევნირეთ, მოგებული ფულით კი აგერ, სქელუასთან ვქეიფობთო. მერე, ჩვენთან დაბრუნებას თუ აპირებო, შეეკითხნენ და თანაც აუხსნეს, ახლა ისინი სად უნდა მოექებნა. ბარაბა მხოლოდ თავს უქნევდა და ღუმდა.

ერთმა ქალმა სიტყვა ჩამოაგდო იმ მეორეზე, რომელიც ბარაბას ნაცვლადგააკრეს ჯვარზე. ერთხელ როგორღაც დავინახე, გვერდით ჩამიარაო. ამბობენ, წმინდა ნერილიც იცის, წინასწარმეტყველებაც

შეუძლია და სასწაულებსაც ახდენსო. ეს ხომ მავნებლობა არაა, ამას ბევრი იჩემებს და ამის გამო ჯვარზე ვინ გააკრავდაო. ლანდი გასდიოდაო, ესლა ახსოვდა მოსაუბრეს. მეორე ქალმა დასძინა არ მინახავს, მაგრამ გამიგონია, თითქოს ამბობდა, ტაძარი დაიქცევა, იერუსალიმი დაილუპება, ხოლო მინისძვრა და ცეცხლი ცასა და დედამიწას შთანთქავსო. სისულელეა, ამისთვის ჯვარზე გააკრავდნენ, აბა რას იზამდნენ. მესამემ განაგრძო, უმეტესად ლატაკებს მეგობრობდა და სულ ჰპირდებოდა, უფლის სავანეში მოხვდებითო, კახპებსაც კი ჰპირდებოდაო. აქ უკვე სამივე ერთად ახარხარდა, მაგრამ მაინც დაასკვნეს, კარგი იქნება, მართლაც, ასე რომ მოხდესო.

ბარაბა უსმენდა, ოღონდ წელანდელივით დაფიქრებული აღარ იყო. ეს კია, ერთხელაც არ გალიმებია. ის უცებ შეცბა, როცა სქელუა კვლავ მოეხვია და უთხრა, მიმიფურთხებია იმ მეორესათვის, ასეა თუ ისე, მან ხომ უკვე ფეხები გაჭიმა, ჯვარზე ბარაბა კი არა, ის გააკრეს და სწორედ ეს არის მთავარიო.

კურდღლისტუჩა თავდაპირველად მოკუნტული იჯდა და საუბარს გაფანტული უსმენდა, მაგრამ როცა სიტყვა იმ მეორეზე ჩამოვარდა, უცებ შეშფოთდა, უცნაურად გარდაისახა, წამოხტა, თეთრი, ტანჯული სახე შიშით მოექცა, თვალი თანამგზავრს მიაპყრო და თავისი უცნაური ხმით, დუღღუნით დაიყვირა:

— ბარაბა!

თითქოს უჩვეულო არაფერი მომხდარა, ქალმა კაცს დაუძახა, მაგრამ ყველა გაოგნებული შესცქეროდა, ვერ ხვდებოდნენ ასე უცებ რატომ აყვირდა. ბარაბაც უცნაურად გარდაისახა, თვალეზი სწორედ ისე ააცეცა, როცა ჩვეულებისამებრ ვინმეს მზერას არიდებდა. ვერავინ გაიგო, რა მოხდა. თუმცა რა მნიშვნელობა ჰქონდა, სჯობდა, ყურადღება არ მიექციათ. ასე თუ ისე, ბარაბა ხომ ნაღდად მათი კაცი, სწორედ რომ მათთაგანი იყო, მაგრამ ახლა ცოტათი თავის თავს არ ჰგავდა და არავინ იცოდა, რას ჩაიდენდა.

გოგონა კვლავ სოხანეზე გაშლილ საფენზე მოიკუნტა, მაგრამ ცეცხლოვანი თვალეზი ბარაბასათვის არ მოუშორებია.

სქელუამ საჭმელი მოიტანა. ალბათ, დაგამშვიეს, ალბათ, ეს ოხრები ჯურღმულებში ხალხს აშიმშილებენო, თქვა და წინ, მაგიდაზე, პური, მარილი და შემწვარი ცხვრის ხორცი დაუნყო. ბარაბამ ცოტა მოციცქნა, დანარჩენი კი, თითქოს უკვე მაძლარი იყო, კურდღლის-

ტუჩას გადაულაგა. ქალი საჭმელს დაეძგერა, შეთქელიფა, როგორც მხეცმა, მაშინვე გარეთ გავარდა და გაუჩინარდა.

მაშინ დანარჩენებმა გაბედეს და ვინ არისო, ბარაბას ჰკითხეს, მაგრამ პასუხს, ცხადია, ვერ ეღიროს. ახლა ბარაბა თავის თავს ჰგავდა. პირად საქმეებს ყოველთვის საიდუმლოდ ინახავდა.

— მაინც რა სასწაული მოახდინა იმ წინასწარმეტყველმა? — შეეკითხა ბარაბა ქალებს. — რას წინასწარმეტყველებდა?

ქალებმა უპასუხეს, ავდემყოფებს არჩენდა, ბოროტ სულებს დევნიდა და როგორც ამბობენ, მგონი, მკვდრებსაც აცოცხლებდა, მაგრამ, ვინ იცის, მართალია თუ ტყუილი, ალბათ, ტყუილიაო. ხოლო მის წინასწარმეტყველებაზე წარმოდგენაც არ ჰქონდათ. მხოლოდ ერთმა თქვა, ყური მოვკარი, თითქოს ვილაცხას დიდი ლხინი გადაუხდია, საქორწილო, თუ რალაც ამგვარი სუფრა გაუშლია, სტუმრები კი არ მოსულან. მაშინ მსახურები გზაზე გაკრეფილან და განურჩევლად ყველა მიუპატიჟებიათ, გადაყრიან დამძეულ ღარიბ-ღატაკებს, რომლებსაც შიშველი სხეულიც კი ვერაფრით დაეფარათ. ჰოდა, მდიდარი მეპატრონეც განრისხებულა... თუ არა უშავსო, უთქვამს... არა, საქმე რით დამთავრდა, აღარ ახსოვდა. ბარაბა ისეთი ყურადღებით უსმენდა, თითქოს რალაც ძალიან მნიშვნელოვან ამბავს უყვებოდნენ, მხოლოდ, როცა ერთ-ერთმა ქალმა დაამატა, ჯვარცმულს, როგორც ბევრ სხვას. თავი მესია ეგონაო, ბარაბამ გრძელი, ნითული წვერი მუჭაში ჩაბლუჯა და ღრმად ჩაფიქრდა.

— მესია? შეუძლებელია... — ჩაიბუტბუტა მან.

— მესია კი არა, ის არ გინდა! — თქვა ერთ-ერთმა მამაკაცმა. — მესიას ჯვარზე ვინ გააკრავდა. ამ უდლეურებს ხომ იქვე ჩახოცავდა. ნეტავ თუ ესმის რას ნიშნავს მესია.

— როგორ არ მესმის, ჯვარიდან ჩამოვიდოდა და სულ ყველას ამონყვეტდა!

— მესია იყო და ჯვარზე გაგაკრან? სად გაგონილა!

ბარაბა კი ისევ იჯდა, წვერი მუჭაში ჩაებლუჯა და სოხანეს დაშტერებოდა.

— არა, მესია არ იყო...

— რას ბუტბუტებ, ბარაბა, ჯობია გადაჰკრა! — უთხრა მეზობელმა და ფერდში მუჯღუგუნი უთავაზა, უცნაური კია, რომ გაუბედა, არადა — უთავაზა. ბარაბამ თიხის ტოლჩა მორჩილად გამოცა-

ლა და დაბნეულად იქვე დადგა. ქალებმა მაშინვე შეუესეს და ისევ დააღვივინეს. ღვინომ, ალბათ, იმოქმედა, მაგრამ ბარაბას ფიქრები კვლავ სხვაგან დაჰქროდა და მეზობელმა ისევ იდაყვი გაჰკრა.

— აბა, ბარაბა, დალიე და გამოცოცხლდი! განა არ გიხარია, რომ მხიარულ ხალხთან ზიხარ, ნაცვლად იმისა, ჯვარზე ლპებოდე? მაინც ასე ჯობია, არა? აქ თავს კარგად გრძნობ, ხომ მართალია? აბა, დაფიქრდი, ბარაბა! შენ ხომ ტყავი გადაირჩინე, შენ ხომ ცოცხალი ხარ! ცოცხალი! გესმის, ბარაბა?

— ჰო, ჰო — ამბობდა იგი. — ჰო, რა თქმა უნდა...

ასე ნელ-ნელა შეუჩნდნენ, კაცმაც სოხანეს თვალი მოსწყვიტა და თითქოს ადამიანსაც უფრო დაემგვანა. ისხდნენ ასე, სვამდნენ, ყველაფერზე და არაფერზე ყბედობდნენ და ბარაბაც აღარ იყო ისეთი უცნაური.

მაგრამ უცებ, თითქოსდა უმიზეზოდ, განსაცვიფრებელი შეკითხვა გაისმა. ეს ბარაბამ იკითხა, დღეს რომ მზე ჩაქრა და ნყვდიადი ჩამონვა, იმაზე რას ფიქრობთო.

— ნყვდიადი? რა ნყვდიადი? — ყველა გაოცებული შეჰყურებდა. — განა ჩამობნელდა? როდის?

— ექვსი საათი თუ იქნებოდა...

— ჯანდაბა შენ თავს! ეს უკვე ნამეტანია! კი, მაგრამ სხვებსაც ხომ უნდა შეენიშნათ!

ბარაბა დაიბნა და ყველას სათითაოდ უნდობლად შეხედა. ისინი კი ისევ არწმუნებდნენ, არავითარი ნყვდიადი არ გვინახავს და სხვასაც მთელ იერუსალიმში არაფერი მაგის მსგავსი არ შეუმჩნევიანო. რა, მართლა ნყვდიადი მოგელანდა? შუადღის გულზე ჩამონვა? რა არაკებს გვიყვები? თუ მართლა მოგეჩვენა, მაშინ ჯურღმულში დიდხანს ჯდომისაგან თვალეები დაგბნელებია. ჰო, სწორედ ეგ არის. სქელუამ თქვა, ნაღდად იმის ბრალია, თვალეები რომ სინათლეს გადაეჩვივნენ, სინათლემ დაგაბრმავა. აბა რა არის გასაკვირველიო.

ბარაბამ ყველას ეჭვიანი მზერა მოავლო და, მგონი, გულზე მოეშვა. იგი ნელში გასწორდა, ტოლჩას მისწვდა, გადაჰკრა, ოღონდ ამჯერად ტოლჩა მაგიდაზე აღარ დაუდგამს, კიდევ დამისხითო, გაუშვირა. დიდხანს არ ალოდინეს, ყველამ ერთად განაგრძო სმა და ბარაბამაც, ეტყობა, ბოლოს და ბოლოს, ღვინო დაიგემოვნა. საერთოდ, იგი ტოლჩას ერთბაშად გადაჰკრავდა ხოლმე და მაშინვე გამოიბრუებოდა. არა. ამჯერად ქადაგად არ დავარდნილა, მაგრამ

ზოგი რამ ციხის შესახებ მაინც უამბო. კარგი დრო გაუტარებია, რალა! გახდებოდი უცნაური, აბა რა მოგივიდოდა. ხედავთ, გაათავისუფლეს, ჰა, როგორია? ამ ოხრებმა ოღონდ კლანჭებში მოგიგდონ, მერე თვითონ იციან. და უცებ ასე გაუმართლა! ჯერ ერთი მისი ჯერი დაემთხვა პასექს, როცა ვილაცას აუცილებლად ათავისუფლებენ, მეორეც, სწორედ ბარაბა გაათავისუფლეს! რა ბედნიერებაა! ახლა ყველას ეთანხმებოდა, ხოლო როცა ზურგზე ხელები მოუტყაპუნეს, ერთად წაესივნენ და სახეში ცხელი ოხშივარი შეასუნთქეს, თავადაც ახარხარდა და რიგრიგობით ყველასთან შესვა. ღვინო თავში აუვარდა, კაცი გალღვა, უფრო და უფრო გამხიარულდა, დასიცხულმა გულისპირი ჩაიხსნა, სოხანეზე დანვა და ყველასთან ერთად მოხერხებულად მოკალათდა. ეტყობა, თავს კარგად გრძნობდა. მეზობლის ქალს ხელიც კი მოუთათუნა და მიიზიდა. ქალი ახარხარდა, კისერზე ჩამოეკიდა, მაგრამ სქელუამ გვერდზე გაათრია და თქვა: როგორც იქნა, ჩვენი ცუნცულა თავის თავს დამსგავსა. იმ საზიზღერი ციხის შემდეგ გამოკეთდა და აზრზეც მოვიდა. ახლა რალაც სისულელეები, რალაც წყვილიანი აღარ მოელანდებო, ჰო-ჰო-ჰო, იფ-იფ-იფ — და ქალმა კაცი მიიზიდა, მთელი სახე დაულოშნა, მსხვილი თითები კისერზე შემოაჭდო, წითური წვერი აუნენა. ყველას უხაროდა, რომ კაცს გულზე მოეშვა, ისეთივე გახდა, როგორც ადრე იყო, როცა გამხიარულდებოდა ხოლმე. ყველა შესანიშნავ გუნებაზე დადგა. სვამდნენ, ბლადნენ, ერთმანეთს ყველაფერში უთანაგრძნობდნენ, გულით უხაროდათ ერთად რომ იყვნენ, ერთად თავს ასე კარგად რომ გრძნობდნენ. სიმთვრალისაგან უფრო და უფრო ხელდებოდნენ. მამაკაცებს ქალი და ღვინო თვეობით არ ეგემნათ და ახლა დანაკარგის ანაზღაურებას ცდილობდნენ — ხომ უნდა აღენიშნათ, რომ ბოლოს და ბოლოს იერუსალიმში ჩამოაღნიეს, ბარაბას გათავისუფლება ხომ უნდა აღენიშნათ! თორემ დრო აღარ ითმენდა, ისევე მთაში უნდა დაბრუნებულიყვნენ. მაგარი, მწკლარტე ღვინით იბანგებოდნენ და სქელუას გარდა ყველა ქალს ეტორლიალებოდნენ, ფარდის მიღმა რიგრიგობით მიათრევდნენ და იქიდან განითლებულები, აქოშინებულები მხოლოდ იმისთვის გამოდიოდნენ, რომ კვლავ ესვათ და ებლავლათ. ასეთი წესი ჰქონდათ — ყველაფერს საფუძვლიანად აკეთებდნენ.

დაბინდებამდე იმხიარულეს. შემდეგ ორივე მამაკაცი წამოდგა, დროა გუდა-ნაბადი ავიკრათო, განაცხადეს, ყველას გამოემშვი-

დობნენ, თხის ტყავეები ნამოისხეს, ტყავექვეშ იარალი დამალეს და ღამეულ ქუჩაში გასხლტნენ. მთვრალი, დაოსებული დედაკაცები მაშინვე ფარდის მიღმა მიწვნენ და სამივემ ღრმა ძილს მისცა თავი. ბარაბა და სქელუა მარტონი დარჩნენ და ჩვენი სიამტკობილობის დრო ხომ არ დადგა, ამდენი საშინელების გადატანის შემდეგ ეს ხომ არ გინდაო, შეეკითხა ქალი, მთელი შიგანი მენვის, როცა შენზე ვფიქრობ, შე საცოდავო, ციხეში რა გადაიტანე, ჯვარზეც კინალამ გაგაკრესო. ქალმა იგი სახურავზე საზაფხულოდ დადგმულ პალმის რტოების ქოხში აიყვანა. აი, იქ დანვნენ და ქალმა ბარაბას მიუალერსა. კაციც მალე გახელდა და ქალის დიდ, მსუქან სხეულს თითქოს სამარადისოდ ჩაენება. შუალამე ისე გადავიდა, არ კი გაუგიათ.

ბოლოს და ბოლოს, ორივე დაოსდა. ქალი გვერდზე გადაბრუნდა და მაშინვე ჩაიძინა. გაოფლილი კაცი ძილგამფრთხალი იწვა და ქოხის ფოთლებიან ჭერს შესცქეროდა. ისევ შუალა ჯვარზე გაკრულ კაცსა და თხემის ადგილას მომხდარ ამბავზე ფიქრობდა. შემდეგ წყვილი გაახსენდა. იყო თუ არ იყო? ნუთუ მართლა მოეჩვენა? იქნებ, მხოლოდ გოლგოთაზე ჩამობნელდა, ქალაქში კი არაფერი შეუმჩნევიათ? იქ კი ნამდვილად ჩამობნელდა, ჯარიკაცებიც დაფრთხნენ და საერთოდ... თუ ესეც მოეჩვენა? იქნებ, ყველაფერი მოეჩვენა? არა, არაფერი შველის, მაინც გაუგებარია:

და მისი ფიქრი კვლავ ჯვარზე გაკრულ კაცს მიუბრუნდა. თვალგახელილი იწვა, ვერ იძინებდა, გვერდით კი ქალის სავსე სხეულს გრძნობდა. ქოხის ხმელ ფოთლებს შორის ზეცა მოჩანდა — ალბათ, ზეცა იყო, თუმცა არც ერთი ვარსკვლავი არ ანათებდა. არსად, არც ერთი ვარსკვლავი არ ანათებდა. ყველგან მხოლოდ წყვილიადაი მეფობდა.

ჰო, ახლა გოლგოთაზედაც და სხვაგანაც წყვილიადაი მეფობდა.

* * *

მეორე დღეს ბარაბა ქალაქში დაეხეტებოდა და უამრავ ნაცნობს გადაეყარა, ზოგს — მეგობარს, ზოგს — მტერს, მაგრამ მისი დანახვა ყველას ერთნაირად უკვირდა. ზოგიერთმა კი ისე შეცბუნებით შეხედა, თითქოს მოჩვენებას ხედავსო. ბარაბა შერჩვიფდა. ნუთუ

არ იცოდნენ, რომ გაათავისუფლეს? ბოლოს და ბოლოს, ხომ უნდა შეეგნოთ, როდის მიხვდებიან, რომ ჯვარზე სხვა გააკრეს!

მზემ დააჭირა და გასაოცარი იყო, როგორ გაუჭირდა კაცის თვალებს ამ ჩახჩახა შუქის დანახვა. იქნებ, იმ ჯურღმულში თვალები მართლაც დაუსწულდა? ბარაბამ ჩრდილში გასვლა გადწყვიტა, ტაძრისაკენ გაემართა, კარიბჭის თალი გაიარა, შევიდა, თვალების დასასვენებლად ბინდში ჩამოჯდა და მაშინვე შვევით ამოისუნთქა.

რამდენიმე კაცი უკვე იჯდა ტაძარში; ისინი კედელთან მიყუყუ-ლიყვნენ. ჩუმად საუბრობდნენ. ბარაბას გამოჩენა, მგონი არ ესმო-ნებოდა, თვალი აღმაცერად შეავლეს და ხმა დაიდაბლეს. ბარაბას მხოლოდ ცალკეული სიტყვები ესმოდა, მაგრამ აზრი ვერ გამოჰქონ-და და არც ცდილობდა გამოეტანა. მათი საიდუმლო სულაც არ აინ-ტერესებდა. ერთ-ერთი მათგანი დაახლოებით ბარაბას ხნის იქნე-ბოდა, ისიც ნითურნვერიანი იყო. ნითური, გრძელი, განენილი თმა ნვერში ერეოდა. ცისფერი თვალები რალაც უცნაურად, ბავშვურად იმზირებოდნენ, სახე კი ფართო, ხორცსავსე ჰქონდა. მაღალ, ბრვე ყმანვილს საერთოდ ყველაფერი დიდი ჰქონდა, ხელებისა და ჩაც-მულობის მიხედვით ხელოსანი უნდა ყოფილიყო. ბარაბას სულ არ ენაღვლებოდა, ეს კაცი ვინ იყო ან როგორ გამოიყურებოდა, მაგრამ მისი შეუმჩნეველობა შეუძლებელი იყო, თუმცა განსაკუთრებული არაფერი გააჩნდა, თუ ცხადია, ცისფერ თვალებს არ ჩავთვლით.

მაღალი რალაცას დარდობდა, ეტყობა, დანარჩენებიც ნაღვ-ლობდნენ. მგონი, მიცვალებულზე საუბრობდნენ, ჰო, მგონი, მიცვალებული ახსენეს. თუმცა მამაკაცები იყვნენ, დროდადრო მძიმედაც ოხრავდნენ. თუ ბარაბამ სწორად გაიგო, თუ მართლა მიცვალებულს ახსენებდნენ, ხომ შეიძლებოდა ეს ოხვრა-გოდება ქალებისათვის, მოტირლებისათვის გადაელოცათ?

უცებ ბარაბამ გაიგონა, რომ ის მიცვალებული, მათი მიცვალე-ბული, ჯვარზე გააკრეს, ჯვარზე გუშინ გააკრეს. გუშინ?

ყურები დაცქვიტა, მაგრამ კედელთან მსხდომებმა ხმას უფრო დაუწიეს და ბარაბამ ველარაფერი გაიგონა.

ვისზე საუბრობდნენ?

ამ დროს ქუჩაში ხალხმა ჩაიარა და სიტყვაც აღარ ისმოდა, მა-გრამ, როგორც კი სიჩუმე ჩამონვა, ბარაბამ მათი ჩურჩული ისევ გაიგონა და მიხვდა, რომ ასე იყო, რომ სწორედ მის შესახებ საუ-ბრობდნენ, მის შესახებ, ვინც...

უცნაურია... ამ ნუთში ბარაბაც ხომ მასზე ფიქრობდა. სასახლის წინ რომაა, იმ თაღში გაიარა და გაახსენდა. შემდეგ ჩაუარა იმ ადგილს, სადაც მას ჯვარი დაუვარდა და ცხადია, ისევ გაახსენდა.

აი, ესენიც სხედან და იხსენებენ... უცნაურია! ამათ რაღა ესაქმებათ? ან ასე დაუსრულებლად რას ჩურჩულებენ? დროდადრო მხოლოდ მაღალი, წითური გოლიათი ნამოიძახებდა რაღაცას ხმაშემაღლა. ამის გაგონებლა შეიძლებოდა. წითური ნამეტანი ზორბა იყო და ეტყობა, ჩურჩულისათვის არ იყო გაჩენილი.

შემთხვევით... შემთხვევით წყვილადზე ხომ არ ლაპარაკობდნენ? მისი სიკვდილის ჟამს წყვილადი რომ ჩამონვა, იმაზე ხომ არ ლაპარაკობდნენ?

გაფაციცებით უსმენდა, ისე გაფაციცებით, რომ მათ, ეტყობა, შენიშნეს. უცებ ჩაჩუმდნენ, ხმას აღარ იღებდნენ, ისხდნენ და აღმაცურად გამოსცქეროდნენ. შემდეგ ცოტა კიდევ იჩურჩულეს — აღარაფერი გაუგონია — მაღალს დაემშვიდობნენ და წავიდნენ. ისინი ოთხნი იყვნენ და ბარაბას არც ერთი მათგანი არ მოენონა.

ბარაბა და მაღალი მარტო დარჩნენ. წითურთან საუბარი დააპირა, მაგრამ რითი დაეწყო, არ იცოდა. წითური კი იჯდა, დროდადრო დიდ თავს აკანტურებდა და პირი ეღრიცებოდა. როგორც მდაბიოს შეეფერება, დარდის დამალვას არც კი ცდილობდა. ბოლოს და ბოლოს, ბარაბამ პირდაპირ ჰკითხა რა განუხებსო. წითური გაოცდა ბარაბას მრგვალი, ცისფერი თვალებით შეხედა და არაფერი უპასუხა. ორიოდე ნუთი უცნობი დანდობილად ათვალეირა, შემდეგ იერუსალიმელი ხომ არა ხარო, ჰკითხა. არა, აქაური არა ვარო. კილო რომ აქაური გაქვსო? ჩემი სამშობლო აქვეა, მთებში აღმოსავლეთითააო უპასუხა ბარაბამ. მაღალი თითქოს დაწყნარდა. იერუსალიმელების არაფერი მწამს, იოტისოდენაც არ ვენდობი, თითქმის ყველა ყაჩაღი და ბოროტიაო, პირდაპირ უთხრა. ბარაბამ ჩაიციინა და მაღალს სულითა და გულით დაეთანხმა. თავად სადაურია? თავად? ო, მისი სამშობლო შორსაა, და ბავშვურმა თვალებმა სცადა გამოეხატა ეს სიმორე. გულუბრყვილოდ გაენდო ბარაბას, როგორ უნდოდა, იერუსალიმში კი არა, იქ ყოფილიყო. უფრო მეტად ქვეყანაზე არსად უნდოდა ყოფნა. ოღონდ ეეჭვება მშობლიური ადგილები კვლავ მოიხილოს, იქ იცხოვროს და მოკვდეს, როგორც ოდესღაც ფიქრობდა. ბარაბა გაოცდა. რატომ? ხელს რა უშლის? ყველა ხომ თავისი თავის პატრონია.

— ო, არა, — უპასუხა მაღალმა. ღრმად ჩაფიქრდა და დასძინა.
— არ არის, არა.

აქრალად დარჩიო? — შეკითხვისაგან თავი ველარ შეიკავა ბარაბამ. მაღალმა უცებ არ უპასუხა, შემდეგ კი უხალისოდ თქვა, მოძღვრის გამო დავრჩიო.

— მოძღვრის?

ჰო, ნუთუ მოძღვრის შესახებ არაფერი სმენია?

არა.

— არა? გუშინ გოლგოთაზე ჯვარს რომ აცვეს იმ კაცზე არაფერი გსმენია?

— ჯვარს აცვეს? არა, არ მსმენია. ჯვარზე რად გააკრეს?

— იმიტომ, რომ ასე ეწერა.

— ასე ეწერა? ჯვარს უნდა ეცვათ?

— ჰო, წმინდა წერილში ასე წერია. მოძღვარმა თავადაც იწინასწარმეტყველა.

— თავად იწინასწარმეტყველა? წმინდა წერილში ასე წერია? — ბარაბამ წმინდა წერილი ცუდად იცოდა და ასეთი არაფერი გაეგონა.

— არც მე ვიცოდი, მაგრამ ასე წერია.

ბარაბამ მაშინვე დაიჯერა. და მაინც რატომ, რისთვის გააკრეს ჯვარზე მოძღვარი? უცნაურია.

— ჰო... მეც ასე მგონია. არ მესმის სიკვდილი რისთვის დასჭირდა. თანაც ასეთი საზარელი სიკვდილი. მაგრამ ასე ეწერა. თავადაც იწინასწარმეტყველა. მოსახდენი უნდა მომხდარიყო და მოხდა კიდევ. რამდენჯერ უთქვამს, — აქ მაღალმა უშველებელი თავი ჩაჰკიდა, — რამდენჯერ უთქვამს, თქვენ ნაცვლად ვენამები და მოვკვდებით.

ბარაბამ შეხედა.

— თქვენ ნაცვლად მოვკვდებით?

— ჰო, ჩვენ ნაცვლად! უდანაშაულოდ ვენამები და თქვენ ნაცვლად მოვკვდებით. დამნაშავეები ხომ ცხადია, ის კი არა, ჩვენა ვართ. ბარაბა იჯდა, ქუჩას გაჰყურებდა და აღარაფერს ეკითხებოდა.

— ახლა უფრო იოლად მესმის ის, რასაც ხანდახან ამბობდა, — თავისთვის ჩაილაპარაკა მაღალმა.

— კარგად იცნობდი? — შეეკითხა ბარაბა.

— კარგად. რა თქმა უნდა, კარგად. იმთავითვე მასთან ვიყავი, ჯერ კიდევ მაშინ, იქ, ჩვენთან, დასაბამიდან.

— მაშ შენი მხრიდანაა ნამოსული?

— შემდეგ კი ყველგან მივყვებოდი, სადაც არ უნდა წასულიყო.

— რატომ?

— რატომ? მეკითხება კიდევ. ზედავე გეტყობა, რომ მოძღვარს არ იცნობდი.

— რაზე მეტყობა?

— გაიგე, მას ძალა ჰქონდა, შეუცნობელი ძალა. ერთხელ გეტყოდა, გამომყევი! და გაჰყვებოდი. სხვა გზა არ გრჩებოდა. აი ასეთი ძალა ჰქონდა. მოძღვარი რომ გცნობოდა, უკითხავად შენც გაჰყვებოდი.

ბარაბა გაჩუმდა, შემდეგ თქვა:

— ჰო, ალბათ, არაჩვეულებრივი ადამიანი იყო, თუ ყველაფერი, რასაც შენ ამბობ, მართალია. მაგრამ თუკი ჯვარს აცვეს, არც ისე ძალა ჰქონია.

— ო, არა, არა! თავდაპირველად მეც ასე ვიფიქრე — ყველაზე საშინელიც სწორედ ესაა. გულში ერთი ნუთითაც როგორ გავივლე! ახლა კი, მგონია, მიუხედი ასეთი სამარცხვინო სიკვდილი რისთვის დასჭირდა. ახლა კარგად დავფიქრდი და ისეთ ხალხსაც ვესაუბრე, წმინდა წერილი ჩემზე უკეთ რომ იციან. გესმის, თურმე მას, უდანაშაულოს, ამის ატანა და ჯოჯოხეთში მოხვედრაც მოყვასისთვის სჭირდებოდა. ის კიდევ დაბრუნდება და თავის ძალასაც დაგვანახებს. მკვდრეთით აღსდგება! ჩვენ ეჭვიც არ გვეპარება, რომ მკვდრეთით აღსდგება!

— მკვდრეთით აღსდგება? ეს რა ბოძვაა?

— ეს ბოძვა არ არის! უეჭველად აღსდგება. ზოგიერთები ფიქრობენ, ხვალ დილით აღსდგებო, რადგან ეს მესამე დღეს უნდა მოხდეს, თითქოს ამბობდა, ჯოჯოხეთში სამ დღეს დავრჩებიო, თუმცა ეს თავად არ მომისმენია, მაგრამ ასე ამბობდა. ხვალ, გათენებისას...

ბარაბამ მხრები აიჩეჩა.

— არ გჯერა?

— არა.

— არ გჯერა... რა დაგაჯერებს... შენ ხომ არ იცნობდი. ჩვენ შორის კი ბევრს სჯერა და მართლაც, თავად რატომ არ უნდა აღსდგეს, თუკი სხვების მკვდრეთით აღდგენა შეეძლო?

— მკვდრეთით აღდგენა შეეძლო? შეუძლებელია.

— შეეძლო! ჩემი თვალთ მინახავს.

— ნუთუ მართალია?

— სრული ჭეშმარიტებაა. მკვდრეთით აღადგინა. ასე რომ, ძალა აქვს. ძალა ყველასთვის ეყოფა, ოღონდ სურვილი ჰქონდეს, ოღონდ მოინდომოს, თავის თავისთვისაც მოინდომოს, აქამდე ასე არ იქცეოდა. ასეთი ძალის პატრონმა თავი ჯვარზე რად გააკვრევინა?.. ჰო, ვიცი, ვიცი... ოღონდ ამის გაგება იოლი როდია. მე, ძმაო, ერთი უბირი კაცი ვარ და ამის გაგება ჩემთვის იოლი არაა.

— შენც, კაცმა რომ თქვას, თითქოს არ გჯერა, რომ მკვდრეთით აღსდგება.

— არა, არა, მჯერა. ცხადია, მართალს ამბობენ. მოძღვარი დაბრუნდება და თავის ძალასა და ბრწყინვალეობას წარმოაჩენს. ამაში ეჭვიც კი არ მეპარება. იმათ ხომ წმინდა წერილი უკეთ იციან. მაშინ დიადი ჟამი დადგება. ისინი ხომ იმასაც ამბობენ, ახალი, ბედნიერი ხანა დაიწყება და ძე კაცი თავის მეუფებას დაამკვიდრებსო.

— ძე კაცისა?

— ჰო, თავის თავს ასე უწოდებდა.

— ძე კაცისა?..

— ჰო, ასე ამბობდა, თუმცა ზოგიერთები ფიქრობენ... არა, ვერ გეტყვი. ბარაბა ახლოს მიუჩოჩდა.

— რას ფიქრობენ?

— ისინი... ისინი ფიქრობენ, რომ თავად უფლის ძე იყო!

— უფლის ძე იყო?

— ჰო, მაგრამ, იქნებ, ტყუილიცაა. გაოგნდები, აბა, რა მოგივა. სჯობს ისეთივე დაბრუნდეს, როგორიც წავიდა.

ბარაბა გაგიჟდა.

— რას არ ყბედობენ! — წამოიყვირა. — უფლის ძეო! უფლის ძეა და ჯვარს აცვეს! შენ რა, არ გესმის, რომ ეს შეუძლებელია!

— მე ხომ გითხარი, შეიძლება ტყუილიცაა-მეთქი. თუ გინდა კიდევ გაგიმეორებ.

— რომელი გიჟი დაიჯერებს ამას? — განაგრძო ბარაბამ და ნაჭრილობევი თვალის ქვემოთ ისე გაულურჯდა, როგორც გამწარებისას ულურჯდებოდა ხოლმე.

— უფლის ძეო! სადაური უფლის ძეა. გეგონა, აგრეთვე დაეშვებოდა მინაზე? ეგრევე შენს მშობლიურ მხარეში იხეტიალებდა და იქადაგებდა!

— არა... რატომ? სწორედ, რომ შესაძლოა, ასე მომხდარიყო. ვითომ ჩვენს მხარეში არ მოვიდოდა? ჩვენი მხარე, ცხადია, მივარდნილია. მაგრამ საიდანღაც ხომ უნდა დაეწყოს. — და მაღალმა ისე მიაშიტად გამოხედა, ბარაბას ნაღდად გაეცინებოდა, ასე აღელვებული რომ არ ყოფილიყო. იგი კანკალებდა და მხრებზე თხის ტყავს ისწორებდა. თუმცა ტყაპუჭი ჩამოცურებას სულაც არ აპირებდა.

— კი მაგრამ, მისი სიკვდილის შემდეგ სასწაულები რომ მოხდა, იმაზე რაღას იტყვი? — შეეკითხა მაღალი. — ამაზე თუ იფიქრე?

— რა სასწაულები?

— შენ რა, არ იცი, რომ მისი სიკვდილის უამს წყვედიადი ჩამონვა?

ბარაბამ გვერდზე გაიხედა და თვალეები მოიფშენიჭა.

— რომ მინა იძრა და გოლგოთაც ქვევიდან ზევით, სწორედ იმ ადგილას გასკდა, სადაც ჯვარი იდგა?

— მსგავსი არაფერი მომხდარა! თავად გამოიგონეთ! საიდან იცი, რომ გასკდა? შენ რა, იქ იყავი?

უცებ მაღალს ფერი ეცვალა. ბარაბას დაეჭვებით შეხედა და მაშინვე თვალი აარიდა.

— არა, არა, მე არაფერი ვიცი. არაფრის დამტკიცება არ შემიძლია, — წაიბუტბუტა, კიდევ დიდხანს დუმდა და მძიმედ ოხრავდა.

ბოლოს ბარაბას მხარზე ხელი დაადგო და როგორღაც ამოთქვა:

— იცი... მოძღვარს გვერდით არ ვუდექი, როცა იტანჯებოდა და კვდებოდა. მე გავიქეცი. მივატოვე და გავიქეცი. მანამდე კი განვუდექი კიდევ. ეს ყველაზე საზარელია. განვუდექი, განვუდექი. როგორ მაპატიებს, თუკი დაბრუნდება! რას ვეტყვი, რას ვუპასუხებ, როცა შემეკითხება? — მან ფართო, წვერიანი სახე ხელისგულებში ჩამალა და გადაქანდ-გადმოქანდა. — ეს რა ჩავიდინე! ადამიანმა ასეთი რამ როგორ უნდა ჩავიდინოს! — და როცა ბარაბას ისევ შეხედა, ცისფერ თვალეებში ცრემლი ედგა. — რა განუხებსო, მეკითხებოდით. ახლა ხომ მიხვდით. ახლა ხომ იცი, რა კაციცა ვარ. უფალმა ჩემმა და მოძღვარმა კი შენზე უკეთ იცის. მე უბედურს რა მეშველება? როგორ ფიქრობ, მომიტევენ ამათ მოძღვარი?

ბარაბამ უთხრა, ალბათ მოგიტევენსო, თუმცა მაღალის ნაამბობს მაინცდამაინც არ შეუნუხებია, სხვათა შორის უპასუხა, ისე სიტყვის მასალად. რატომღაც მოსწონდა ეს კაცი, რომელიც თავის თავს ადანაშაულებდა, თითქოს ბოროტმოქმედი იყო, თუმცა,

საერთოდ, ცუდი არაფერი ჩაუდენია. მანამდე რა, ვინმე არავის მოუტყუებია? დიდი ამბავი!

მალალმა ხელზე დასტაცა ხელი და მაგრად მოუჭირა.

— ასე გგონია, მართლა ასე გგონია? — ხმაჩახრენილი იმეორებდა.

სწორედ ამ დროს მოედანზე რამდენიმე კაცმა ჩაიარა. როცა ნითური დაინახეს და შენიშნეს, თუ ვისთან იჯდა და საუბრობდა, გაშეშდნენ, თითქოს თვალებს არ დაუჯერეს. მაშინვე მალალთან მიცვივდნენ და თუმცა მათ საქციელში ისეთი მონივნება იგრძნობოდა, რაც ნითურის უბადრუკ სამოსელს სულაც არ შეეფერებოდა, მაინც დაუყვირეს:

— იცი, ეს კაცი ვინ არის?

— არა, — პატიოსნად აღიარა მალალმა. — არ ვიცნობ, მაგრამ სიკეთით სავსე სული აქვს და მშვენივრად ვისაუბრეთ.

— მაშ არ იცი, რომ მოძღვარი ამის ნაცვლად გააკრეს ჯვარზე?

მალალმა ბარაბას ხელი გაუშვა, ირგვლივ ყველას რიგრიგობით შეხედა და ძრწოლა ველარ დამალა. დანარჩენებს ზედ ეტყობოდათ, რასაც ფიქრობდნენ და მძიმედ, ბრაზიანად სუნთქავდნენ.

ბარაბა ნამოდგა და ისე შებრუნდა, რომ მისი სახე მეტად ველარავის დაენახა.

— განვედ ჩვენგან, უნმინდურო, — დაუყვირეს მას.

ბარაბამ თხის ტყავი შემოიხვია, ქუჩას მარტო დაუყვა და უკან აღარ მოუხედავს.

კურდღლისტუჩას არ ეძინა. იწვა, ვარსკვლავებს შესცქეროდა და იმაზე ფიქრობდა, რაც მალე უნდა მომხდარიყო. არა, დაძინება არ შეიძლება, მთელი ღამე უნდა იფხიზლოს.

ქალი იწვა თივაზე, რომელიც სანაგვე კარიბჭესთან ორმოში აკრიფა. ირგვლივ კი კვნესოდნენ, ძილში ბორგავდნენ ავადმყოფები და უღარუნებდა ეუფენები კეთროვანისა, სიარულით რომ ცდილობდა ტკივილის გაყუჩებას. ნაგვის გროვები მთელ ხეობას სიმყრალით ავსებდა, სუნთქვა ჭირდა, მაგრამ ქალი მიჩვეული იყო, ამ სუნს ველარც გრძნობდა. აქ ამ სიმყრალეს ველარავინ გრძნობდა.

ხვალ განთიადისას... ხვალ განთიადისას...

უცნაური კია — მალე ყველა სახიჩარი განიკურნება და ყველა დამშეული დანაყრდება. რა ძნელი დასაჯერებელია. მაინც როგორ

მოხდება? ზეცა განიხვება, ანგელოსნი დაეშვებიან და ყველას დააპურებენ, თუნდაც მხოლოდ ლატაკებს, მდიდრებმა ისევ შინ მიირთვან, აი, ჭეშმარიტად დამშეულებს კი ანგელოსები მაშინვე დააპურებენ, აქვე, სანაგვე კარიბჭესთან, სუფრებს, წმინდა ტილოს ქათქათა სუფრებს, პირდაპირ მინაზე გაშლიან და ყოველგვარი კერძით აავსებენ, ყველას შეეძლება წამოწვეს და რამდენიც უნდა, იმდენი მიირთვას. საერთოდ, ამის წარმოდგენა მაინცდამაინც რთული არ არის, უბრალოდ უნდა გახსოვდეს, რომ ყველაფერი შეიცვლება, გარდაიქმნება, გადასხვაგვარდება... იქნებ, თავადაც ახალი კაბით გამოენყოს. ვინ იცის, იქნებ, თეთრი კაბა ანდა ლურჯი ქვედატანი ჩაიცვას? ყველაფერი ხომ შეიცვლება, როცა უფლის ძე, მკვდრებით აღსდგება და ახალი საუკუნე დადგება.

ქალი იწვა და ფიქრობდა ნეტავ ეს ყველაფერი როგორ მოხდებო.

ხვალ... ხვალ განთიადისას... კარგია, რომ წინასწარ უთხრეს.

კეთროვანის ეყენებმა სულ ახლოს გაიყლარუნა. ქალს ხმა ეცნაურა. ეს კეთროვანი ღამლამობით ყოველთვის მოდიოდა, თუმცა კეთროვანებს თავიანთი დაბლობიდან გამოსვლა ეკრძალებოდათ, ეს მაინც ბედავდა. ეტყობა, ადამიანებთან ახლოს ყოფნა უნდოდა. ერთხელ თავადაც ასე თქვა. ქალი ხედავდა, ვარსკვლავების შუქში, რა ფრთხილად დაბოდილობდა კეთროვანი მძინარეთა შორის.

მიცვალებულთა საუფლო... მაინც როგორია?.. ამბობენ, ის ახლა მიცვალებულთა საუფლოში დადისო... მაინც როგორ გამოიყურება?.. არა, ამის წარმოდგენა ქალს არ შეეძლო.

ბრმა მოხუცმა ძილში დაიკენესა. ცოტა მოშორებით ღონემიხდილი ყმანვილი გაშოტილიყო და იხუთებოდა, მისი ხროტინი ყოველლამე ისმოდა. სულ ახლოს გალილეველი ქალი იწვა, მას ხელი ეკრუნჩხებოდა, რადგან სხეულში უცხო სული ჩასახლებოდა. ირგვლივ იწვნენ ავადმყოფები, რომელთაც სწამდათ, რომ წყლის ნაკადით განიკურნებოდნენ და ლატაკები, რომლებიც აქ, სანაგვეზე წარჩენებით იკვებებოდნენ. ხვალ აქ აღარავინ დარჩება. ახლა ისინი იწვნენ და ძილში ბორგავდნენ, მაგრამ ქალს უკვე აღარავინ ეცოდებოდა.

ანგელოზი, ალბათ, სულს შეუბერავს წყალს და ისიც მაშინვე განიწმინდება? და ყველა, ვინც კი ამ წყალში შევა, მაშინვე განიკურნება? თვით კეთროვანებიც კი განიკურნებიან? ნუთუ წყალში

მათაც შეუშვებენ? თუ გამოყრიან? ვინ იცის... არავინ არაფერი იცის...

იქნებ, წყლის ნაკადი არც განინმინდოს, იქნებ ეს არც იყოს მთავარი. იქნებ, ანგელოზებმა გეთინომიის მთელ ხეობას, მთელ დედამიწას გადაუფრინონ და ყველა ავადმყოფობა, დარდი თუ უბედურება ფრთებით ახვეტონ! იქნებ, ასეც მოხდეს!

შემდეგ ქალმა გაიხსენა, როგორ იხილა ძე უფლისა. რა ალერსიანი იყო! ასე თბილად მას ჯერ არავინ მოქცევია. ქალს შეეძლო უფლისათვის ეთხოვა, ამ სიმახინჯისაგან მიხსენიო, მაგრამ არ ისურვა. მოძღვრისათვის ეს ძალიან იოლი იყო, მაგრამ ქალმა არ ინდომა თხოვნა. მოძღვარი იმათ ეხმარებოდა, ვისაც მართლა უჭირდა, დიდ საქმეთათვის იყო მოვლენილი. ქალს კი არ სურდა წვრილმანებით მისთვის თავი შეეწყინა.

უცნაური რამ უთხრა, ძალიან უცნაური, როცა ქალი მტვერში, მის წინ მუხლებზე დაეცა, ის კი მოტრიალდა და მიუახლოვდა.

— ჩემგან შენც სასანაულს ელოდები? — ჰკითხა.

— არა, უფალო, არ ველოდები. მხოლოდ გიცქეროდი, გზას როგორ მიუყვებოდი.

შემდეგ მოძღვარმა შემოხედა, ნაზად, სევდიანად შემოხედა. ლოყაზე ხელი მოუთათუნა, ტუჩზეც შეეხო, ტუჩი კი ზუსტად ისეთივე დარჩა. ბოლოს უთხრა:

— შენ ჩემ ყოფნას დაადასტურებ.

უცნაური სიტყვებია. ნეტავ რას ნიშნავს? „ჩემ ყოფნას დაადასტურებ“. მე დავადასტურებ? გაუგებარია. როგორ დავადასტურებ.

მოძღვარმა ქალის ნათქვამი უმალო გაიგო. სხვებს კი არა ჰგავდა. მაშინვე მიხვდა. თუმცა რა არის გასაოცარი, უფლის ძეც ხომ ამიტომ იყო.

კიდევ ბევრი მსგავსი აზრი უტრიალებდა თავში. იხსენებდა მოძღვრის მზერას, მისი ხელების სურნელს, როცა ტუჩებზე შეეხო ქალის ფართოდ გახელილ თვალებში ვარსკვლავები ირეკლებოდნენ, ის გაოცებული იყო, სანამ შესცქეროდა, უფრო და უფრო ემატიებოდა ვარსკვლავები. რაც შინიდან ნამოვიდა იმდენი ვარსკვლავი ნახა... საინტერესოა, რა არის ვარსკვლავი? ვინ იცის. ცხადია, ისიც ღმერთმა შექმნა, მაგრამ რა არის, არავინ უწყის... აქ, უდაბნოში ბევრი ვარსკვლავია... მთაშიც ბევრი იყო... მთაში, გალგალთან... ოღონდ იმ ღამეს არ იყო, არა, იმ ღამეს არ ყოფილა...

ქალმა ორ ფიჭვს შორის მოქცეული სახლი გაიხსენა... დედა კარში იდგა და შესცქეროდა, სანამ შეჩვენებული კურდღლისტურჩა მთიდან ეშვებოდა... ჰო, იძულებულნი იყვნენ გაეგდოთ, რათა ამის შემდეგ ისე ეცხოვრა, როგორც მხეცები ცხოვრობენ ბუნაგებში. ქალი ფიქრობდა, თუ რა მწვანე იყო მდელიო გაზაფხულზე, დედა კი ამ დროს კართან, სიბნელეში, გვერდულად იდგა, რათა შემჩვენებელს არ დაენახა...

მაგრამ ახლა ამას აღარ აქვს მნიშვნელობა. ახლა მნიშვნელობა აღარაფერს აქვს.

უსინათლო ნამოჯდა და ყურები დაცქვიტა, გაღვიძებოდა და კეთროვანის ეჟვანების ჟღარუნი გაიგონა.

— აბა, გასწი აქედან, — დაიყვირა მან და სიბნელეს მუშტი მოულერა. — ნაეთრიე! ხედავ, რა შემოგვეჩვია?

ეჟვანების ჟღარუნი სიბნელეში ჩაიკარგა. მოხუცი კვლავ ნამონვა და თვალის ცარიელი უბეები ხელით დაიფარა.

მკვდარი ბავშვები — ნეტავ ისინიც თუ ხვდებიან მიცვალებულთა საუფლოში? ვინც ისე მოკვდა, დედის საშოდან არც კი დაძრულა, ისიც იქ ხვდება? შეუძლებელია... ნუთუ ენამებიან? ისინი რილასთვის? თუმცა დაზუსტებით ვინ იცის... დაბეჯითებით არავინ იცის.

„შეჩვენდეს ნაყოფი მუცლისა შენისა...“

მაგრამ, როცა ახალი საუკუნე დადგება, განა ყველა შეჩვენება თავის თავად არ გაბათილდება? იქნებ, ასეც მოხდეს, ვინ იცის?

„შეჩვენდეს... ნაყოფი... მუცლისა შენისა...“

ქალს შემცივნულივით შეაძაგდა. მალე მაინც გათენდებოდა! როდის დადგება აისი! რა ხანია, აქ წევს, ღამე კი არა და არ გაილია! ჰო, ვარსკვლავები უკვე სხვაგვარად კიაფობენ და ნამგალა მთვარეც კარგა ხანია მთას ამოეფარა. სამგზის იხილა ჩირალდნები ქალაქის კედელზე. ესე იგი ბოლო გუშაგებიც გამოიცივალნენ. ჰო, გაილია ღამე... უკანასკნელი ღამე...

აი, ზეთისხილის მთაზე ცის კრის ვარსკვლავი ამობრწყინდა! მაშინვე იცნობ, ისე დიდი და კაშკაშაა, სხვებზე გაცილებით კაშკაშა, ასე ბრწყინვალე კი ჯერ არ ყოფილა. ჩავარდნილ მკერდზე ხელებდაკრეფილი ქალი ვარსკვლავს გაბრწყინებული თვალებით შესცქეროდა.

შემდეგ ნამოხტა და ბინდში გაიქცა.

გზის მეორე მხარეს, სამარის პირდაპირ, ბუჩქის უკან კაცი მოკუნტული იწვა. გათენდება თუ არა, ყველაფერს დაინახავს, აქედან კარგად მოჩანს, მალე მაინც ამოვიდოდეს მზე!

ცხადია, მიცვალებული მკვდრეთით ვერ აღსდგება, ეს ხომ ისედაც იცოდა, მაგრამ სურდა ყველაფერი თავისი თვალით ეხილა, დარწმუნებულიყო. ამიტომაც წამოხტა ალიონზე, კარგა ხნით ადრე, სანამ აისი აინთებოდა და ამ ბუჩქის უკან ჩანდა. თუმცა თავისი საქციელი თავადვე აოცებდა. აქ რისთვის მოვიდა? ბოლოს და ბოლოს, მისთვის ხომ სულ ერთია? რა მისი საქმეა?

ეგონა, სასწაულის სანახავად უამრავი ხალხი მოიყრის თავსო. ამიტომაც დაიმალა, არ უნდოდა, რომ ვინმეს დაენახა. მაგრამ, როგორც ჩანს, მის გარდა არავინ მოსულა. უცნაურია.

თუმცა არა — სულ ახლოს, ზედ შუა გზაზე, ვიღაცას მუხლი მოეყარა. ვინ არის? როგორ მოხდა, რომ მისი ნაბიჯების ხმა ვერ გაიგონა? მგონი, ქალია. მისი ნაცრისფერი სილუეტი გზის ნაცრისფერ მტვერში ითქვიფებოდა.

უკვე თენდებოდა და მალე პირველი სხივიც დაეცა კლდეს, სადაც სამარე იყო გამოკვეთილი. ყოველივე ისე სწრაფად მოხდა, რომ ბარაბამ თვალი ვერ მიადევნა. არადა, მზერად აქ უნდა ქცეულიყო. სამარე ცარიელი აღმოჩნდა! კართან ლოდი გადაეგორებინათ და კლდეში სამარე ცარიელი იყო!

თავდაპირველად ბარაბა გაოგნდა. იწვა და შესქეროდა სამარეს, სადაც — თავადაც იხილა, ჯვარცმული როგორ შეასვენეს, შესცქეროდა იმ ლოდსაც, რითაც მის თვალწინ შესასვლელი დამანეს. შემდეგ ყველაფერს მიხვდა. განსაკუთრებული არაფერი მომხდარა. ლოდი გაცილებით ადრე გადააგორეს, ალბათ მანამდე, სანამ ბარაბა მოვიდოდა სამარე მანამდე დაცარიელდა და ძნელი მისახვედრი როდია ვინ გადააგორა და მიცვალებული ვინ წაასვენა. ეს ყველაფერი მისმა მოწაფეებმა ღამით ჩაიდინეს. სიბნელით ისარგებლეს და საყვარელი მოძღვრის სხეული მოიტაცეს. ახლა კი განაცხადებენ, შეგვპირდა და აღსდგა კიდევო. ამის მოფიქრებას დიდი ჭკუა როდი სჭირდება.

ჰოდა, ყველანი გადაიხვეწნენ, როცა ამ დილით უდიდესი სასწაული უნდა მომხდარიყო, მიიმალნენ.

ბარაბა საფარადან გამოძვრა და სამარეს მიუახლოვდა, უკეთ რომ დაეთვალიერებინა. როცა მუხლმოყრილ სხეულს გვერდით

ჩაურა, ცალი თვალით გახედა, კურდღლისტურა შეიცნო და გაოგნდა. გახევებული იდგა და ქალს დასცქეროდა. ქალის გაფითრებული, ტანჯული სახე სამარეს მიშტერებოდა, მისი ნეტარი მზერა მეტს ველარაფერს ამჩნევდა. ბაგე გაპოზოდა, მაგრამ თითქმის არ სუნთქავდა, ზემო ტურის მახინჯი ნაჭრილობევი სულ გათეთრებოდა. ქალი ბარაბას ვერ ხედავდა.

მისი სახის გამომეტყველებამ კაცი როგორღაც შეაცბუნა და შეარცხვინა კიდევ, რაღაც ისეთი გაახსენა, რისი გახსენებაც არ სურდა. ქალს მაშინაც ასეთი სახე ჰქონდა. კაცს კი მაშინაც რცხვენოდა. ბარაბამ მხრები აიჩეჩა და მოგონება მოიშორა.

ბოლოს და ბოლოს, ქალმა შენიშნა და თავადაც გაოცდა, ბარაბას აქ რომ ხედავდა, აქ რომ იდგა. ეს გასაგებიცაა, კაცს ხომ თვითონაც უკვირდა. აქ არაფერი ესაქმებოდა.

უკეთესი გამოსავალი იყო, თავი მოეკატუნებინა — გზად მივდიოდი, აქ შემთხვევით გამოვიარე, არც ეს ადგილი ვიცოდი და არც სამარის შესახებ მსმენია რამეო. ანკი რად არ უნდა მოეკატუნებინა? რა თქმა უნდა, ეს ძნელი დასაჯერებელი იქნებოდა და ქალი, ალბათ, არც დაუჯერებდა — და მაინც, ბარაბამ იკითხა:

— შენ აქ რატომ ნევხარ?

ქალს არ აუხედავს, არც განძრეულა, კვლავ მუხლებზე იდგა და მზერას კლდეში გამოკვეთილ სამარეს არ აშორებდა. და ბარაბამ მისი ჩურჩული ძლივს გაიგონა:

— ძე უფლისა აღსდგა...

უცნაურია, მაგრამ ამ ჩურჩულმა კაცი შესძრა. თავისი ნების სანინაღმდეგოდ რაღაც იგრძნო — მაგრამ რა — ვერ ხვდებოდა. იდგა და არ იცოდა რა ეთქვა, როგორ მოქცეულიყო. შემდეგ, როგორც აპირებდა, სამარეს მიუახლოვდა და დარწმუნდა, რომ ცარიელი იყო. თუმცა ეს ხომ წინასწარვე იცოდა, ეს ხომ მისთვის სულ ერთი გახლდათ და არც არაფერს ნიშნავდა. შემდეგ კვლავ დაჩოქილ ქალს მიუახლოვდა. კურდღლისტურას ისეთი ნეტარი, დაბანგულბედნიერი სახე ჰქონდა, რომ შეეცოდა. ეს ყველაფერი ხომ სიცრუე იყო. ცხადია, ბარაბას შეეძლო მისთვის მოეთხრო, როგორ მოხდა ეს მკვდრეთით აღდგომა, მაგრამ ქალი ხომ ისედაც გაანანყენა... ალბათ, უნდა აკმაროს. თავი ვერ აიძულა, ქალს სრული სიმართლე ვერ უთხრა. მხოლოდ ფრთხილად ჰკითხა, შენი აზრით ჯვარცმული მკვდრეთით მაინც როგორ აღსდგაო.

თავდაპირველად, ქალმა ბარაბას გაოგნებით შეხედა, შემდეგ აღფრთოვანებულმა, თავისი დუდლუნა ხმით დანვრილებით უამბო, ციდან როგორ დაეშვა ანგელოზი, რომელსაც ხელი შუბივით გაეშვირა, ცეცხლი კი ანაფორასავით ემოსა. შუბი კლდესა და ლოდს შორის ჩაასო და გახეთქა. თითქოს ყველაფერი უბრალოდ გეჩვენებოდა. არა, მართლაც უბრალოდ ხდებოდა, თუმცა ეს ნამდვილი სასწაული იყო. აი, ასე მოხდა, შენ რა, თავად არ დაგინახავსო?

ბარაბამ თვალეხი დახარა და არა, არ დამინახავსო, ჩაილაპარაკა. თუმცა გულში გაუხარდა, რომ მსგავსი არაფერი უხილავს. ეტყობა, თვალეხი გამოუკეთდა. ისეთივე გაუხდა, როგორიც ყველას აქვს და ახლა აღარაფერი ეჩვენება, ყველაფერს ჩვეულებრივად ხედავს. ის კაცი მასზე ველარ მოქმედებს, ძალა დაკარგა. არავითარი აღდგომა, მსგავსიც არაფერი უხილავს. გოგონა კი კვლავ მუხლმოყრილი იდგა და რაც იხილა, მისი გახსენება თვალეხს უბრწყინებდა.

ქალი, ბოლოს და ბოლოს, წასასვლელად ნამოდგა და ქალაქისაკენ ორივე ერთად დაეშვა. ლაპარაკობდნენ ცოტას, მაგრამ ბარაბა მიხვდა, რომ მათი ადრე განშორების შემდეგ, ქალმა ირწმუნა მისი, ვისაც ის უფლის ძეს, ბარაბა კი, უბრალოდ, მიცვალებულს ეძახდა. მაგრამ ბარაბამ როცა ჰკითხა, მაინც რას გასწავლიდა ეს კაციო, ქალმა არ უპასუხა, თვალი აარიდა და ჩაჩუმდა. ასე მივიდნენ გზის გასაყართან — ქალს გეთინომიის ხეობისაკენ, კაცს კი დავითის კარიბჭისკენ უნდა აელო გეზი და ბარაბამ კვლავ ჯიქურ ჰკითხა, მაინც რას გასწავლიდათ ის კაცი, თუმცა რა ჩემი საქმეა, მაგრამ მაინც რა ირწმუნეო. ორიოდ ნუთი ქალი თავჩაქინდრული იდგა, შემდეგ ბარაბას გაუბედავად შეხედა და როგორც ყოველთვის, გაურკვეველად ჩაიდუდლუნა:

— გიყვარდეთ ერთმანეთი.

და ერთმანეთს ასე დაშორდნენ.

ბარაბა დიდხანს იდგა და მიმავალ ქალს გასცქეროდა.

ბარაბას თვითონვე უკვირდა, რად ჩარჩა იერუსალიმში, სადაც არაფერი ესაქმებოდა. მთელი დღეები ქუჩა-ქუჩა უთავბოლოდ დაეხეტებოდა. არადა, მთაში, ალბათ, ელოდნენ და სად დაიკარგაო, ფიქრობდნენ. ქალაქში რატომ დარჩა? ეს თვითონაც არ იცოდა.

სქელუამ ჯერ გადაწყვიტა ჩემ გამო არ მიდისო, მაგრამ მერე მიხვდა, რომ ცდებოდა. ცოტა განანყენდა კიდევ. მაგრამ — ღმერ-

თო ჩემო! — კაცები უმადურები არიან და მათი განებივრება არ შეიძლება, ქალს კი ყოველდამე მასთან ეძინა და ეს თვითონაც მოსწონდა. კარგია, როცა გვერდით ნამდვილი მამაკაცი გიწევს და ელლაბუცები. ბარაბას კი ერთი კარგი თვისებაც აქვს. მართალია, შენ ფეხზე ჰკიდიხარ, მაგრამ ყველა სხვაც ფეხებზე ჰკიდია. ასეა, წყალი არ გაუვა. მას არავინ სჭირდება. ყოველთვის ასეთი იყო. საერთოდ, ქალს მოსწონდა კიდეც, კაცს ფეხებზე რომ ეკიდა, უფრო სწორად, მხოლოდ მაშინ მოსწონდა, როცა ერთმანეთს ეალერსებოდნენ. შემდეგ კი მართლა მწარდებოდა და ცოტას კიდეც ნაუჭირებდა. მერე რა, არც ეს იყო ურიგო და თუ დაუკვირდებოდი, სიტკბოების მომგვრელიც გახლდათ. სქელუას ამ საკითხში დიდი გამოცდილება ჰქონდა არანაირი სიყვარული არ სძულდა.

მაგრამ ამ იერუსალიმს რას მიეკერა, ეს ქალსაც ვერ გაეგო. მთელი დღეები სადიკარგებოდა, რას აკეთებდა? ის ხომ იმ უქნარებს არ ჰგავდა, ქუჩაში ხეტილის მეტი რომ არაფერი აინტერესებთ. ის მძიმე და ხიფათიან ცხოვრებას იყო ნაჩვევი. ასე უსაქმო ხეტიალი მას სწორედ არ შეეფერებოდა.

არა, თავის თავს აღარ ჰგავს მას შემდეგ, რაც ეს ამბავი მოხდა მას შემდეგ, რაც კინალამ ჯვარზე გაააკრეს. თითქოს ვერაფრით შეგუებია. რომ აიღეს და გაათავისუფლეს, — ჩაილაპარაკა მზის გულზე ნამოგორებულმა, ფუმფულა მუცელზე ხელებდაკრეფილმა სქელუამ და უცებ გადაიხარხარა.

დროდადრო ბარაბა იმ ჯვარცმულის მიმდევრებს აწყდებოდა. ვერავინ იტყვის, გამიზნულად ეძებდაო, უბრალოდ ისინი ბაზარში ან ქუჩაში ხვდებოდნენ. ბარაბაც სიამოვნებით ჩერდებოდა, მათთან ლაქლაქებდა, ეკითხებოდა იმ ჯვარცმულზე და იმ უცნაურ მოძღვრებაზე, თავი და ბოლო რომ ვერ გაუგო. ერთმანეთი გიყვარდით? მაგრამ სასახლის მოედანს არ ეკარებოდა, არც მეზობელ, მდიდარ ქუჩებში დადიოდა, მხოლოდ ქვემოთ უბნის ქუჩაბანდებში დაეხეტებოდა, სადაც ფარდულეებში ხელოსნები მუშაობდნენ, მენჯრილმანეები კი საქონელს ხმამაღლა აქებდნენ. ამ უბრალო ხალხს შორის მრავალი მორწმუნე იყო და ისინი ბარაბას გაცილებით მეტად მოსწონდა, ვიდრე კოლონადის ქვეშ მოსეირნე საზოგადოება. ამ ხალხის უცნაურ რწმენას ბარაბამ ვერაფერი გაუგო, თუმცა საკმაოდ ბევრი განმარტება მოისმინა. შეიძლება იმიტომაც ვერ გაიგო, რომ საკმაოდ ბრიყვულად უხსნიდნენ.

მაგალითად, მათ სასოებით სჯეროდათ, რომ მათი მოძღვარი მკვდრებით აღსდგებოდა, რომ მალე ზეციურ მეომრებს სათავეში ჩაუდგებოდა, ამ ქვეყანას მოევლინებოდა და დედამინაზე თავის მეუფებას დაამკვიდრებდა. თანაც ყველა ერთსა და იმავეს იმეორებდა, ეტყობა, ასე ასწავლეს. ზოგიერთებს უცნაურობადაც კი მიაჩნდათ მოძღვარი საკუთარი თვალით რომ იხილეს, მოუსმინეს და გაესაუბრნენ კიდევ. ერთს თურმე მისთვის სანდლებიც შეუქერავს, ზომაც აუღია და ყველაფერი. არა, როგორღაც ძნელი დასაჯერებელი იყო. მეორენი ამტკიცებდნენ, სულ ერთია, მაინც უფლის ძეა და ღრუბელზე მამის გვერდით დაჯდება, თუმცა მანამდე ამ ცოდვილ, უკეთურ ქვეყანას დააქცევსო.

ეს რა ახიერებული ხალხია?

მათ შენიშნეს, ბარაბას ამდაგვარი ამბების არაფერი სჯერაო და თავი მოარიდეს. ზოგიერთები მასთან შეხვედრისას აშკარა სიფრთხილეს იჩენდნენ და თითქმის ყველა აგრძნობინებდა, შენი დანახვა მაინცდამაინც არ მსიამოვნებსო. საერთოდ, ბარაბა ასეთ მოპყრობას შეჩვეული იყო, მაგრამ, უცნაურია ახლა ეს შეურაცხყოფდა, თუმცა ადრე მსგავსი რამ არ უგრძნობია. ხალხი ყოველთვის აგრძნობინებდა არ გვჭირდებიო, მისგან თავი ყველას შორს ეჭირა. იქნებ, გარეგნობის გამო ან თვალის ქვეშ დანით მიყენებული ნაჭრილობევი აფრთხობდათ, ამ ჭრილობის ამბავი ხომ არავინ იცოდა, ან იქნებ, თვალები არ მოსწონდათ, ისე ღრმად რომ ჩასცვენოდა, გამოხედვას ვერავინ იჭერდა. ბარაბამ ეს ყველაფერი მშვენივრად იცოდა, მაგრამ გულთან ახლოს არასოდეს მიუტანია. ხალხის დამოკიდებულებას ის უბრალოდ ვერ ამჩნევდა.

დღემდე არ იცოდა, თუ ასეთი რამ მას შეურაცყოფდა.

ამათ კი საერთო რწმენა ადულაბებდათ და ვინც ამ რწმენას არ იზიარებდა, იმას ახლოსაც არ იკარებდნენ, ეშინოდათ. მათ თავისი საძმო ჰქონდათ, სიყვარულის საღამოებს აწყობდნენ და პურს ერთი დიდი ოჯახივით ტეხდნენ. ეს ყველაფერი ეტყობა, მათ მოძღვრებას უკავშირდებოდა, თავი და თავი ის „გიყვარდეთ ერთმანეთი“ იყო. მაგრამ უყვარდათ თუ არა ის, ვინც მათ არ ჰგავდა, ეს ჯერ კიდევ საკითხავი გახლდათ.

ბარაბას სულაც არ უნდოდა მათ სიყვარულის საღამოებს დასწრებოდა, ესლა აკლდა, გაფიქრებაც კი ზარავდა. ასე როგორ უნდა

მიეჯაჭვო ვინმეს! ბარაბა მუდამ თავისთავადი იყო და გადასხვაფერების სურვილი არც ახლა გაჩენია.

მაგრამ მათთან შეხვედრას რატომღაც მაინც ცდილობდა.

ერთხანს თავიც კი მოიკატუნა, თითქოს საძმომში შემოსვლა იმიტომ მინდა, რომ თქვენი რწმენის არსს კარგად ჩავნვდევო. ისინი პასუხობდნენ, სიამოვნებით მიგიღებთ, შევეცდებით ჩვენი მოძღვრის სიტყვები აგიხსნათო. სინამდვილეში გახარებულებს არ ჰგავდნენ. უცნაურია. სინდისი კი ანუხებდათ, მაგრამ ბარაბას კირთება, კიდევ ერთი ერთმორწმუნის შეძენა, სულაც არ ახარებდათ. არადა, ეს ყოველთვის ძალიან უხაროდათ ხოლმე. მაინც რა იყო მიზეზი? მაგრამ ბარაბამ იცოდა მიზეზი. მოულოდნელად იგი წამოხტა და იქაურობას ფართო ნაბიჯებით გაშორდა, თვალს ქვემოთ ნაჭრილობევი გაულურჯდა.

ინამე! როგორ ინამოს, როცა საკუთარი თვალთ იხილა ჯვარზე გაკრული! მისი სხეული, კარგა ხნის წინ მიცვლილი, აკი თვითონ ნახა, რომ არ აღმდგარა, ეს მათი წარმოსახვის ნაყოფი იყო! თავიდან ბოლომდე ყველაფერი მხოლოდ მათი წარმოსახვის ნაყოფი იყო! მკვდრეთით ჯერ არავინ აღმდგარა, არც მათი „ფასდაუდებელი“ მოძღვარი, არავინ აღმდგარა! და საერთოდ, ბარაბა არ აგებს პასუხს, თუ ვინ აირჩიეს მაშინ! ეს მისი კი არა, ხელისუფლების საქმეა! ვინც უნდოდათ, ის აირჩიეს, უბრალოდ ასე მოხდა. უფლის ძეო! სადაური უფლის ძეა! ასეც რომ იყოს, თავად რომ არ ნდომებოდა, განა ჯვარზე თავს გააკრევიებდა უცნაური და თანაც სისაძაგლეა — წამება თავად ისურვო. ეტყობა, თავად უნდოდა! მართლა უფლის ძე იყო, მისთვის თავის დახსნა ხომ სულ იოლი იქნებოდა. მან კი არ ისურვა. თავის დახსნა არ უცდია, თავად გადანწყვიტა დატანჯულიყო და ასეთი საზარელი სიკვდილით მომკვდარიყო და ასეც მოხდა. თავისი გაიტანა — არ უნდოდა და არ გაუშვეს. ისე მოიქცა, რომ ბარაბა გაეშვათ. ადგა და ბრძანა: ბარაბა გაუშვით და ჯვარზე მე გამაკართო.

თუმცა დღესავით ნათელია, რომ ის უფლის ძე არაა...

უცნაურად კი გამოიყენა თავისი ძალა, ძალიან უცნაურად. თითქოს ეს ძალა თვითონ არც გამოუყენებია. ისე გადაანწყვეტინა, როგორც სხვებს სურდათ, თითქოს თვითონ არაფერში ჩარეულა, არადა, თავისი გაიტანა: ჯვარს ის აცვეს, ბარაბა კი გაათავისუფლეს.

ახლა ესენი ყბედობენ, ჩვენთვის, ჩვენ ნაცვლად მოკვდაო. ვინ იცის! შეიძლება. აი, ბარაბას ნაცვლად ნაღდად რომ მოკვდა, ამას ვერავინ უარყოფს, ეტყობა, ბარაბა მისთვის ამათზე უფრო ახლობელია, ყველა სხვაზე უფრო ახლობელია, მასთან სულ სხვაგვარადაა დაკავშირებული, ეს საძმო კი ახლოსაც არ იკარებს! ბარაბა აარჩიეს, ჰო, აარჩიეს, რომ ტანჯვისა და წამებისაგან გაეთავისუფლებინათ. ჭეშმარიტი რჩეული სწორედ ისაა, თავად უფლის ძის ნაცვლად გაათავისუფლეს. მან ხომ ასე თავად ისურვა, თავად ბრძანა. უბრალოდ, ამ ხალხმა არაფერი იცის.

ხოლო მათი „საძმო“, „სიყვარულის საღამოები“ და „გიყვარდეთ ერთმანეთი“ ბარაბას არაფრად სჭირდება. ის თავისთვისაა და მისი ურთიერთობაც იმასთან, უფლის ძეს რომ ეძახიან, აი, იმ ჯვარცმულთან, ასევე თავისებური იქნება. ამათსავით მათი მონა კი არ გახდება. დე, იმათ ილოცონ და ოხვრითაც იმათ მოიოხონ გული.

ნუთუ შეიძლება ტანჯვა გინდოდეს? როცა საჭირო არაა, როცა არავინ გაიძულებს? ვერც კი წარმოიდგენ, ამის გაფიქრებაც კი გულს აგირევს. კვლავ თვალწინ გაუკრთა გაძვალტყავებული, უბადრუკი სხეული, ხელები, ჩამოკიდებულ სხეულს ძლივს რომ იჭერდა და გამშრალი ბაგეები, სიტყვა „მწყურია“ ძლივს რომ წარმოსთქვა. არა, ბარაბას არ მოსწონდა ის, ვინც ასეთ ვნებებს თავად ეძებდა, ვინც ჯვარზე საკუთარი სურვილით გაეკრა. არა, სულაც არ მოსწონდა! ესენი კი თავიანთ ჯვარცმულს აღმერთებდნენ, მის ტანჯვას, მის უბადრუკ სიკვდილს ესათუთებოდნენ, ან იქნებ, უბადრუკად სულაც არ ეჩვენებოდათ? სწორედ სიკვდილს აღმერთებდნენ. ბარაბას კი სწორედ ეს სძაგდა, გაფიქრებაც გულს ურევდა, არ სჭირდებოდა არც ეს მოძღვრება, არც ეს ხალხი, არც ეს ჯვარცმული, ვისიც მათ სწამდათ.

ო, არა, ვის-ვის და ბარაბას სიკვდილი არ უყვარდა. სიკვდილი სძულდა, სულაც არ უნდოდა. იქნებ, ასე ამიტომაც მოხდა? იქნებ, სიკვდილისაგან დახსნილი რჩეულიც ამიტომ აღმოჩნდა; თუ ჯვარცმული მართლა უფლის ძე გახლდათ, ნათელმხილველიც უნდა ყოფილიყო და მაშინ, ცხადია, ეცოდინებოდა, რომ ბარაბას სიკვდილი — ტანჯვა და სიკვდილი არ სურდა. ჰოდა, აილო და მის ნაცვლად მოკვდა! ბარაბას კი ისლა დარჩა, გოლგოთაზე გაეცილებინა და მისი ჯვარზე გაკვრისათვის ეცქირა. მეტი არაფერი მოეთხოვებოდა, მა-

გრამ ესეც ბევრი იყო, მას ხომ სიკვდილიც და ყველაფერი, მასთან დაკავშირებული, ასე ხელალებით სძულდა.

ჰო, უფლის ძე სწორედ მის ნაცვლად გარდაიცვალა! სხვაზე კი არა, სწორედ ბარაბაზე თქვა: ის გაათავისუფლეთ, მე კი ჯვარს მაცვითო!

ასე ფიქრობდა ბარაბა, სანამ მექოთნეების შესახვევში ფარდულს ფართო ნაბიჯებით შორდებოდა, სანამ ემშვიდოდებოდა მათ, ვისთან შეერთებაც სურდა და ვინც, შენი მოსვლა არ მსიამოვნებსო, აშკარად აგრძნობინა.

ბარაბამ გადანყვიტა მათთან აღარ მივალო.

მაგრამ მეორე დღეს, როცა მაინც მივიდა, მაშინვე ჰკითხეს, ჩვენს რწმენას რა ვერ გაუგეო და აშკარად აგრძნობინეს, გუშინდელ დღის გამო ვნუხვართ, ცივად რომ მიგიღეთ, თავს ვადანაშაულებთ, რახან ასე მხურვალედ გსურს, დაგარიგებთ და თვალს აგახელთო. მაშ რა იკითხა? რა ვერ გაიგო?

ბარაბამ კინალამ მხრები აიჩეჩა და უპასუხა, ვერაფერიც ვერ გავიგე და მაინცდამაინც არც მანუხებსო. მაგრამ ამის ნაცვლად განაცხადა, ვთქვათ, ვერ წარმომიდგენია, რა არის აღდგომა და არც მჯერა, რომ შეიძლება ვინმე მკვდრეთით აღსდგესო.

მათ თავი აიღეს, ჯერ ბარაბას, შემდეგ ერთმანეთს შეხედეს, ცოტა ხანს იჩურჩილეს, ბოლოს კი ყველაზე უფროსმა იკითხა, ხომ არ გინდა ის კაცი ნახო, მოძღვარმა მკვდრეთით რომ აღადგინაო. თუ გინდა, გაჩვენებთ, ოღონდ სალამოს, სამუშაოს შემდეგ. რადგან ის იერუსალიმში არ ცხოვრობსო.

ბარაბა დაფრთხა. ამის მსგავსს ნამდვილად არაფერს ელოდა. ეგონა, იმსჯელებენ, თავის აზრს გადმომიშლიანო, ასეთ უხემ დამამტკიცებელ საბუთს კი ნამდვილად არ ელოდა. ცხადია, ესმოდა, რომ ეს ყველაფერი მათი წარმოსახვის ნაყოფი, ღვთისმოსაური სიყალბე იყო, რომ ის კაცი უბრალოდ არც მომკვდარა, მაგრამ მაინც შეშინდა. იმ კაცის ნახვა სულაც არ სურდა, მაგრამ ამას ასე პირდაპირ ხომ ვერ იტყოდა. ძალაუნებურად ითვალთმაქცა, ძალიან მადლიერი ვარ და მიხარია, რომ სამუშაოზე მეძღვევა, თქვენი უფლისა და მოძღვრის ძღვევამოსილება ვირწმუნო.

სალამოს მოლოდინში იგი ქუჩებში დახეტებოდა და უფრო და უფრო ღელავდა. დღის ბოლოს კვლავ სამეთუნეოში მივიდა და

ერთმა ყმანვილმა ქალაქის კარიბჭის მიღმა, ზეთისხილის მთისკენ წაიყვანა.

ის, ვისთანაც მიდიოდნენ, მთის ფერდობზე შეფენილი პატარა სოფლის განაპირას ცხოვრობდა. ახალგაზრდა მეთუნემ კარზე ჩალის ფარდა გადასწია და დაინახეს, რომ მასპინძელი, მათთან გვერდშექცევით იჯდა მაგიდასთან, ხელები ზედ დაეწყო და წინ, ერთ ნერტილს მიშტერებოდა. სტუმრები, ეტყობა ვერ შეამჩნია, სანამ ყმანვილი წკრიალა ხმით არ მიესალმა. მაშინ სახე კარისკენ ნელა მოატრიალა და მისალმებაზე უცნაურად დახშული ხმით უპასუხა. ყმანვილმა მექოთნეთა შესახვევის საძმოს მოკითხვა გადასცა, აუხსნა რისთვის მოვიდნენ და დამხედურმაც, მაგიდასთან დასხედითო, ხელით ანიშნა.

ბარაბა მოპირდაპირე მხარეს დაჯდა და მისი სახე შეათვალიერა. კაცს ყვითელი, ერთი შეხედვით ძვალივით მაგარი სახე და ჩამოძქ-ქნარი კანი ჰქონდა. ბარაბა ვერასოდეს წარმოიდგენდა, რომ ასეთი სახე არსებობდა, არც ასეთი მიუსაფრობა უხილავს ოდესმე. კაცის სახე უდაბნოს ჰგავდა.

ყმანვილის შეკითხვაზე, მასპინძელმა უპასუხა, ჰო, მოვკვდი, შემდეგ კი გალილეველმა რაბიმ, ჩვენმა მოძღვარმა, სიცოცხლე დამიბრუნაო. ოთხი დღე და ოთხი ღამე ვინეჩი სამარეში, ახლა კი იგივე სული და იგივე სხეული მაქვს სულ არ შევცლილვარ. მოძღვარმა თავისი ძალა და ბრწყინვალება გამოაჩინა და დაამტკიცა, რომ ჭეშმარიტად უფლის ძეაო.

იგი დინჯად ლაპარაკობდა, უტყვი სახე ჰქონდა და ბარაბას არაფრისმთქმელი მზერით შესცქეროდა.

შემდეგ მოძღვარსა და მის დიად საქმეებზე ცოტა კიდევ ისაუბრეს. ბარაბა საუბარში არ ჩარეულა. მერე ყმანვილი იმავე სოფელში მცხოვრები მშობლების მოსანახულებლად წავიდა და ისინი მართო დატოვა.

ყველას გული ერეოდა, აღარავის უხაროდა, რომ დაბრუნდა და ასე ადგომა და წასვლა არ შეეძლო, ვერც წასვლის მიზეზი ეპოვნა. ის კი თვალმოუშორებლად შესცქეროდა უცნაური, ჩამქრალი მზერით, რომელიც არაფერს, მით უმეტეს, ბარაბასადმი ინტერესს არ გამოხატავდა და მაინც ასე უცნაურად იზიდავდა, ბარაბას წასვლა, თავის დაღწევა, გაქცევა უნდოდა, მაგრამ გაქცევა არ შეეძლო.

თავდაპირველად მასპინძელი დუმდა, შემდეგ ჰკითხა, ჩენი მოძღვრისა თუ გნამს, ჭეშმარიტად უფლის ძე რომაა, თუ გჯერაო. ბარაბა შეეყოყმანდა, შემდეგ, არაო, უპასუხა, რადგან უცნაური იყო მოტყუება ამ ცარიელი მზერისა, რომელსაც ცრუობდი თუ არა, სულაც არ ენაღვლებოდა. მასპინძელი არ განანწყინებულა, მხოლოდ თავი დაიქნია და თქვა:

— ჰო, ბევრს არა სნამს. გუშინ დედამისი მოვიდა. იმასაც არა სნამს. მე კი მხოლოდ იმისთვის დამიბრუნა სიცოცხლე, რომ ეს დავადასტურო.

ბარაბამ უთხრა, შენ როგორ არ ირწმუნებ, ალბათ, სამარადყამოდ მისი მადლიერი ხარ ასეთი დიდი სასწაულით რომ გიხსნაო.

მასპინძელმა უპასუხა, ყოველდღე მადლობას ვნირავე, რომ სიცოცხლე დამიბრუნა, რომ მიცვალებულთა საუფლოში აღარ ვარო.

— მიცვალებულთა საუფლო? — წამოიყვირა ბარაბამ და თვითონ შენიშნა, რომ ხმა აუთრთოლდა, — მიცვალებულთა საუფლო?.. როგორია? შენ ხომ იქ იყავი! მიაგებე, როგორია!

— როგორია? — გამოეხმაურა მასპინძელი და ბარაბას გაოგნებით შეხედა. ცხადი იყო, შეკითხვის არსი არ ესმოდა.

— ჰო, რა ნახე, რა განიცადე?

— არაფერიც არ განვიცადე, — ისე უხალისოდ უპასუხა, თითქოს ბარაბას დაჟინებით უკმაყოფილი იყო. — მკვდარი ვიყავი სიკვდილი კი არარა არს.

— არარა?

— ჰო, აბა რა უნდა იყოს?

ბარაბა თვალმოუშორებლად შესცქეროდა.

— ესე იგი, გინდა მიცვალებულთა საუფლოზე გიამბო? არაფრის მოყოლა არ შემიძლია. მიცვალებულთა საუფლო არარაა. იგი არსებობს, მაგრამ არარაა.

ბარაბა ისევ დაჟინებით უყურებდა. ეს უტყყვი სახე აშინებდა, მაგრამ თვალს მაინც ვერ აშორებდა.

— ჰო, — ჩაილაპარაკა მასპინძელმა და არაფრისმთქმელი მზერით ბარაბას მიღმა გაიხედა. — მიცვალებულთა საუფლო არარაა, მაგრამ მისთვის, ვინც იქიდან დაბრუნდება, სხვა ყველაფერიც არარა გახლავთ. უცნაურია, რომ ეს მკითხვე, სხვებს არ უკითხავთ.

და მან უამბო, იერუსალიმის საძმო ხშირად მიგზავნის მოსაქცევად ხალხს და მრავალი უკვე კიდევ მოვაქციეო. ასე ვემსახურები

მოძღვარს, აუნაზღაურებელ ვალს ვუხდი, რადგან სიცოცხლე დამიბრუნა. თითქმის ყოველდღე ამ ყმანვილს ან სხვას ჩემთან ვინმე მოჰყავს და მეც ჩემს მკვდრეთით აღდგომას ვუდასტურებ. ოღონდ მიცვალებულთა საუფლოზე არასოდეს მისაუბრია. მიცვალებულთა საუფლოს შესახებ ჩემთვის არავის და არასდროს უკითხავს რამეო.

ოთახში ბინდი ჩამონვა. კაცი ნამოდგა და დაბალ ჭერზე ჩამოკიდებულ ლამპარში ზეთი აანთო. შემდეგ პური და მარილი მოიტანა, თავისი ნაწილი მარილში ჩაანო და შენც იგივე ჰქმენიო, ბარაბას შესთავაზა. ბარაბა ძალაუნებურად დაემორჩილა, თუმცა ხელები უკანკალებდა. ასე ისხდნენ და ლამპრის უღიმღამო შუქზე პურს შეექცეოდნენ.

ამ კაცმა სიყვარულის საღამო ბარაბასთან მოყვასურად გაატარა! აბა მექოთნეთა შესახვევის საძმოს კი არ ჰგავდა! ეს ადამიანებს ერთმანეთისაგან დიდად არ ასხვავებდა, მაგრამ, როცა გამხმარი, ყვითელი თითებით პურის ნატყეხი გაუნოდა და ბარაბამ ის ძალაუნებურად გაღეჭა, მოეჩვენა მკვდრის ხორცსა ვჭამო.

რატომ, რატომ გატყეხა პური ბარაბასთან ერთად? რა საიდუმლოება იმალებოდა ამ სერობის მიღმა?

როცა სერობა დასრულდა, მასპინძელმა ბარაბა კართან მიაცილა და მშვიდობიანად გაუშვა. ბარაბამ საპასუხოდ რაღაც ჩაიბუტბუტა და სიბნელეში სწრაფად გაუჩინარდა. იგი ქალაქისაკენ მიაბიჯებდა, დიდი ნაბიჯებით ფერდობზე ეშვებოდა. გონებაში კი აკვირებული ფიქრები მოეჯარა.

სქელუა გაცდა და გაიხარა, როცა იმ საღამოს კაცი თავანყვეტილი სურვილით დაეუფლა. იმ საღამოს მისი თავანყვეტილობა ზღვარს ცილდებოდა. ქალს ვერ გაეგო, მაგრამ გრძნობდა, რომ ამ საღამოს კაცი ნამდვილად დასაოკებელი იყო. არადა, ქალის გარდავის შეეძლო მისი დაცხრომა. და ქალსაც ეზმანებოდა კვლავ ახალგაზრდა ვარ და ისევე ვილაცას ვუყვარვარო.

მეორე დღეს ბარაბამ ქალაქის ქვემო უბანს, მექოთნეთა შესახვევს თავი მოარიდა. მაგრამ საძმოს ერთ-ერთი წევრი მას სოლომონის კოლონადასთან გადაეყარა და მაშინვე გუშინდელი ამბები გამოჰკითხა. აბა რას იტყვი? ხომ არავის მოუტყუებია? ბარაბამ უპასუხა, ჰო, მართალია, ის კაცი მოკვდა და შემდეგ აღსდგა, ამაში დაეჭვება შეუძლებელია, ოღონდ თავად არ მესმის, თქვენს მოძღვარს მისი მკვდრეთით აღდგენა რისთვის დასჭირდაო. მექოთნე

გაშრა, უფლის ასეთი შეურაცხყოფით განანყენებული გაფითრდა. მაგრამ ბარაბამ ზურგი შეაქცია და მასაც წასვლის გარდა სხვა აღარაფერი დარჩენოდა.

როგორც ჩანს, ეს ამბავი მხოლოდ მექოთნეების კი არა, ზეთისმხდელების, დაბალებისა და ქსლის მბეჭველთა შესახვევებშიც გაიგეს, რადგან იქ ხელმეორედ მისულმა ბარაბამ უცებ შეამჩნია: მორწმუნეები, ყოველთვის რომ ელაპარაკებოდნენ, ახლა უცებ შეიცვალნენ, დუმდნენ და ეჭვიანად, აღმაცერად უმზერდნენ. ახლო მეგობრები ისედაც არასოდეს ყოფილან, მაგრამ ახლა თავის უნდობლობას დაუფარავად ამჟღავნებდნენ. ერთი ჩამომხმარი ბებერი, რომელსაც ბარაბა არც კი იცნობდა, პირდაპირ თავს დაესხა, რას დადიხარ, ჩვენგან რა გინდა, სასახლის, ან მღვდელმთავრის დაცვის, ანდა სადუქეველების მოგზავნილი ხომ არა ხარო. ბარაბამ ვერაფერი უპასუხა და მხოლოდ ამ ქაჩალი ბერიკაცის ბოლმისაგან გალურჯებულ მულოტ თავს დასცქეროდა. ეს კაცი ცხოვრებაში არასოდეს ენახა და არც მისი ვინაობა იცოდა, მხოლოდ ყურის ბიბილოში გაყრილმა ლურჯმა და ნითელმა ნართმა, მღებავიყო, მიახვედრა.

ბარაბა მიხვდა, გამინანყენდნენ და შეხედულება შეიცვალესო. ყველას სახეზე ახლა ცივი და მტრული გამომეტყველება აღბეჭდილიყო, ზოგიერთები კი მზერით ისე ბურღავდნენ, თითქოს მისთვის ნიღბის ჩამოხსნა ენადათ. მაგრამ ბარაბა, ვერაფერს ვამჩნევო, თავს იკატუნებდა.

და აი, ბოლოს და ბოლოს აღსრულდა. ახალი ამბავი ყველა შესახვევს, სადაც მორწმუნეები ცხოვრობდნენ, ტყის ხანძარით მოედო და მალე კაცი აღარ დარჩა, ყველამ იცოდა. ის არის! სწორედ ის, ვისაც მოძღვრის ნაცვლად შეუენდეს! ეს ბარაბაა! ბარაბა — შენდობილი!

კაცს ბოროტი მზერა თან სდევდა, სიძულვილით ანთებული თვალები შესცქეროდა.

ქარიშხალი არც მაშინ ჩაცხრა, როცა ბარაბა სრულიად განერიდა მათ.

— ბარაბა — შენდობილი! ბარაბა — შენდობილი!

თავის თავში ჩაიკეტა, აღარავის ხვდებოდა. გარეთ აღარც კი გადიოდა. სქელუასთან იწვა ფარდის მიღმა ან, თუკი შინ ძალიან

ხმაურობდნენ, სახურავზე, ქოხში აფარებდა თავს. მთელ დღეებს ასე ატარებდა. არაფერს აკეთებდა, ჭამაც კი ავინყდებოდა, თუ საჭმელს წინ არ დაუდგამდი და არ შეიახსენებდი, არაფერს შეჭამდა. ირგვლივ ველარაფერს ამჩნევდა.

სქელუა თავს იმტვრევდა, რა დაემართათ, ვერაფერი გაეგო. შეკითხვას ვერ უბედავდა. ძალაუნებურად თავი უნდა შეეკავეებინა, რახან კაცს ასე სურდა, ეტყვი რამეს და არ გიპასუხებს, როცა არ უნდა შეიხედო ფარდის მიღმა, სულ ნევს და ჭერს შესცქერის. სქელუა თავს იმტვრევდა. ხომ არ გადაირია? გონება ხომ არ დაუსუსტდა? არა, სქელუას არაფერი ესმოდა.

და უცებ მიხვდა. მაშინდა მიხვდა, როცა ხალხისაგან შეიტყო, ეგ დაეხეტება გიჟებთან, რომლებმაც ირწმუნეს იმ კაცისა, ჯვარზე რომ აცვეს მაშინ, როცა ბარაბას უპირებდნენ ჯვარზე გაკვრასო. ახლა კი მიხვდა! აშკარაა, ამიტომ გამოიცვალა! ახლა ყველაფერი ნათელია! იმათ გააგიჟეს! თავი ყოველგვარი სიბრიყვით გამოუტენეს! ვინ არ გაგიჟდება, თუკი ამ ბრიყვებში გაერევა. მათ სჯეროდათ, რომ ჯვარცმული მაცხოვარი იყო, თუ რაღაც ამგვარი, ვითომ ის დაეხმარებოდა მათ, რასაც სთხოვდნენ, ყველაფერს მისცემდა, ვითომ იერუსალიმის მეფე გახდებოდა და ამ ქოსა ნაძირალებს გაყრიდა. კიდევ მრავალი ასეთი რამის სჯეროდათ, ქალმა მათი მოძღვრება ხეირიანად არ იცოდა მაგრამ ახირებულები რომ იყვნენ, ეს ყველას კარგად მოეხსენებოდა. ოჰ, ღმერთო ჩემო, იმათ რაღას გადაეკიდა? ვითომ რისთვის დასჭირდა? გასაგებია, ახლა ყველაფერი გასაგებია! თავად ბარაბას უპირებდნენ ჯვარზე გაკვრას, მერე კი აიღეს და ის ვიღაც მათი მაცხოვარი აცვეს ჯვარს და ნარმოგიდგენიათ, ეტყობა საჭირო გახდა ბარაბას მათთვის აეხსნა, ასე და ასე იყო, ბატონო დამნაშავე არა ვარო, ისინი კი, ალბათ, მაინც თავისას ქაქანებდნენ შენ არ იცი, როგორი მშვენიერი, უმანკო და წმინდა, თანაც ღიადი იყო ის, ვისიც ჩვენ ვირწმუნეთო, ღიად მეუფეს, ჩვენს მაცხოვარს ასე არ უნდა მოქცეოდით, ერთი სიტყვით, თავი ამგვარი სისულელეებით გამოუტანეს, ესეც გადაირია, მე რატომ არ მოგკვდი, მე უნდა მოგმკვდარიყავით. ნათელია, დღესავით ნათელია, რომ ასეც მოხდებოდა!

ჰო, ესე იგი იმიტომ გამოიცვალა, რომ მაშინ ჯვარს არ აცვეს! რა სიბრიყვეა! ოჰ, ბარაბა, რა სასაცილო ხარ, შეიძლება მუცელზე გასკდე! ყველაფერი იმის გამო მოხდა, ახლა გასაგებია!

და მაინც, საკმარისია, დროა უკვე გონება მოიკრიბოს, ნეტავ მასთან გონივრულად მოლაპარაკება შეიძლებოდა. მაინც რა ჭირს? რა დაეტაკა?

მაგრამ გამოლაპარაკება ვერ მოახერხა. უნდოდა, მაგრამ არაფერი გამოუვიდა. განა ბარაბა თავის თავზე ილაპარაკებდა? არა, ასეთი საუბრებით ვერ მიუდგებოდი.

ასე რომ, ყველაფერი ძველებურად მიედინებოდა. ქალი გარს უვლიდა და კვლავ მკითხაობდა, რა დაემართაო. ავად ხომ არ გახდა მართლა, იქნებ, ავად გახდა? სულ მთლად გაძვალტყავდა და თეთრ ჩამომხმარ სახეზე ვარდისფრად მხოლოდ ელიახუს დანით მიყენებული ნაჭრილობევი უღვივის. რალაც საცოდავია, თავის თავს აღარა ჰგავს. თავის თავს სულ აღარ ჰგავს. უსაქმოდ დაეხეტება, წევს და ჭერს ათვალეირებს. და ეს ბარაბაა? ეს ის კაცია ბარაბა რომ იყო?

იქნებ, გამოცვალეს? იქნებ, თავის თავს აღარ ეკუთვნის? იქნებ, ვილაცის სული ჩაუსახლდა? მგონი ასეცაა! იმ მეორეს სული? ჯვარცმულის სული? ცხადია, მას ბარაბასთვის სიკეთე არ სურს. იქნებ, ამ „მაცხოვარმა“, როცა მოკვდა, აიღო და თავისი სული ბარაბას ჩაუსახლა, თავად რომ არ მომკვდარიყო, მიყენებული ნყენისათვის შური რომ ეძია, შური შენდობილზე რომ ეძია? ასეც ხომ შეიძლებოდა მომხდარიყო! თუ ჩაუფიქრდებოდი, ბარაბა უცნაური სწორედ ამის შემდეგ გახდა, ქალს ხომ ახსოვს, როგორი იყო, ახალგაზრდასუფლებული რომ გამოეცხადა. ჰო, ეტყობა, სწორედ ასე იყო, ყველაფერი ნათელია. მხოლოდ აი, ძნელი გასაგებია, როგორ მოახერხა იმ რაბიმ თავისი სული ბარაბასთვის ჩაესახლებინა. სული ხომ გოლგოთაზე აღმოხდა, ბარაბა კი იმ დროს იქ არ იყო. მაგრამ, თუ მართლა ისეთი ძლიერია, როგორც ამბობენ, მისთვის ძალიან იოლი იქნება, სადაც სურს, უჩინრად იქ გამოცხადდეს. ასეთი ძალისხმევისა, რასაც მოინდომებს, იმას ჩაიდენს.

საინტერესოა, თავად ბარაბამ თუ იცოდა თავს რა გარდახდა? თუ ხვდებოდა, რომ სხვისი სული ჩაუსახლდა? რომ თავად მიიცივალა, მასში კი ჯვარცმული ცოცხლობდა? იცოდა თუ არ იცოდა?

იქნებ, ვერც ხვდებოდა, მაგრამ ამის გამო შვებას ნაკლებად გრძნობდა. ეს ნათლად ჩანდა. გასაგებიცაა. სხვისი სული სხვისი სულია და ბარაბასთვის მას სიკეთე არ სურდა.

ქალს იგი ეცოდებოდა, თვალს ვერ უსწორებდა, ისე ეცოდებოდა. კაციც თვალს არიდებდა, მაგრამ იმიტომ მხოლოდ, რომ მისი დან-

ახვა არ უნდოდა. ქალი აღარ სჭირდებოდა, სულ აღარ სჭირდებოდა, ამიტომ არც უყურებდა. ღამლამობით ხომ სულ აღარ უნდოდა, ეს კი ყველაზე მძიმე ასატანი გახლდათ. სულელი დედაკაცი ადგა და ამ ბრიყვს მიენება! ღამლამობით ქალი იწვა, ტიროდა და ახლა ეს ტირილი სიტკობებს სულ აღარ ჰგვრიდა. უცნაურია, ასეთი რამ თუ კიდევ დაემართებოდა, ვერც წარმოედგინა.

როგორ მოიზიდოს? ჯვარცმული როგორ გააძევოს და ბარაბა ისევ თავის თავს როგორ დაამსგავსოს? ქალს წარმოდგენა არ ჰქონდა, სულელებს როგორ აძევებდნენ. ამის შესახებ არაფერი იცოდა. ეს სული კი სახიფათო და ძლიერი ჩანდა. ქალს მისი ეშინოდა კიდევც, თუმცა გაუბედაობას ვერ დააბრალებდი. ბარაბას ხომ ზედ ეტყობოდა, რა ძლიერი სული ჰყოლობდა. მან ხომ ისეთი დიდი, ჯანმრთელი ჭბუკის მოთოკვა შესძლო, სულ ახლახან სიცოცხლით სავსე რომ იყო. როგორ მოახერხა? ასეთის შეგეშინდება, აბა რა მოგივა. ის ხომ ჯვარცმული სული იყო და ამიტომაც აშკარად განსაკუთრებული ძალა ჰქონდა.

ძალიან ეშინოდაო, ვერ იტყოდი, უბრალოდ ჯვარცმა არაფრად ესაჭიროებოდა. მადლობა მოგვიხსენებია. ვერ დაემდურები, მას უშველებელი და სავსე, ბარაბას მოსარგები სხეული აქვს. ოღონდ, ნამდვილი ბარაბასი, აი, ისეთის, როგორიც უნინ იყო, სწორედ მე უნდა გავეკარით ჯვარსო, სანამ დაიჩემებდა. ქალს კი უხაროდა და მერე როგორ უხაროდა, სწორედ ის რომ გამოუშვეს და ჯვარს არ აცვეს.

მარტოობის სევდით შეპყრობილი სქელუა ასე ფიქრობდა. შემდეგ კი, უცებ, ბარაბას სულ არ ვიცნობო, გაიფიქრა. არც კი ვიცი, რა დაემართა, ჯვარცმულის სული ჩაუსახლდა თუ სხვა რამ მოუვიდაო. კარგი ამბავია, მე და ჩემმა ღმერთმა, მხოლოდ ის მესმის, რომ მას არაფრად ვჭირდები, მე კი ასე ბრიყვულად შემიყვარდაო. ეს გაიფიქრა, ერთი ნამოიტირა და უბედური ქალი ვარო, მიხვდა.

ბარაბამ, რაც ამ ქალთან ცხოვრობდა, რამდენჯერმე მოინახულა ქალაქი და ერთხელაც ასეთი რამ შეემთხვა.

ერთ პატარა სახლში შევიდა, დაბალჭერიან ქოხმანში, სადაც სინათლე სახურავზე დატოვებული ჭუჭრუტანებიდან აღწევდა და სადაც ტყავისა და სიმჟავის მძაფრი სუნი იდგა. ალბათ, ტყავის სახელოსნო იყო, თუმცა დაბალების ქუჩაზე კი არა, იდგა იმ მთის

ფერდობზე, ტაძრიდან კედრონის ხეობისაკენ რომ ეშვებოდა. ადრე აქ როგორც ჩანს, ტაძრისთვის მსხვერპლად შენირულ ცხოველთა ტყავები გამოჰყავდათ. ახლა სახელოსნო მიტოვებულს ჰგავდა, კედლის გასწვრივ ჩამწკრივებული გობები და როფები ცარიელი იყო, თუმცა სუნი კვლავ ტრიალებდა. იატაკზე პურის ქერქები, მრავალგვარი ნარჩენები და სხვა ნაგავი ეყარა.

ბარაბა სახლში შეუმჩნეველად შესხლტა, შესასვლელთანვე კუთხეში ჩაიკუნტა და მლოცველებით სავსე ოთახი მოათვალიერა. ბევრი ვერაფერი დაინახა. კარგად მხოლოდ ისინი მოჩანდნენ ვისაც ჭუჭრუტანიდან გამოლნეული სხივი ეცემოდა. ეტყობა, ყველგან ლოცულობდნენ, ბინდბუნდიდანაც ისმოდა ბუტბუტი. მოულოდნელად რომელიმე კუთხეში ხმა უფრო და უფრო აინევედა, ისევე ჩანყნარდებოდა და საერთო ზუზუნში ჩაიკარგებოდა. ანდა უცებ ყველა ერთად ახმაურდებოდა, გახელდებოდა, ვილაცა ნამოიძმართებოდა და მაცხოვრის აღდგომას მგზნებარედ დაადასტურებდა. დანარჩენები მაშინვე ჩანყნარდებოდნენ და მთქმელისაკენ ისე შებრუნდებოდნენ, თითქოს მისი ძალა ჩვენც გადმოგვეცემო, ელოდნენ. როცა ის ერთი სიტყვას დაასრულებდა, ლოცვას უფრო მგზნებარედ იწყებდნენ. მონმეთა სახეებს ბარაბა ვერ ხედავდა, მხოლოდ ერთადერთხელ მონმე თითქმის მის გვერდით ნამოდგა და კაცმა მისი ოფლით დაცვარული სახე შენიშნა. მლოცველს ამქვეყნად თითქოს ყველაფერი დავიწყებოდა, მის ჩაცვენით ლოცვებზე ოფლის წვეთები მოგორავდნენ. ხანშიშესული კაცი იყო, სულმოუთქმელად ლაპარაკობდა. უცებ მინაზე განერთხო და შუბლი იატაკს ისე დაახალა, როგორც ლოცვის ჟამს ყველა ახლის ხოლმე. თითქოს მოულოდნელად გაახსენდა, რომ იმ ჯვარცმულის გარდა, ვისზედაც დაუსრულებლად ლაპარაკობდა, კიდევ მამა ღმერთიც არსებობდა.

ამის შემდეგ შორეული კუთხიდან ხმა გაისმა და ეს ხმა ბარაბას ეცნო. იქით გაიხედა და სინათლის სხივში გალილეადან ჩამოსულ ნითურ ახმახს მოჰკრა თვალი. ის სხვებზე მშვიდად ლაპარაკობდა და გალილეურ კილოზე უქცევდა, რაც იერუსალიმელებს საერთოდ სასაცილოდაც არ ყოფნიდათ. მიუხედავად ამისა, ამ კაცს სხვებზე უფრო ყურადღებით უსმენდნენ, მის ყოველ სიტყვას გაფაციცებით იჭერდნენ, თუმცა განსაკუთრებულს არაფერს ამბობდა. თავდაპირველად ცოტა თავის „ძვირფას“ მოძღვარზე ილაპარაკა, სხვაგვარად არც ახსენებდა. შემდეგ მლოცველებს შეახსენა, როგორც

მოდღვარმა თქვაო, ყველას, ვინც ჩემი ირწმუნა, ჩემი სახელისთვის გააძევებენ და დევნას დაუნყებენო. ყველამ უნდა აიტანოს თავისი ტანჯვა და ყველას უნდა ახსოვდეს, თავად მოძღვარი როგორ ენამა. მართალია, ჩვენი მხოლოდ სუსტი, საცოდავი ადამიანები ვართ, მას კი არ ვგავართ, მაგრამ უნდა ვეცადოთ გამოცდას გაუძლოთ, მასზე უარი არ ვთქვათ და რწმენას არ ვუღალატოთო. მეტი არაფერი უთქვამს. და ამასაც მათ კი არა, თითქოს თავის თავს ახსენებდა. როცა სიტყვა დაასრულა, შეკრებილებს იმედგაცრუება დაეტყოთ. ეს, ალბათ, მანაც შეამჩნია და თქვა, ახლა იმ ლოცვას წაგიკითხავთ, თავად მოძღვარმა რომ მასწავლაო. ასეც მოიქცა და სანამ კითხულობდა, მგონი, ყველა ძალიან კმაყოფილი იყო და ბევრი ატირდა კიდევ. მლოცველები როგორღაც აღფრთოვანდნენ. აი, მან ლოცვა დაასრულა, ბარაბასთან ახლოს მდგომნი მოტრიალდნენ, თითქოს გადაკოცნას უპირებდნენ და ბარაბამ ისინი მაშინვე იცნო. სწორედ მათ დაუყვირეს მაშინ „განვედ ჩვენგან უწმინდუროო.“

შემდეგ კიდევ ორმა დაამონმა და ყველა ისე აივსო ღვთიური სულით, ისე ატოკდა, აქეთ-იქით ქანობაც კი დაინყეს. ბარაბა ყოველივე ამას თავისი კუთხიდან გამჭრიახი თვალებით უთვალთვალებდა.

და უცებ შეცბა. ერთი სხივის ქვეშ კურდღლისტუჩა შენიშნა. ქალი იდგა, ხელები ჩავარდნილ მკერდზე დაეკრიფა და ფერმკრთალი სახე სინათლისთვის მიეშვირა. მას შემდეგ, რაც სამარესთან დაშორდნენ, ბარაბას ქალი აღარ უნახავს. ის კი უფრო გამხდარა და გასაცოდავებულა, ლოყები შიმშილისაგან ჩაცვივნოდა, სხეულს კი ძონძები ძლივს უფარავდა. ყველა გაცვებით უმზერდა — ეტყობა, მას აქ არავინ იცნობდა. ეტყობოდა, ქალი მათ უცნაური ეჩვენათ, იქნებ ამ ძონძების გამო, თუმცა მიზეზი თავადაც არ ესმოდათ და რას იტყვისო, გაოგნებული ელოდნენ.

ეს რაღად მოძვრებოდა დასამონმებლად? რა მოიფიქრა? ბარაბამ გუნებაში ამოიხვნეშა. ნუთუ არ ესმის, რომ ეს მისი საქმე არაა? ძალიან გაბრაზდა ქალზე, თუმცა მასაც არაფერი ესაქმებოდა აქ. აბა, რაში ჭირდებოდა დამონმება?

და, აი, ქალმა დაიწყო. მოძღვრისა და მაცხოვრის რწმენაზე რაღაც ჩაიდუღლუნა, მაგრამ მგონი გული ვერავის აუჩუყა. პირიქით, არაჩვეულებრივზე გაცილებით ბრიყვულად და გაუგებრად ლაპარაკობდა, იმიტომ, რომ ერთად ამდენ მსმენელს მიჩვეული არ

იყო და რცხვენოდა. ისინი კი ნათლად აჩვენებდნენ, უხერხულად ვგრძნობთ თავს და სირცხვილით თვალები სად დავმალოთ, არ ვიცითო. ზოგიერთმა კი უბრალოდ ზურგი შეაქცია. ბოლოს და ბოლოს, „უფალო, აი, დავადასტურე, როგორც მიბრძანეო“ თუ რაღაც ამის მსგავსი ნაიბუტბუტა, კვლავ სოხანეზე მოიკუნტა და შეეცადა, რაც შეიძლება ნაკლები ყურადღება მიექცია.

ყველამ შეცბუნებით გადახედა ერთმანეთს, ამ ქალმა ხომ არ დაგვიცინაო. იქნებ, მართლაც ასეა! მგონი, ყველას დაშლა და სხვადასხვა მხარეს წასვლა მოუნდა. ერთ-ერთი უფროსი კაცი, რომელმაც ბარაბას „განვედ ჩვენგან უნმინდუროო“, უთხრა, ნამოდგა და დაშლის დროაო, განაცხადა. შემდეგ დაამატა, ალბათ, ყველასთვის გასაგებია, ქალაქში კი არა, აქ რად შევიკრიბეთ, ხელმეორედ სხვაგან შევიკრიბებით, თუმცა სად — ჯერ არავინ იცის, მაგრამ უფალი ნამდვილად მოძებნის ჩვენთვის თავშესაფარს, სადაც მინიერი ბოროტება არ შეგვეხება, ის არ მიატოვებს თავის ფარას, ის — მწყემსი კეთილი და...

ბარაბას მეტი აღარ მოუსმენია. ქოხიდან სხვებზე ადრე შეუმჩნევლად გამოძვრა. უნდოდა ყველაფერ ამას, რაც შეიძლება, მალე გასცლოდა.

კაცს გული ერეოდა.

როცა დევნა დაიწყო, ბრმა ბებერი, დაყრდნობილი იმ ჭაბუკის ხელს, რომელსაც სული ეხუთებოდა, სინედრიონში, მდევრებთან მივიდა და უთხრა:

— სანაგვე კარიბჭესთან ერთი ქალი ერესს ავრცელებს ვიღაც მაცხოვარზე, რომელიც თითქოს დაბრუნდება და მთელ ქვეყანას შეცვლის. რაც კი ახლა არსებობს, თითქოს ყველაფერი დაილუპება და დაიწყება ახალი, უკეთესი ცხოვრება, სადაც მხოლოდ მისი ნება აღსრულდება. იქნებ, საჭიროა ეს ქალიც ქვებით ჩავექოლოთ?

მდევარი წინდახედული კაცი იყო და უსინათლოს თხოვა, უფრო დანვრილებით ამიხსენი ყველაფერიო. მაინც რას ეყრდნობა მისი ბრალდება? და რაც მთავარია, რომელ მაცხოვარზეა ლაპარაკი? უსინათლომ უპასუხა, სწორედ იმ მაცხოვარზე, რომლის რწმენის გამო ხალხს ქვებით ქოლავენ და სამართლიანობა მოითხოვს ეს ქალიც ჩაიქოლოსო. მე ხომ ჩემი ყურით გავიგონე, როგორ განაცხ-

ადა, ჩემი უფალი ყველას, თვით კეთროვანებსაც გადაარჩენს, განკურნავს, ისინიც განიწმინდებიან და სხვებზე უღირსნი აღარ იქნებიანო. აბა ნახეთ, რა მოხდება. კეთროვანები, ალბათ, ყველგან იხეტიალებენ, თანაც ეყვანებს მოიხსნიან, მაშინ როგორღა უნდა გაარჩიო, განსაკუთრებით ბრმა თუ ხარ? განა შეიძლება ასეთი ერესის გავრცელება?

გვერდით, სადღაც წყვილიადმი, ბრმამ გაიგონა, რომ საბჭოს მოღვაწემ წვერი მოიქექა და შემდეგ იკითხა, ამ დაპირებებისა ვინმეს თუ სჯერაო.

— ასეთებიც გვხვდებიან, — უპასუხა ბრმამ. — სანაგვე კარიბჭესთან ბრბო, რასაც გინდა, იმას დაიჯერებს. კეთროვანებმა კი, ცხადია, ყველაზე მეტად გაიხარეს. გარდა ამისა, ქალი მათთან დაეხეტება, გალავანთან მიდის, მათი ამფსონი გახდა ის ურცხვი ისა. ვინ იცის, იქნებ, მათთან ცოდავს კიდევ. თავად მე არ ვიცი. მაგრამ გამიგონია, ქალწული არ არისო. იმასაც ამბობენ, თავისი ახალშობილი მოკლაო. თავად არ ვიცი, ხალხი რასაც ამბობს, მხოლოდ ის მესმის. ყურები ხომ მაქვს, თუმცა თვალი არ მიჭრის, უსინათლო ვარ. ეს კი დიდი უბედურებაა, ბატონო ჩემო, სიბრმავე დიდი უბედურებაა.

საბჭოს მოღვაწემ იკითხა, ამ „მაცხოვარს“, როგორც თავად ეძახის, ან უფრო სწორად ჯვარცმულს, ქალმა ბევრი თაყვანისმცემელი თუ შესძინაო.

— ბევრი. განკურნება ყველას უნდა. ქალი კი პირდება სახიჩრებს, შეშლილებს, უსინათლოებს, ყველას მოარჩენსო. ასე რომ, ამ ქვეყნად არავითარი მწუხარება აღარ იქნება არც სანაგვე კარიბჭესთან და არც სხვაგანო. ახლა კი ქალზე განაწყენდნენ, მაცხოვარი აქამდე რად არ გამოჩნდაო. ქალი ხომ დიდი ხანია დაპირდა, ის კი არა და არ მოდის. ჰოდა, ხალხს მობეზრდა. ახლა დასცინიან, ლანძღავენ, ეს ხომ გასაგებია, აბა, რა საჭიროა, ღამღამობით ქვითინი და ხალხისთვის ძილის დაფრთხობა. მარტო კეთროვანებსღა სჯერათ, არცაა გასაკვირი, იმდენი ეტლიკინა. ასე პირდება ტაძართან მიგიშვებენ და უფლის სავანეში შესვლის ნებას დაგროთავენო.

— ვის? კეთროვანებს?

— ჰო.

— ეს როგორ იტლიკინა?

— ეს ხომ ქალის დაპირება არაა, ეს მისი უფლის პირობაა. უფა-

ლი კი ისე ძლიერია, ყველაფრის დაპირება და ყველაფრის შეცვლა შეუძლია. ის ყოველივეს განაგებს, რადგან უფლის ძეა.

— უფლის ძე!

— ჰო.

— უფლის ძეა? ასე ამბობს?

— ჰო, ეს მკრეხელობაა, ყველას მოეხსენება. ის ხომ ჯვარს აცვეს, მეტი რაღა იქნება. ვინც გაასამართლა, ალბათ, იცოდა, რას აკეთებდა?

— ერთ-ერთი მსაჯული თავად ვიყავი.

— თუ ეგრეა, მისი ვინაობა ჩემზე კარგად გცოდნია.

დროებით სიჩუმე ჩამოწვა. უსინათლოს კვლავ ესმოდა ის, მეორე, წყვილადმი წვერს როგორ იქექავდა. შემდეგ იმავე ხმამ აუნყა, ქალი სამართალში უნდა მიეცეთ, დეე, პასუხი აგოს და თუ შეუძლია, თავისი რწმენა დაიცვასო. ბებერმა მადლობა გადაუხადა, თავი მდაბლად დაუკრა და კედელზე ხელის ფათურით მოძებნა კარი, რომლითაც შემოვიდა. მის დასახმარებლად საბჭოს წევრმა მსახური მოიხმო და სანამ მას ელოდა, ნესი რომ არ დაერღვია, უსინათლოს შეეკითხა, ქალზე დაბოლმილი ხომ არ ხარო.

— დაბოლმილი? რისთვის? ხალხზე დაბოლმილი საერთოდ არა ვარ. რისთვის? მე ხომ არასდროს და არავინ დამინახავს. არც ერთი სულიერი არ დამინახავს.

მსახურმა ბებერი ქურჩაში გაიყვანა. კართან კი ელოდებოდა ის ყმანვილი, რომელსაც სული ეხუთებოდა. უსინათლო ყმანვილს ხელზე ჩაებლაუჭა და ერთად გაუყვნენ გზას.

კურდღლისტურჩას განაჩენი გამოუტანეს და წაიყვანეს იმ ორმოსთან, სადაც მსჯავრდადებულებს ქვებით ქოლავდნენ. ეს ორმო ქალაქიდან ცოტა სამხრეთით მდებარეობდა. ქალის კვალს მისდევდა მყვირალა ბრბო, ტაძრის დაცვის ერთ-ერთი უფროსი და მისი მცველები. ისინი ნელს ზემოთ შიშვლები იყვნენ, თმა და წვერი დაწნული ჰქონდათ. ხელში კი ეჭირათ ტყავის მათრახები, რომლებიც რკინის წვეტებით ბოლოვდებოდნენ. მცველები ნესრიგს იცავდნენ. როცა ადგილზე მივიდნენ, ალგზნებული ბრბო ორმოს გარს შემოერტყა, მცველმა კი გოგონა ძირს ჩაიყვანა. ორმოში უამ-

რავი ქვა ეყარა, ორმოს სიღრმეში კი ქვები ძველსა და შავ სისხლს ჩაემუქებინა.

დაცვის უფროსმა ყველას გაჩუმება უბრძანა, მღვდელმთავრის მაცნემ სასჯელი, მისი მიზეზები ხმამაღლა გამოაცხადა და დასძინა, პირველი ქვა ბრალის დამდებმა უნდა ისროლოსო. შემდეგ უსინათლო ორმოს კიდზე დააყენეს და აუხსნეს, რა უნდა გაეკეთებინა, მაგრამ ბრმას ამის გაგონებაც არ სურდა.

— ქვა რად ვესროლო? რა მესაქმება ამ ქალთან? თვალით არასოდეს დამინახავს!

როცა, ბოლოს და ბოლოს, აუხსნეს, წესი ასეთია და ამისგან თავს ვერავენ დაიხსნისო, მან პირქუშად ჩაილაპარაკა:

— რას იზამ.

ბებერს ხელში ქვა ჩაუდეს და მანაც ეს ქვა წყვდიადში მოისროლა. ერთხელ კიდევ სცადა — და კვლავ არაფერი გამოუვიდა. მას ხომ წარმოდგენა არ ჰქონდა სამიზნე სად იყო, უბრალოდ ქვას წყვდიადში ისროდა, წყვდიადი კი ყველგან ერთნაირი იყო. ბარაბამ, რომელიც ბებრის გვერდით იდგა და აქამდე მხოლოდ მას, ქვემოთ მდგარ ქალს დასცქეროდა, ახლა შენიშნა, რომ უსინათლოს დასახმარებლად ვიღაც მოვარდა. ამ კაცს პირქუში, ბებერი, გაძვალტყავებული სახე ჰქონდა, შუბლზე კი ტყავის ტოპრაკებში ჩაკერებული ალთქმის მცნებები მიემაგრებინა. ალბათ, მნიგნობარი იყო. მან ბრმის ხელი მიზნისაკენ მიმართა, რათა დასჯა გაგრძელებულიყო, მაგრამ ამჯერადაც არაფერი გამოვიდა. ქვები მიზანს არ ხვდებოდა. სიკვდილმისჯილი ქვემოთ იდგა, გაბრწყინებული თვალები ფართოდ გაეხილა და რა მოხდებო, ელოდა.

სამართლიანმა მოღვაწემ, ბოლოს და ბოლოს, მოთმინება დაკარგა, დაიხარა, დიდი, წვეტიანი ქვა აიღო და მთელი თავისი ბებრული ძალ-ღონით გოგონას ესროლა. ქვა მიზანს ზუსტად მოხვდა, ქალი შეტორტმანდა და გამხდარი ხელები როგორღაც უმწეოდ აიქნია. ბრბო აღფრთოვანებით აყვირდა, ხოლო სამართლიანი წინ გადაიხარა და თავის ნამოქმედარს, ეტყობა, უზომოდ კმაყოფილმა დახედა. ბარაბამ მისკენ ნაბიჯი გადადგა, სამოსი ოდნავ ნამოუნია და ზუსტი, ჩვეული ხელით დანა გაუყარა. ყველაფერი ისე სწრაფად მოხდა, თვალი ვერავენ მიატანა. ხალხს ამისთვის სად ეცალა, მსხვერპლს ქვებს უმიზნებდნენ და ესროდნენ.

ბარაბამ ორმოს კიდისკენ გზა ხელისკვრით გაიკვლია და დაინახა, რომ ქვემოთ, კურდღლისტუჩამ რამდენიმე ნაბიჯი წინ ტორტმანით გადადგა, ხელები გაშალა და დაიყვირა:

— მოვიდა! მოვიდა!.. ვხედავ მას, ვხედავ! — შემდეგ მუხლებზე დაეცა, თითქოს ვიღაცის კალთას ჩაებლაუჭა და ჩაიდუღლუნა, — უფალო, როგორ დავადასტურო, უფალო, მომიტევე და შემინყალე, უფალო...

შემდეგ გასისხლიანებულ ქვებზე დაეცა და სული განუტევა.

როცა ყველაფერი დასრულდა, ორმოს კიდესთან ხალხმა დაინახა, რომ ერთი კაცი მკვდარი ეგდო, მეორემ კი ვენახები გადაირბინა და კედრონის ხეობისაკენ მიმავალ გზაზე, ზეთისხილის ბაღში მიიშალა. მცველები გამოედევნენ და ეძებეს, მაგრამ თითქოს მინამ უყო პირიო, ვერსად იპოვნეს.

* * *

დალამდა თუ არა, ბარაბა ორმოსთან დაბრუნდა და ქვემოთ ჩაენიდა. სიბნელეში ვერაფერს ხედავდა და წინ ხელების ფათურით მიინეწვდა. სულ ქვემოთ იპოვნა ქალის დაფლეთილი სხეული, რომელიც ქვებით თითქმის დაემარხათ. რადგან ქვებს სიკვდილის შემდეგაც დიდხანს ესროდნენ. ქალის სხეული ისეთი პატარა და მსუბუქი იყო, სულ არ დაუძძიმებია ბარაბას ხელები, როცა ის ციცაბო ფერდობზე ამოძვრა და სიბნელეს შეერია.

ბარაბას ქალის ნეშტი მიჰქონდა. დროდადრო დასასვენებლად ჩამოჯდებოდა და მიცვალებულის სხეულს სიბნელეში გვერდით დაასვენებდა. შემდეგ ღრუბელი გაიფანტა, ვარსკვლავები აკიაფდნენ, მთვარე ამოვიდა და მიდამო გაანათა. კაცი იჯდა, შესცქეროდა ქალის სახეს, რომელიც უცნაურად კი ეჩვენა, თითქმის არ დაზიანებულყო. არც იმაზე ფერმკრთალი ჩანდა, ვიდრე სიცოცხლეში იყო. მეტი სიფერმკრთალე არც არსებობს. მთლად გამჭვირვალე იყო. ნაჭრილობევიც ზედა ტუჩზე სულ არ ეტყობოდა, თითქოს მნიშვნელობა არა ჰქონდა, ეტყობოდა თუ არ ეტყობოდა. ჰო, ახლა მაინც რა მნიშვნელობა ჰქონდა.

ბარაბას გაახსენდა, როგორ მოისაზრა და ქალს მიყვარხარო, უთხრა. დაეუფლა კიდევ — არა, ჯობდა ახლა ამაზე არ ეფიქრა...

მაგრამ, მიყვარხარო როცა უთხრა — უთხრა მხოლოდ იმისთვის, არ გამცეს და დამემორჩილოსო — მერე და სახე როგორ გაუნათდა!

ამისთანების მოსმენას შერჩეული არ იყო... ბარაბამ ნამდვილად გააბედნიერა მაშინ, არადა, ალბათ, ხვდებოდა კიდევ, რომ ატყუებდნენ. იქნებ, ვერც ხვდებოდა? ასე იყო თუ ისე, კაცმა თავისას მიაღწია. ყოველდღე მოდიოდა და იმდენი საჭმელი მოჰქონდა, რომ კაცი შიშვლით არ მომკვდარიყო — თავადაც მასთან წვებოდა, უფრო ხშირადაც წვებოდა, ვიდრე კაცს ჭირდებოდა. ბარაბაც ეუფლებოდა, იმიტომ, რომ სხვა ქალი გვერდით არ ჰყავდა, ეუფლებოდა, თუმცა მისი დუდღუნა ხმა ზარავდა და ნაკლები ილაპარაკეო, თხოვდა. შემდეგ ფეხი მოურჩა და ცხადია, ნავიდა, აბა რა უნდა ექნა!

ბარაბამ წინ გადაჭიმული უდაბნო მოათვალიერა. მიტოვებულსა და მკვდარ უდაბნოს, მთვარის მკვდარი შუქი ეფინა. ოთხივე მხრივ ასეთი უდაბნო გადაჭიმულიყო. კაცი იცნობდა ამ უდაბნოს და რომც არ შეეხედა, მაინც მთლიანად ხედავდა.

„გიყვარდეთ ერთმანეთი...“.

კვლავ ქალის სახე შეათვალიერა, შემდეგ სხეული ხელში აიტაცა და მთისკენ გასწია.

აქლემებისა და ცხვრების ბილიკს გაუყვა, იუდეის უდაბნოს გაველით მოაბელთა ქვეყნისაკენ რომ მიემართებოდა. ბილიკი თითქმის არ მოჩანდა, მაგრამ ცხოველთა ნაკვალევი ან არადა, ტურების მიერ დაღრღნილი ჩონჩხები მოსახვევებს მიანიშნებდა. შუალამემდე ასე იარა, შემდეგ ბილიკი ქვემოთ დაეშვა და ბარაბა მიხვდა, ცოტალა დამრჩაო. იგი ვინრო ნაპრალში გაძვრა და თითქოს სხვა, უფრო მიტოვებულ და პირქუშ უდაბნოში შევიდა. აქ ისევ ბილიკი გამოჩნდა. მაგრამ ბარაბა დასასვენებლად ჩამოჯდა. მძიმე აღმართის დაძლევის გაიტანჯა, თანაც ადგილამდე მისვლას ცოტალა აკლდა.

ნეტავ თავად მოახერხებდა პოვნას თუ მოხუცთან მოუწევდა წასვლა? ბარაბას მოხუცთან წასვლა არ უნდოდა, ჯობდა უმისოდ ეპოვნა. მოხუცი, ალბათ, ვერ მიხვდებოდა, მიცვალებული რისთვის მოასვენა. განა თავად ბარაბა კი ხვდებოდა? რა საჭირო იყო?.. მაგრამ იფიქრა, აქ მისი სახლიაო, თუკი საერთოდ სადმე ჰქონდა სახლი... გაღგალში არაფრით არ დაკრძალავდნენ, იერუსალიმში კი მის სხეულს, ალბათ, ძაღლებს მიუგდებდნენ. ეს კი ძალიან ცუდია. თუმცა, რა მნიშვნელობა აქვს? რა განსხვავებაა? აი, ბატონო, მოიყვანა თავის საცხოვრებელთან, საიდანაც გააძევეს და სადაც,

ალბათ, იმავე სამარეში ჩანვება, მისი ჩილი რომ წევს. მერე რა შეემატება? უბრალოდ მისთვის უნდოდა გარჯილიყო. ადვილი არ არის — მიცვალებული გაახარო.

ეს იერუსალიმი რას აიკვიატა? რად დაუკავშირდა იმ ჭკუანაკულულ მუდებანოვეებს, ვისაც მხოლოდ ერთი აზრი აქვთ აკვიატებული — დიდი მესია მოგვევლინება და ვიჩქაროთ, ყველამ უფლის წყალობას შევაფაროთ თავიო? ჯობდა მოხუცისთვის დაეგდო ყური და არც არაფერი დაემართებოდა. მოხუცი ადგილიდან დაძვრას არც აპირებდა. ასე ამბობდა, მეყოფა, იმედი უკვე იმდენჯერ მომეცა და გამიცრუვდა, მესიობა უკვე იმდენმა კაცმა დაიჩემა, ვითომ ეს რად აღმოჩნდება ჭეშმარიტი მესიაო. კურდღლისტუჩამ კი აიღო და შემოიღებდა დაუჯერა.

ჰოდა, წევს დასახიჩრებული, მკვდარი. იმას შეენირა. არის კი ის ჭეშმარიტი მესია?

ჭეშმარიტია, არა? ქვეყნის მაცხოვარია? ადამიანთა მოდგმის მაცხოვარია? მამ ქალს რად არ დაეხმარა? მის გამო ქვებით რად ჩააქოლინა? თუ მაცხოვარია, ქალი რატომ არ გადაარჩინა?

მისთვის ხომ ეს იოლზე იოლი იქნებოდა, თუკი მოინდომებდა. მაგრამ არა, ტანჯვა ჭირდებოდა, თავადაც ენამა და სხვაც უნდა ენამეზინა. მონმეებიც ჭირდება. „უფალო, აი, დავადასტურე, როგორც მიბრძანე...“ „მკვდრეთით აღვსდექი, რათა დამედასტურებინა...“.

არა, ბარაბას ეს ჯვარცმული გულზე არ ეხატებოდა. ბარაბას იგი სძულდა. ქალი სწორედ მან მოკლა. მსხვერპლიც ქალისაგან სწორედ მან მოითხოვა და თავი არ დაიხსნასო, თვალის მიადევნა. იქ, ორმოშიც კი ჩავიდა. ქალმა ხომ დაინახა, მისკენ წავიდა, ხელები გაუშვირა, შეელა თხოვა, კალთებზე ჩაებლაუჭა — მან კი დასახმარებლად თითიც არ გაანძრია. ესაა უფლის ძე? უფლის მოყვარული ძე! ქვეყნის მაცხოვარი!

თავად ბარაბამ ის მაინც მოკლა, ვინც პირველი ქვა ისროლა. ეს ხომ მაინც გააკეთა. თუმცა ცხადია, ესეც ცოტაა. ქვა უკვე გაფრენილი იყო, უკვე მოხვდა. უშედეგო საქმე გახლდათ. და მაინც, მაინც, ბარაბამ ქვის მსროლელი მოკლა.

კაცმა მოღრეცილი პირი ხელით გაინმინდა და მწარედ ჩაიციინა. შემდეგ მხრები აიჩეჩა, წამოდგა, თავისი ტვირთი ისე გალიზინებულმა ასნია, თითქოს ტარებით დაილაღა და გზას გაუდგა.

მოხუცის სავანეს გვერდი აუქცია, თუმცაღა იცნო, პირველად

რომ გადაწყდა, მაშინვე დაიმახსოვრა. ისიც გაახსენდა, მოხუცმა ჩვილის სამარესთან როგორ მიიყვანა. კეთროვანების გამოქვაბულები მარცხნივ მოჩანდნენ, ჭკუნაკლული მეუღაბნოვეებისა კი პირდაპირ, თუმცა მაშინ იქამდე არ მიუღწევიათ, ჰო კაცს ყველაფერი გაახსენდა, თუმცა ახლა, მთვარის შუქში ყველაფერს სხვა იერი დაჰკრავდა. აი აქ, ფერდობზე დაეშენენ და მოხუცმა უამბო, ბავშვი მკვდარი დაიბადა, იმიტომ, რომ დედის მუცელშივე შეჩვენებული იყო, მაშინვე დავემარხე, რადგან მკვდარი რაც იბადება, ყოველივე უნმინდურიაო. „შეჩვენდეს ნაყოფი მუცლისა შენისა...“. დედას არ შეეძლო მოსვლა, სამაგიეროდ, მერე სამარესთან ხშირად იჯდა ხოლმეო... მოხუცი ლაპარაკობდა, დაუსრულებლად ლაპარაკობდა...

აქ არის? მგონი აქ უნდა იყოს... აჰა, აქ არის, აი, ეს ლოდიც... ბარაბამ ლოდი გადასწია და ქალი გამხმარი ჩვილის გვერდით დაწვინა. დასახიჩრებული სხეული ისე გაასწორა, თითქოს ცდილობდა მოხერხებულად მოეწყო, მისი სახე და ახლა მნიშვნელობა დაკარგული ტუჩის ზემოთ ნაჭრილობევი უკანასკნელად შეათვალიერა, შემდეგ ლოდი თავის ადგილას დააბრუნა, დაჯდა და უდაბნოს თვალი მოავლო. უდაბნო მიცვალებულთა საუფლოს ჰგავს, ფიქრობდა იგი, ქალი ახლოა უკვე იქაა, თავად მივიყვანე. თუმცა მნიშვნელობა არა აქვს, კაცი სიკვდილის შემდეგ სად წეება, მაგრამ ქალი სხვაგან კი არა, მაინც თავისი გამხმარი ჩვილის გვერდით წევს. რაც შემეძლო, ყველაფერი გავაკეთე, კიდევ ერთხელ გაიფიქრა ბარაბამ, ირიბად ჩაიციინა და ნითური წვერი მოიქექა.

„გიყვარდეთ ერთმანეთი...“.

* * *

როცა თავისიანებთან დაბრუნდა, ისე გამოცვლილიყო, უწინდელი ბარაბა ველარავინ იცნო. მართალია, იმ ორმა, მაშინ იერუსალიმში რომ იყვნენ. ყველას უამბო, უცნაური გახდაო, მაგრამ გასაკვირი აბა რა იყო, ის ხომ ამდენი ხანი ჯურღმულში იჯდა და თანაც ჯვარზე კინალამ გააკრეს. ალბათ მალე გაუფლიდა. მაგრამ არა, არ გაუარა. თუმცა კარგა ხანია დრო დამდგარიყო. მიზეზი ვერავის გაეგო, მაგრამ ბარაბა აშკარად თავის თავს აღარ ჰგავდა.

საერთოდ, ყოველთვის ახირებული ჩანდა, ვერ გაუგებდი, რას ფიქრობდა, რას აპირებდა. მაგრამ ახლა სხვანაირად იყო საქმე. ახლა მათთვის სრულიად უცხო გახდა და თავადაც, ვგონებ, მათ ისე უცხოებით უყურებდა, თითქოს პირველად ხედავდა. როცა გეგმებს უზიარებდნენ — არც უსმენდა და არც სიტყვას ჩაურთავდა, თითქოს მისთვის სულ ერთი იყო. იორდანეს ხეობაში, საქარავნო გზებზე თავდასხმებში ცხადია, მონაწილეობდა, მაგრამ როგორღაც უხალისოდ, ნადავლისთვის თავს იკლავსო, ვერ იტყოდი. მთლად თავს არ არიდებდა ხიფათს, მაგრამ აღარც აღარაფერი აკლდა. ვინ იცის იქნებ, ამასაც გულგრილობის გამო აკეთებდა. თითქოს აღარაფერი უნდოდა. მხოლოდ ერთხელ, როცა მღვდელმთავრისათვის განკუთვნილ, იურიქონების მცხოვრებლებისაგან შეგროვილ ალალს ძარღვავდნენ, იგი უცებ სიბრაზისაგან გახელდა და ალალის მოდარაჯე, ტაძრის ორივე მცველი აჩეხა. ვერავინ გაიგო, რისთვის აჩეხა, მათ ხომ წინააღმდეგობის განევა არც უფიქრიათ, მაშინვე დანებდნენ, როგორც კი ბევრად გეჭარბობენო, დაინახეს. შემდეგ ცხედრებიც შეურაცხყო და ყველამ გადაწყვიტა, ეს კი მეტისმეტი მოუვიდაო. მცველები, მღვდელმთავრის მსახურები მათ თავადაც სძულდათ, მაგრამ მიცვალებულები — ტაძრის, ტაძარი კი უფლის საკუთრება იყო. ჰოდა, ცოტა დააკლდათ, კინალამ დაფრთხნენ, როცა ბარაბამ მიცვალებულები ასე შერყვნა.

საერთოდ, არც კი უცდია, რაიმე ისეთი ჩაედინა, რაც თითოეული მათგანისათვის ღირსეული იქნებოდა. თითქოს მათი საქმე სულაც არ ენალვლებოდა. იორდანეს ფონზე გასვლის ჟამსაც კი, როცა რომაელ ჯარისკაცებს შეუტიეს, თავი დიდად არ გამოუდგია. არადა, ესენი არ იყვნენ, კინალამ ჯვარზე რომ გააკრეს? დანარჩენები ისე დახელდნენ, ყველას ყელი გამოლადრეს და გვამები მდინარეში გადაყარეს. ეჭვი არავის ეპარებოდა, რომ ბარაბას ხალხის მჩაგვრელები სხვებით სძულდა, მაგრამ ყველა რომ მასავით გულგრილად მოქცეულიყო, იმ საღამოს კარგი დღე არ დაადგებოდათ.

გარდასახვა გაუგებარი იყო. თუ მათ შორის ვინმესთვის შეიძლებოდა ჭეშმარიტად მამაცი გენოდებიანა, ამას სწორედ ბარაბა იმსახურებდა. ხანდახან უკიდურესად თავზეხელაღებულ თავდასხმებს აწყობდა და თავადაც პირველი მიდიოდა. მისთვის შეუძლებელი არ არსებობდა, ყველაფერს ახერხებდა. სწორედ სიმამაცისა და ჭკუის გამო ენდობოდნენ და ბარაბას გეგმებს ყოველთვის წარმატება

მოაქვს, იმ აზრსაც მიეჩვივნენ. ის თითქმის მეთაური გახდა, თუმცა მეთაურებს საერთოდ არ სცნობდნენ და ბარაბაც არ უყვარდათ. იქნებ, მეთაურიც ამიტომ გახდა? სწორედ იმიტომ, რომ ახირებული და ჯიუტი იყო და მათ არ ჰგავდა. მის ხასიათს ხომ ვერა და ვერ აუღეს ალლო, ყოველთვის უცხო რჩებოდა. ერთმანეთის შესახებ მათ ყველაფერი იცოდნენ, ბარაბას შესახებ კი — თითქმის არაფერი და საოცარია, სწორედ ამიტომ ენდობოდნენ. ცოტა არ იყოს ეშინოდათ კიდევ ამ კაცისა და ამიტომ, სულის სიღრმეში უფრო მეტად ენდობოდნენ. თუმცა არა, უმთავრესი მიზეზი მაინც მისი სიმამაცე და ჭკუა იყო, რასაც ნამოინყებდა, ყველაფერს ნარმატივულად ასრულებდა.

ახლა კი — აბა ვის ჭირდება მეთაური, რომელსაც მეთაურობა სულაც აღარ სურს და საერთოდაც აღარაფერი უნდა? მეთაური, რომელიც მხოლოდ გამოქვაბულის შესასვლელთან ზის და იორდანეს ხეობას ან უფრო მოშორებით — მკვდარ ზღვას რომ ეძახიან, სწორედ იმ ზღვას გასცქერის? რომელიც ისეთი უცნაური მზერით გიყურებს, რომ სულს გიშფოთებს? სულ მუდამ დუმს და თუ დაგელაპარაკა კიდევ ერთხელ დარწმუნდები, რომ ახირებულია, თითქოს ფიქრებით სადღაც შორს დაქრის, გულისამრევია. იქნებ იმიტომ, რომ იერუსალიმში ასე დიდხანს ჩარჩა და ჯვარზე კინალამ გააკრეს? თითქოს მართლაც გააკრეს ჯვარზე და თავისიანებთან მხოლოდ ამის შემდეგ დაბრუნდა.

ყველას გული ერეოდა, აღარავის უხაროდა, რომ დაბრუნდა და კვლავ მათთან მოვიდა. მისი ადგილი აქ აღარაა. მეთაურად ხომ ნაღდად აღარ გამოდგება — სხვა რაღაში გამოდგება? უნდა იფიქრო, აღარაფრისთვის ვარგა? ჰო, უცნაურია, მაგრამ ასე უნდა იფიქრო.

თუ კარგად გაიხსენებ, ბარაბა ყოველთვის არ იყო ის კაცი, ვინც ყველას თვითონ მიუძღვის და ყველაფერს თვითონვე წყვეტს. ისეთი გულადი და თავზეხელაღებული, რომელსაც არც ხიფათი, არც სიკვდილი, არაფერი აფრთხობს, არა, ასეთი არ იყო, სანამ ელიახუმ თვალის უპის ქვეშ ნაჭრილობევი არ დაუტოვა. მანამდე, პირიქით სიმამაცით მაინცდამაინც არ გამოირჩეოდა. საერთოდ, ეს ყველას ახსოვდა. მერე კი უცებ მამაკაცად გადაიქცა. სწორედ მას შემდეგ რაც ელიახუ, ეტყობა მოსაკლავად, მუხანათურად თავს დაესხა. ისინი განწირულებივით დაეჭიდნენ ერთმანეთს და ბარაბამ ზორბა,

საშიში, მაგრამ უკვე ხანდაზმული და დამძიმებული ელიახუ გამოქვაბულის შესასვლელიდან ხევში მოისროლა. ახალგაზრდა უფრო სხარტი და მოქნილი იყო და, თავისი ძალ-ღონის მიუხედავად, ბებერი მეომარი მას ვერ მოერეოდა. სულ ტყუილად ნამოიწყო ეს ჩხუბი. ნეტავ რას ერჩოდა? ასე რად სძულდა ბარაბა? ეს არავის ესმოდა, მაგრამ რომ სძულდა, ყველამ იცოდა.

მათი მეთაურიც ბარაბა სწორედ მაშინ გახდა. მანამდე კი თავი დიდად არ გამოუჩენია, მამაკაცი იგი მხოლოდ მას შემდეგ გახდა რაც ნაჭრილობევი შეიძინა.

აი, ასე ლაპარაკობდნენ, ლაპარაკობდნენ — ჩურჩულებდნენ.

მაგრამ მათ არ იცოდნენ და არც არავინ იცოდა, რომ ელიახუ, ვინც ასე კარგად ახსოვდათ, ბარაბას მამა იყო. ეს არავინ იცოდა, არც შეიძლებოდა ვინმეს სცოდნოდა. მისი დედა, მოაბელი ქალი, ტყვედ ჩაიგდეს, როცა იერიქონის გზაზე ქარავანი გაძარცვეს. ამ ქალთან ჯერ ყველა კარგად გაერთო, შემდეგ კი იერუსალიმში საროსკიპოს მიჰყიდეს. საროსკიპოში ჩქარა შენიშნეს მალე იმშობიარებსო და იქიდანაც გააძევეს, ქალმაც შუა ქუჩაში იმშობიარა, მკვდარიც იქვე იპოვნეს. არავინ იცოდა ბარაბა ვისი შვილი იყო, თავად ქალიც ვერ იტყოდა ამას. მხოლოდ იმის თქმალა შეეძლო, რომ ნაყოფი მუცელშივე შეაჩვენა და ზეცისა და დედამინის, ზეცისა და დედამინის შემქმნელის სიძულვილით შობა.

არა, ეს არავინ იცოდა. არც იმათ, ვინც გამოქვაბულში ჩურჩულებდნენ და არც შესასვლელში ჩამომჯდარმა ბარაბამ, მოაბის გადატრუსულ მთებს და მკვდარ ზღვად ნოდებულ უკიდევანო სივრცეს რომ გასცქეროდა.

ბარაბას ელიახუ არც კი გახსენებია, თუმცა სწორედ იმ ადგილას იჯდა საიდანაც მაშინ ის გადააგდო. კაცმა არ იცის, რა მიზეზით, ან უფრო სწორად სრულიად უმიზეზოდ, იგი ჯვარცმული მაცხოვრის დედაზე ფიქრობდა. იხსენებდა, თუ როგორ იდგა ქალი და თავის მიღუსმულ ძეს, თავისავე გაჩენილ ვაჟიშვილს შესცქეროდა. თვალში ედგა მისი გამშრალი თვალები, გლეხური, უხეში სახე, რომელსაც ტკივილის გამოხატვა არ შეეძლო, ან იქნებ, ამის გამოხატვა უცხოების თანდასწრებით არ სურდა? არ ავინყდებოდა მისი საყვედურით აღსავესე მზერა, მას, ბარაბას რომ შეავლო, როცა ნინ ჩაუარა. რატომ შეხედა სწორედ ბარაბას? თითქოს სხვისთვის არაფერი ჰქონდა სასაყვედურო!

კაცი ხშირად ფიქრობდა გოლგოთაზე, იქ მომხდარ ამბავზე, და ქალზე, იმ მეორეს დედაზე...

იგი იჯდა და დაუსრულებლად შესცქეროდა მკედარი ზღვის მიღმა მთებს და ბინდს, რომელიც მოაბელთა მინაზე ეშვებოდა.

ისინი კი თავს იმტვრევდნენ, ბარაბა როგორ მოვიშოროთო. ოცნებობდნენ თავი დაეხსნათ ამ უსარგებლო ტვირთისგან, აღარ დაენახათ ეს პირქუში სახე, რომელიც სევდისმომგვრელი იყო და ყოველგვარ სიხარულს სპობდა. როგორ მოიქცინენ? უცებ ხომ ვერ ეტყვიან აღარ გვჭირდები, ზედმეტი ხარ, სჯობს ნახვიდეთ? აბა ამის თქმას ვინ გაბედავს? თავი არავის გამოუდვია. სიმართლე თუ გნებავთ, ვერავინ ბედავდა. ეს უაზრო, ბრიყვული შიში, თუ რაც გნებავთ ის უნოდეთ, ძვალსა და რბილში ჰქონდათ გამჟღადარი.

და კვლავ ჩურჩულებდნენ, ყველას თავი მოგვაბეზრა, არ გვიყვარს, არც არასოდეს გვყვარებია, იქნებ, იღბალმაც სწორედ ამიტომ გვიღალატა, აი, ახლახან კიდევ ორი კაცი დავკარგეთ, ან სიკვდილმისჯილის გვერდით რა იღბალმა უნდა გაგვიჭრასო. გამოქვაბულს ყრუ, მძაფრი სიძულვილი ავსებდა, ბინდიდან თითქმის ზიზღნარევი მზერა შესცქეროდა მას, ვინც ქარაფის თავზე მარტოდმარტო დაუსრულებლად იჯდა და ხალხს თითქოს ცუდი ბედ-იღბლის ნიშნად ევლინებოდა. როგორ მოეშორებინათ თავიდან?

და აი, ერთხელაც, განთიადისას ბარაბა გაქრა... აღარსად ჩანდა. თავდაპირველად იფიქრეს, ჭკუაზე შეირყა და კლდიდან გადავარდა ან ბოროტი სული ჩაუსახლდა და თავად გადაჩეხაო. იქნებ, ელიახუს სულმა გაუსწორა ანგარიში? სწორედ იმ ადგილას, სადაც ოდესღაც ელიახუს დასახიჩრებული სხეული იპოვნეს, ხრამი გაჩხრიკეს, მაგრამ ვერაფერი აღმოაჩინეს. მის კვალს საერთოდ ვერსად მიაკვლიეს. ბარაბა უბრალოდ გაქრა.

ყველას მაშინვე გულზე მოეშვა და ისინიც ციცაბო მთის კალთაზე მზით გახურებულ თავის ბუდეში მიბრუნდნენ.

* * *

არავინ იცის, შემდგომში ბარაბა როგორ ცხოვრობდა. ზუსტად ვერავინ გეტყვით, სად გადაიკარგა ან რას აკეთებდა, სანამ ჯერ

კიდევ ჯან-ლონით სავსე მამაკაცი იყო. ზოგიერთებს ჰგონიათ, გაუჩინარების შემდეგ, სინას ან იუდეას უდაბნოებში გადაიხვეწა და მარტოსული, უფლისა და ადამიანების სამყაროებზე ფიქრობდაო. სხვები პირიქით, ამბობდნენ სამარიელებთან წავიდაო, სწორედ იმ-ათთან იერუსალიმის ტაძარი, ღვთისმსახურები და მნიგნობრები რომ სძულთ და პასექის დროს, მათ წმინდა მთაზე, კრავის შენირვის ჟამს მუხლებზე დაჩოქილი, ჰარისიმის მთაზე მზის ამოსვლას ელო-დაო.

ზოგიერთები კი დაბეჯითებით ამტკიცებენ, უმეტესწილ იგი სირიასთან ახლოს, ლიბანის ფერდობებზე, ყაჩაღთა ბანდის მე-თაური იყო და თუკი იუდეველებსა და ქრისტიანებს წააწყდებოდა, დაუნდობლად უსწორდებოდაო.

და როგორც უკვე ითქვა, რა იყო მართალი და რა ტყუილი დაბე-ჯითებით არავინ იცოდა. სამაგიეროდ, ზუსტად ცნობილია, რომ უკვე მეექვსე ათეულ წელში გადამდგარმა ბარაბამ რამდენიმე წელი პათოსში, რომის ნაცვლის სპილენძის საბადოებში გაატარა და ბოლოს მისსავე სახლში მონად აქციეს. არავინ იცის, რისთვის დაიჭირეს ან საბადოებში მუშაობა რისთვის მიუსაჯეს — უფრო საშინელი სასჯელი ხომ არ არსებობდა. მაგრამ გასაოცარი ის კი არ არის, რომ საბადოში მოხვდა, გასაოცარი ისაა, რომ ამ ჯოჯოხეთში, თუნდაც მონად ქცეული, ცხოვრებას დაუბრუნდა. თუმცა აქ განსა-კუთრებული რამ მოხდა.

ახლა იგი სახედანაოჭებული და ჭაღარა კაცი იყო, თუმცა ყოვე-ლივე იმის შემდეგ, რაც ბედისწერამ არგუნა, საოცრად კარგად გამო-ოიყურებოდა. გასაკვირველად მალე გამოკეთდა და ძველებურად ძალ-ლონით აივსო. როცა მალაროდან ამოვიდა, მიცვალებულს ჰგავდა: ჩამომხმარი სხეული ჰქონდა, ორ დამძრალ ჭასავით თვალის ფოსოებიდან სიცარიელე იხედებოდა. შემდეგ თვალეებმა სამყარო ისევ აირეკლა, ადრინდელზე უფრო მღელვარე და ქანცგანყვეტი-ლი ძაღლის მოდარაჯე მზერა შეიძინა, მაგრამ დროდადრო კვლავ იელვებდა ის სიძულვილი, რითიც დედამისმა სამყარო შეაჩვენა, როცა ბარაბას აჩენდა. თითქმის შეუმჩნეველი ნაჭრილობევი კვლავ გაულურჯდა და გაჭაღარავებული წვერისაკენ დაეშვა.

ასეთი ძლიერი რომ არ ყოფილიყო, ვერაფერი გადაარჩენდა. ამისთვის მადლობა უნდა ეთქვა ელიახუსა და მოაბელი ქალისთვის,

ვისგანაც სიცოცხლე მიიღო საჩუქრად. მაგრამ არც ერთს არ უყვარდა იგი, პირიქით, სძულდა, არც ერთმანეთი უყვარდათ. სიყვარული თურმე რა ცოტას ნიშნავს. მაგრამ ბარაბამ არ იცოდა, რით იყო დავალებული იმ ორი ადამიანისაგან, სიძულვილით რომ ეხვეოდნენ ერთმანეთს.

იგი აღმოჩნდა დიდ სახლში, სადაც თავი უამრავ მონას მოეყარა. მათ შორის ერთი მალალი, მოუხეშავი, გაძვალტყავებული სომეხიც იყო, რომელსაც სახელად სააკი ერქვა. ზედმეტად ახოვანი სააკი, მუდამ მხრებში მოხრილი დადიოდა. დიდი, ოდნავ გადმოკარკლული, შავი და ფართოდ გახელილი თვალები ისე უელავდა, თითქოს ცეცხლი ეკიდა. ჭალარა, მოკლე თმისა და თითქმის გადატრუსული სახის გამო, ხნიერს ჰგავდა, თუმცა სინამდვილეში ორმოცს ცოტათი იყო გადაცილებული. ისიც მალაროდან ამოვიდა. მრავალი წელი იქ ბარაბასთან ერთად გაატარა და თავის დახსნაც მასთან ერთად მოახერხა. თუმცა ვერა და ვერ გამოკეთდა. დაძაბუნებული და მთლად გაჭალარავებული, თითქოს კატორღელის სამუდამო დაღს ატარებდა. სახე მთლად ჩანაცრისფერებული ჰქონდა. ასე გეგონებოდათ, რალაც ისეთი განიცადა, რაზეც ბარაბას წარმოდგენა არა აქვსო. ეს მართლაც ასე იყო.

დანარჩენ მონებს ძალიან აინტერესებდათ ეს ორი კაცი, ვინც იქიდან დაიხსნა თავი, საიდანაც ჩვეულებრივ ვერაინ გამოდიოდა. მათი ამბის მოსმენა ძალიან უნდოდათ! მაგრამ ისინი დუმილით უვლიდნენ გვერდს თავის წარსულს, საერთოდ თავი ყველასგან შორს ეჭირათ, ერთმანეთსაც თითქმის არ ელაპარაკებოდნენ, ამიტომ გაუგებარი იყო მათი ურთიერთობა. არადა, განუყრელად ერთად იყვნენ. უცნაურია, საჭმელად და დასასვენებლად ერთმანეთის გვერდის სხდებოდნენ, ღამ-ღამობით, თივაზეც გვერდიგვერდ ეძინათ, იმიტომ, რომ მალაროში ერთი ჯაჭვით იყვნენ გადაბმულები.

ისინი ერთმანეთს მაშინვე გადააბეს, როგორც კი მატერიკიდან ჩამოიყვანეს. მონებს თავიდანვე ორ-ორს გადააბამდნენ ხოლმე და ამის შემდეგ მალაროში ასე წყვილად მუშაობდნენ, ერთმანეთთან დაშორება აღარ შეეძლოთ. ეს ტყუპი — მონები ერთმანეთს ზედმეტად კარგად იცნობდნენ, ხანდახან ერთმანეთი მძაფრი სიძულვილით სძულდათ და ისიც ხდებოდა, სულ უმიზეზოდ, მხოლოდ იმიტომ, რომ ამ ჯოჯოხეთში გადაბმულნი იყვნენ, ერთმანეთს დაუნდობლად დაეცაკებოდნენ ხოლმე.

მაგრამ ეს ორი კაცი თითქოს მორიგდა და ერთმანეთს უბედურების ატანაშიც კი ეხმარებოდა, არცთუ იშვიათად საუბრობდნენ და კატორღელის მძიმე ტვირთს ამით იმსუბუქებდნენ. თავად ბარაბა ცხადია, დიდი მოსაუბრე არ გახლდათ, მაგრამ მეორეს ყურადღებით უსმენდა. თავდაპირველად თავის თავზე არაფერს ყვებოდა, ორივე დუმდა, საიდუმლო, რომლის გამხელაც არ სურდათ, ორივეს ჰქონდა და ბევრმა წყალმა ჩაიარა, სანამ ერთმანეთის შესახებ რაიმეს შეიტყობდნენ. ერთხელაც, სრულიად შემთხვევით, გაირკვა, რომ ბარაბა ებრაელია და წარმოშობით იმ ქალაქიდანაა, იერუსალიმად რომ იწოდება. სააკი შეკრთა და შეკითხვები სეტყვასავით დააყარა. ერთი შეხედვით ამ ქალაქს კარგად იცნობდა, თუმცა მის ახლოსაც არასოდეს გაუვლია. ბოლოს ბარაბას ჰკითხა, ხომ არაფერი იცი იქ რომ ცხოვრობდა და მოღვაწეობდა იმ რაბის, იმ უდიდესი წინასწარმეტყველის შესახებ, ვისი მოძღვრებაც ბევრმა ინამაო. ბარაბა მიხვდა, რას ეკითხებოდა და კი, გამიგონიაო, უპასუხა. სააკმა გამოკითხვა კვლავ გააგრძელა, მაგრამ ბარაბამ თავი აარიდა და თითქმის არაფერი ვიცო, უთხრა. თვალით თუ უნახავს? ჰმ, როგორ არა, კი დაუნახავს. სააკი მგონი შეაძრწუნა იმ ცნობამ, რომ ბარაბას რაბი ნანახი ჰყავდა და ცოტა ხნის შემდეგ, მართალს თუ ამბობო, ისე ჩაეკითხა. ბარაბამაც კვლავ უხალისოდ და ნაძალადევად, ჰო, მინახავსო, უპასუხა.

სააკს წერაქვი გაუვარდა. იგი იდგა, ღრმად ჩაფიქრებული, თავისი ხვედრით გაოგნებული. მისთვის უცებ ყველაფერი შეიცვალა, ამ სიახლის ბოლომდე აღქმა არ ძალუძდა, მაღაროც შეიცვალა, უცებ ყოველივე შეიცვალა. ის თურმე უფლის მხილველ კაცთან იყო გადაჯაჭვული.

და უცებ ზურგი ზედამხედველის მათრახმა აუნვა, მან სწორედ ამ დროს ჩაიარა. დარტყმისას სააკი მოიხარა, თითქოს მათრახს ასე უფრო აიცილებდა და აღგზნებულმა წერაქვი აამუშავა. როცა მწვალებელმა, როგორც იქნა ჩაიარა, სააკს სისხლი ღვარად ჩამოსდიოდა და ახოვანი სხეული უკანკალებდა. ხმის ამოღება კიდევ დიდხანს ვერ შესძლო. მაგრამ როგორც კი ლაპარაკი მოახერხა, სად და როდის ნახეო, შეეკითხა. ტაძარში ან სამლოცველოში ხომ არ მოგიკრავს თვალი? მაშინ ხომ არ უსმინე, როცა თავის მომავალ მეუფებაზე საუბრობდა? ან იქნებ, სხვა დროს იხილეო? ბარაბა

თავდაპირველად დუმდა, შემდეგ, გოლგოთაზე ვნახეო, უხალისოდ ჩაილაპარაკა.

— გოლგოთა? რა გოლგოთა?

ბარაბამ უპასუხა, ეს სწორედ ის ადგილია, სადაც ბოროტმოქმედებს ჯვარზე აკრავენო.

სააკი მიჩუმდა. თვალები ძირს დახარა. შემდეგ კი ძალიან ჩუმად ჩაილაპარაკა:

— აი, თურმე სად გინახავს.

ასე ითქვა პირველი სიტყვა იმ ჯვარცმულზე, ვისზედაც შემდგომში ამდენს ლაპარაკობდნენ.

სააკს მოძღვრის, მისი წმინდა სიტყვებისა და უდიდესი სასწაულების შესახებ, რაც შეიძლება მეტის გაგება ეწადა. ჯვარს როცა აცვეს, ეს ხომ თავადაც იცოდა, აბა როგორ არ ეცოდინებოდა. კარგი იქნებოდა, ბარაბას რაიმე სხვაც მოეყოლა...

გოლგოთა... გოლგოთა... რა უცნაური, უცხო სახელია, არადა, რამდენი ხანია იცოდა, რამდენჯერ გაუგონია იქ, ჯვარზე, მაცხოვარი როგორ კვდებოდა, რა დიდი სასწაულები მოხდა. ბარაბამ ჰკითხა, თუ დაინახე ორად გაპოზილ ტაძარს რიდე როგორ გადაეფარა, მთაც ხომ ორად გაიპო და თუ იქ იდექი, ალბათ, ესეც უნდა გენახაო?

ბარაბამ უპასუხა, შეიძლება ასეც მოხდა, მაგრამ მე არაფერი შემიმჩნევიაო.

— კი მაგრამ, მკვდრები ხომ სამარეებიდან გამოვიდნენ! ისინი ხომ მკვდრეთით აღსდგნენ, რათა მისი ძალა და ბრწყინვალება დაედასტურებინათ.

— ჰო... — ჩაილაპარაკა ბარაბამ.

— მისი სიკვდილის უამს ხომ მთელ დედამიწაზე წყვდიადი ჩამონვა.

ო, აი ეს ბარაბამ თავადაც იხილა. წყვდიადი ნამდვილად დაინახა.

სააკი, როგორც ჩანს, ბარაბას პასუხმა გააბედნიერა, თუმცა სასჯელის საშინელ ადგილზე ფიქრი თრგუნავდა. მას გაპოზილი მთა, ჯვარი და ჯვარზე მსხვერპლად შეწირული უფლის ძე თითქოს თვალწინ ედგა. ცხადია, მაცხოვარი უნდა დატანჯულიყო და მომკვდარიყო. ასე ეწერა, ჩვენს გადასარჩენად ეწერა. ხო, ასეა, თუმცა

შეუძლებელია ამის გაგება. მაგრამ სააკი უფრო ხარობდა, როცა მას განდიდებულს წარმოიდგენდა თავის სამეუფოში, სადაც ყოველივე სხვანაირი იყო და აქაურობას არ ჰგავდა. ჯობდა მასზე გადაჯაჭვულ ბარაბას გოლგოთას გარდა მაცხოვარი კიდევ სადმე ეხილა. რალა მაინცდამაინც იქ ნახა?

— უცნაურია, — უთხრა მან ბარაბას. — უცნაურია, რომ მაინცდამაინც იქ იხილე. იქ საიდანლა გაჩნდი?

ამ შეკითხვას ბარაბამ დუმილით უპასუხა.

მეორედ სააკმა, ნუთუ მანამდე მართლა არასოდეს გინახავსო, ჰკითხა. ბარაბამ უცებ არ უპასუხა. შემდეგ პრეტორიის ეზოშიც ვიყავი, როცა ასამართლებდნენო, უთხრა და, როგორ მოხდა, ისიც უამბო. გაიხსენა ის უცნაური შარავანდედი, სიკვდილმისჯილს რომ შემოეხვია. სააკი აღტაცებული დარჩა, როცა შარავანდედის ამბავი გაიგო. ბარაბამ კი აღარ ისურვა დაემატებინა, ყველაფერი იმიტომ მომეჩვენა, რომ მაშინ ის-ის იყო ჯურღმულიდან ამოვედი და მზემ თვალი მომჭრაო. რა საჭირო იყო? სააკს ამით რა მოემატებოდა? ან ვის რა მოემატებოდა? ჰოდა, არაფერი აუხსნა და სააკიც გაბედნიერდა, დაუსრულებლად ითხოვდა ამ სასნაულზე რამე კიდევ მიაგებო. კაცს სახე უბრწყინავდა, მისი ბედნიერება თითქოს ბარაბასაც გადაედო, თითქოს ბედნიერებას ერთად იყოფდნენ. და ყოველთვის, როცა სააკი თხოვდა, ბარაბა თავის არაჩვეულებრივ ხილვებს აღწერდა და ყოველთვის იმ დიდი ხნის წინანდელ უცნაურ შუქს თითქოს თავიდან ხედავდა.

ცოტა ხანიც გავიდა და სააკს გაანდო, მაცხოვარის აღდგომის მომსწრე ვიყავიო. არა, არ დამინახავს როგორ აღსდგა. ეს არავის დაუნახავს, მაგრამ ის კი ვიხილე, როგორ ჩამოფრინდა ციდან ანგელოზი, რომელსაც ხელი შუბივით გაეშვირა, ცეცხლი კი ანაფორასავით ემოსა. შუბმა სამარეს ლოდი მოაგლიჯა, იგი ლოდსა და კლდეს შორის ჩაერჭო, გააპო და მეც დავინახე, რომ სამარე ცარიელი იყოო...

სააკი სუნთქვაშეკრული უსმენდა და დიდ, ნდობით აღსავსე თვალებს ბარაბას არ ამორებდა. ნუთუ? ნუთუ ამ საცოდავმა, ბინძურმა მონამ ეს ყველაფერი იხილა? ნუთუ უდიდესი სასნაული ყველა სასნაული მის თვალწინ აღსრულდა? ვინ არის იგი? მისთვის, სააკისათვის რად მოიღეს ასეთი ნყალობა, რად გადააჯაჭვეს ისეთ კაცს, ვინც ასეთი რამ განიცადა, ვინც უფალთან ასე ახლოს იყო?

ამ ამბებზე მკვლევარებსაც იაყუჩა აუბნია და სააკიმე ჩხიკვაძე
დრა, ზემო აღწერილთაგან ყარაყა ახიადი, ამხილვე უკვე მკვლევარ
ბელო. მან ფორულად მაიბობეა, დარისქედა, რომ ეკვერადი
არაღრ ეღვა და მარასი იღვაცას ვარქეხები, ჩერჩქელოთი მქეძრავა.
მენდევ ბარას აღვას მუეილზე დაიხიერებულე დამხარობის მითე
ვან და მოცემ კარე აღოს მოქზე, ევლზე ჩახიკვაძელო მითის სიქე
აჩვენა. ევლს მონას ეკადა ასეთი სიქე, რომელსეკვე მქეძრავა
ნის დანლა ამოტევიფრათ. აქ, მაღარიებში, ეველა სიქეჩქე შობის
დამლა იყო დასმული, ისინი სახელმწიფო მითები იქეცეს, მითრამ
საკის საჭდეს უკანა მხარეზე ორივემ ვაიჩია უცხაურთ, იღვქლო
ნიშნები, რომლის მნიშვნელობა არც ერთს ესმოდა. სააკმა აუბნია
ეს ჯვარცმულის, მაცხოვრის, უფლის ძის სახელით. ამ უცხაურ,
თითქოს ჯადოქრულ ნაჭდევს ბარაბა ვაოვებულე დასეკვეროდა,
მაგრამ სააკმა ჩასჩურჩულა, ამას მხოლოდ ერთი მნიშვნელობა
აქეს, კერძოდ ის, რომ მე, სააკი, უფლის ძეს ეკვეცივის, მისი მონა
ვარო. შემდეგ ბარაბას უფლება მისცა საქედასათვის ხელი მკველო.
ბარაბაც დიდხანს იღვა და საჭდე ხელში ეკაეა.

უცემ ორივეს მოეჩვენა ზედამხედველი შოდასო. არა, მკვეცხეს
და კვლავ უცნაური წარწერისაკენ დაიხარენ. სააკმა ბარაბას ვაი-
დო, ეს ერთმა ბერძენმა მომცა. ეს ბერძენი ქრისტიანია და თავად
მონა იყო, სწორედ მან მიამბო მაცხოვრისა და მისი მუეუეების ძეს
ახებ მალე რომ დაიწყება და მისი როგორ ვირნმუხო, ისე მახსაელა.
იგი სადნობ ღუმელთან გავიცანი. იქ კი წელიწადზე მკეტი ვერაგის
ძლებს. ბერძენმა ერთი წელიც ვერ გაძლო და როცა კვეცბოდა, მა
პანაქება სიცხეში „ნუ მიმატოვებ, უფალო“, მისი ჩერჩქელი ჩაე
იგონე. შემდეგ მას ფეხები მოაჩეხეს, რათა ხუნდები ადვილად მოეხ
სნათ, სხეულს კი ცეცხლში გადაუძახეს -- იქ ეველას ახე ეკვეცოდა
ნენ. ვფიქრობდი, მეც ეს დღე მომელის-მეთქი და სხეა არც არავრის
იმედი მქონდა, მაგრამ მალე, მონათა ნანილი და მათ შორის მკეც, აქ
გადმომიყვანეს, აქ ბევრი მონა დასჭირდაათო.

აი, ასე, ახლა იცი, რომ ქრისტიანი და უფლის მონა ვარო, დაასრე
ლა თავისი სიტყვა სააკმა და ბარაბას ნდობით აღხაესე თეილედას
შეხედა.

რამდენიმე დღე ბარაბა ჩუმი და ჩაფიქრებული იყო. მკვეცხე
საკეს უცნაურად აღფრთოვანებული ხმით მკეკითხა, მაგ ჩამოქოდას
ჩემს საჭდეზეც ხომ ვერ ამოტევიფრავო.

სააკმა შევეცდებით, მაშინვე უბასუხა. მართალია, იდუმალი ნიშნები არ ვიცი, მაგრამ ხომ შეიძლება საჭდეს დავხედო...

ისინი ზედამხედველის ჩაელას დაელოდნენ, შემდეგ კი სააკმა ლამპრის მკრთალ შუქზე, წვეტიანი ქვის ნატეხით, ნიშნების ამოკვეთა მონდომებით დაიწყო. მისი მიუჩვეველი ხელისათვის უცნობი მოხაზულობის გამოყვანა იოლი როდი იყო, მაგრამ ძალიან ცდილობდა ზუსტად დაემსგავსებინა. მუშაობა მრავალგზის შეწყვიტა, ხან ვილაცამ გაიარა, ხანაც მოეჩვენათ, გაიარაო — მაგრამ ბოლოს და ბოლოს ნარნერა ამოიტივფრა და ორივემ გადანყვიტა, ძალიან კარგი გამოვიდაო. ისინი მდუმარედ დასცქეროდნენ თავის ნაჭდევს, ამ საიდუმლო ნარნერას, რომელსაც თუმცა ვერ კითხულობდნენ, მაინც იცოდნენ. რომ ჯვარცმულის სახელი იყო და ისინიც მისი მონები ხდებოდნენ. შემდეგ ორივე მუხლებზე დაეცა და უფალს, ყველა უბედურთა მაცხოვარს, ღმერთს, მხურვალე ლოცვა აღუვლინეს.

ზედამხედველმა შორიდან შენიშნა, რომ ლამპართან წამონოლილი ორი კაცი ისე თავდავინყებით ლოცულობდა, ვერავის ამჩნევდა. ისიც თავს დაესხა და ორივე ცემით მიასიკვილილა. შემდეგ, როგორც იქნა, მიატოვა და სააკიც მინას დაასკდა. მაგრამ არა, ზედამხედველი კვლავ მობრუნდა, სააკს ისევ უშხუნა და წამოდგომა აიძულა. მონები ტორტმანებდნენ, ერთმანეთს ეჯახებოდნენ და ისევ და ისევ მუშაობდნენ.

ასე იგემა ბარაბამ პირველი ტანჯვა იმ ჯვარცმულისთვის, რომელსაც თეთრი სხეული და უბალნო მკერდი ჰქონდა და ჯვარზე მის ნაცვლად გააკრეს.

ნლები გადიოდა. დღეები დღეებს მისდევდა. სააკსა და ბარაბას, ალბათ, დღეთა სათვალავიც აერეოდათ, მაგრამ ყოველ საღამოს, ასობით ზუსტად ასეთ ღონემიხდილ მონასთან ერთად მათ დასაძინებლად შეყრიდნენ და ისინიც დაღამებულაო, ხვდებოდნენ. გარეთ მათ არასოდეს უშვებდნენ. სისხლისგან დაცლილნი, ჩრდილებად ქცეულნი, წლიდან წლამდე ცხოვრობდნენ ქვემოთ, წყვდიადში, მიცვალებულთა საუფლოში, სადაც გზას მხოლოდ ლამპრები და იშვიათი ღუმლები ანათებდნენ.

მაღაროს შესასვლელში სუსტი შუქი იღვრებოდა და იქ, ზემოთ რალაცას, ალბათ, ცას თუ მოკრავდნენ თვალს. მაგრამ მინა, ის სამყარო, რომელსაც ადრე ეკუთვნოდნენ, არასოდეს დაუნახავთ, აქვე,

შესასვლელშივე აძლევდნენ საჭმელს — კალათებითა და ბინძური გობებით, რათა ღორებივით შეეთქვლიათ.

სააკი დარდიანი იყო. ბარაბა მასთან ერთად აღარ ლოცულობდა. მას შემდეგ, რაც საჭდეზე მაცხოვრის სახელის ამოტიფრა ითხოვა, რამდენჯერმე ილოცა, შემდეგ კი მიატოვა. უფრო ჩუმი რალაც უცნაური და უცხო გახდა. სააკს არაფერი ესმოდა, თავიც რომ ემტვრია, მაინც ვერ გაიგებდა. თავად ძველებურად ლოცულობდა, ხოლო ბარაბა მხოლოდ ზურგს შეაქცევდა, თითქოს ამის დანახვაც არ სურდა. მართალია, ისე დგებოდა, რომ სააკს ეფარებოდა, ლოცვისას ხელი არავინ შეუშალოსო. ესე იგი ეხმარებოდა? მაგრამ თავად კი აღარასოდეს ულოცია.

რატომ? რისთვის? სააკი საგონებელში ჩავარდა. გამოცანაა. ბარაბა მისთვის საერთოდ გამოცანად გადაიქცა. არადა, ფიქრობდა კარგად ვიცნობო, აჲ, მინისქვეშეთში, ამ ჯოჯოხეთში ერთმანეთს კარგად დავუახლოვდით, განსაკუთრებით მას შემდეგ, რაც ერთად ვილოცეთო. და უცებ მიხვდა, რომ სულ არ იცნობდა. მის შესახებ არაფერი იცოდა, თუმცა განუშორებლად ერთად იყვნენ. დროდადრო გვერდით წამოწოლილი ეს უცნაური კაცი სრულიად უცხოდ ეჩვენებოდა.

მაინც ვინ იყო ეს კაცი ბოლოს და ბოლოს?

ისინი ერთმანეთს კვლავ ელაპარაკებოდნენ, თუმცა ძველებურად ველარ საუბრობდნენ და ბარაბაც ახლა მასთან საუბრისას ზურგშექცევით ჯდებოდა. სააკი მის თვალებს ველარ ხედავდა. ან კი დაუნახავს ოდესმე? აბა, ჩაუფიქრდეს — დაუნახავს თუ არ დაუნახავს?

მაშ ვისთან გადააჯაჭვეს სააკი?

ბარაბა თავის ხილვებზე აღარაფერს ყვებოდა. ეს კი სააკისთვის ისეთი დიდი დანაკარგი იყო, წარმოდგენაც კი შეუძლებელია. ცდილობდა ყველაფერი თავად წარმოედგინა, როგორმე თავად გაეხსენებინა. განა იოლი იყო? ვერ ახერხებდა — ანდა როგორ მოახერხებდა... თავად სააკი ხომ ჯვარცმულის გვერდით არასოდეს მდგარა და არც შარავანდედს დაუბრმავებია. თავად სააკს ხომ უფალი არასოდეს უხილავს.

ძალაუნებურად იმ მოგონებით უნდა დაკმაყოფილებულიყო. რალაც სასწაულებრივი, ოდესღაც ბარაბას თვალით რომ იხილა.

ყველაზე მეტად პასეკის დილის ხილვები შეუყვარდა, მიცვალებულთა საუფლოდან უფლის დასახსნელად ცით მოვლენილი აღმოდებული ანგელოზი. როცა ამას ნათლად წარმოიდგენ, ზუსტად გეცოდინება, რომ ის, ცხადია, აღსდგა, ცოცხალია, რომ მალე დაბრუნდება და დედამინაზე თავის მეუფებას სწორედ ისე დაამკვიდრებს, როგორც ხალხს დაპირდა. სააკს ეჭვიც არ ეპარებოდა, სრულიად დარწმუნებული იყო, რომ ასე მოხდებოდა. მაშინ ყველას — ყველას, ვინც ახლა მალაროში იტანჯება, თავისუფლებას მიანიჭებენ. თავად უფალი გასასვლელში ჩადგება, მონებს შეეგებება, ხუნდებს შემოხსნის და ისინიც მაშინვე მის საუფლოში მოხვდებიან.

ო, როგორ ოცნებობდა სააკი! და მუდამ, როცა დასაპურებლად უხმობდნენ, მალაროს ჭიდან, სასწაული ხომ არ მოხდაო, ზემოთ იხედებოდა. მაგრამ განა აქედან სამყაროს დანახვა შეიძლებოდა? არავინ იცოდა, გარეთ რა ხდებოდა. ყველაფერი შეიძლებოდა მომხდარიყო და ვერ გაგეგო. მაგრამ ეს თუ მოხდა, უფალი თუ უკვე გამოცხადდა, ცხადია, მათ მოუხმობდა. უფალი მათ არ დაივინყებდა, თავისიანებს არ დაივინყებდა და მიცვალებულთა საუფლოდან დაიხსნიდა.

ერთხელ, როცა სააკი კლდის შვერილზე მუხლმორთბმული ლოცულობდა, ძალიან უცნაური ამბავი მოხდა.

მალაროში ახლად მოსული ზედამხედველი, რომელმაც მათი მტანჯველი შეცვალა, სააკს უკნიდან მიუახლოვდა. სააკს იგი არ დაუნახავს და არც არაფერი გაუგონია, მაგრამ ბარაბამ, რომელიც მლოცველის გვერდით იდგა, თუმცა თავად არ ლოცულობდა, იგი ბინდში შენიშნა და ვიღაც მოდისო, სააკს წასჩურჩულა. სააკმაც ლოცვა მაშინვე შეწყვიტა, წამოხტა და ხელი წერაქვეს დასტაცა. ეტყობა, იგი ყველაზე საშინელ სასჯელს ელოდა, ამიტომ წინასწარ მოიხარა და ზურგი მათრახს მიუშვირა. იგი არავის დაუსჯია, რითაც ორივე განცვიფრებული დარჩა. ზედამხედველი, ცხადია, შეჩერდა, მაგრამ სააკს მხოლოდ მეგობრულად შეეკითხა, ასე რად ინეკი, ეს რას ნიშნავსო. სააკმა ძლივს უპასუხა ჩემს ღმერთს ვლოცულობდიო.

— რომელ ღმერთს? — შეეკითხა ზედამხედველი.

სააკმა აუხსნა, რომელ ღმერთზე იყო საუბარი და მანამ მდუმარედ დაუქნია თავი, თითქოს ასეც ვფიქრობდიო, აგრძნობინა. შემდეგ სააკს ჯვარცმული მაცხოვრის ამბები გამოკითხა. მის შესახებ

უკვე მრავალი უცნაური ამბავი მომისმენიაო, თქვა. თავი მართლა ჯვარზე გააკრევიან? მონის სამარცხვინო სიკვდილით მოკვდა? და ამის შემდეგ, ღმერთივით სცემენ თაყვანს? სასწაულია, მართლაც სასწაულია... მაცხოვარს რაღად ეძახიან? ღმერთისთვის უცნაური სახელია... ეს რას ნიშნავს? ჩვენ გვაცხოვნებს? ჩვენს სულებს აცხონებს... რა უცნაურია... ეს რაღა საჭიროა?

სააკი შეეცადა აეხსნა. ზედამხედველი ყურადღებით უსმენდა, თუმცა ბნელი მონის დაბნეული, გაურკვეველი სიტყვებიდან ბევრი ვერაფერი გაიგო. ხანდახან მხოლოდ თავს გადააქნევდა. მაგრამ ისეთი ყურადღებით უსმენდა, თითქოს უბრალო სიტყვები მისთვის საგანგებო მნიშვნელობას იძენდა. ბოლოს თქვა, რა უბედურებაა, რამდენი ღმერთი არსებობს, მათგან თავი ვერ დაგიხსნია, შენი სიმშვიდისათვის ყველას მსხვერპლი უნდა შესწიროო...

სააკმა უპასუხა, ჯვარცმული მსხვერპლს არ თხოულობს, მხოლოდ ის უნდა შენივე თავი შესწირო მსხვერპლადო.

— შენი თავი? კი მაგრამ, როგორ? ეს რაღას ნიშნავს?

— მის დიად სამსხვერპლოზე, შენი თავი უნდა შესწირო მსხვერპლად.

— მის სამსხვერპლოზე?...

ზედამხედველმა თავი გადაიქნია.

— ბნელი მონა ხარ, — უთხრა შემდეგ. — რასაც ჩაგძახებენ, იმას ამოიძახებ. ეს ვინ გამოიგონა? ეს ბოდვები სად მოისმინე?

— ბერძენი მონისაგან გავიგონე, — უპასუხა სააკმა, — ყოველთვის ასე ამბობდა, თუმცა რას ნიშნავს, ზუსტად თავადაც არ ვიცი.

— საქმეც ეს არის, არც არავინ იცის. მსხვერპლად თავი შესწირო... მის სამსხვერპლოზე... მის სამსხვერპლოზე...

შემდეგ რაღაც გაუგებრად ჩაიბუტბუტა და იშვიათი ლამპრების ბინდში, თითქოს მინამ უყო პირიო, ისე გაუჩინარდა.

სააკი და ბარაბა ამ დაუჯერებელ შემთხვევაზე დიდხანს ფიქრობდნენ. ყოველივე ისე უცნაურად გამოიყურებოდა, ვერაფერი გაეგოთ. ასეთი ადამიანი აქ როგორ გაჩნდა? ნუთუ ჩვეულებრივი ზედამხედველი? და ჯვარცმულის, მაცხოვრის ხვედრით დაინტერესდა? არა, დაუჯერებელია. და მაინც, ამ შემთხვევამ ორივე გაახარა.

ამის შემდეგ ზედამხედველი სააკთან ხშირად ჩერდებოდა და ელაპარაკებოდა. ბარაბას ერთხელაც არ დალაპარაკებია. სააკს

კვლავ და კვლავ თხოვდა, მიაშვეს შენს უფალზე, მის ცხოვრებასა და სასნაულებზე, ამ განსაკუთრებულ მოძღვრებაზე. „გიყვარდეთ ერთმანეთი“ რას ნიშნავსო. და აი, ერთხელაც ზედამხედველმა თქვა:

— კარგა ხანია, ვფიქრობ, სხვებთან ერთად ეს ღმერთიც ხომ არ ვალიარო. მისიც ხომ არ ვინამო. მაგრამ როგორ ვირწმუნო? ამდენი უცნაური ამბავი როგორ დავიჯერო? ან კი მე, მონათა ზედამხედველი ჯვარცმულ მონას როგორ ვეთაყვანო?

— ერთარსება ღმერთი! და მონასავით გააკრეს ჯვარზე! შეუძლებელია! ერთარსება ღმერთია და ჯვარს აცვეს!

— ჰო, — უპასუხა სააკმა. — ასეა.

ზედამხედველმა უკიდურესი განცვიფრებით შეხედა და არაფერი უპასუხა. შემდეგ ჩვეულებისამებრ თავი გადააქნია და მალაროში გაუჩინარდა.

ზედამხედველი მიდიოდა და იღუმალ ღმერთზე ფიქრობდა. რაც მეტს ფიქრობდა, ის უფრო და უფრო მიუნვდომელი ხდებოდა. იქნებ, მართლა ერთარსება ღმერთია? და მხოლოდ მის წინაშე, ერთადერთი მის წინაშე უნდა ილოცო. იქნებ მთელ სამყაროში მართლაც ერთადერთი, ძლიერი ღმერთი, ზეცისა და მიწის მეუფე არსებობს, რომელიც თავის კანონს ყველგან, აქაც კი, მინისქვეშეთშიც აწესებს? კანონი კი ისეთი უცნაურია, ვერაფერს გაუგებს... „გიყვარდეთ ერთმანეთი“... „გიყვარდეთ ერთმანეთი...“ არა, ამის გაგება შეუძლებელია...

იგი ორ ლამპარს შორის ბნელში შეჩერდა, რათა კარგად დაფიქრებულიყო.

უცებ გონება გაუნათდა და მიხვდა, რაც უნდა გაეკეთებინა. მონა, რომელსაც ეს იღუმალი ღმერთი სწამს, აქედან უნდა დაიხსნას. ამ საბადოებს, სადაც ყველაფერი ილუპება, უნდა მოაშოროს და ზევით, მზის გულზე, სხვა სამუშაოზე გადაიყვანოს. ამ ღმერთისა და მით უმეტეს, მისი მოძღვრების მას არაფერი ესმის, მაგრამ მონას დაიხსნის. უფალმა თითქოს თავად უბრძანა ასე მოიქცეს.

როგორც კი ზემოთ მოუწია ამოსვლა, პირდაპირ საბადოების კუთვნილი მიწის დამმუშავებელი მონების ზედამხედველთან მივიდა. მას ცოცხალი, გლეხური სახე და დიდი, სველი ტუჩები ჰქონდა. ზედამხედველმა მოუსმინა თუ არა, მაშინვე აგრძნობინა, ეს აზრი არ მომწონს, მალაროს მონა არ მჭირდებაო. ნამდვილად კი მონები

ძალიანაც ჭირდებოდა. განსაკუთრებით მაშინ, ხენის დრო იყო და ხარები არ ყოფნიდა. მაგრამ არა, ქვევიდან არავის ამოყვანა არ სურდა. ისინი არაფრად ვარგოდნენ, ვერაფერს გამორჩებოდი. მათ არც სხვა მონები სცნობდნენ, რა უნდა გაეკეთებინათ აქ, მინაზე? და მაინც, ბოლოს და ბოლოს, უფროსს დაუთმო — საოცარი კია, მას ხომ ყოველთვის თავისი გაჰქონდა — და უფროსიც მალაროში დაბრუნდა.

მეორე დღეს სააკს მის ღმერთზე უფრო მეტ ხანს ესაუბრა, შემდეგ უამბო სააკისთვის როგორ გაისარჯა. მონას ისლა დარჩენოდა მალაროს შესასვლელში დარაჯისათვის თავისი სახელი ეთქვა, ხუნდებს მაშინვე მოხსნიდნენ და მეორე მონას მოაშორებდნენ. შემდეგ ზევით აიყვანდნენ და ვისთანაც ამის შემდეგ უნდა ემუშავა, იმას ჩააბარებდნენ.

სააკი შესცქეროდა და ყურებს არ უჯერებდა. ნუთუ მართალია? ზედამხედველმა დაუდასტურა, ჰო, მართალია, იქნებ, თავად შენმა უფალმა ბრძანა, რომ მისი ნება აღსრულებულიყო.

სააკმა გულზე ხელები დაიკრიფა და დადუმდა. შემდეგ ჩაილაპარაკა, ამხანაგთან განშორება არ შემიძლია, რადგან ერთი ღმერთი გვყავს და ერთი რწმენა გვაქვსო.

ზედამხედველი ძალიან გაოცდა და ბარაბას შეხედა.

— ერთი რწმენა? ამასთან? კი მაგრამ, ეს ხომ მუხლებზე არასოდეს დგება და არ ლოცულობს?

— ჰო, — გაეპასუხა სააკი. — იქნებ, ასეცაა, მაგრამ უფალთან ეს უფრო ახლოსაა. იგი მის გვერდით, ჯვართან იდგა, როცა უფალი ეწამებოდა და კვდებოდა. მის ირგვლივ შარავანდედიც შეამჩნია და ისიც იხილა თუ როგორ მოამტვრია ცეცხლოვანმა ანგელოზმა სამარის ლოდი, რათა უფალი მიცვალებულთა საუფლოდან დაეხსნა. სწორედ მან ამიხილა თვალი, უფლის ბრწყინვალეობასაც მან მაზიარა.

ზედამხედველმა თავი გადაიქნია. აღმაცერად შეხედა ბარაბას. ლოყაზე ნაჭრილობევიდამჩნეულ კაცს, რომელიც ადამიანს სახეში არასოდეს უყურებდა. აი, ახლაც შებრუნდა. ნუთუ ასეთი კაციც სააკის უფალს ეკუთვნის? არა, ბარაბა მას არ მოსწონდა.

ზედამხედველმა რაღაც ჩაიბუტბუტა და ბარაბას დიდხანს აღმაცერად უყურა. შემდეგ უხალისოდ დათანხმდა, დეე, ისე იყო

როგორც გინდა, კარგი, ერთმანეთს ნუ დაშორდებითო, თავად კი მოსცილდა და თავისი მარტოობისაკენ გასწია.

დანიშნულ დროს, სააკი და ბარაბა შესასვლელის დარაჯთან მივიდნენ. მათ ხუნდები შემოხსნეს და მალაროდან ზევით აიყვანეს. და როცა მინაზე აღმოჩნდნენ და იხილეს გაბრწყინებული მზე მთის თავზე, საიდანაც ლავანდისა და მურტის სურნელი იფრქვეოდა, როცა იხილეს გაზაფხულის ხეობის სიმწვანე და შორეული ზღვა, სააკი მუხლებზე დაეცა და სიხარულით თავგზააბნეულმა შეჰყვირა:

— უკვე აქ არის! უკვე მოვიდა! შეხედე — აი, იგი, აი, მისი მეუფე-ბა!

დარაჯმა, მათ რომ მოჰყვებოდა, სააკს გაცემით შეხედა. შემდეგ ნამოსაყენებლად ფეხი ოდნავ ნაჰკრა და უთხრა:

— ჰა, გასწი.

* * *

ბარაბა და სააკი გუთანში მშვენივრად შეებნენ. ადრე ხომ ერთი ჯაჭვით იყვნენ გადაბმულები და ორი ხარივით ერთმანეთს შეეთვისენ. ამ გაძვალტყავებულ, გასაცოდავებულ, ნახევრად თავგადაპარსულ მონებს, დანარჩენი მონები მასხრად იგდებდნენ, ზედ ეტყობოდათ საიდან მობრძანდნენ. მაგრამ ერთ-ერთმა მათგანმა მალე აღიდგინა ძალა, რადგან ბუნებით ჯანმრთელი იყო და ამის შემდეგ სამუშაოს არცთუ ისე ცუდად აუდიოდნენ. ზედამხედველი არ უჩიოდა. მინისქვეშეთიდან ამოსულ მონებს მეტს რას გამოორჩებოდა.

ორივე მაღლიერების გრძნობით იყო განმსჭვალული. მართალია, მუშები პირუტყვივით დილიდან საღამომდე შრომობდნენ, მაგრამ წარსულთან შედარებით, დიდი შეღავათი ჰქონდათ. მხოლოდ დღის სინათლის დანახვა, სუფთა ჰაერის სუნთქვაც კი დიდი ბედნიერება იყო. და თუმცა მათი გაძვალტყავებული სხეულები მცხუნვარე მზისაგან ოფლში იწურებოდა, თუმცა კვლავ პირუტყვებად თვლიდნენ და ადრინდელზე უკეთესად არ ექცეოდნენ, მათ სიხარულს მაინც საზღვარი არ ჰქონდა. მათრახი ზუსტად ისე ზუზუნებდა, როგორც საბადოში, განსაკუთრებით სააკს ხედებოდა, ის ხომ ბარაბაზე ბევ-

რად სუსტი იყო. და მაინც, ორივენი სიცოცხლეს დაუბრუნდნენ. სწორედ ისე ცხოვრობდნენ, როგორც ყველა ცოცხალი ქმნილება მინის ზემოთ ცხოვრობს და არა მინის ნიალსა და მარადიულ ნყვდი-აღში. დილა დგებოდა და ამით ხარობდნენ.

მაგრამ იმასაც ხვდებოდნენ, რომ უფლის მეუფების ჟამი ჯერ არ დამდგარიყო.

თანდათან მათ სხვა მონებიც მიეჩვივნენ და მხეცებად აღარ თვლიდნენ. ორივეს თმა წამოეზარდა, სხვა მონებს დაემსგავსნენ და ყურადღებას აღარ იქცევდნენ. საერთოდაც, მნიშვნელოვანი ის კი არ იყო, რომ ამ ორმა კაცმა ჯოჯოხეთი მოიარა, არამედ ის, რომ იქიდან თავის დაღწევა მოახერეს. ამან დანარჩენ მონებში თავიდანვე ცნობისმოყვარეობა და უნებლიე აღტაცებაც კი გამოიწვია, თუმცა ამის აღიარება არავის სურდა. მაგრამ ამოდ ცდილობდნენ გაეგოთ, ეს როგორ მოხდა. ისედაც ჩუმებს, მომხდარ სასწაულზე საუბარი საერთოდ არ სურდათ. ეს ორი, უცნაური კაცი ყველას გაურბოდა და ერთმანეთს არ შორდებოდა.

არადა, ახლა ეს აუცილებელი სულ არ იყო. საერთო ჯაჭვი აღარ აკავშირებდათ. ვისთანაც უნდოდათ, იმასთან შეეძლოთ დამეგობრება. არც ის იყო სავალდებულო, გვერდიგვერდ დაეძინათ ან ეჭამათ. ისინი კი ძველებურად ერთად ისე დადიოდნენ, თითქოს ხუნდები არც კი შემოეხსნათ.

მუშაობისას ძალაუნებურად ერთად იყვნენ შებმულნი, მაგრამ სამუშაოს დასრულების შემდეგ სხვა მონებში გარევა შეეძლოთ. მაგრამ თუ გავიხსენებთ, რა უცხოდ გრძნობდნენ თავს მათ შორის, იქნებ, არც ისე უცნაური აღმოჩნდეს ყველას ასე რომ ერიდებოდნენ... მიეჩვიენ ერთმანეთსაცა და იმ ჯაჭვსაც, რომელიც აღარ აკავშირებდათ. თუკი რომელიმეს ღამით გაეღვიძებოდა, სანამ გვერდით ჩაძინებულ ამხანაგს არ დაინახავდა, გული უსკდებოდა და შეამჩნევდა თუ არა, მაშინვე ჩანყნარდებოდა.

რას მოესწრო ბარაბა! ეს როგორ დაემართა! სრულიად გაუგებარი. მას ხომ ნაღდად არ სურდა ვინმეს მიჯაჭვოდა. არადა, მიჯაჭვეს, თანაც არც ჰკითხეს ისე, რკინის ხუნდებით მიაბეს და თუმცა ხუნდები აღარ ეკეთა, მაინც ვერ იშორებდა. ეჯაჯგურებოდა, თავის დახსნას ცდილობდა.

სააკს კი თავის დახსნა არც უცდია. პირიქით, მას ტანჯავდა აზრი, რომ ძველებურად ახლობლები აღარ იყვნენ. რატომ? რა მოხდა?

მათ არასოდეს ულაპარაკიათ, თუ რა სასწაულით დაიხსნეს თავი საბადოდან, მიცვალებულთა ამ საუფლოდან. პირველ დღეებში ცოტა ისაუბრეს, შემდეგ შეწყვიტეს. მაშინ სააკი მაცხოვარმა, უფლის ძემ დაგვიხსნაო, ამბობდა. ჰო, ალბათ ასე იყო... ცხადია... თუმცა საერთოდ ისეთი შთაბეჭდილება იქმნებოდა, თითქოს სააკი მართლაც მაცხოვარმა იხსნა, ბარაბა კი სააკმა გადაარჩინა. განა ასე არ იყო? ასე არ გამოდიოდა?

ჰო, ჯობდა ამაზე არც ეფიქრა.

ბარაბა, ცხადია, გადარჩენისათვის სააკის მადლიერი იყო. მაგრამ უფლის მადლიერი თუ იყო? ალბათ იყო, მაგრამ დაბეჯითებით არაფრის თქმა არ შეიძლებოდა, ბარაბასას ვინ რას გაიგებს...

სააკი დარდობდა, სულ არ ვიცნობ, ასე კი შევეთვისეო. გული ტკიოდა, რომ ძველებურად ერთად ვეღარ ლოცულობდნენ, ისე როგორც იქ, საბადოში, მიცვალებულთა ამ საუფლოში. სააკს კი ლოცვა ძალიან უნდოდა! მაგრამ ბარაბს არ საყვედურობდა, უბრალოდ მას არაფრის გაგება არ შეეძლო.

ბარაბას ხასიათში საერთოდ ბევრი რამ იყო გაუგებარი. სამაგიეროდ, მაცხოვრის გარდაცვალება და მისი მკვდრეთით აღდგომა იხილა. უფლის ირგვლივ არაამქვეყნიური ნათელიც დაინახა, თუმცა ამის შესახებ მეტად აღარ უსაუბრიათ...

სააკი იტანჯებოდა, მაგრამ თავისი სატკივარი როდი ანამებდა. თოვლივით თეთრი თმის საფარველქვეშ, გამოფიტულ, გადატრუსულ სახეზე, ქურის ნაპერნკლების ნიშნები მოუჩანდა, გამხდარი სხეული ზედამხედველის მათრახის ზოლებით იყო აჭრელებული, მაგრამ სააკს თავისი სატკივარი როდი ტანჯავდა. პირიქით, აბედნიერებდა, განსაკუთრებით მას შემდეგ, რაც უფალმა დიდი სასწაული მოახდინა, იგი ამოიყვანა ზემოთ, მზის გულზე, მინდვრის შროშანებთან, რის შესახებაც თავად უფალი ოდესღაც ასე ლამაზად ყვებოდა.

მან ხომ სასწაული ბარაბასთვისაც მოახდინა, მაგრამ ბარაბა ახლადდანახულ სამყაროს შემოთებით უმზერდა და არავინ იცოდა რას ფიქრობდა.

პირველ ხანებში მინის ზემოთ ასე ცხოვრობდნენ.

საგაზაფხულო ხვნა მოთავდა თუ არა, ისინი დააყენეს წყლის ბორბალთან, რომელსაც პაპანაქების დადგომისთანავე წყალი უნდა

ამოქაჩა, რათა ყველაფერი არ გადამხმარიყო. ეს სამუშაო მძიმე გახლდათ. შემდეგ მოსავალი აიღეს და ისინი გაგზავნეს ნისქვილში, რომელიც რომის ნაცვლის სახლის შორიახლო, სხვა დანარჩენ ნაგებობებს შორის იდგა; ეს შენობები უდაბურ, უბადრუკ სოფელთან ერთად, ნავსაყუდელის გვერდით გადაჭიმულ პატარა ქალაქს ქმნიდა. ასე აღმოჩნდნენ ბარაბა და სააკი ზღვის სანაპიროზე.

ცალთვალა ჯუჯა სწორედ აქ, ნისქვილში გაიცნეს.

იგი ჯმუხი, ტანდაბალი მონა იყო, გადაპარსული თავი, დანაოჭებული ჩანაცრისფერებული სახე და დახეთქილი ტუჩები ჰქონდა. ცალი თვალი თაღლითურად იმზირებოდა, მეორე ფქვილის მოპარვისათვის ამოთხარეს. ამ დანაშაულისთვისვე კისერზე დიდი ხის უღელი ედგა. მას ტომრების ფქვილით ავსება და ბელელში ნაღება ევალებოდა. არც მის მარტივ საქმიანობაში და არც თავვისფერჩანაცრისფერებულ სახესა და ჯუჯა სხეულში ღირსშესანიშნავი არაფერი იყო. მიუხედავად ამისა, ყველაზე მეტად მას ამჩნევდნენ. არავინ კი იცის, რატომ. იქნებ იმიტომაც, მის დანახვაზე ყველას გული რომ ერეოდა და თავს უხერხულად გრძნობდა. ყველას ზუსტად შეეძლო ეთქვა, ჯუჯა გვერდით ედგა თუ არა, რადგან ზურგზე მუდამ მისი ერთადერთი თვალის მზერა ლურსმანივით ერჭობოდა. თუმცა მის გამოხედვას იშვიათად თუ ვინმე დაიჭერდა.

ორი ახალბედასთვის ცალთვალას, თითქოს არც დაუნახავსო, არავითარი ყურადღება არ მიუქცევია. ის დამცინავი ღიმილი. რითაც შეცქეროდა, როცა ისინი ყველაზე მძიმე დოლაბთან დააყენეს, არავის შეუნიშნავს. ან იქნებ, ვერავინ მიხვდა, რომ ნაცრისფერი, დახეთქილი ტუჩების გაპობა ღიმილს ნიშნავდა. ნისქვილში ოთხი დოლაბი იყო, ყოველ მათგანთან თითო წყვილი მუშაობდა. ადამიანები ვირების საქმეს აკეთებდნენ, რადგან ვირები აკლდათ, ადამიანები კი საკმაოზე მეტი ჰყავდათ, თანაც მათი შენახვა უფრო იაფი ჯდება. თუმცა სააკსა და ბარაბას, იმასთან შედარებით, რასაც ადრე აძლევდნენ, აქაური კვება თითქმის უხვად მიაჩნდათ. და საერთოდაც, აქ გაცილებით უკეთ ცხოვრობდნენ, თუმცა მძიმე სამუშაოს ასრულებდნენ. ჩასუქებული, დონდლო ზედამხედველი არც ისე ცუდად ექცეოდა, ძირითადად წინ და უკან დარბოდა და მხარზე გადაკიდებულ მათრახს იშვიათად ხმარობდა. ეს მათრახი დროდადრო ხვდებოდა მხოლოდ იმ უსინათლო მოხუცს, რომელიც ფეხზე ძლივს იდგა.

ნისქვილი შიგნით ფქვილისაგან მთლად გადათეთრებული იყო. დიდი ხნის მანძილზე ფქვილი იატაკში, კედლებში, ჭერს ქვემოთ გაჭიმულ ქსელში, ყველაფერში ჩაჯდა. თავად ჰაერიც გაჟღერებული იყო ფქვილით და კიდევ გუგუნით, თუკი ოთხივე დოლაბი ტრიალებდა. ყველა შიშველი მუშაობდა. ცალთვალას კი თეძოებზე ჯვალო შემოეხვია და ნისქვილში ვირთხასავით დაშლივინებდა. კისერზე დადგმული ხის უღელი კი ისეთ შთაბეჭდილებას ქმნიდა, თითქოს ვირთხა დაიჭირეს, მან კი როგორღაც თავის დახსნა მოახერხა. ამბობდნენ, როცა ბელელში მარტო რჩება, ფქვილს ჭამსო. იმასაც ამბობდნენ, შიმშილის გამო კი არა, სიჯიუტის გამო ჭამს, რადგან თუკი მოიხელთეს მეორე თვალსაც ამოთხრიან და უსინათლო მოხუცივით სამუშაოდ დოლაბთან დააყენებენო. ეს სამუშაო მის ძალას აღემატება და უფრო საზარელია, ვიდრე ის მარადიული წყვდიადი, რომელიც ელოდება, თუკი ქურდობაზე ერთხელ კიდევ წაასწრესო. ოღონდ არავინ იცის, ეს მართალი იყო თუ არა...

არა, ეს ორი ახალბედა ცალთვალას განსაკუთრებით როდი აინტერესებდა. მხოლოდ ჩუმ-ჩუმად უთვალთვალეობდა, ისევე, როგორც ყველას და ელოდებოდა, რა მოხდებოდა. თუმცა მათ წინააღმდეგ განსაკუთრებით შემართული არ ყოფილა. ჯუჯას გაგონილი ჰქონდა, ეს ორი მიწისქვეშეთიდან ამოვიდაო, იქიდან ამოსული კი მას ჯერ არავინ ენახა. მაგრამ განსაკუთრებით შემართული არც მიწისქვეშეთელების წინააღმდეგ ყოფილა. განსაკუთრებით შემართული ის არავის წინააღმდეგ არ იყო.

ეს ორი კაცი მალაროში მოხვდა — ესე იგი მძიმე დანაშაული ჩაიდინეს, თუმცა ერთ-ერთი მათგანი ბოროტმოქმედს სულაც არ ჰგავდა. სამაგიეროდ, მეორე სწორედაც რომ ჰგავდა და ეტყობა, ამას თვითონვე გრძნობდა კიდევ. ერთი გასაცოდავებული იყო, მეორე კი მთლად ბრიყვის შთაბეჭდილებას ტოვებდა. როგორ მოახერხეს მალაროდან თავის დაღწევა? ამ ჯოჯოხეთიდან ამოსვლა? ვინ დაეხმარა? საკითხავი სწორედ ეს იყო.

მაგრამ ამ კითხვაზე პასუხის გაცემა არც ისე იოლი გახლდათ. არაფერია, უნდა დალოდებოდა მხოლოდ და ყველაფერი გაირკვეოდა. განმარტება, ასეთი თუ ისეთი, ყოველთვის მოიძებნებოდა. ყველაფერი, ასე ვთქვათ, თავისთავად გაირკვეოდა. ცხადია, აქ მხოლოდ თვალის მიდევნება იყო საჭირო. ჯუჯას კი ასეთი თვალი ნამდვილად ჰქონდა.

სწორედ ამიტომაც შენიშნა, რომ ძროხისთვლებიანი, გაძვალტყავებული მაღალი მონა, საღამოობით, სიბნელეში, მუხლმორთხმული ლოცულობდა. ასე რატომ ლოცულობდა? რომელ ღმერთს ლოცულობდა? რომელი იყო ის ღმერთი, ასეთი ლოცვა რომ სჭირდებოდა?

ცალთვალა ჯუჯამ ბევრი ღმერთი იცოდა, თუმცა ლოცვა თავში აზრადაც არ მოსვლია. რომც მოსვლოდა, ცხადია, დანარჩენებივით კერპებს მიაკითხავდა და იმ ტაძარში ილოცებდა, სადაც კერპების ადგილი იყო. ამ ბრიყვს კი, მგონი, ჩემი ღმერთი სიბნელეში წინ მიდგასო, ეგონა, თანაც ღმერთს ცოცხალივით ელაპარაკებოდა და ვინ იცის, იქნებ, კიდევ ხედავდა. სასწაულია. ის კი სიბნელეში ჩურჩულებდა და ჩურჩულებდა, გულს ლოცვით იოხებდა, თუმცა დღესავით ნათელია, რომ არავითარი ღმერთი აქ არ იყო და ეს ყოველივე რაღაც უაზრო წარმოსახვის ნაყოფი გახლდათ.

რაც არ არსებობს, ის ხომ ადამიანს არც აინტერესებს. მიუხედავად ამისა, შენიშნა თუ არა სააკი ლოცულობსო, ჯუჯა მაშინვე მისი არაჩვეულებრივი ღმერთით დაინტერესდა. სააკმაც შეძლებისდაგვარად აუხსნა: უფალი ჩემი ყველგან, თვით სიბნელეშიც კი არისო, როცა გინდა, შეგიძლია მოიხმო და იგრძნობ, რომ მოვა, შენთან იქნება. ხანდახან იმასაც გრძნობ, რომ მკერდში ჩაგისახლდება, ეს კი ნეტარი გრძნობააო. ცალთვალამ უპასუხა, მართლა არაჩვეულებრივი ღმერთი გყოლიაო.

— ჭეშმარიტად, — დაუდასტურა სააკმა.

ცალთვალამ თითქოს აწონ-დანონა ყველაფერი, რაც სააკმა უხილავ, მაგრამ, ალბათ, ძლიერ ღმერთზე უამბო, შემდეგ კი ჰკითხა, მაღაროდან მან ხომ არ დაგიხსნათო.

— ჰო, — თქვა სააკმა, — მან დაგვიხსნა.

შემდეგ დასძინა, ის ჩაგრულთა ღმერთია და ყველა მონას ხუნდებისგან გაათავისუფლებსო. სააკს თავისი რწმენის ქადაგება დაუოკებლად სურდა, აქ კი პირდაღებული უსმენდნენ.

— ჰოო? — თქვა ცალთვალამ.

სააკი უფრო და უფრო რწმუნდებოდა, რომ ამ მონას, ამ ყველასთვის უსარგებლო, თვალდათხრილ ჯუჯას სჭირდებოდა იმის მოსმენა, თუ როგორ გადაარჩენდნენ მასაც, სხვებსაც და ღვთის ნებითა და სურვილით სააკს იგი უნდა მოექცია. სააკიც ღმერთზე დაუსრულებლად ლაპარაკობდა, თუმცა ბარაბა აღმაცერად უმ-

ზერდა და მის საქციელს, ვგონებ, სულაც არ იწონებდა. ერთხელაც, სამუშაოს დამთავრების შემდეგ, ისინი დოლაბზე მარტონი ჩამოსხდნენ. სააკმა ცალთვალას თავისი საიდუმლო გაუმხილა და საქდეზე ამოტვიფრული წარწერაც აჩვენა. საერთოდ, ცალთვალამ თავად სთხოვა იდუმალი ღმერთის სახელი მითხარი, თუკი ცხადია, ამის თქმის უფლება გაქვსო. სააკმაც მისი სახელი წარმოთქვა, თანაც უფლის ძალისა და სიდიადის დასტურად, წმინდა სახელის საიდუმლო ნიშნებიც აჩვენა. ცალთვალამ წარწერა დიდი ინტერესით დაათვალიერა. შემდეგ ასევე ყურადღებით მოისმინა სააკის ნაამბობი ბერძენ მონაზე, რომელმაც ეს წარწერა ამოტვიფრა და ყოველი მონახაზის მნიშვნელობა იცოდა. წარმოგიდგენია, უფლის ყველა ნიშანი ესმოდა!

სააკმა წარწერას კიდევ ერთხელ დახედა, საქდე გადააბრუნა, გულზე მიიკრა და ბედნიერებით გაცისკროვნებულმა, უფლის მონა ვარ, უფალს ვეკუთვნიო, განაცხადა.

— ჰოო, — თქვა ცალთვალამ.

შემდეგ მის მალაროელ მეგობარზე ჩამოაგდო სიტყვა. მასაც თუ აქვს ასეთი წარწერაო, იკითხა.

— რა თქმა უნდა, — უპასუხა სააკმა.

ცალთვალამ, მეც ასე ვფიქრობდიო, თავი დაუქნია. თუმცა სინამდვილეში გაუკვირდა, რომ ამ ორ კაცს ერთი ღმერთი ჰყავდა და ერთი რწმენა ჰქონდა. ის ნაჭრილობევიანი ბოროტმოქმედი ხომ არასოდეს ლოცულობდა. ისინი კვლავ და კვლავ ამ განსაცვიფრებელ ღმერთზე საუბრობდნენ და სააკი გრძნობდა ერთმანეთის რა კარგად ესმოდათ. კარგია, რომ ცალთვალას თავისი დიდი საიდუმლო გაუმხილა, ეტყობა, ეს თავად უფალმა ჩააგონა.

ნისქვილში ყველა გაოგნდა, როცა ერთ მშვენიერ დილას ზედამხედველმა განაცხადა, დღეს დანიშნულ დროს, სააკსა და ბარაბას თავად პროკურატორი ელოდებაო. ასეთი რამ ჯერ არასოდეს მომხდარა, ყოველ შემთხვევაში, ზედამხედველს არ ახსოვდა და ისიც სხვებზე არანაკლებდებ გაოცებული დარჩა, ვერაფერი გაეგო. ორ უბადრუკ მონას თავად რომის მმართველი რად იხმობდა! ზედამხედველს მათი გაცილება დაავალეს და მგონი, თავადაც დაფრთხა. ასე ახლოს ეს ზვიადი ბატონი მასაც არასოდეს ენახა. თუმცა ზედამხედველი რა შუაშია, მას მონების დანიშნელების ადგილზე მიყვანა ევალება.

დანიშნულ დროს, ისინი გზას გაუდგნენ, მთელი ნისქვილი კი მათ კვალს გასცქეროდა. თვით ვირთხისმაგვარი ჯუჯაც, რომელსაც დახეთქილი ტუჩებით გალიმებაც არ შეეძლო, ერთადერთი თვალ-ით, ასევე მათ კვალს გასცქეროდა.

სააკსა და ბარაბას უგამცილებლოდ ამ ვინრო ქუჩებში, ცხადია, გზა აებნეოდათ. ისინი ხომ ქალაქს არ იცნობდნენ. ჰოდა, ახლა ზე-დამხედველს უკან მიჰყვებოდნენ და ერთმანეთთან ძველებურად ისე ახლოს იდგნენ, თითქოს კვლავ ერთი ჯაჭვით გადაბმული-ყვნენ.

კედარის კარზე ფეხით მიბმულმა ახოვანმა მონამ, ისინი დიდ სახლში შეუშვა და იქვე, კარს მიღმა, გადახურულ კოლონადაში დარაჯს გადააბარა. დარაჯმაც თავის მხრივ, მზით გაჩახჩახებული ეზო გაიარა და ისინი შეიყვანა მომცრო დარბაზში, რომელსაც პატ-არა ეზოსაკენ გასასვლელიც ჰქონდა. აი, ამ დარბაზში ისინი მოუ-ლოდნელად რომაელის ნინაშე აღმოჩნდნენ.

სამივე პირქვე დაემხო და თავები იატაკს ახალეს — ეს ზე-დამხედველმა ასწავლა, თუმცა სააკი და ბარაბა თვლიდნენ, რომ თავის ასე დამცირება იმის ნინაშე, ვინც მხოლოდ ადამიანი იყო, ნამდვილად არ ვარგოდა. და მაინც, ნამოდგომა მხოლოდ ბრძანე-ბის გაგონების შემდეგ გაბედეს. დარბაზის მოშორებულ კუთხეში. სავარძელში გაშხლართულმა რომაელმა სამივენი ხელით მოიხმო. ისინიც გაუბედავთ მიუახლოვდნენ და თვალი შეავლეს. რომაელი ჩასკვნილი, სამოციოდე წლის კაცი იყო, სავსე, მაგრამ ძლიერი სახე, ფართო ყვრიმალი და აშკარად ბრძანებებს მიჩვეული პირი ჰქონდა. მახვილი და გამჭრიახი მზერა მტრულად არ იმზირებოდა. უცნაუ-რია, მაგრამ ეს რომაელი სულაც არ გაფრთხობდა.

პროკურატორმა თავდაპირველად ზედამხედველს გამოკითხა ეს მონები როგორ იქცევიან, კმაყოფილი თუ ხარო. ზედამხედვე-ლს ენა დაება, კი, კმაყოფილი ვარო, ნაილულლულა, და ყოველი შემთხვევისთვის, საერთოდ მონებს დიდად არ ვათამამებო, დაუმა-ტა. გაუგებარია, დიდმა მბრძანებელმა ეს მგზნებარება დააფასა თუ არა, ზედამხედველის ჩასუქებული სახე მან მხოლოდ გაკვრით შეათვალიერა და ხელის მსუბუქი აქნევით, დაითხოვა. ზედამხედვე-ლს გამეორება არ დასჭირვებია, მაშინვე მოუსვა, თანაც სიხარუ-ლით თავგზააბნეულმა, სიჩქარეში თავის მბრძანებლებს ზურგიც კი შეაქცია.

რომაელი სააკსა და ბარაბას მიუახლოვდა და სადაურები ხართ, რა დანაშაულისთვის გაგასამართლეს, მალაროდან როგორ ამოხვედით, ვინ დაგეხმართო, გამოჰკითხა. თანაც ძალიან მეგობრულად ემასლაათებოდა. შემდეგ წამოდგა, დარბაზი გაიარა და საოცრად ახოვანი აღმოჩნდა. იგი სააკს მიუახლოვდა, მის საჭდეს ხელი მოჰკივლა, დამლას დახედა და თუ იცი, საჭდეზე რა არის ამოტვიფრულიო, შეეკითხა, სააკმა, ეს რომის სახელმწიფო დამლაო, უპასუხა.

პროკურატორმა თავი დაუქნია, ჰო, სწორია, ესე იგი, შენც სახელმწიფოს ეკუთვნისო, უთხრა. შემდეგ საჭდე გადაატრიალა და აშკარა ინტერესით, თუმცა გაუოცებლად, საჭდეს მეორე მხარეზე საიდუმლო ნიშნები დაათვალიერა.

— იესო ქრისტე... — წაიკითხა მან. სააკი და ბარაბა კი განცვიფრებულნი დარჩნენ, რომ პროკურატორმა საიდუმლო ნიშნები და უფლის წმინდა სახელი გაარჩია.

— ვინ არის? — იკითხა რომაელმა.

— ჩემი ღმერთია, — უპასუხა სააკმა და ხმა ოდნავ შეუთრთოლდა.

— ასე. მგონი მისი სახელი არ გამიგონია. მაგრამ უამრავი ღმერთი არსებობს. ყველას ხომ ვერ დაიმახსოვრებ. ეს რა, შენი მშობლიური მხარის ღმერთია?

— არა, — უპასუხა სააკმა. — ის ყველას ღმერთია.

— ყველას ღმერთი? ასეა საქმე? კარგი, კარგი. აი, მე, მის შესახებ არაფერი მსმენია. თავის სიდიადეს ეტყობა, მოხერხებულად მალავს!

— ჰო, — თქვა სააკმა.

— ყველას ღმერთიაო, ესე იგი პატარა ძალა არ უნდა ჰქონდეს. რით იკრებს ამ ძალებს?

— სიყვარულით.

— სიყვარულით?.. ჰმ, რატომაც არა, შეიძლება. კარგი, არ ჩაგერევი, როგორც გინდა, ისე ირწმუნე, ოღონდ მიპასუხე, მისი სახელი საჭდეზე რად გინერია?

— იმიტომ, რომ მას ვეკუთვნი, — უპასუხა სააკმა და ხმა კვლავ ოდნავ აუთრთოლდა.

— ოჰო, მას ეკუთვნი? როგორ, განა დამლაზე რომაა აღნიშნული, იმ სახელმწიფოს არ ეკუთვნი? განა სახელმწიფო მონა არა ხარ?

სააკმა არაფერი უპასუხა. იდგა და იატაკს ჩასცქეროდა.

ბოლოს რომაელმა თქვა, სხვათა შორის, ძალიან უბოროტოდ თქვა:

— უნდა მიპასუხო. ხომ უნდა გავერკვეთ, გესმის თუ არა რას ამბობ. მაშ ეკუთვნი სახელმწიფოს თუ არა?

— ჩემს უფალს ვეკუთვნი, — უპასუხა სააკმა ისე, რომ თვალეები არ აუნევიდა.

პროკურატორი იდგა და მას თვალს არ აცილებდა. შემდეგ ნიკაპში მოკიდა ხელი და გადატრუსულ სახეზე დააცქერდა. არაფერი კი უთქვამს და როცა დაინახა, რისი დანახვაც სურდა, სააკის ნიკაპს ხელი გაუშვა. შემდეგ ბარაბას მიუახლოვდა, ახლა მისი საჭდე გადაბრუნა და შეეკითხა:

— შენ? შენც ამ მოსიყვარულე ღმერთისა გნამს?

ბარაბამ არაფერი უპასუხა.

— აბა? გნამს თუ არა გნამს?

ბარაბამ თავი გაიქნია.

— არა? მაშ საჭდეზე მისი სახელი რად ამოგიტვიფრავთ?

ბარაბა ისევ გაჩუმდა.

— შენი ღმერთია თუ არა? ეს ნარწერა ხომ ამას ნიშნავს?

— არა მყავს ღმერთი, — ბოლოს და ბოლოს ისე ჩუმად უპასუხა ბარაბამ, თითქოს არც უთქვამს, მაგრამ ეს პასუხი სააკმაც გაიგონა და რომაელმაც.

ამ წარმოუდგენელი სიტყვების შემდეგ, სააკის სასონარკვეთით, ტკივილითა და გაოგნებით აღსავსე მზერა ბარაბას ლახვარივით მოხვდა და გულ-ღვიძლი აუნვა, თუმცა თავად მაშინ სააკს არ უყურებდა.

რომაელი გაოცდა.

— არაფერი მესმის, — თქვა მან. — მაშ საჭდეზე „იესო ქრისტე“ რად გინერია?

— მინდა, რომ მწამდეს, — თავაულებლად უპასუხა ბარაბამ. ნაჭრილობევი, უხეში, სასტიკი პირი, რომელსაც ძველი ძლიერების კვალი შერჩენოდა. ეს უმეტყველო სახე არაფერს ეუბნებოდა. ალბათ ამისთვისაც რომ მოეკიდა ნიკაპზე ხელი, მაინც არაფერს ეტყოდა. თუმცა აზრდაც არ მოუვიდოდა ამ მონისათვის აენია ნიკაპი. რატომ? თვითონაც არ იცოდა.

პროკურატორი კვლავ სააკს მიუბრუნდა.

— ნეტავ თუ გესმის, ახლა რა მითხარი? შენ ხომ კეისარს აუჯანყდი? გესმის თუ არა, რომ კეისარიც ღმერთია, შენ კი მისი საკუთრება ხარ და კისერზეც მისი დამლა გკიდია? არადა, მიცხადებ, სხვა, იღუმალ ღმერთს ვეკუთვნიო, თანაც მისი სახელი საჭდეზეც ამოგიკვეთავს, რომ დაადასტურო კეისრის კი არა სხვისი საკუთრება ვარო. განა ასე არ არის?

— ჰო, — ნერვიულად უპასუხა სააკმა, მაგრამ ხმა აღარ უკანკალებდა.

— კიდევაც ადასტურებ?

— ჰო.

— თუ გესმის, ამისთვის რა გელოდება?

— ჰო, მესმის.

რომაელი გაჩუმდა. ამ მონათა ღმერთზე ფიქრობდა. სიმართლე თუ გნებავთ, მისი სახელი უკვე სმენოდა, ბოლო დროს ბევრს ყბედობდნენ ამ იერუსალიმელ უგნურზე, რომელიც მონის სამარცხვინო სიკვდილით მოკვდა. „...ხუნდებს დალენავს...“ „...უფლის მონა ვარ და თავად დამიხსნის...“ ეს ყოველივე შეიძლება, არც ისე უწყინარი აღმოჩნდეს, თუკი დაფიქრდები... ისეთი სახეც, აი, იმას რომ აქვს, არც ერთ მონათმფლობელს არ მოეწონება...

— თუ შენს რწმენას უარყოფ, გადარჩები, — თქვა მან. — გასაგებია?

— არა, არ შემიძლია, — უპასუხა სააკმა.

— რატომ?

— ჩემი ღმერთის უარყოფა არ შემიძლია.

— უცნაური კაცი ხარ... იმედი მაქვს გესმის, რისი მოსჯაც მომიწევს? ნუთუ მართლა ისეთი მამაცი ხარ, შენი რწმენისთვის სიკვდილი შეგიძლია?

— ამას მე ვერ გადავწყვეტ, — ჩუმად უპასუხა სააკმა.

— შენი პასუხი არცთუ ისე გაბედულად ჟღერს, ნუთუ სიცოცხლე არ გენანება?

— მენანება, — უპასუხა სააკმა.

— მაგრამ თუკი შენს ღმერთს არ უარყოფ, ვერაფერი გიშველის, სიცოცხლეს გამოემშვიდობები.

— ჩემს უფალთან განშორება არ შემიძლია.

პროკურატორმა მხრები აიჩეჩა.

— შენთვის ვერაფერს გავაკეთებ, — თქვა და მაგიდას მიუახლოვდა, სადაც მათი შემოყვანის დროს იჯდა. სპილოს ძვლის ჩაქურჩი მარმარილოზე დააკაკუნა. — შენი ღმერთივით შეშლილი ხარ, — დასძინა, თუმცა სააკისთვის აღარ მიუმართავს.

დარაჯის მოლოდინში პროკურატორი ბარაბას მიუახლოვდა, საჭდე გადააბრუნა, ხანჯალი ამოიღო და ალესილი მხრით იესო ქრისტეს სახელი გადახაზა.

— რახან მისი არა გნამს, ეს არც გჭირდება, — უთხრა.

სააკმა კი ამ დროს ისეთი მზერით შეხედა, რომ მზერა ბარაბას ცეცხლივით წაეკიდა და ამას ვერასდროს დაივიწყებდა.

შემდეგ სააკი წაიყვანეს, ბარაბა კი დარჩა.

პროკურატორმა გონიერი საქციელისათვის შეაქო, უთხრა, ჯილდოს იმსახურებ, ნადი ათისტავთან და სხვა, უფრო მსუბუქ სამუშაოზე დაგაყენებენო.

ბარაბამ პროკურატორს ელვის უსწრაფესად შეხედა და რომელმაც ახლალა შეამჩნია, რომ ამ სახეს ჰქონდა გამომეტყველება, ჰქონდა გამოხედვა და ეს გამოხედვა საშიში არ იყო. მასში სიძულვილი ჩაბუდებულიყო და ისე ცახცახებდა, როგორც წვერი ისრისა, რომელიც მშვილდის ლარს არასოდეს მოსწყდება.

და ბარაბაც ბრძანების შესასრულებლად გაემშურა.

* * *

როცა სააკს ჯვარზე აკრავდნენ, ბარაბა ცოტა მოშორებით, ბუჩქებს ამოფარებული იდგა, რათა ჯვარცმულ მეგობარს მისთვის თვალი არ მოეკრა. მაგრამ სააკი წინასწარ ისე იყო ნანამები, ბარაბას ალბათ მაინც ვერ შენიშნავდა. იგი მხოლოდ იმიტომ ანამეს, რომ ასე იყო მიღებული და გადაწყვიტეს განმგებელს ალბათ ბრძანების გაცემა დაავიწყდაო. არადა, პროკურატორს აზრადაც არ მოსვლია მისი წამება, თუმცა არც ის უთქვამს, ნუ ანამებთო. ჰოდა, ყოველი შემთხვევისათვის ყველაფერი წესისა და რიგის მიხედვით გააკეთეს. რისთვის აკრავდნენ ჯვარზე ამ მონას, არავინ იცოდა და დიდად არავინ დაინტერესებულა. ისინი ჩვეულ სამუშაოს ასრულებდნენ.

სააკისათვის ნახევარი თავი კვლავ გადაეპარსათ, დარჩენილი თეთრი თმა კი სისხლით იყო მოთხვრილი. მას არაფრისმთქმელი

სახე ჰქონდა, მაგრამ ბარაბა სააკს კარგად იცნობდა და მიხვდა, რა აღებეჭდებოდა სახეზე ძალა რომ ჰქონოდა. ამ სახეს ბარაბა აღმოდებული თვალებით შესცქეროდა, თუკი საერთოდ შეიძლებოდა ბარაბას აღმოდებული თვალი ჰქონოდა. მაგრამ ახლა ალბათ შეიძლებოდა. გატანჯულ სხეულსაც თვალს ვერ ამორებდა, რომც მოენდომებინა, მაინც ვერ მოაშორებდა, ისე კი არც უნდოდა. ეს სხეული ისე გაძვალტყავებული და უძლური იყო, გაუგებარია ბოროტება აქ როგორ დაიბუდებდა. მისი მკერდი, რომელზედაც ყველა ნეკს დაითვლიდი, სახელმწიფო ბეჭდით დაედალათ, ნიშნად იმისა, რომ სახელმწიფო ღალატის გამო ისჯებოდა. საჭდე კი მოეხსნათ, რაც არ უნდა იყოს, ის მაინც ლითონისაა, თანაც ნამდვილად აღარ სჭირდებოდა.

იგი დასაჯეს ქალაქგარეთ, მომცრო გორაკის ფერდობზე სადაც მეჩხერი ბურჩქები ხარობდა. ბარაბა-შენდობილი სწორედ ერთი ასეთი ბურჩქის უკან იდგა. მისი და ჯვარზე გამკვრელების გარდა გორაკთან კაცი არ ჭაჭანებდა, სააკის სიკვდილი არავის აინტერესებდა. საერთოდ, აქ ბევრი ხალხი იკრიბებოდა ხოლმე, განსაკუთრებით თუ ვინმეს მძიმე დანაშაულის გამო სჯიდნენ, მაგრამ სააკს არავინ მოუკლავს, არავინ გაუძარცვავს და ვინ იყო და რა დააშავა, არავინ იცოდა.

ისევ გაზაფხული იდგა, სწორედ ისეთი გაზაფხული, როგორც მაშინ, ის და სააკი მიწისქვეშეთიდან რომ ამოვიდნენ, სააკი მუხლებზე დაეცა და „აქ არის, უკვე მოვიდაო“, დაიყვირა.

მდელოები ირგვლივ მწვანედ ხასხასებდა და ის გორაკიც კი სადაც სააკი ჯვარზე გააკრეს, ყვავილებს დაეფარა. მთებისა და ცოტა მოშორებით, ზღვის თავზე, მზე ანათებდა. შუადღის ხვატი იდგა და საკმარისი იყო უწმინდურ მთაზე ვინმეს გაეგლო, რომ ბუზები ჯგროდ წამოიშლებოდნენ. სააკის სხეულსაც ბუზები შესეოდნენ, მას კი განძრევა და მათი მოგერიება არ შეეძლო. არა, ამ სიკვდილს ამაღლებულსა და განმანათლებელს სწორედ ვერ დაარქმევდი, და, მით უმეტეს, გაურკვეველი იყო, ბარაბა ასე რად შეძრა. მისი თვალები ყოველივეს გაფაციცებით ნთქავდა, რომ სამარადჟამოდ დაემახსოვრებინა. ოფლი სააკს შუბლიდან და ღრმად ჩაცვენილი ილღიებიდან მოჟონავდა, მკერდი, რომელზედაც რომის დამლა ამოენვათ, აუდ-ჩაუდიოდა, მომაკვდავი მძიმედ კვნესოდა. ბურჩქს უკან მიმალულ ბარაბას ყველა ჩქამი ესმოდა. იგი თავადაც მძიმედ,

ნანყვეტ-ნანყვეტ სუნთქავდა და პირიც ჯვარზე გაკრული მეგობარივით გაეღო. მოსწყურდა კიდეც, სწორედ ისე, როგორც ახლა ალბათ ჯვარზე გაკრულ სააკს სწყუროდა. ჰო, გაუგებარია, მაგრამ ისინი ხომ ასე დიდხანს იყვნენ გადაჯაჭვულნი და ახლა ბარაბას მოეჩვენა, ყველაფერი უკულმა დატრიალდა და ჯვარცმულს ისევ ჯაჭვით მიმაბესო.

სააკმა რალაციის თქმა სცადა, ალბათ წყალი დამალევივით, ითხოვა, მაგრამ ვერავინ გაიგო. ბარაბამაც კი ვერაფერი გაიგონა, თუმცა დაძაბული უსმენდა. მართალია, ის მოშორებით იდგა, მაგრამ ხომ შეიძლებოდა ფერდობი აერბინა, ჯვართან მისულიყო, მეგობარს გამოსმაურებოდა, რა გინდა, ხომ ვერაფრით დაგეხმარებიო, ეკითხა და ბუზებიც გაეყარა. მაგრამ ბარაბას ადგილიდან ფეხიც არ მოუცვლია. ბუჩქის უკან იდგა და ადგილიდან ფეხსაც არ იცვლიდა. მხოლოდ აღმოდებულ თვალებს სააკს არ აშორებდა და ჯვარცმულის ტანჯვის მაცქერალს, თავადაც პირი დაეღო.

ჯვარცმულს მალე დაეცყო, რომ ბევრი აღარ დარჩენოდა. იგი უფრო სუსტად სუნთქავდა, მკერდიც ძველებურად აღარ აუდჩაუდიოდა და ბარაბას მისი სუნთქვა საერთოდ აღარ ესმოდა. შემდეგ ჩავარდნილი მკერდი თითქოს გაიყინა, ესე იგი სააკი მოკვდა. ყოველგვარი წყვდიადისა და სასნაულის გარეშე, შუადღის გულზე, ჩუმად და შეუმჩნეველად მოკვდა. იმათ კი, ვისაც ამისთვის უნდა ეთვალთვალათ, ვერაფერი შენიშნეს, იწინენ და კამათელს სწორედ ისე აგორებდნენ, როგორც მაშინ, დიდი ხნის, ძალიან დიდი ხნის წინათ. მაგრამ ამჯერად არც წამომხტარან და არც დაფეთებულან, არიქა, ჯვარცმული მოკვდაო. უბრალოდ, ვერაფერი შენიშნეს. მხოლოდ ბარაბამ შენიშნა და როგორც კი მიხვდა, სული შეუგუბდა, მუხლებზე ისე დაეცა, თითქოს ლოცვას აპირებდა.

უცნაურია! როგორ გაიხარებდა სააკი ეს რომ დაენახა. მაგრამ სააკი უკვე მკვდარი იყო და ველარაფერს დაინახავდა.

ბარაბა მუხლებზე დაეცა, მაგრამ ლოცვა მაინც ვერ შესძლო. აბა ვისთვის უნდა აღევლინა ლოცვა. მხოლოდ ცოტა ხანს მუხლებზე იდგა, შემდეგ ჭალარა-წვერიანი, ტანჯული სახე ხელებში ჩამალა და ეტყობა, ატირდა.

უცებ ერთ-ერთმა ჯარისკაცმა შენიშნა, ჯვარცმული მოკვდა და შეიგინა. ახლა მხოლოდ მისი ჩამოხსნალა იყო საჭირო და შეიძლებოდა გზას გასდგომოდი. მათაც ჩამოხსნეს და გზას გაუდგნენ.

ასე გააკრეს ჯვარზე სააკი. ბარაბა-შენდობილი კი იდგა და შეს-
ცქეროდა.

* * *

იმ დროისათვის, როცა თავისი თანამდებობა დატოვა და დარ-
ჩენილი წლების გასატარებლად რომში დაბრუნდა. პროკურატორს
კუნძულის ყველა გამგებელზე მეტი სიმდიდრე ჰქონდა. სამაგი-
ეროდ, საბადოებიცა და მთელი პროვინციაც, მისი გამგებლობის
ჟამს, ჯერ არნახულ შემოსავალს იძლეოდა. უთვალავი ზედამხედ-
ველი, თავისი მგზნებარებით, სიმკაცრითა და ალბათ სისასტიკი-
თაც არანაკლებ უწყობდა ხელს პროკურატორს მოსახლეობისა და
მონების მთელი ძალები გამოეყენებინა და ბუნებისაგანაც ყოვე-
ლივე გამოენურა. თავად პროკურატორი კი მკაცრი კაცი სულაც
არ გახლდათ. სასტიკი ის კი არა, მისი გამგებლობა იყო და სისას-
ტიკესაც მას მხოლოდ არცოდნის გამო სწამებდნენ. სწორედ ისინი
სწამებდნენ, ვინც მას საერთოდ არ იცნობდა. ჭორები და ვარაუდები
არ ილევოდა. მალაროს ჯურღმულებსა და მზით გადახრუკულ ველე-
ბზე მომუშავე ათასობით დაბეჩავებული ადამიანი როცა გაიგებდა
პროკურატორი გვეტოვებსო, ღმერთს მადლობას სწირავდა და ახალი
განმგებელი უკეთესი იქნებაო, ბრიყვულად იმედოვნებდა. პროკუ-
რატორი კი სასურველ კუნძულს სევდითა და სინანულით ტოვებდა.
მან ხომ აქ თავის გემოზე იცხოვრა.

განსაკუთრებით თავისი საქმიანობის მიტოვება არ უნდოდა,
რადგან ჯერ კიდევ ჯან-ლონით აღსავსე გახლდათ. მაგრამ ამასთა-
ნავე დახვეწილი პიროვნებაც იყო და სიამოვნებით ელოდა იმ სიტ-
კბობას, რომის ფუფუნება და ტოლ-სწორთა საზოგადოება რომ
ჰპირდებოდა. დაჩრდილულ გემბანზე მოხერხებულ სავარძელში
ჩაფლული პროკურატორი ლაღად ოცნებობდა.

მონები, რომლებსაც პირადი საჭიროებისათვის გამოიყენებდა
და მათ შორის ბარაბაც, პროკურატორმა თან წაიყვანა. თუმცა ბა-
რაბა ამ სიაში მხოლოდ რომაელის კეთილმოსურნეობის გამო მოხვ-
და. მისი ასაკის მონას რაღას გამორჩებოდი, მაგრამ პროკურატორ-
მა დაიმახსოვრა ეს დამჯერე, მორჩილი მონა, ასე გონიერად რომ
მისცა თავისი ღმერთის სახელის ნაშლის უფლება და მისი წაყვანა

გადანყვიტა. აბა ვინ იფიქრებდა, რომ ბარაბას ასეთი მზრუნველი და მადლიანი მფარველი გამოუჩნდებოდა.

ხომალდი ჩვეულებრივზე დიდხანს მიცურავდა, ზურგის ქარი დიდხანს არ უბერავდა, მაგრამ მრავალი კვირის მანძილზე ნიჩბების მოსმით ხელებდასისხლიანებულმა მონებმა, ბოლოს და ბოლოს ხომალდი ოსტიაში ჩაიყვანეს. მეორე დღეს პროკურატორი უკვე რომში იყო. მალე კი მისი ქონება და მონებიც ჩამოვიდნენ.

სასახლე, რომელიც მისი ბრძანებით იყიდეს, ქალაქის შუაგულში უმდიდრეს უბანში იდგა. ეს რამდენიმესართულიანი შენობა მრავალფეროვანი მარმარილოთი იყო მოპირკეთებული და არნახული ფუფუნებით მორთული. ბარაბა სხვა მონებთან ერთად სარდაფში ცხოვრობდა, მთელ სასახლეში მხოლოდ ამ სარდაფს ხედავდა, მაგრამ მაინც ესმოდა, რომ მისი პატრონის სახლში ქონება დულდა და გადმოდულდა. თუმცა ეს მისთვის სულ ერთი იყო. მძიმე სამუშაოს არ აკეთებინებდნენ, წვრილმან დავალებებს ასრულებდა. ყოველ დილით კი ორ სხვა მონასთან ერთად თან ახლდა გაბღენძილ, გათავისუფლებულ მონას, სამზარეულოს ზედამხედველს, როცა ის სურსათის საყიდლად ბაზარში მიდიოდა. ასე რომ, ბარაბა რომს საკმაოდ ხშირად ათვალიერებდა.

მაგრამ, ვინ იცის, იქნებ, უფრო სწორი იყო გვეთქვა, რომი სულაც არ უნახავს-თქო. რომი ბარაბას მხოლოდ თვალნინ გაუელვებდა ხოლმე. ხალხით გაჭედნილ ვინრო ქუჩებსა და ახმაურებულ ბაზრის მოედანზე გზას მიიკვლევდა და ყველაფერს თითქოს შორიდან, ნისლის მიღმა ხედავდა. მსოფლიოს ძლიერი, ხმაურიანი დედაქალაქი თითქოს ნამდვილი არ იყო და ისიც, ფიქრებში ჩაფლული ისე დაეხეტებოდა, თითქოს იქ არც იმყოფებოდა. მრავალი ქვეყნის, სხვადასხვა ჯურის მამაკაცებსა და ქალებს მოეყარათ თავი და ბარაბას გარდა ყველას აოცებდა ადამიანებით დასახლებული ჭიანჭველების ეს ბუდე, მისი სიმდიდრე და ბრწყინვალეობა, ვეებერთელა შენობები და ყოველგვარ ღმერთთა უამრავი ტაძარი, სადაც მოოქროვილი ჯალამბრებით ცნობილი ბატონები მიჰყავდათ, რათა თავ-თავიანთი ღმერთებისათვის თავყვანი ეცათ იმ დროს, როცა უკვე Via Sacra-ს ვაჭართა მდიდარი სამიკიტნოების მიერ შემოთავაზებული ცდუნებები ან საუცხოო აბანოების განცხრომა აღარ იზიდავდათ. ნებისმიერი სხვა კაცი თვალს ააცეცებდა, რომ ეს ბრწყინვალეების ხატი დაეჭირა, მაგრამ ბარაბას თვალები არაფერს იჭერდა,

შეიძლება იმიტირებდეს, რომ ძალიან ღრმად ჩამალულიყო და ყოველივეს, რასაც ხედავდა, როგორც უსარგებლოსა და უცხოს, ხატად არ აქცევდა. არა, ყველაფერი ეს ბარაბას არაფერში სჭირდებოდა. გინდაც სულ არ ყოფილიყო, მისთვის სულ ერთი იქნებოდა. თავად, ყოველ შემთხვევაში, ასე ფიქრობდა.

მაგრამ ეს ქვეყანა ბარაბასთვის მთლად სულ ერთი არ იყო, რამეთუ სძულდა იგი.

ქუჩაში ჩავლილ პროცესიებს: ქურუმებს, მორწმუნეებს, წმინდა სიმბოლოებს თითქოს მირაჟად აღიქვამდა. კაცს, ვისაც ღმერთი არ ჰყავდა, უკვირდა, რომ ეს პროცესიები დროდადრო გზაზე ხვდებოდა და მათთვის გზა უნდა დაეთმო. იგი კედელს აეკრობოდა ხოლმე და მათ კვალს აღმაცერად, უჩუმრად გასცქეროდა. ერთხელ გაჰყვა კიდეც და რომელიღაც უცნაურ ტაძართან მივიდა. ასეთი ტაძარი მას არასოდეს ენახა. შიგნით შევიდა და ჩვილბავშვიანი დედის ქანდაკების წინ სხეებივით დადგა. შემდეგ ეს ვინ არისო, იკითხა და მაშინვე უპასუხეს, ნეტარი იზიდაა, ხელში კი ჩვილი გორი უჭირავსო. თანაც უნდობლად შეხედეს, საიდან მოსულა — წმინდა დედის სახელი რომ არ იცისო. ტაძრის დარაჯმა კი მას სპილენძით შეჭედებულ კარისკენ უბიძგა და იდუმალი ნიშნით მისი გაძევება ითხოვა, რათა თავისი თავიცა და ტაძარიც ბარაბასაგან დაეცვა. დარაჯი თითქოს მიხვდა, რომ იგი ზეცისა და დედამიწის შემქმნელის სიძულვილით იყო ჩასახული და შობილი.

ბარაბას უპისქვეშა ნაჭრილობევი გაულურჯდა, ველურ, ჩამქრალ მზერაში გასაფრენად მომზადებული ისარივით აუცახცახდა სიძულვილი, იგი ქუჩებსა და შესახვევებში გარბოდა, „განვედ ჩვენგან, უწმინდურო!“ გზა აებნა, დაეკარგა. ბოლოს და ბოლოს, სახლს მიაგნო. მაშინვე დასჯა მოუნდომეს და მხოლოდ იმიტომ არ დასაჯეს, რომ ყველამ იცოდა, პატრონი წყალობდა. თანაც ბარაბას დაბნეული განმარტება უცხო და უცნობ ქალაქში გზა დამებნაო, დამაჯერებლად ჟღერდა. ბარაბა მონათა სარდაფის შორეულ კუთხეში დაიმალა. სიბნელეში იწვა, მკერდი აუდ-ჩაუდიოდა და გადახაზული სახელი „იესო ქრისტე“ ცეცხლივით წვავდა.

იმ ღამით ესიზმრა, რომ სხვა მონასთან იყო გადაჯაჭვული. მონა იწვა და ლოცულობდა, ბარაბა კი მას ვერ ხედავდა.

— ვისთვის ლოცულობ? — შეეკითხა ბარაბა. — რისთვის ლოცულობ?

— შენთვის ვლოცულობ, — სიბნელიდან უპასუხა მონამ და ბარაბას მისი ხმა ეცნაურა.

ჩუმად იწვა, რათა მისთვის ლოცვა არ შეეშალა და ბებერი თვალები ცრემლით ევსებოდა. გაიღვიძა თუ არა, იატაკზე ხელი მოაფათურა, ჯაჭვი მოიძია, ჯაჭვი კი არსად იყო, არც მონა ჩანდა. ბარაბა არავისთან, მთელ ქვეყანაზე არავისთან არ იყო გადაჯაჭვული.

ერთხელაც მარტო იჯდა და სასახლის თალიანი სარდაფის კედელზე, მოფარებულ ადგილას მიჩხაპნილი თევზის ნიშანი დაინახა. ეს თევზი მოუქნელ ხელს მოეხაზა, მაგრამ რას გამოხატავდა ან მასში რა აზრი იფარებოდა, ეჭვს არ იწვევდა. ბარაბა იდგა და აქაურ მონებს შორის ქრისტიანი რომელიაო, ფიქრობდა. ამაზე შემდეგაც დიდხანს ფიქრობდა და ყველას ერთად, თანაც ყოველ მათგანს ცალ-ცალკე უთვალთვალებდა, გამოცანის ამოხსნას ცდილობდა. თუმცა არავინ გამოუკითხავს, არც გამოუკვლევია. ძნელი სულაც არ იქნებოდა, მაგრამ არავისთვის არაფერი უკითხავს.

სხვა მონებს ბარაბა საერთოდ არ ეკარებოდა, უფრო სწორად, მხოლოდ აუცილებელ შემთხვევაში მიმართავდა. იგი ხმას არავის სცემდა, ამიტომ, არავის იცნობდა. არც მას იცნობდა ვინმე და არც არავის აინტერესებდა.

რომში უამრავი ქრისტიანი იყო, ბარაბამ ეს იცოდა. ისიც გაეგონა, რომ ქრისტიანების საძმო ქალაქის სხვადასხვა უბნებში, თავის სამლოცველოებში იკრიბებოდა. მაგრამ ბარაბა მათთან არ მიდიოდა. რამდენჯერმე კი დააპირა ნასვლა, მაგრამ საბოლოოდ მაინც არ წავიდა. თავის საჭდეზე მათი ღმერთის სახელი ეწერა, მაგრამ სახელი გადახაზული ჰქონდა.

უკანასკნელ ხანს ქრისტიანები, ცხადია, იმალებოდნენ, სხვადასხვა უბნებში ჩუმად იკრიბებოდნენ, დევნის ეშინოდათ. ბარაბამ ეს ბაზარში გაიგონა. იქ ვიღაც კაცი იდგა და გაფშეკილი ხუთი თითით ქრისტიანებისაგან თავს ისე იცავდა, როგორც წმინდა დედის ტაძრის დარაჯმა ბარაბასგან დაიცვა თავი. ქრისტიანებზე ამბობდა, სახიფათო და საზიზღრები არიან, შეიძლება გაგთვალონ, რას არ ჩაიდენენო. მათი ღმერთი ხომ საზარელი ბოროტმოქმედია და რა ხანია ჯვარზე გააკრეს, ჯობია მათგან თავი შორს გეჭიროსო.

ერთ საღამოს, შემთხვევით, სარდაფის წყვდიადში, ბარაბამ ორი მონის ჩურჩული გაიგონა. ისინი მას ვერ ხედავდნენ და თავიც მარ-

ტო დაიგულეს. ვერც ბარაბა ხედავდა, მაგრამ ხმები ეცნაურა. ეს ორი მონა ამ სახლში სულ ახალი მოყვანილი იყო, ისინი სულ რამდენიმე კვირის წინ იყიდეს.

ორივე ჩუმად საუბრობდა საძმოს შეკრებაზე, ხვალ საღამოს, აპიის გზაზე, მარკუს ლუციუსის ბაღში რომ იყო დანიშნული. მაგრამ ბარაბა მალე მიხვდა, რომ შეკრება დანიშნული იყო არა ბაღში, არამედ ებრაელთა კატაკომბებში, რომელიც სწორედ იქ იწყებოდა...

უცნაური ადგილი აურჩევიათ... მიცვალებულთა შორის... რამ მოაფიქრათ...

მეორე საღამოს, სანამ ღამით სარდაფს ჩაკეტავდნენ, ბარაბამ გაძვრომა მოასწრო. თუმცა ამისთვის სიკვდილით დასჯა ელოდა.

როცა Via Appia-ზე გავიდა. უკვე ბინდი ეშვებოდა და ქუჩაშიც კაციშვილი არ ჭაჭანებდა. ბალთან მისასვლელი გზა იმ მწყემსმა ასწავლა, რომელიც ცხვრის ფარას შინისაკენ მიერეკებოდა.

ბარაბა მინისქვეშეთში შევიდა და ვინრო, დამრეც გზას ხელების ფათურით გაუყვა. დღის სინათლე ზევიდან ჯერ კიდევ აღწევდა და კარგად ჩანდა კუბოთა პირველი რიგი თანდათან ბინდში როგორ იძირებოდა. კაცი ხელებს ცივ, სველ კედლებზე აფათურებდა და წინ მიიწევდა. მონებმა თქვეს პირველ, დიდ გალერეაში შევიკრიბებითო, ჰოდა, ბარაბაც მიდიოდა და მიდიოდა.

აი, მგონი, ხმები გაისმა. კაცი ადგილზე გაიყინა, ყური მიუგდო — არა, არაფერი ისმოდა. ისევ დაიდრა. ფრთხილად მიაბიჯებდა. მიმავალს ხშირად საფეხურები ხვდებოდა, ხან ერთი, ხანაც რამდენიმე საფეხური, და ბარაბაც სულ უფრო და უფრო ქვევით ეშვებოდა.

გალერეა კი არა და არ ჩანდა. კუბოთა შორის მხოლოდ ვინრო გასასვლელი მიემართებოდა. შემდეგ ეს გასასვლელი ორად გაიყო ბარაბამაც, საით წასულიყო, აღარ იცოდა. სრულიად დაბნეული, გაოგნებული შეჩერდა, მაგრამ ამ დროს, სადღაც შორს ნაპერწკალი აკიაფდა — ძალიან შორს აკიაფდა. რა თქმა უნდა, ცეცხლის ალია! ბარაბაც იქით გაქანდა. ეტყობა, იქ არიან!

მოულოდნელად ალი გაქრა. სულ მთლად გაქრა. იქნებ, შემთხვევით სხვა გასასვლელში შევიდა? უკან გამოქანდა, რათა ალი კვლავ დაენახა, მაგრამ ალი გაქრა, აღარსად ჩანდა.

ბარაბას ვერაფერი გაეგო. სად არიან? როგორ მოძებნოს? არადა, ნამდვილად აქ არიან.

თავად სადღა შემოეხეტა? თუმცა არა უშავს, მას ხომ კარგად ახსოვს რა გზით იარა, შესასვლელამდე მისვლა არ გაუჭირდება. და უკან დაბრუნება გადანყვიტა.

მაგრამ, როგორც კი უკან გამობრუნდა, სწორედ იმ გზით, სადაც ყოველი ორმო დაამახსოვრდა, უცებ კვლავ ალი დაინახა მკაფიო, ძლიერი შუქი გვერდითა გასასვლელში გამოჩნდა — ალბათ ადრე ვერ შეამჩნია და ალიც ახლა სხვა მიმართულებით მიიჩნეოდა. ეს, ალბათ, იგივე შუქი იყო და ბარაბაც ახლა იქით გაქანდა. შუქი უფრო და უფრო აკაშკაშდა და... მოულოდნელად ისევ ჩაქრა. სულ გაქრა.

ბარაბამ თავზე ხელი იტაცა, თვალეები მოიფშვინტა. ეს რა შუქია? ან იყო კი საერთოდ შუქი? იქნებ, მოეჩვენა? იქნებ, მის თვალებს ისევ რაღაც დაემართა... როგორც ოდესღაც... დიდი ხნის წინათ... კაცი თვალებს იფშვინტდა და აქეთ-იქით საცოდავად იხედებოდა...

შუქი არ იყო! არსად არ იყო! ირგვლივ მხოლოდ გაყინული წყვიდიადი მეფობდა და ბარაბაც ამ წყვიდიადში მარტო იდგა, მის მეტი აქ არავინ ჩანდა. არც ერთი სულიერი, არავინ, მხოლოდ მიცვალებულები მოჩანდნენ!

მიცვალებულები! ირგვლივ მხოლოდ მიცვალებულები იყვნენ! ირგვლივ, ყველგან, ყოველ მხარეს, ყველა გასასვლელში, საითაც არ უნდა გაგეხედა, მხოლოდ მიცვალებული მოჩანდნენ! საით ნავიდეს? ბარაბას წარმოდგენა არ ჰქონდა, რა გზას უნდა დადგომოდა, რომ აქედან გასულიყო, თავი დაეხსნა, მიცვალებულთა საუფლოსთვის თავი დაეღწია.

მიცვალებულთა საუფლო!.. მიცვალებულთა საუფლოში ჩაეშვა! მიცვალებულთა საუფლოში ჩაიკეტა!

ბარაბას ელდა ეცა. გულისამრევი შიში იგრძნო. და უცებ წინ ალაღბედზე გაქანდა. იგი გასასვლელელებში დაქროდა, სიბნელეში საფეხურებს აწყდებოდა, აქეთ-იქით ეხეთქებოდა, გასვლას, აქაურობისგან თავის დაღწევას ლამობდა. წინ და უკან შეშლილივით დარბოდა, იხრებოდა, ბორძიკობდა, აწყდებოდა კედლებს, სადაც მიცვალებულები იყვნენ შემარხულები და აქედან გაღწევის იმედი ეწურებოდა...

და აი, როგორც იქნა, იქიდან, ზემოდან, სხვა სამყაროდან მონაბერი თბილი სიო მიელამუნა... თითქმის გონდაკარგული ბარაბა ფერდობზე აბობლდა და ვენახში აღმოჩნდა. იქვე, მინაზე განვა. ასე იწვა და ცარიელ, ჩამუქებულ ზეცას შესცქეროდა.

ბინდი უკვე ყველგან ჩამონოლილიყო. დედამინაზეც, ცაშიც, ყველგან ნყვდიადი მეფობდა.

როცა შინ მიბრუნებული ბარაბას ღამეულ Via Appia-ს მიუყვებოდა, თავს ძალიან მარტოსულად გრძნობდა, იმიტომ კი არა, რომ გვერდით არავინ ედგა და ქუჩაშიც არავინ ხედებოდა, არამედ იმიტომ, რომ ამ უკიდევანო ღამეში, მთელი დედამინა რომ მოეცვა, მარტოდმარტო მიაბიჯებდა და არც მინაზე, არც ზეცაში, არც ცოცხალი და არც მკვდარი არავინ ეგულებოდა. ბარაბა ყოველთვის მარტოსული იყო, მაგრამ ამას მხოლოდ ახლავდა მიხვდა. იგი ისე მიაბიჯებდა, თითქოს ნყვდიადში იყო დამარხული, ბებერ, ეულ სახეს კი შამის დანით მიყენებული ნაჭრილობევი სერავდა. მოშვებულ, ბებერ მკერდზე, ჭალარა ბალანში ჩამალულიყო მონის საჭდე, რომელზედაც უფლის გადახაზული სახელი ეწერა. ჰო, ის მარტოდმარტო იყო, არც მინაზე, არც ზეცაში არავინ ჰყავდა.

ბარაბა თავის თავში, თავის მიცვალებულთა საუფლოში ჩაკეტილიყო. თავი როგორ დაეღწია იქიდან?

ერთადერთხელ გადააჯაჭვეს კაცს და ისიც რკინის ჯაჭვით. მხოლოდ რკინის ჯაჭვით გადააბეს, მეტი არაფრით, არასდროს...

ბარაბა მიდიოდა და ქვაფენილზე საკუთარი ნაბიჯების ხმა ესმოდა. ეს ხმა რომ არა, სრული სიჩუმე დაისადგურებდა, თითქოს მთელ ქვეყანაზე მის გარდა არავინ არსებობდა. ყოველი მხრიდან ნყვდიადი შემოხვეოდა. შუქი არსად მოჩანდა. შუქის სულ მცირე ციალიც კი არსად მოჩანდა. ვარსკვლავებიც არ ჩანდა და გარემო მიტოვებულს, ცარიელს ჰგავდა.

ბარაბა მძიმედ სუნთქავდა, ჰაერიც სიცხიანივით გავარვარებული და ჩახუთული იყო. იქნებ თავად ბარაბას ჰქონდა სიცხე. იქნებ, ავად გახდა, იქნებ, იქ, ქვემოთ, სიკვდილი შემოეპარა? სიკვდილი! ის ხომ ყოველთვის თან სდევდა, მასში დაებუდებინა ყოველთვის, მას შემდეგ, რაც ამ ქვეყანას მოევლინა, თან სდევდა საკუთარი გონების ბნელ, თხუნელას დერეფანივით ვინრო გასასვლელელებში სწორედ ის ერეკებოდა, ელდით ავსებდა. თუმცა დაბერდა და სიცოცხლეც აღარ უნდოდა, მაინც ელდით ავსებდა... არადა, რა სიხარულით... ჰო, სიხარულით...

არა, არა, ოღონდ ნუ მოკვდება, ოღონდ ნუ მოკვდება!

ისინი კი მიცვალებულთა საუფლოში იკრიბებიან, ლოცულობენ, თავის ღმერთსაც და ერთმანეთსაც შეერწყებიან. სიკვდილის არ ეშინიათ, სიკვდილი დაამარცხეს. საძმოს შეხვედრებზე, სიყვარულის საღამოებზე იკრიბებიან... «გიყვარდეთ ერთმანეთი...» «გიყვარდეთ ერთმანეთი...».

და აი, ბარაბა მათთან მივიდა, ისინი კი იქ არ დახვდნენ, არც ერთი არ დახვდა. კაცი კი ნყვდიადში, თხუნელას დერეფანივით ვინრო გასასვლელელებში დაეხეტებოდა...

სად გადაიკარგნენ? სად გადაიკარგნენ ისინი ვითომ ერთმანეთი რომ უყვართ?

საით ნავიდნენ, ირგვლივ ხომ ღამე, ჩახუთული ღამე ჩამონვა? (აქ, ქალაქში ჩახუთული ჰაერი უფრო ახრჩობდა), ღამემ მხურვალე ღამემ მთელ დედამინას რიდე ჩამოაფარა და სასუნთქი ჰაერიც აღარ დატოვა. ბარაბას ღამე ახრჩობდა, სულს უხუთავდა.

კუთხეში შეუხვია და ტრუსის სუნი ეცა. შორიახლო მდგარი სახლის სარდაფიდან და პირველი სართულიდან ბოლი ამოდოდა ზოგიერთი ფანჯრიდანაც ალი გამოიჭრა... ბარაბა იქით გაქანდა!

გაქანდა და ირგვლივ დაძრული ხალხის ხმაც გაიგონა:

— ხანძარია! ხანძარია!

გზაჯვარედინზე შენიშნა, რომ მეორე ქუჩაც იწვოდა, თანაც უფრო ძლიერად. ბარაბას აღარაფერი გაეგებოდა... და მოულოდნელად ვილაცამ დაიყვირა:

— ქრისტიანები! ქრისტიანებმა გადანვეს!

მაშინ ყოველი მხრიდან გაისმა:

— ქრისტიანებმა! ქრისტიანებმა!

თავდაპირველად ბარაბა ადგილზე გაიყინა, რას ამბობდნენ, ვერ გაიცნაურა, გონება ვერ მოიკრიბა. ქრისტიანები რა შუაშია?... და მოულოდნელად ყველაფერს მიხვდა.

ცხადია ქრისტიანების საქმეა! ქრისტიანებმა გადანვეს რომი! მთელი ქვეყანა გადანვეს!

ახლა გასაგებია კატაკომებში რად არ დახვდნენ! ისინი აქ დარჩნენ, რათა ეს უგვანი რომი ცეცხლისათვის მიეცათ, რათა მთელი ეს უგვანი ქვეყანა ცეცხლისათვის მიეცათ! საათმა დაჰკრა! მათი მაცხოვარი დაბრუნდა!

ჯვარცმული მოვიდა, ის, გოლგოთელი დაბრუნდა, ხალხის გადასარჩენად, ამ ქვეყნის დასარბევად დაბრუნდა. განა ასე არ შეჰპირ-

და? განა არ დაიბარა ამ ქვეყანას ცეცხლს მივცემ, გავანადგურებო? მან ხომ პირობაც დასდო. და აი, როგორც იქნა, თავისი ძალა გამოაჩინა. მას უნდა დაეხმაროს ბარაბა! გოლგოთაზე დალუპულ თავის ძმას, დალუპული ბარაბა ახლა აღარ უღალატებს! ახლა აღარ მოატყუებს!

კაცმა უახლოეს ცეცხლმოკიდებულ სახლთან მიირბინა, დიდი ნაკვერჩხალი აიტაცა და მეზობელ სახლს ესროლა, ერთიმეორეს მიყოლებით ნაკვერცხლებს იტაცებდა და სახლებს და სარდაფებს ესროდა. არ გიღალატებ! არ გიღალატებ! ზუსტად ისროდა, არ აცილებდა! რა ცეცხლი ავარდა! ალი ერთი სახლიდან მეორეზე გადადიოდა, კედლებს ლოკავდა, ყველაფერი ცეცხლში გაეხვია! ბარაბა კი ისევ დარბოდა, უფრო დიდ ცეცხლს აჩალებდა, აქეთ-იქით აწყდებოდა, იხრჩობოდა, უფლის გადახაზული სახელი კი გულთან ახლოს უცახცახებდა. არ გიღალატე! უფალო ჩემო, არ გიღალატე! როცა ნამდვილად დაგჭირდი, როცა ჟამმა, დიადმა ჟამმა დარეკა, როცა ყოველივეს დალუპვის დრო დადგა! გაჩაღდა ცეცხლი, გაჩაღდა! ყველაფერი უშველებელი ცეცხლის ალის ზვირთად გადაიქცა და ქვეყანაც ცეცხლმა მოიცვა!

აი, ეს არის! შეხედე! აი, ეს არის მისი მეუფება!

* * *

ყველა ქრისტიანი, ვისაც ხანძრის გაჩენაში ბრალი ედებოდა, კაპიტოლიუმში მიწისქვეშა ციხეში ჩაყარეს. მათ შორის ბარაბაც იყო. იგი ბოროტმოქმედების ადგილზე შეიპყრეს, დაპკითხეს და აქ, მათთან მოიყვანეს... ახლა იგი ქრისტიანებთან ერთად იჯდა.

ციხე პირდაპირ კლდეში იყო გამოკვეთილი და კედლებიც ნესტიანი გახლდათ. ჩამონოლილ ბინდში სახეები ბუნდოვნად მოჩანდა და ბარაბას ეს ახარებდა. იგი მოშორებით, დამპალ ჩალაზე იჯდა და ყველასთვის ზურგი შეექცია.

ქრისტიანები კი სულ ამ ხანძარზე და თავის ხვედრზე საუბრობდნენ. ცხადია, ხანძარი მხოლოდ საბაბი იყო მათ შესაპყრობად. მსაჯულმა თავადაც მშვენიერად იცოდა, რომ ქრისტიანებს არაფერი გადაუნვავთ. ისინი ხომ იქ არც ყოფილან, ხანძრის ადგილას არ ყოფილან, როგორც კი გაიგეს შეპყრობას გვიპირებნო, ვილაცამ კატ-

აკომბებში ჩვენი შეხვედრის ადგილი გასცაო, სახლებიდან არც კი გამოსულან: ქრისტიანები უდანაშაულონი არიან. მაგრამ რას იზამ, თუკი ყველას სჭირდება, რომ დამნაშავენი სწორედ ისინი იყვნენ, თუკი ყველას უნდა დაიჯეროს, რომ მოსყიდული ბრბოს ყვირილი „ქრისტიანებმა გადანვესო“, სრული სიმართლეა.

— ვინ მოისყიდა? — სიბნელიდან გაისმა ხმა, მაგრამ მისთვის ყურადღება არავის მიუქცევია.

... განა მაცხოვრის მიმდევრებს ხანძრის გაჩენა და რომის გად-
ანვა შეეძლოთ? განა ამის დაჯერება შეიძლება? მაცხოვარი ხომ
ადამიანთა სულებს ანადგურებს ცეცხლით და არა მათ ქალაქებს.
იგი, უფალი ჩვენი და მინისა და ზეცის მაცხოვარი, ბოროტმოქმედი
არ არის.

და ტყვეებიც ერთხმად ალაპარაკდნენ მასზე, ვინც თავად სინა-
თლე და სიყვარული იყო და მის მეუფებაზე, მისივე ალტქმით რომ
ელოდნენ. შემდეგ ჰიმნების გალობა წამოიწყეს და ამ ჰიმნებში ისე-
თი ლამაზი, უცნაური სიტყვები იხმარეს, ბარაბას ადრე რომ არად
გაეგონა. იგი თავჩაქინდრული იჯდა და მათ გალობას ისმენდა.

სწორედ ამ დროს გარედან ურდული გადასნიეს, კარის ანჯამებ-
მა გაიჭრიალა და ზედამხედველი შემოვიდა. მან კარი ოდნავ შეღებ-
ული დატოვა, რათა მცირეოდენ შუქს შემოეღწია, სანამ პატიმრებს
დაანაყრებდა. თავად, როგორც ჩანს, სულ ახლახან გამომძლარიყო
და ლაზათიანადაც გადაეკრა, რადგან სახე წამოწითლებოდა და
ყბედობის გუნებაზე მოსულიყო. ბინძურად ივინებოდა და მონებს
სალაფავს ესროდა. თუმცა თავისი ლანძღვით ვინმეს შეურაცხყო-
ფა არც უფიქრია, უბრალოდ ლაპარაკობდა იმ ენაზე, რომელზე-
დაც ამ სამსახურში ჩამდგარი ხალხი ლაპარაკობს ხოლმე. ყველა
დროის, ყველა ზედამხედველი ამ ენაზე ლაპარაკობდა. საერთოდ კი
გულითადი კაცის შთაბეჭდილებას ტოვებდა. მან მოულოდნელად
შენიშნა ბარაბა, რომელსაც ოდნავ შეღებული კარიდან შემოჭრილი
სინათლის სხივი ეცემოდა და გულიანად გადაიხარხარა.

— ეს ბრწყინვალე აქ არის! — დაიყვირა მან. — დარბოდა და რომს
ცეცხლს უკიდებდა! ის ხომ სწორედ მაშინ დაიჭირეს, როცა ნაკვერ-
ცხლით ხელში სანჯავის სანყოფისკენ, კაიუს სერვიუს სანყოფისკენ
მიქროდა!

ბარაბას თვალები არ აუნევიან. მისი გაყინული სახე არაფერს
გამოხატავდა, მხოლოდ თვალის ქვეშ ნაჭრილობევი გაულურჯდა.

დანარჩენი ტყვეები მას განცვიფრებით ათვალიერებდნენ. ბარაბას აქ არავინ იცნობდა. მონებს ის ვილაც უცნობი ბოროტმოქმედი ეგონათ. დაკითხვითაც კი ცალკე დაკითხეს.

— შეუძლებელია, — ერთმანეთს ეჩურჩულებოდნენ ისინი.

— რა არის შეუძლებელი? — გაოცდა ზედამხედველი.

— თუკი ყოველივე, რაც გვიამბე, მართალია, შეუძლებელია ეს კაცი ქრისტიანი იყოს.

— რაო? შეუძლებელიაო? თვითონ რომ ასე თქვა? მაგის დამტყერებმა მიამბეს, თანაც დაკითხვაზეც ხომ აღირაა.

— არ ვიცნობთ. — შეცბუნებით ბუტბუტებდნენ ტყვეები — ჩვენთან რომ იყოს, გვეცოდინებოდა. პირველად ვხედავთ.

— თავს ნუ იკატუნებთ! მოიცადეთ, ახლავე გასიამოვნებთ! — ზედამხედველი ბარაბას მიუახლოვდა და კისერზე შებმული საჭდე გადმოუბრუნა. — აჰა, შეხედეთ! ეს რა, თქვენი ღმერთის სახელი არ არის? მე ამ ნაჯღაბნში ვერ ვერკვევი, მაგრამ ხომ ასეა? აბა თავად წაიკითხეთ!

ტყვეები ბარაბასა და ზედამხედველს შემოეხვიენ და საჭდეს მეორე მხარეზე ამოტვიფრულ წარწერას გაოგნებით დახედეს. უმეტესობას მისი წაკითხვა არ შეეძლო, მაგრამ ზოგიერთები შემფოთებით აჩურჩულდნენ:

— იესო ქრისტი... იესო ქრისტი...

ზედამხედველმა საჭდე გადააბრუნა და ტყვეებს გამარჯვებულის იერიით გადახედა.

— ჰა, ახლა რაღას იტყვით? მაინც არ არის ქრისტიანი? თავად, თქვენ წარმოიდგინეთ, ქრისტიანი ვარო, მსაჯულს მოახსენა, თანაც დასძინა, კეისარს კი არა, აი, იმ ღმერთს ვეკუთვნიო, თქვენ რომ ლოცულობთ და კარგა ხნის წინ ჯვარზე ჩამოკიდეს. ჰოდა, ახლა ამასაც ჩამოკიდებენ, თუ გინდათ, ნიძლავს დაგიდებთ. სხვათა შორის, არც თქვენ აცდებათ, თუმცა უფრო მოხერხებულები აღმოჩნდით, ოღონდ, ეგ არის, არ გაგიმართლათ რაღა, ერთი შტერი გამოგერიათ, ხელში თავად ჩაგვივარდა და ქრისტიანი ვარო, გამოგვიცხადა!

ზედამხედველმა ჩაიხითხითა, ტყვეების გაოგნებულ სახეებს თვალი მოავლო და კარი გაიკეტა.

ტყვეები კი კვლავ ბარაბას შემოეხვიენ და კითხვები დააყარეს.

ვინ არის? ნუთუ ქრისტიანია? რომელ საძმოს ეკუთვნის? ნუთუ ხან-
დარი მართლა გააჩინა?

ბარაბას კრინტიც არ დაუძრავს. სახე სულ ჩაუნაცრისფერდა,
ბებერმა თვალებმა მზერა უფრო ღრმად ჩამალეს.

— ქრისტიანიო! აბა, რას ამბობთ, განა ვერ დაინახეთ, რომ წარ-
წერა გადახაზულია...

— გადახაზულია? უფლის სახელია გადახაზული?

— ჰო, თავადაც ხომ დაინახეთ!

აი, ერთი მონა საჭდეს მისწვდა და თუმცა შუქი სულ გაილია, კვ-
ლავ დაათვალიერა. ახლა ყველამ დაინახა, რომ ვილაცის უდავოდ
ძლიერ ხელს სახელი დანით მკვეთრად, უხეშად, ჯვარედინად გად-
აეხაზა.

— რად არის გადახაზული უფლის სახელი? — ეკითხებოდნენ
ისინი. — რატომ? ეს რას ნიშნავს? რა, არ გესმის? ეს რას ნიშნავს?

მაგრამ ბარაბა კრინტსაც არ ძრავდა. იგი თავჩაქინდრული იჯდა
ტყვეებს ხელს არ უშლიდა მისი საჭდე დაეთვალიერებინათ, მაგრამ
ხმას არ იღებდა. ტყვეებს კი ეს კაცი უფრო და უფრო აოცებდა და
ამძვინვარებდა. თავი ქრისტიანად მოაქვს, მაგრამ არ შეიძლება
ქრისტიანი იყოს! სად გაგონილა! ბოლოს და ბოლოს, ვილაცამ მოხ-
უცს მიმართა. ეს მოხუცი მოშორებით, ჯურღმულის კედელთან
იჯდა და აურზაურში მონანილეობას არ იღებდა, მაგრამ მიმართეს
თუ არა, წამოდგა და ბარაბას მიუახლოვდა.

იგი ჩასკენილი, თუმცა ნელში ოდნავ მოხრილი, მაინც ჯერ კიდევ
ახოვანი კაცი იყო. გრძელი, მაგრამ მკერდზე ჩამოფენილი წვერივით
შეთხელებული და გაჭალარავებული თმა ჰქონდა. მთელი მისი იერი
პატივისცემას იწვევდა. მოკრძალებული კაცის შთაბეჭდილებას
ტოვებდა, მისი ცისფერი, ნათელი თვალები, თითქმის ბავშვურად
შეგცქეროდა, თუმცა მხცოვანების სიბრძნეც არ აკლდა.

თავდაპირველად მოხუცმა ბარაბას ბებერი, გამოფიტული სახე
დიდხანს ათვალიერა. შემდეგ თავი ისე გაიქნია, თითქოს რალაც
გაახსენდა.

— ისე დიდი ხნის წინ მოხდა, — თავის მართლებით ჩაილაპარაკა
და ტყვეების გვერდით თივაზე დაეშვა.

დანარჩენი მონები გაოცდნენ. ნუთუ ღირსეული მამა ამ კაცს
იცნობდა?

მოხუცი ამ კაცს აშკარად იცნობდა. როგორც კი ხმა ამოიღო, ეს მაშინვე ნათელი გახდა. შენი ცხოვრება როგორ წარიმართაო, შეეკითხა ბარაბას. ბარაბამაც თავისი ბედ-ილბლის ამბავი მოუთხრო. ცხადია, ყველაფერი არ უამბია, აბა, სად შეეძლო, მაგრამ ისე მოჰყვა, რომ მხცოვანმა ბევრი რამ გაიგო და ბევრსაც თავადვე მიხვდა. დროდადრო მოხუცი რალაც ისეთს დასძენდა, რაც ბარაბას გამორჩა და ჩაფიქრებული ბარაბაც თავს დაუქნევდა. მათ გულითადად ისაუბრეს, თუმცა ბარაბას არ სჩვეოდა ვინმესთვის გულის გადახსნა და ახლა, ამ მოხუცსაც მხოლოდ ნაწილობრივ ენდობოდა მაინც, მის შეკითხვებზე ჩუმი, დალლილი ხმით პასუხობდა. ხანდახან კი შეათვალეერებდა მის ბავშვურ, ბრძნულ თვალებს და დაღარულ პირისახეს, რომელიც წლებს ასევე არ დაენდო, მაგრამ ბარაბას სახისაგან მაინც განსხვავდებოდა. ამ პირისახეზე ღრმა ნაოჭები მოჩანდა, მაგრამ მაინც სხვანაირი, თითქოს სიმშვიდით განათებული იყო. მოხუცს თეთრი სახის კანი ჰქონდა, ლოყები ჩაცვივნოდა, იქნებ იმიტომაც, რომ კბილები თითქმის აღარ შერჩენოდა. საერთოდ კი, თითქმის არ გამოცვლილიყო. საუბრითაც ძველებურად საუბრობდა და კილოც ისეთივე უბრალო და უემშაკო ჰქონდა.

ღირსეულმა მამამ თანდათან შეიტყო უფლის სახელი გადახაზული რად იყო და ბარაბამ რომის გადანვა რად სცადა. კაცს სურდა მათ დახმარებოდა. მაცხოვარს დახმარებოდა და ეს ქვეყანა ძირისძირობამდე გადაებუგა. ამის გაგონებაზე მოხუცმა მწარედ გადაიქნია თავი და ბარაბას, როგორ დაიჯერე, რომ ჩვენ ქრისტიანებმა რომი გადავწვითო, შეეკითხა, ეს ხომ თავად კეისარმა ბრძანა და შენც იმას დაეხმარეო, უთხრა.

— ამა ქვეყნის მბრძანებელს დაეხმარე, — უთხრამან. — სწორედ იმას, ვინც საჭდეზე მეპატრონედ გინერია და არა უფალს, ვისი სახელიც გადაგიხაზავს. თუმცა არ იცოდი, მაინც შენს კანონიერ მეპატრონეს ემსახურებოდი. ჩვენი ღმერთი კი სიყვარულია, — დაძინა ჩუმად, ბარაბას ჭალარა, ბანჯგვლიან მკერდზე ჩამოკიდული საჭდე აიღო და თავისი უფლის გადახაზულ სახელს სიმწრით დახედა.

შემდეგ საჭდეს ხელი გაუშვა და მძიმედ ამოიოხრა, იგი მიხვდა, ბარაბას ხვედრი ასეთი იყო, ეს ტვირთი მას ბოლომდე უნდა ეზიოდა და ვერაფერს, ვერაფერს შეცვლიდა. იმასაც მიხვდა, რომ ეს ბარაბამაც იცოდა. ყველაფერი მის გაუბედავ, ეულ თვალეებში ამოიკითხა.

— ვინ არის? ვინ არის? — ერთმანეთს ასწრებდნენ ყვირილს, როცა მოხუცი ადგილიდან წამოდგა. მოხუცს კი პასუხის გაცემა არ სურდა, თავის არიდებას ცდილობდა, მაგრამ ტყვეებმა ისე შეუტიეს, იძულებული გახდა დაეთმო.

— ეს ბარაბა, მაცხოვრის ნაცვლად რომ გაათავისუფლეს, — თქვა ბოლოს.

მონები უცხოვს თავგზააბნეულები შესცქეროდნენ. ასე ძლიერ მათ ვერაფერი გააოცებდა და ააღელვებდა.

— ბარაბა, — ჩურჩულებდნენ ისინი. — ბარაბა-შენდობილი!

ეს გონებაში არ ეტეოდათ და მათი თვალები წყვილიადმი ბრაზიანად ელავდნენ.

მაგრამ ისინი მოხუცმა დაანყნარა.

— უბედური კაცია, — თქვა მან. — რა უფლება გვაქვს განვსაჯოთ. თავად ხომ უამრავი ნაკი და ზადი გვაქვს და რა ჩვენი დამსახურებაა, თუ უფალი წყალობით გვექცევა. არ გვაქვს უფლება, კაცი იმისთვის განვსაჯოთ, რომ ღმერთი არა ჰყავს.

ტყვეები თავჩაქინდრულები იდგნენ და ამ სიტყვების, ამ საშინელი სიტყვების შემდეგ თითქოს ველარც ბედავდნენ ბარაბასთვის შეეხედათ. ჩუმად ჩამოშორდნენ და ძველ ადგილებზე ჩუმადვე დასხდნენ. მოხუციც, უხალისოდ და ოხვრით, მათ კვალს მიჰყვა.

და ბარაბა კვლავ მარტო დარჩა.

დანარჩენი დღეები ჯურღმულში ასე ყველასგან მოშორებით, განცალკევებით იჯდა, ესმოდა, როგორ უგალობდნენ ღმერთს მონები, როგორ ესაუბრებოდნენ ერთმანეთს სიკვდილსა და მარადიულ ცხოვრებაზე მათ რომ ელოდათ. განაჩენის გამოტანის შემდეგ კიდევ უფრო მეტს საუბრობდნენ, რადგან სწამდათ და არავითარი ეჭვი არ ანუხებდათ.

ბარაბა მათ საუბარს ღრმად ჩაფიქრებული ისმენდა. თავადაც ფიქრობდა იმაზე, რაც მოელოდა. იმ კაცსაც იხსენებდა, ზეთისხილის მთაზე პური და მარილი რომ გაუყო. ის კი კარგა ხანია ხელმეორედ მოკვდა და მისი მკვდარი თავისქალა მარადიულ წყვილიადმი იკრიჭებოდა.

მარადიული ცხოვრება...

ნეტავ ბარაბას ცხოვრებას თუ ჰქონდა რაიმე აზრი? საეჭვოა, მაგრამ მან არაფერი იცოდა და არც თავად გადაუნწყევტია რამე.

მოშორებით თავისიანებს შორის ჭაღარანვერიანი მოხუცი იჯდა. იგი ტყვეებს უსმენდა და თავისი განუმეორებელი, გალილეული კილოთი ესაუბრებოდა. ანდა უცებ გაჩუმდებოდა და თავის დიდ თავს ხელებზე ჩამოაყრდნობდა. იქნებ, მშობლიური გენესარეთის ნაპირები აგონდებოდა, სადაც სიკვდილის შემდეგ წოლა უნდოდა. მაგრამ ამას მისი ნება როდი წყვეტდა. გზაზე მაცხოვარი გადაეყარა, მან „გამომყევით“ უთხრა და კაცსაც სხვა გზა არ ჰქონდა. თავისი ბავშვური მზერით იგი წინ იყურებოდა, ბებერ, დაღარულ სახეზე კი დიადი სიმშვიდე ეუფინა.

და აი, ისინი ჯვარზე გასაკრავად წაიყვანეს. მონები ჯაჭვებით წყვილწყვილად გადააბეს, მაგრამ ბარაბას მეწყვილე არ ეყო და ისიც კუდში მარტოდმარტო მიაბიჯებდა. უბრალოდ ასე გამოვიდა. შემდეგ კი ისე მოხდა, რომ ყველაზე მოშორებით მდგარ ჯვარზე გააკრეს.

ხალხმრავალმა ბრბომ მოიყარა თავი და სანამ ყველაფერი დასრულდებოდა დიდი დრო გავიდა. ამ ხნის მანძილზე ჯვარცმულები ერთმანეთს აიძვებდნენ და აწყნარებდნენ, ბარაბას კი არავინ ამშვიდებდა.

შებინდდა თუ არა, დიდხანს ფეხზე დგომით დაღლილი ბრბო დაიშალა. თანაც ამ დროისათვის უკვე ყველა მკვდარი იყო.

მხოლოდ ბარაბა იყო ცოცხალი. შემდეგ მანაც იგრძნო მოახლოება სიკვდილისა, რომლისაც მუდამ ეშინოდა და წყვილში ისე ჩაილაპარაკა, თითქოს სიკვდილს მიმართავდა:

— შენ გაბარებ ჩემს სულს.

თქვა და სულიც განუტევა.

სარჩევი

„მზე ყოველ აღამიანშია“ (ეთერ ბერიაშვილი).....	3
ქორნილი.....	13
იუჰან-მატხოვარი.....	30
მომთხოვნი სტუმარი.....	41
ბიჭუნების სამხედრო ლაშქრობა	48
ჯალათი.....	61
განთავისუფლებული აღამიანი.....	111
ბარაბა	135

საგამომცემლო ჯგუფი
ნელი ელიზბარაშვილი
ვლადიმერ პერანიძე
მართა ნიკლაური
ნინო ყულოშვილი
ალექსანდრე ჯიქურიძე

ბარეკანის დიზაინი
ილია ხელაიასი



გამომცემლობა
ინტელექტი

თბილისი, ილია ქაჯავაძის გამზირი №17 ბ
25-05-22, 91-22-83, 8(99) 53-05-22, 8(99) 55-66-54
ფაქსი 91-22-83
intelekti@caucasus.net